



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines


Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>



—

NTHH

Lacina



CAROLI LACHMANNI
IN T. LUCRETII CARI

DE RERUM NATURA

LIBROS

COMMENTARIUS


TERTIUM EDITUS

BEROLINI
TYPIS ET IMPENSIS GEORGH REIMERI
MDCCCLXVI.

Ante hos mille annos in quadam regni Francici parte unum supererat Lucretiani carminis exemplar antiquum, e quo cetera, quorum post illa tempora memoria fuit, deducta sunt; nisi forte eum *librum Lucretii unum* quem saeculo decimo Bobienses se habere scripserunt in catalogo a Muratorio in Antiquitatibus Italicis edito, tomo III p. 820, et ipsum iam tunc antiquum fuisse suspicari volumus. certe huius nulum usquam extat vestigium: ex illo quem in regno Francico fuisse dicebam multi tribus, quantum cognoscere possumus, exemplis descripti sunt. id exemplar ceterorum ARCHETYPON (ita appellare soleo) constitit paginis CCCII, quarum non tantum prima et ultima, sed praeterea centesima nonagesima, quae erat post finem libri quarti, conscriptae non fuerunt: item una in libro primo, ut dicam ad huius versum 1093, vacua fuit relictæ: in reliquis fuerunt versus viginti, in ultima libri cuiusque pauciores. porro eius codicis scripturam litteris capitalibus gracilioribus, non uncialibus, fuisse multis indiciis cognosci potest: vocabulorum distinctio nulla fuit, sententiarum constantissima in mediis versibus. ex quibus rebus intellegitur eum saeculo post Christum natum quarto quintove conscriptum fuisse, Vergilianis exemplaribus, quae ex eo genere supersunt, simillimum. hoc tamen confitendum est, neque librarium rem suam satis studiose egisse, neque correctores, quos in libro expoliendo curam collocasse apparet, multa ab illo peccata emendasse: certe ne unum quidem ex iis versibus quos omisisset restituerunt; ut videantur mihi codicem suum, ut fere dicebant, sine exemplario legisse et ut potuerint emendasse.

Haec omnia ita ut dixi fuisse intelleget quicumque horum commentariorum aliquam partem pertractaverit. quarum rerum maxima pars e copiis ab Havercampo et ceteris cum summa iudicii imbecillitate collatis cum mihi sex fere mensium usu constitisset, cetera (praeter numerum paginarum, quem nuper subduxi) eo ipso paene momento patuerunt quo membranae Vossianae a me excuti coeptae sunt, mense Aprili anni MDCCCLVI, cum insigni benevolentia ac favore illustrium academiae Leidensis curatorum, quos Iacobi Geelii, hominis optimi mihiq̃ue non propter eruditionem solam cari, consilio usos esse suspicor, in hanc urbem essent tramissae. paulo ante id tempus duo adulescentes optime instituti, Hugo Purmannus Silesius et Iacobus Bernaysius Hamburgensis, via ac ratione ab Iohanne Nicolao Madvico, viro eruditissimo, monstrata (is enim emendando Lucretio primus artem sanam adhibuit in libello academico Hauniae anno 1832 et iterum biennio post inter opuscula edito) in expendendis huius poematis emendandi praesidiis magno studio neque infeliciter elaboraverunt. horum Purmannus Lucretianarum quaestionum specimen Vratislaviae mense Martio eiusdem anni 1846 edidit, Bernaysius suae de emendatione Lucretii commentationi, quam Fridericus Ritscheliŭs in Rhenanum museum philologiae anno 1847 recepit, subscripsit eundem illum Aprilem anni 1846. sed eorum opera, ut fuit in hoc negotio sane laudabiliter posita, ita mihi, ut verum dicam, ad summam rei non profuit, quoniam illi partim ea quae mihi notissima erant attulerunt, alia, ut adulescentes neque satis in Lucretii ingenio cognoscendo versati, aut praetermiserunt aut falsis admixtis contaminarunt. hos igitur de quibusnam rebus recte sensisse iudicem ex consensu facile intellegetur: omnia singillatim recensere, ne lectoribus molestia paretur, nolo.

De illis autem tribus apographis, quibus inde a saeculo nono memoriam Lucretiani carminis ad nostram aetatem propagatam esse dixi, ante omnia sciendum est unum horum eo ipso saeculo ex archetypo factum superesse. is est codicum Leidensium alter, numero trigesimus, quem OB-LONGUM dico, quia ea forma est quam vulgo *in folio minori* dicunt. hic unde ad Isaacum Vossium pervenerit (nam pater eius hunc non habuit, sed alterum) dicere non possum,



neque eo ante Vossium qui usus sit quemquam reperio : olim tamen Maguntiae fuisse docent quae scripta sunt pagina prima in margine inferiore, 'Iste liber pertinet ad librariam Sancti Martini ecclesie Maguntin. M. Syndicus subscripsit anno 1479.' schedae, sive *folia* dicere malumus, sunt numero 192, versus paginarum viceni, in scheda 42 (quae est quaternionis sexti tertia) viceni septeni (II, 484—536). una pagina tota vacua est post versum libri VI 78 : ea est pagina versa schedae quintae in ternione, cuius scheda sexta excisa est. hic liber eo ipso quo scriptus est tempore a duobus librariis correctus est. eorum CORRECTORUM alter scribendi genere Saxonico usus supplevit versus a Francone per negligentiam omissos, ita quidem ut priore scriptura eluta versuum spatia non nimis angusta faceret. hic Saxo, praeter quam quod *e* litterae plerumque caudam subiunxit, ut *ae* fieret, non multa correxit. alter post eum (nam in libro I cum Saxo in litura versus unius scripsisset 549 et 550, hic alter ultimam in *reparare* litteram in *i* mutavit) locis innumeris litteras et vocabula vel emendavit vel corripuit, partim de coniectura, alia ex eodem illo antiquissimo codice, quo hunc quoque usum esse ex iis apparet quae aut intellectum non habent aut eodem modo in exemplari quadrato, de quo infra dicam, scripta extant.

Alterum libri antiquissimi apographum in Italiam tractum est ; quae quibus codicibus per saeculum quintum decimum usa est, eos omnes habuit eodem exemplo scriptos, oblongo nostro ab omni parte simillimos neque tamen ex oblongo ductos : aliquando enim ab hoc dissentiunt et cum quadrato faciunt, idque in iis rebus quas coniectura adsequi nemo potuit. horum codicum eum, e quo ceteri derivati sunt, a Poggio Florentino e Germania allatum adfirmarem (nam ante huius tempora Dantes, Petrarcha, Boccacius, nisi fallor, Lucretii mentionem fecerunt nullam, Gulielmus Pastrengicus, nisi quod *poëtam comicum* dicit, Hieronymi chronicon sequitur), nisi Poggius ipse in oratione in funere Nicolai de Nicolis scripta itemque in dialogo de infelicitate principum se *Lucretii partem* in lucem extulisse diceret eoque modo laudem ab aliis sibi tributam ipse extenuare videretur. quamquam vereor ne Poggius, cum nimis doctus esse vellet, ipse sibi fecerit iniuriam : nam cum Var-

ronis de lingua Latina libros (hoc enim satis constat) legis-
set, falli facile potuit iis quae in libro quinto inuenisset hoc
modo scripta, *A qua bipartita divisione Lucretius suorum unius
et viginti librorum initium fecit hoc, Aetheris et terrae genitabile
quaerere tempus*. certe in libro Laurentiano plutei xxxv 30
totum Lucretii carmen continetur: is autem liber manu ip-
sius Nicolai Nicoli civis Florentini, qui Lucretium Poggii duo-
decim annis apud se tenuerat, scriptus esse existimatur.
quod si verum est, huius Nicolai, qui decessit anno 1437,
non magnae in Lucretio emendando fuerunt partes: tantum
enim scio, libri primi versum 1068 et proximos in hoc exem-
plari dimidiatos legi, nec dubitandum est quin multo et au-
dacior et ingeniosior hoc primo conatu diorthosis illa sit
quam soleo aut simpliciter doctis ITALIS aut ANTONIO
MARIi filio, civi et notario Florentino, adscribere, cuius
manu, quam se probe cognosse adseverabat, Henricus Kei-
lius, vir doctissimus, codicem Laurentianum eiusdem plutei
primum et tricesimum circa annum 1440 scriptum esse tum
dixit, cum mihi eius libri utendi (excusserat enim eum to-
tum) copiam fecit. huic simillimis exemplaribus Michahelem
Marullum, de quo infra dicam, usum esse manifestum est:
sed eidem, cum libros impressos raro inspiceret (neque enim
facile Gifanio credere possum Marulli ipsius manu annota-
tum fuisse illud exemplar impressum quod se ab Iohanne
Sambuco utendum accepisse scribit), alia praesto fuerunt
minus emendata, hoc est antiquae archetypi lectionis tena-
ciora. atque ex hoc ipso rudiore ac maioris fidei genere fuit
id quod libri OLIM IMPRESSI maxime imitati sunt. hi enim
cum et in aliis rebus plerisque et in duobus libri primi (157
158) tribusque secundi versibus (492—494), quos habent
Antonius Marii et Marullus, omittendis inter se consentiant,
BRIXIENSIS autem editor, qui Lucretium 'Thoma Ferando
auctore' edidit, unicum exemplar in manus suas pervenisse
testetur, atque eius editionis exemplar (eam post annum 1473
factam negant qui eius hodie in toto orbe tria exemplaria
superesse demonstrarunt, ut Dibdinus in Bibliotheca Spen-
ceriana, tomo II p. 149) sed cum Brixienne nullum exemplar
VERONENSIBUS ac VENETIS typographis notum fuisse con-
stet (ii sunt Paulus Fridenberger et Theodorus de Raga-
zonibus, anni autem editionum 1486 et 1495), crediderim

eos omnes aut uno exemplari aut duobus inter se simillimis usos esse; quamquam Venetus, qui in ceteris Veronense exemplar quamvis mendosum expressit, versus libri quarti LXVIII (125—190), qui Veronensi desunt, aliunde acceperit necesse est. sed quod typographos antiquam neque emendatam lectionem fidelius quam notarium Florentinum aliosque Italos ei similes observasse dixi, cavendum nihilo minus est ne multo plus impressis quam calamo Italico scriptis credamus: nam in impressis quoque non pauca sunt de coniectura emendata, in Brixienti quidem paulo plura et audacius quam in Veronensi et Veneto; quare falluntur, ut solent, qui libris pretium statuunt ex raritate, cum Brixientem illis fide et auctoritate praestare censent. mihi, cum et Venetum exemplar in manibus haberem et e Veronensi Havercampus Wakefieldus Forbiger multa exceperissent, ad ea quae vellem cognoscenda suffecit quamvis imperite et negligenter facta ab Iohanne Gerardo quattuor primarum editionum recensio, quae in Glasguensis editionis tomo quarto exhibita est paginis CCXL (163—402).

Superest ut de tertio genere exponam, quod ab eadem stirpe venisse supra dixi. ex hoc duo mihi nota sunt exemplaria, alterum non integrum, neutrum vetustate par oblongo, neutrum denique ita scriptum ut librario librum antiquissimum ipsum ante oculos fuisse appareat. qui liber antiquissimus cum olim esset, quod multis documentis intellegitur, passim detritus, corrosus, sordibus obductus, aliqua etiam parte lacer et schedae LXVIII paginis inversis (IV, 299—347), dum illa priora apographa conficiebantur, accidit ut quattuor schedae, quae erant numero XVI XXIX XXXIX CXV, compagibus solutis a suis sedibus aberrarent; quo factum est ut ea quae his schedis continebantur (quaenam ea fuerint dicam ad librum I, 734) in hoc novo codicum genere, quod erat tertium, suis locis sine ullo defectus indicio omissa post libri sexti finem seorsum reponerentur. hoc novum et tertium genus dico: nam siquis hoc primum fuisse atque illud damnum codicem prius quam oblongus et Italicorum parens nascerentur fecisse existimabit, is quomodo librarii schedas perturbatas in verum ordinem restituerint docere non poterit. itaque horum codicum alter est Leideusis QUADRATUS, notatus numero 94, scriptus saeculo decimo a

librario, nisi species fallit, Germano, schedis numero 69, paginis bipertitis ita ut in singulis laterculis sint versus xxviii. huius CORRECTORES fuerunt complures, omnes saeculi quinti decimi; quorum tamen nullus alio exemplari usus esse videtur, nisi quod unus ceteris recentior post libri quinti versum 927 haec adscripsit, 'Desunt versus 62. Nisi traiectioni. Sed habes folio penultimo'; qui ne falsum quidem numerum (sunt enim versus LII) dicere potuit sine alio libro. ceterum hunc eundem librum quadratum, ante quam Gerhards Iohannis Vossii fieret, e coenobio Sancti Bertini, quod est prope oppidum Sancti Audomari, Lutetiam missum Hadrianus Turnebus usque ad librum sextum satis, ut videtur, diligenter excussit et excerpta sua Dionysio Lambino utenda concessit. alterius codicis SCHEDAE octo Hauniae in bibliotheca regia adservantur, decem Vindobonae in Caesarea. Haunienses olim, cum Gottorpii essent, Marquardus Gudius excussit, cuius manu factis excerptis, quae mihi e Guelferbytana bibliotheca Carolus Schönemannus amicissime concesserat, uti nolui, postquam Madvicus me docuit se ipsas schedas Hauniae, cum diu latuissent, repperisse. paulo post R. I. F. Henrichsen, quae 'de fragmento Gottorpiensi Lucretii' accurate scripta Othiniae, quod Fioniae oppidum est, anno 1846 edidit, mihi humanissime misit. Vindobonensium schedarum vix usquam in his commentariis mentionem facere volui, quamvis earum excerpta haberem ab Henrico Keilio facta, sed rudiusecule et, ut ipse dicebat, cum in arte parum exercitatus esset. neque harum schedarum sive Hauniensium sive Vindobonensium ulla propria auctoritas est, nisi cum aliquando cum oblongo consentiunt: pleraque enim vel minima cum quadrato ita habent communia, ut quadratum nimia fide, schedarum autem librariorum, quos plures fuisse testatum habemus, summa negligentia peccasse certum sit. octo Hauniensibus continetur liber Lucretii primus et secundi versus 456, omissis tamen bis quinquagenis binis (I, 734—785 II, 253—304), ut supra dixi, et praeter eos tribus et viginti (I, 123 890 891 1023 1068—1075 1094—1101 II, 310—312): insunt, capitulorum titulis connumeratis, versus conscripti, nisi fallor, 1489. de his Henrichsenius haec dicit, 'Codex Gottorpiensis est membranaceus folii minoris — binis columnis ita exaratus, ut singulae fere qua-

dragenos septenos, perpaucae quadragenos octonos versus complectantur, ultima quadragenos ternos contineat; quae quamquam paulo curiosius exposita vellem, summae tamen satis inter se conveniunt. tum una scheda periit, in qua fuerunt versus libri II 457—640, numero (tot enim in quadrato sunt) 188, qui sunt quater quadragenari septeni. nam a versu libri II 641 initium ducunt schedae Vindobonenses, quibus eiusdem codicis particulam contineri mihi satis certum videtur; quod manifestum facere possem, nisi Purmannus p. 15 et 16 dissertationis in describenda schedarum conditione auctore usus esset parum idoneo, qui ne hoc quidem didicisset de laceris ac dispersis necessario quot in quaque pagina versus essent dicendum esse. constat tamen has schedas pariter atque Haunienses habere paginas bipertitas: Endlicherus in catalogo codicum Vindobonensium I p. 54 eas 'in folio' scriptas dicit, Purmannus in 'quarto maiore': saeculo decimo has adscribit Endlicherus, Gottorpienses octavo nonove nimis liberaliter Gudius. liber Lucretii secundus ab eo versu quem dixi totus (641—1174) praeter versus duo et quinquaginta (757—806) omissos, item tertii versus primi 621, quae simul efficiunt versus conscriptos 1129, hoc est viciens quater quadragenos septenos et unum, ea sunt in sex prioribus schedis Vindobonensibus, columnis xxrv: nam quod est apud Purmannum p. 16, 'Desinit fol. 14, b, 1,' hoc est columna xxiii, quae est paenultima, verum esse non potest, si nos credere postulat quae subiecit, 'non una re apparere librum olim integrum fuisse.' sed reliquis columnis quattuordecim (tot enim supersunt: nam in scheda decima versa scriptum est Iuvenalis satirarum initium) numeri Haunienses non conveniunt, sed ampliores; quare in his scripturam suspicor esse angustiore. est enim ibi extrema pars libri sexti a versu 740, versus 558, tum extra clusa, versus 212; qui fiunt simul versus 770. ratio conficitur, si hae columnae quattuordecim singulae sunt versuum quinquagenum quinum.

Nimis multa mihi de iis quae minimam utilitatem adferunt dicenda fuisse aegre fero: omnis enim vetustae lectionis memoria e Vossianis codicibus repetenda est; nisi quod oblongo fidei interdu[m] Italici abrogant, quadrati auctoritatem aliquando, ut dixi, inminuunt schedae. iam si eadem

fide eademque arte qua Mediceum Vergilii codicem Foggianus expressit, ii librarii qui Vossianos conscripserunt exemplar antiquissimum per ductus litterarum singulos imitati essent, in Lucretii carminibus recensendis, quoniam uterque eodem exemplo scriptus esset, neque ii tantum usquam inter se quantum Romanus et Mediceus Maronis dissentire possent, nihil sane agendum esset nisi ut paucula, in quibus eorum alteruter peccasset, notarentur: nam quid prima quid alia manu, quid inter versus aut in margine scriptum esset, quid inductum erasum superscriptum, quid denique vi aut madore interisset, ea omnia libri nostri accuratissime expressa repraesentarent. verum huius modi artis non modo illo tempore studium fuit nullum, nulla utilitatis cognitio, sed ne multis quidem post illa saeculis; neque Iohannem Iovianum Pontanum unum Taciti libellum tam superstitiosa sedulitate transcripsisse ullus homo suspicari potuit, nisi insigniter perversus. itaque ea omnia auctoritatis momenta, quae, si ipsum exemplar ceterorum *archetypum* haberemus, oculis observari possent, ita confusa apparent ut recensenti paria videri debeant. hoc dico. ubicumque testimoniis fide dignis inter se collatis perspicuum est in archetypo scripturam fuisse duplicem (hoc autem ita est, quotiens *oblongus* et *quadratus* inter se dissentiunt, neque eorum alterutrum peccare aut e *schedis* aut ex *Italicis* sive manu scriptis sive *impressis* apparet), ad recensionem iudicium adhibendum est, neque tam certo utra scriptura antiquior fuerit dici potest, quam utra aut vera aut verae propior sit disputari. sed ego cum hoc de testium dissensu iudicium paene ubique certissimum et extra periculum positum intellexissem, nolui mendis, quae in altero libro essent, in altero non essent, enumerandis taedium et mihi et lectoribus facere sine ullo ad verum inveniendum emolumento. scio quidem multos in hac re confidentiam meam reprehensuros esse, qui mihi id quod ipsi videre velint credi postulem: sed hi erunt fere ii qui aut se Heynio et Philippo Wagnero de Mediceo Vergilii codice idem concedere, quoniam illi se multa tacuisse non dixerunt, nesciant, aut in alienam diligentiam, ut ingenii sui praestantiam ostentent, cupiant involare. quibus ego auctor sum ut aut, si possint, mihi, homini quidem neque errorum experti, non tamen nimis incurioso aut negligenti, credant

non facile usquam multo quam ego dixerim plus auctoritatis inesse exemplaribus nostris antiquissimis, aut, si studia mea examinare velint, eadem exemplaria denuo post me excutiant, sed cum cura et intenta oculorum acie, ne forte prima manu scripta esse putent quae sint correctorum, neve plura quam is quem notare voluerint peccasse arguantur.

Itaque recensendi munere ita functus sum, ut quodcumque bonum et verum esset aut in utroque aut in alterutro codice, id sine ullo dubitationis indicio exhiberem, versuum autem ordinem eum, quo essent a veteribus librariis scripti, numeris appositis iudicarem: emendationem his rebus contineri arbitratus sum, primum ut versus a librariis traiectione in suum locum reducerentur; quod ubi evenit, numeri sese naturali ordine excipere non potuerunt; deinde ut ipsa versuum vocabula, ubi vel perissent vel depravata essent, quantum fieri posset, reciperarentur, ita tamen ut singula ad codicum fidem scripta cum singulis commentariorum particulis praefigerentur, tum in imis paginis carminum enumerarentur.

Operam vero maximam eamque satis fastidiosam posui in primo emendationis cuiusque auctore investigando: nam quis quemque secutus esset, quisve alio tempore idem per se vidisset, non saepe curavi, nisi in mirabilioribus. ergo si quando librariorum manus a vero aberrasse apparebat, ante omnia quaesivi numquid melius adferret *correctorum antiquissimus*, qui saeculo nono codicem oblongum interpolavit. a quo si nihil rettuleram, multo plura bona et in his exquisitissima non pauca praebuerunt *correctores quadrati*. his aetate par et in emendandi officio paulo constantior est *Antonius Marii* vel potius huius auctor *Italus*, qui manifesta vitia sustulit innumera: habent etiam propria quaedam bona *olim impressi*. sed omnium studia cum ingenio tum diligentia longe superavit *Michahel Marullus*, ortu Graecus, sed in poësi Latina eximius, qui cum se totis viribus in Lucretii ingenium et artem insinuasset, in eius carminibus emendandis multo plus praestitit quam post eum vel doctiores. ab huius prope Volaterras in Cecina fluvio interitu anno duodecimo Petrus Candidus Lucretium ab eo emendatum edidit, impressum Florentiae sumptibus Philippi Giuntae anno 1512 mense Martio; cuius editionis exemplar ab Iohanne

Schulzio, viro illustri litterarum colendarum adiuvandarumque studiosissimo, commodatum mihi maxime profuit ad reddendas Marullo laudes suas, quas plerique, qui eum secuti sunt, vel silentio presserunt vel conviciis contaminaverunt. horum primus fuit Hieronymus *Avantius* Veronensis, qui cum se hoc poemâ suo ingenio et labore sine antiquo exemplari emendasse scribit, furtum insigne dissimulat, quo eum pleraque Marulli inventa turpiter corripuisse demonstrabo ad librum III, 98. hic tamen Avantius, cuius editionem Venetiis impressit Aldus anno 1500, habet laudabilia satis multa non a Marullo petita, quaedam etiam e libris quadrato nostro similibus, quibus improbi furis nomen, quia non potui aliud, apposui invitus. huius ineptissimam scribendi rationem Eichstadius studiose imitatus est. Avantium, cuius tamen nullam mentionem fecit, in plerisque omnibus sequitur Iohannes Baptista *Pius* Bononiensis, qui in commentario Bononiae anno 1511 edito non nulla egregie correxit, antiquissimorum exemplarium fide identidem interposita, cum tamen eum nullis nisi recentissimis arte Italorum expolitum usum esse et res ipsa ostendat et eorum nomina quorum codicibus usus est. dicit enim se quasi Zeusin e *quattuor* corporibus unam Lucretio formam praestitisse, enumerat autem exemplaria, quibus usus sit, nisi fallor, *quinque* (itaque de Zeuxide Cicero et Plinius), codicem Hermolai et Pomponii (a quo differre existimo Basileensem a Pomponio in carcere scriptum anno 1468, in quo Barbari ullam mentionem esse non refert Orellius in historia critica eologarum ex Salustii historiarum libris edita Turici anno 1833 p. 35), codicem non omnino malum qui fuisset 'viri non indocti gentis clarissimae Strotiorum,' Philippi Beroaldi 'impressum quidem, sed tamen perperse examinatum,' praeterea Codri (Brixiensem, puto, qui in I, 853 habet quod ille e Codri codice adfert, *sanguis omoios*), postremo Marulli. ita a Pio usque ad Forbigerum omnes Lucretii editores nullo veritatis studio exemplaria vetera et recentissima, multi Marulliana quoque et Aldina, omnia eodem numero locoque habuerunt; quo factum est ut omnes multo plura temere et imperite temptando corrumperent quam correctorum veterum et Italorum Marullique exemplo in integrum restituerent. Andreas *Naugerius*, cuius opera Aldus usus est cum

Lucretium iterum ederet mense Ianuario 1515, exemplar Marullianum prope totum, sed diligentius distinctum, repetiit, ipse pauca novavit eaque prudenter. annis XLVIII interiectis Dionysius *Lambinus* (utor eius editione tertia, quae facta est Lutetiae anno 1570), homo ingenii felicitis idemque philosophiae studiosus et linguae Latinae in primis peritus, tantum praestitit, ut proxime post Marullum, longo tamen intervallo, collocandus sit, siquis in utroque ea quae bona sunt sola numeret: nam et Marullus saepissime peccavit, et Lambinus, praeter multa verissima, mirabili quadam animi levitate innumera alia temere intulit nulla causa nulloque certo consilio, quae possessione iniuria occupata tandem expulit Wakefieldus. triennio post primas Lambini curas Obertus *Gifanius* prodiit, indice seu conlectaneis, libro illis temporibus utilissimo, clarior factus quam emendatione; qui quo iure aut Lambinum aut alios compilasse dictus esset non quaesivi: ex editione altera, quae facta est Lugduni Bataavorum anno 1595, non adeo multa petere potui, quae priores visi essent neglexisse. neque mihi multo aut plura aut exquisitiora praebuit Tanaquil *Faber*, homo acutus, sed idem temerarius, qui Lucretium edidit Salmurii anno 1662. eiusdem anni mense Ianuario Richardus *Bentleius* natus est, quem anno 1689 ad finem vergente Oxonii Lucretium studiose legisse Monkus demonstravit in vita Bentleii p. 16: eoque tempore, hoc est ante editam anno 1691 ad Millium epistulam, scripta esse ea quae Glasguenses tomo quarto paginis LXIV post 402 ediderunt, Wakefieldum et Eichstadium non ignorare par fuit. nam Forbigero iniuriam faciat qui eum vel minimam rem per se intellegere postulet: et habebat cui crederet, Birgerum Thorlacium, qui Lucretium 'ex recensione Bentleio-Wakefieldiana' editum ridicule prae se tulisset Hauniae anno 1813. sed in iuvenilibus Bentleii schediasmatis permulta sunt summo et perfecto artifice dignissima; quorum partem videtur cum Thoma *Creechio* communicasse tum in eadem Oxoniensi universitate editionem parante, quae in lucem prodiit anno 1695, repetita est Londini 1717: habet enim Bentleiana complura Creechius, quae simpliciter adscribit *aliis*, scilicet ne iuvenis artium magistri eiusque Cantabrigiensis nomen diceret. ipse quidem Creechius multa rectius interpretatus est quam scripsit, in philo-

sophia explicanda sane diligens, sed linguae Latinae imperitissimus. *editio Londinensis* anno 1712 facta mihi ad hoc unum utilis fuit, ut aliquot emendationum auctores primos cognoscerem. neque Sigeberti *Havercampi* duo volumina Lugduni Batavorum anno 1725 edita ulla laude digna sunt: nam neque ipse aut emendando aut interpretando memorabile quicquam effecit, neque ea quae priores egerant recte et cum cura disposita exhibuit, neque in Leidensium codicum auctoritate testificanda ulla fide aut sollertia usus est. sed Havercampum quidem omni tempore omnes contempserunt: Gilberto *Wakefeldo* unde praeclaram quandam apud Germanos existimationem accessisse dicam dubito, nisi forte modestiae specie hominibus modestis et ab omni iudicii subtilitate abhorrentibus mirabiliter imposuisse censendus est. enim vero ista modestia non fuit hominis sapientis, sed, quod incredibile videatur, prope furiosi, qui cum a Marullo et Lambino multa sine causa contra veterum exemplarium fidem invecta recte intellexisset, haec eiecisse non contentus, verissima quaeque et certissima nullo nisi iniuriae ulciscendae consilio cum ira et conviciis foedissimis exagita-verit; quo fit ut Aiaci Varroniano simillimus sit: *Aiax tum credit ferro se caedere Ulixen, Cum baculo silvam caedit porcosque trucidat.* itaque in vastis Wakefeldi commentariis, quos ipse splendidissime edidit Londini annis 1796 et 97, Glasguenses paulo commodiore forma repetierunt anno 1813, nullum prope studium animadvertas Lucretii rationum recte intellegendarum, nullam linguae Latinae scientiam, sed praeter convicia aliquam sane elegantiarum poëticarum e lectione multa sed parum subacta consecrationem, et insignia neque ea nimis rara summi ingenii egregique acuminis vestigia, e quibus appareat eum, nisi mentis error obstitisset, potuisse re vera tantum in hoc poëmate emendando efficere quantum multis visus sit effecisse. huius et imitatores et in artis studiique contemptu aemulos, Henricum Carolum Abrahamum *Eichstadium* et Albertum *Forbigerum*, cur commemorandos ducam multi recte sane mirabuntur, a quibus ne tantum quidem quantum ab Havercampo capere potuerim: nam Eichstadius unum libri quinti versum emendavit (584), Forbiger nihil usquam laudabiliter gessit. sed mihi, cum antiquiores eorum similes, Daniele Pareum, Iohannem

Nardium, Michaelem Fayum, volens praetermittam, operae pretium est notare stolidam nostrorum patientiam, qua per tot annos, hoc est inde a 1801 et 1828, exemplaribus corruptissimis, quorum magna pars neque intellegi posset neque ab ipsis auctoribus intellecta esset, tamquam optimis usi sint atque integerrimis. in quo si quos forte Eichstadii nominis gloria quaedam decepit, certe mercennariam Forbigeri operam, in qua neque ratio ulla esset neque diligentia, contemnere debebant. itaque volui documentum statuere, nequis pari arrogantia res magnas atque difficiles, quibus se imparem sciret, suscipere auderet. sed horum pravitae omissa licet mihi in spe laeta certaue finem facere praefandi, qua ductus futurum auguror ut Lucretii carmen interpretatione doctiore illustretur, cuius cum in hominis cuiusdam egregii studiis iandudum maxima versatur expectatio, tum nuper specimen sane luculentum Iosephus Reisackerus dedit in Lucretianis quaestionibus Bonnae mense Decembri anni 1847 editis. interim nos ut poterimus perpoliemus hoc carmen,

I, 1. AENEADUM GENETRIX *ubi prima*, ut dicit Ovidius in tristium libro II, 261. in quo ipso principio, quod Ausonius inseruit epigrammati 33, is qui se recensionem Bentleio-Wakefieldianam sequi profitetur, horum utroque spreto scripsit naviter *Aeneadum genitrix*. sed Probus in arte minore p. 249 Mai, quasi hanc vocabuli formam ne nosset quidem, quaesivit qua de causa *genitor* per *i* et *genetrix* per *e* litteram scriberetur. eadem quaestio locum habet in *genetivo* et *genitali* vel *genitura*. nam *genetalia* Charisius p. 28 quatenam sacra dicat nescio, nisi forte *genealia* *γενεα* quae appellantur in Vindobonensi grammaticorum sylloge p. 100, *genialia* *τὰ γενεα* in glossario Philoxeni, quae ad genium loci spectant: *genetivus casus* per *e* sine exceptione scribitur in libris saeculi sexti et proximorum, neque aliter *genetivis notis* exemplaria meliora Suetonii, Memmianum et Mediceum, in Octaviano 80; ut N. Heinsio, qui ad Ovidii metam. III, 331 et ex Ponto III, 2, 107 ad *genitivam imaginem* et ad *genitiva nomina* e libris antiquis nihil in schedas rettulerit, non magna apud me fides sit, neque vulgaria Macrobianae exemplaria curem, in quibus Saturnalium III, 6 *Cato* (immo *Varro in Cato*) de liberis educandis *Apollinis genitivi* mentio-

nem fecisse fertur. porro eadem differentia est in *institore* et *obstetrice*, in *meritorio* et *meretrice*, de quibus nemo dubitat, quamquam vetus codex Plauti in Cistellaria II, 3, 22 23 habet *meritrix*. eodem referenda est *anetina* fortuna Plauti in Rudente II, 6, 49, ubi Nonius p. 406, 5 *ego anutinam*: nam *anas*, quia *μρν̄ρης* est, sub simillimorum rationem succidit et facit *anites*, quod est in Captivis V, 4, 6 (et *anitum* prima manu Vindobonensis saeculi decimi codex in Ciceronis de natura deorum libro II, 124, idem a correctore non bene *anetum*): ergo pro *anitino*, propter *i* longum quod in proxima syllaba est, dicitur *anetinum*. sed ab eodem vocabulo etiam correpto *i* subsequente *aneticulam* prima manu vetus Camerarii in Asinaria III, 3, 103, a correctore idem *aniticulam*. ac ne in iis quidem quae *i* productum habent, legem certis finibus descriptam invenio: est enim *internecinum* quidem sive *internecivum*, sed veteribus magis placuit *subscivum* quam *subsecivum*, neque mutant *asininus*, *hirundininus*, *redivus*, *abditivus*, *conditivus*, *insitivus*, *primitivus*, *monitrix*, *proditrix*, *debitrix*, *ianitrix*. haec igitur grammaticis evolvenda commendabimus, qui adhuc *genitivo* delectantur. Lucretii *primo versu* (ita dicit) Priscianus usus est p. 733, secundi parte Servius ad Aeneidos I, 198, et hic quidem sine nomine poëtae, ut videatur errore memoriae Lucretii verba apposuisse pro Vergilianis quae sunt in georgicon II, 157, *antiquos sup̄ter labentia muros*: dicit enim *Ante malorum ὕψ' ἔν̄ est*, ut *alibi caeli subter labentia signa*. versum tertium cum parte quarti habet Nonius p. 274, 32.

5. LUMINA SOLIS. 7. ADVENTUMQUE TUUM. Hic semel dicam quod lectorem semper meminisse oportet, quem admodum Havercampo nihil credendum sit, ita eum omnium minime audiendum esse, cum Vossiano utrique, quos notat Y Z, ea adscribat quae a me non referantur. hic in utroque dicit esse *lumine*, in utroque *Adventuque tuo*: habet *lumina* oblongus, *lumine* quadratus et schedae, *Adventumque tuum* oblongus quadratus schedae. *daedala tellus* e Lucretio, qui iterum ita dixit versu 228, Macrobius in Saturnalia IV, 4. *daedalam terram* ex eodem profert non satis curiose agens Paulus diaconus e Festo libro IV p. 52 Lindemanni. ad proximos versus respicit Servius, cum dicit ad georgicon II, 329, *Et Venerem certis repetunt armenta diebus. statutis*,

legitimis, a natura arcana quadam ratione dispositis; ut tractat Lucretius, qui dicit rationem hanc ex aetherio calore descendere.

11. ET RESERATA VIGET GENITABILIS AURA FAVONI.
Hunc versum litteris uncialibus scriptum oblongus habet, sed atramento; versum numero 411, *Hoc tibi*, litteris uncialibus rubrica pictis. *genitabilis* autem veteres membranae, Antonius Marii, Brixienensis editio, Marullus: *genitalis* Veronensis editio et Veneta. hoc typographi Veronensis peccatum Wakefieldus cum in Vossianis esse dicit, Havercampi silentio non recte intellecto fallitur ut homo: Forbigeri neglegentiae venia danda non est, qui cum sua ex aliorum libris exscribat, debebat scire unde essent exscribenda. sed ille hoc agebat ut Gifanii et Abrahami Preigeri exemplo versus immodulatos huic poëtae adfingeret. Ennio enim cum *t* littera propter duritiem in fine vocabulorum ancipiti natura esse videretur (dicebat enim, puto, *quod id hand* in fine sono lenissimo), huic sane licuit haec scribere, *Infit o cives, uter esset induperator, rumores ponebat ante salutem*: sed post Ennium neque Cicero in versus speciem incidit, cum dixit in Miloniana 54 *tamen appareret uter esset insidiator*, neque poëtae illis similia aut in *t* littera aut in ceteris ausi sunt. apud Nonium p. 449, 31 Lucilii versus ita scriptus est, *Intereunt, labuntur, euntur omnia vorsum*; ubi verissime docti *eunt* *rursum omnia vorsum*. in Horatii carminum III, 5, 17 mihi videtur scribendum esse *Si non perires inmisericordis, Captiva pubes, non periret*: hoc enim vocativi genus poëtis saepe restituendum est, ut Sereno Samonico 533, *Quodque tuis melius verbis dicemus, Horati*, ubi vulgo legitur *Quodque satis melius*. Lucretius vero neque illam Ennii neque aliam ullam in versibus fingendis licentiam admisit, sed, quod poëtarum saeculi ab urbe condita septimi proprium est, omnia ad certae regulae exegit severitatem, a qua primus Maro, cum studeret elegantiae et concinnitati, paulum remisit. quam ob rem summa nuper huic poëtae a Theodoro Bergkio, viro doctissimo, facta iniuria est, cum eum tamquam Ennium aliquem *ingenio maximum, arte rudem* fuisse dixit. hoc ne Horatius quidem aut Ovidius, quamvis illam dulcem et gravem cum ornatu quasi oratorio simplicitatem aspernarentur, dicere umquam ausi sunt: Quintilianus quoque Lucretium, quamvis *difficilem* (ad intellegendum, puto, parum attentis

et alia philosophia instructis), *elegantem tamen in sua materia* esse concedit: solus Eichstadius p. LXXVII LXXIX in hoc poëta, quo nullum sibi per omnia similiorem cognovi, inaequalitatem quandam et discrepantiam orationis deprehendit, unde carmen ex auctoris manu *incohatum et rude* prodisse neque a correctore satis constanter expolitur sibi cognoscere visus est; is scilicet qui ne manifesta quidem recte intellexisset, ut qui coniungeret inter se haec in v, 118 *par esse ritu Gigantum*, in vi, 1067 *singulariter memorare*, in ii, 402 *ora centauri sapore pertorquent* et alias *centauri feri natura sapore pertorquent ora*, in vi, 238 *vini vim mobiliorem dici* opinaretur, et in iv, 864 *languida anhelare vel corpora vel membra*, in iii, 683 *animam cresce in sanguine* quod ibi potuisset *cernere*, in iii autem 775 *obruat* putaret valere id quod prouat et ii, 1137 *proquam perquam*, item in iii, 569 *moventur* id quod movent, denique in i, 508 *Corpus ea non est* ita interpretaretur, Corpus natura loci non est. sed Bergkii suae de hoc poëta sententiae auctorem M. Tullium perhibet; quod profecto non faceret, nisi ab aliis seorsum quam simpliciter iudicare maluisset. nam Marcum plerique cum haec ad Quintum fratrem in libro ii, 11 scripsisse credidissent, *Lucretii poemata ut scribis ita sunt, non multis luminibus ingenii, multae tamen artis*, addita scilicet priori membro negandi particula, quam libri ignorant, e contraria parte ille Cicerones Lucretio ingenium concessisse statuit, sed eosdem in eo parum artis esse iudicasse. quod in Marco sane mirandum esset, quippe qui eius artis qua Lucretius pollet ne minimam quidem partem in carminibus suis adsecutus esset. contra idem cur pauca *ingenii lumina* in Lucretii carmine animadverterit, non potest obscurum esse: nam ei Ennius et Attius ea re *ingeniosi* videbantur, quod oblectando docerent et animis movendis corrigerent mores. pro Murena 30 *Etenim ut ait ingeniosus poëta et auctor valde bonus, proeliis promulgatis Pellitur e medio non solum ista vestra verbosa simulatio prudentiae, sed etiam ipsa illa domina rerum sapientia, vi geritur res*. pro Plancio 59 *Quae scripsit gravis ille et ingeniosus poëta, non ut illos regios pueros, qui iam nusquam erant, sed ut nos et nostros liberos ad laborem et ad laudem excitaret*.

14. ET RAPIDOS — 15. INDE FERE — 16. TE SE-

QUITUR CUPIDE QUO QUAMQUE INDUCERE TERGIS. Corrector oblongi PERGIS. verum ordinem versuum expresse-
runt Antonius Marii et olim impressi; quod vix credibile
ducet qui scierit eos habere *quocumque inducere pergis*. itaque
Marullus, cum hoc teneret, non sine causa totum versum
infulsit hunc, *Illecebrisque tuis omnis natura animantum*;
quem Avantius, cum *quo quamque* restituisset, rectissime
reiecit, male servarunt Naugerius Lambinus ceteri et inep-
tissime uncis inclusum Wakefieldus cum sectatoribus suis
Eichstadio et Forbigerio.

18. FRONDIFERASQUE DOMOS AVIUM. His Servius uti-
tur ad georgicon II, 372. quadratus et schedae *Frondife-
rosque*. Lambinus sine codicum nobis notorum auctoritate
Frundiferasque, nisi quod hoc ipsum quadratus habet in
I, 256. idem in IV, 97 *prumptu*, III, 400 *cumes*. oblongus
V, 107 *furtuna*, IV, 935 *curio*. e contrario quadratus *Parti-
colas* II, 833, *tremolis* IV, 404, *Incolomis* IV, 600, *podorem*
III, 83, *sopina* IV, 517.

27. OMNIBUS ORALATUM. Corrector oblongi et Pris-
cianus p. 838 et 896 ORNATUM.

29. FERA MOENERA MILITIA. Ita prima manu oblongus :
MILITIAI corrector oblongi, quadratus prima manu, itaque
Priscianus p. 728. hi genetivi non saepe per *ai* scripti sunt in
utroque codice, *viai* II, 249, *vitai* III, 396, *animai* I, 112 III,
670 713 838 VI, 693, *pilai* V, 720 726, *aquai* V, 946. vix
saepius ita quadratus altero dissentiente, hoc versu *militiai*,
porro *aquai* I, 283 307 453 II, 663, *viai* I, 406, *vitai* I, 415,
materiali I, 1051 II, 544 562 666 : et quidem in I, 453 II, 666
oblongus ante quam corrigeretur habuit *aquae* et *material*,
ceteris locis *a* simplex pro *ai* litteris. atque hac ratione,
qua *i* omisso scribitur *a* tantum, uterque librarius per totum
opus satis constanter usus est, I, 41 *patria*, 85 *Iphianassa*,
251 *terra*, et similiter cetera, quae singula annotare nihil
opus est : nam ubicumque aut *ae* scriptum aut illam rariorem
formam genetivi casus alio modo corruptam invenerim studiose
indicabo. ceterum in Ennii versu, quo Cicero in Catone 16
utitur, et regius et ceteri libri plerique omnes habent *sese*
flexere via pro *viai*.

32. QUONIAM BELLI FERAM ONERA MAVORS ARMI-
POTENS REGIUM IN GREMIUMQ. SAEPE TUUM SE REI-

CIT. *Fera moenia* scholiastes Statii ad Thebaidos III, 296: *munera* Itali hic et in versu 29, *MOENERA* primus Lambinus. tum Itali et interpretes Statii *Armipotens* REGIT. in *gremium* QUI praeter illos corrector oblongi. *Reicit* quadratus et schedae, *Reficit* oblongus et olim impressi, *Refficit* Itali. apud scholiasten Statii *Reicit*: sed ibidem *devinctus vulnere*, quod Lambinus dedit primus, qui cum Bertinianum codicem inter alios testem advocat, fallitur.

35. TERITI CERVICIS. Antonius Marii filius TERETI. *sive teris* Columellae exemplaria in libro IX, 1, 3, *praepitis* in Aeneidos III, 361 Mediceum. e contrario idem in Aeneidos VI, 814 *resedes*. grammaticus Vindobonensis p. 444 *deses*, *non desis*. *reses*, *non resis*. hoc recto casu posuit Lucilius apud Festum p. 213, 5 *Pro obtuso ore pugil Piscinensis reses*, id est tam ignavus quam consentaneum est eum fieri cui os pugnis obtusum sit. *Deses et impatiens* Terentianus Maurus 1285. *perpes* in sententiis Publii, *Nec vita nec fortuna hominibus perpes est*.

43. COMMUNI ID ESSE SALUTI. Corrector oblongi *communi deesse*, olim impressi *desse*. Velius Longus p. 2227 *In hac autem de praepositione, quam dixi plenam praeponi, animadvertendum illud, quod imminuitur, si quando sequens vox a littera E (aliter Putschius) incipit, ut est derrare desse; qua enuntiatione sufficit ipsa productio*.

44—49. OMNES ENIM PER SE DIVUM NATURA NECESSEST IMMORTALI AEO SUMMA CUM PACE FRUATUR, SEMOTA AB NOSTRIS REBUS SEIUNCTAEQUE LONGE: NAM PRIVATA DOLORE OMNI, PRIVATA PERICLIS, IPSA SUI POLLENS OPIBUS, NIHIL INDIGA NOSTRI, NEC BENE PROMERITIS CAPITUR NEC TANGITUR IRA. Hos versus Marullus delendos esse vidit; quos cur ex libro II, 646 lector frustra curiosus in hunc locum transtulisse videretur, Isaacus Vossius recte aperuit: 'ut ostenderet' inquit 'Lucretium sibi adversari, qui cum deos mortalia non curare affirmet, Venerem tamen invocet.'

50. 51. QUOD SUPEREST UT VACUAS AURIS SEMOTUM A CURIS ADIBE VERAM AD RATIONEM. Sic membranae sine ulla litura, qualem in Bertiniano fuisse Lambinus fingit. ex his ut tollendum recte iudicavit corrector oblongi. tum Antonius Marii, impressi, Marullus, *vacuas*

auris mihi, Memmius (Lambinus *Memmiada*), *et te Semotum a curis adhibe*; quod est durum et quaesitum. mihi verissimum videbatur et, nequid dissimulem, adhuc unice aptum videtur *vacuas auris ANIMUMQUE*, age, Memmi, *Semotum a curis adhibe veram ad rationem*. interim Iacobus Bernaysius cum a Veronensi interprete Vergilii ad georgicon III, 3 Lucretio haec verba adscribi vidisset, *vacuas aures animumque SAGACEM*, ea rectius ad operis initium referri statuit quam ad librum IV, 912, ubi est *Tu mihi da tenuis aures animumque sagacem*, non *vacuas*. cui docto viro ut non possum contra dicere, ita miror eundem id non vidisse, quod, si illud verum sit, necessario consequatur, ut ante hos versus, ubi emblemata ab hoc loco alienum repudiavimus, vera Lucretii verba perierint: nam ut poeta a Venere orationem ad Memmium ne nomine quidem appellatum deflecteret fieri nullo modo potuit.

57. QUOVE EADEM RURSUM. Apud Senecam, qui his quattuor versibus utitur, in epistula XCV, *Quoque eadem rursus*.

66. MORTALIS TOLLERE CONTRA EST OCULOS AUSUS. Quae hos versus praecedunt, eorum parte Nonius usus est p. 314, 28 et 379, 13, item p. 327, 1, alia parte Lactantius institutionum III, 27, 10 ita, *Quae sese caeli regionibus ostentabat*. sic certe ibi editio Veneta anni 1471 et Rostockcensis 1476, item codex nunc Berolinensis (theol. 381), olim Erfurtensis, scriptus anno 1468: nam duo alii, qui olim fuerunt 'domus gloriose virginis Marie in Evertzclusen ordinis canonicorum regularium Treverensis diocesis' (eorum alterum (theol. 277) descripsit ex altero (266) 'Anthonius Raid de Salmenroir anno 1469'), ii versum sic scriptum exhibent, *qui se celi regionibus ostentavit*. ineptissime Servius ad Aeneidos VIII, 187 *aut secundum Lucretium superstitio est superstanium rerum, id est caelestium et divinarum, id est quae super nos stant, inanis et superfluus timor*. quae exscripserunt Isidorus originum VIII, 3, 7 et tertius mythographus Mai p. 184. hic vero Nonius p. 411, 2, ubi *tendere* quam vario modo dicatur ostendit, *mortalis tendere contra Est oculos ausus*: libri nostri *tollere*. horum utrumque rectissime habere Bentleius ostendit ad Horatium carm. I, 3, 18 et epist. I, 1, 28, neque Philippo Wagnero concedendum puto quod dicit ad Aeneidos II,

405, *lumina* proprie non *tendi*, cum tamen ea vulgo *contendi* atque *intendi* dicantur, neque in iv, 300 Lucretius addiderit, quod ille necesse esse putat, *manusque*, sed dixerit simpliciter *oculos contra tendere*. itaque TENDERE ut a teste nostris antiquiore editum praefendum duco.

68. QUEM NEQ. FAMA DEUM NEC FULMINA. Rectissime Bentleius *FANA deum*; quod Wakefieldus allato simili versu libri v 75 probavit, 'sine ulla idonea causa' ut videtur Forbigero. scilicet *fama* non omnis necessario magna est, neque tam anguste Lucretius loquitur, ut epitheton, ubi res exigit, praetermittat.

70. INIRITAT ANIMI VIRTUTEM, CONFRINGERE UT ARTA NATURAE PRIMUS PORTARUM CLAUSTRA CUPERET. Non male corrector oblongi *frangere*: sed cum apud Nonium p. 506, 33 sit *perfringe ut ar*, verissimum esse censendum est quod habet Priscianus p. 879 *effringere ut arta*. tum apud Priscianum *terrarum claustra* per errorem, sed *cupiret* recte. hoc ipsum corrector oblongi posuit, qui tamen adiecit haec sane mirabilia, *al. videret*.

74. ATQUE OMNEM IMMENSUM. Corrector oblongi OMNE. in proximis Nonius p. 381, 25 *Unde refert novus ditor*. sed multa quae huius generis sunt praeteribo.

77. QUANTUM SIT RATIONE. Corrector oblongi QUANAM. ita scriptum extat infra versu 595, item in v, 90 et in vi, 65.

82. 83. INDUGREDI — SAEPIUS ILLA — ATQUE IMPIA FACTA. Horum priora confirmat Probus p. 1438, *atque impia* Lactantius instituit. i, 21. quadratus et schedae *ac impia*, errore mirabili, sed errore tamen: nam ferendi non sunt qui rem iandudum profligatam recinere non desinunt. *ac* brevi syllaba constare dicit Probus p. 1425. in Silii Italici libro xv, 147 vix credibile est Heinsium et Drakenborchium e Coloniensi edidisse *ac iret*: debebat enim addi spiritus, *Tum vero capere arma iubent, genibusque salutant Submissi augurium: hac iret, qua ducere divos Perspicuum et patrio monstraret semita signo*. in eiusdem xvii, 242 libri (sed auctoritas Coloniensis deficit) *ac imbribus*: recte fecerunt *nubibus*, quod confirmat versus ibidem 66.

84. TRIVIAT VIRGINIS — 85. IPHIANASSATUR PARUNT SANGUINE FOEDE. Priscianus p. 728 TRIVIAI, tum

IPHIANASSAI *turparunt*, deinde *phoede* (sic Mediceus in Aeneidos x, 498) vel *foedi*; quod fecerunt *fede* Wakefieldus Eichstadius Forbiger, secuti barbaros Isidorum et Bedam. corrector oblongi et Antonius Marii *Triviai ad*: idem corrector *Iphianassai*, Antonius imperite (vide quae dixi ad versum 29) *Iphianasseo*. quadratus et schedae *sanuine* et in versu proximo *dilecti*.

92. GENIBUS SUMMISSA PETEBAT. In scholiis Veronen-sibus ad Aeneidos xii, 718 *petivît*; quod nollem homo doctus nuper probasset. Maronem scimus et *petivît* et *petiît* et sub condicione *petît* dixisse: sed unde scimus quid horum Lucretio placuerit? non recte Merkelius in Ovidii fastorum i, 314 et vi, 117 dedit *subivît* et *ante ivît*.

95. TREMIBUNDAQUE AD ARAS. Quadratus et schedae *ad aram*. *tremibunda* Mediceus et Romanus in Aeneidos x, 522. apud Arnobium *tremibundum* vi p. 200, *tremibundas* vii p. 213, *fremibundus* vi p. 196, *pavibundis* vii p. 221. in epistula tamen ad Hebraeos xii, 21 Fuldensis liber cum Werdi-nensi *tremebundus*, Claromontanus et Guelferhytanus *tremibundus*.

102. IAM QUODVIS TEMPORE. Eum versum qui hunc praecedit, Lactantius habet in institutionum i, 21, 14. in hoc corrector oblongi QUOVIS, neque aliter Servius ad Aeneidos iv, 606 et Priscianus p. 947.

104. QUAM MULTA TIBI IAM FINGERE POSSUM SOMNIA. *Iam* oblongus et Italorum libri: *me* quadratus et schedae, in quo nulla species veri est. sed recte Marullus POSSUNT. Forbiger insigniter fallitur, cum hic *possum* recte scribi dicit quia rationem habeat in versu 400: neque enim animadvertit poëtam alterum de veris dixisse, alterum de falsis ac superstitiosis.

107. ET MERITO — VIDERENT. Hoc versu Nonius usus est p. 205, 9.

111. AETERNAS QUONIAM POENAS IN MORTE TIMENDUM. Non aliter Servius ad Aeneidos xi, 230. nihilo minus et hic scribendum puto TIMENDUMST et in v, 302 non *putandum*, sed *Sic igitur solem lunam stellasque putandumst Ex alio atque alio lucem iactare subortu*. nam ita saepissime Lucretius, et quae restant dubiae auctoritatis sunt: in v enim 44 *sunt* vitiose scriptum est, ex quo eodem iure facias *tunc*

et *tumst* ; in π , 468 *necessu*, cuius vocabuli partem perisse apparet. sed ubi additum est *esse*, potest omitti finitum *est*.
 ι , 627 *Illa quoque esse tibi solida atque aeterna fatendum*. 963 *extra summam quoniam nil esse fatendum*. π , 39 *animo quoque nil prodesse putandum*. III , 543 *Mortalem tamen esse animam fateare necesse*. quam ob rem etiam in III , 796 ferendum puto tanto magis infitiandum Totum posse : nam posse est *potesse* ; quamquam Prisciani codices habent *infitiandum est*.

117. ENNIUS UT NOSTER CECINIT, QUI PRIMUS. Quadratus et schedae *ut primus et qui noster*. versus Ennii, *Ova parere solet genu' pennis condecoratum, Non animam, et post inde venit divinitu' pullis Ipsa anima*, apud Varronem de lingua Latina v p. 64.

120. ETSI PRAETEREA TAMEN ESSE ACHERUSIA TEMPLA ENNIUS AETERNIS EXPONIT VERSIBUS EDENS, QUO NEQUE PERMANEANT ANIMAE. *Praetereat quadratus, schedae, corrector oblongi. deinde edens omnes ; quod tamen nullum pondus addit sententiae : sed vinculo opus est, quo iungantur haec cum superioribus, Ennius ut noster cecinit — ; Etsi praeterea tamen — Ennius aeternis exponit versibus* IDEM. hoc pronomen *eidem* scriptum est in Florentino codice Varronis de lingua Latina x p. 550, 2, item in Florentino epistularum Ciceronis xiii , 1, 3, in Florentino epistularum ad Atticum ι , 11, 1 et 14, 1 5, eamque scribendi rationem Cornelio Nepoti nuper vindicavit C. Nipperdeius in Spicilegio p. 49. ex hoc usu natus error quo in lege de Termesibus facta 2, 20 haec sunt, *eadem leges eidemque ious eademque consuetudo*. postremo *Quo neque permaneant membranae*, Antonius Marii, Brixienensis editio : *permanent* Veronensis cum Veneta, Marullus, Avantius. hoc igitur vereor ne casu natum sit et quadam elegantiae specie Marullum ceterosque induxerit. et satis recte *permanere illo* dicuntur animae, ut de animo Ovidius in artis π , 120 *Solus ad extremos permanet ille rogos*. in decreto Tergestinorum π , 26 *uti ad posteros nostros tam voluntas amplissimi viri quam facta permaneant*. Cicero de natura deorum ι , 105 *speciem dei percipi cogitatione, non sensu, nec esse in ea ullam soliditatem, neque eam ad numerum permanere*. item in π , 85 *perdiuturna, permanens ad longincum et immensum paene tempus*. Varro rerum rusticarum π , 4, 8 *verris octo mensum incipit*

salire, permanet ut id recte facere possit, ad trimum. eum versum qui hos sequitur, *Sed quaedam simulacra, cum Vergiliano componit Macrobius in Saturnaliorum vi, 1: non habent eum quadratus et schedae. e proximis Donatus ad Andriam i, 2, 4 semper florentis Homeri.*

125. LACRIMAS EFFUNDERE SALSAS COEPISSET. *Coe-
pisse* et corrector quadrati et Antonius Marii. *et fundere*
quadratus; quod male probavit Lambinus. *lacrumas* vero et
ecfundere libri nostri non exhibent: horum autem scribendi
rationem reddere satis habeo, nisi quod *ae* et *e* paulo rec-
tius scribo praeter quam in minus certis, velut *erumna teter*
septa meror mestus presto gleba scena penuria fecula, quae in
consensu membranarum non repudio, quamvis Lucretium
ea omnia per diphthongon protulisse credam. omnino autem
ita sentio, et posse et debere nos in plerisque uti orthogra-
phia saeculi quarti, neque nobis recentiora admittere licere:
sed summam constantiam in dicendo scribendove quaerere
animi illiberalis est. me quidem Hertzbergius studere dicit
ut libri mei saeculum tertium decimum referre videantur, in
Philologo Schneidewini II p. 589: sed in tota illa pagina
quaecumque scripsit non capio, velut cum fabulas Aviani
saeculo quinto *tutius* adscribi dicit quam secundo.

130. TUNC CUM PRIMIS. *Tunc* ante consonantem con-
tra poëtarum antiquiorum usum uterque codex praeter hunc
locum bis, in III, 710 *tunc periit*, in VI, 250 *tunc per*; quadra-
tus solus *Tunc* porro I, 426 et *Tunc vigilare* IV, 455. in Ger-
manici prognosticis I, 4 recte libri *Fulmina tum crebro iacula-
tur Iuppiter*, et *tunc Intonat emissis violentior ignibus aether*;
quorum certe prius impune mutari non potest, quod tamen
fecit Orellius. sed in hoc versu Antonius Marii maiorem lin-
guae Latinae peritiam exhibuit quam Wakefieldus Eichsta-
dius Forbiger: scripsit enim ille ideo *tum*, quia praecessit
cum. nequis tamen nullo tempore has particulas quae sunt
cum et *tunc* in enumerando coniunctas esse putet, non modo
librarii in Caesaris de bello Gallico VI, 32, 5 scripserunt *hunc*
cum reliquis rebus locum probarat, tunc quod superioris anni
munitiones integrae manebant, et in Nonii p. 435, 17 e Ciceronis
de officiis I, 123 *luxuria vero cum omni aetati turpis tunc senec-
tuti foedissima est*, sed etiam in Iuvenalis versu satirae IX 118
verissimi auctores tradiderunt haec, *Vivendum recte est cum*

propter plurima tunc est Idcirco, hoc est *tunc et Idcirco*, quod a Iuvenale scriptum esse sane probabile est.

134. CERNERE UTI VIDEAMUR. Hunc versum cum proximo Macrobius Saturnaliorum libro VI, 1 e libro primo Lucretii protulit cum Vergiliano collatum.

141. QUEMVIS EFFERRE LABOREM. *Efferre laborem* qui dixerit neminem novi, nisi quem Turnebus iam advocavit, in adversariis XIX, 15, Attium, cuius versu Cicero usus est in Sestiana 102, *si laborem summa cum cura efferas Nullum*. similiter tamen ipse Cicero in Tusculanarum disputationum libro IV, 62 e Graecis Euripidis, *Nec fors, nec ira caelitem invectum malum, Quod non natura humana patiendo eferat*. sed hi, nisi fallor, id *efferri* dicunt quod susceptum amoliamur. quod Wakefieldus cum non intellexeret, utroque auctore sine iudicio usus improbavit *perferre*, quod ut aptissimum dederunt Antonius Marii, Venetus editor (Brixiensis enim et Veronensis *efferre* habent), Marullus. sed verissime Tanaquil Faber *quemvis* SUFFERRE laborem ex constanti usu Lucretii. hic igitur s littera cum bis scribenda esset, librarii peccarunt: e contrario mox 147 quadratus et in eodem versu, ubi est in VI, 40 oblongus *Non radiis solis*; quem versum Maximus Victorinus p. 1968 profert propter ipsum illud i in fine vocabuli non elisum, quod contra factum sit in Vergilii versu georg. I, 446, *Diversi rumpent radii aut ubi pallida surget*. sed ibi Lindemannus Maronis versum dimidiatum apposuisse satis habuit, grammatici verba ut intellegi possent nihil curans.

149. PRINCIPIUM CUIUS HINC NOBIS. Marullus *Principium hinc cuius*, Avantius *Cuius principium hinc*, neuter satis perite. Lucilius apud Nonium p. 320 et 366 *Cuius vultu ac facie, ludo ac sermonibus nostris, Virginis hoc pretium atque hunc reddebamus honorem*. hoc ipsum *cuius* monosyllabum reddam Lucretio in libro IV, 1089. Cicero in Arateis, de natura deorum II, 109, *Atque eius ipse manet religatus corpore torto*; de quo versu egit Hauptius in observationibus criticis p. 46. eadem licentia veteres Itali dixerunt *Ecco Cin da Pistoia, Guittone d'Arezzo*; *Quanto di qua per un migliaio si conta*; quae mihi videntur ita protulisse, ut i littera inter ceteras magis sonantes delitesceret: nam *guaj* cum monosyllabum faciebant, dicebant e duabus i priore elisa *guai*, *Non*

suonan come guai, ma son sospiri. video tamen quosdam ita scribere per diphthongum, *Pistoi, gioi, noi, migliai*; quod cum certum sit eos codicum antiquorum auctoritate facere, his simile videri potest *cui' cui' modi* pro eo quod erat *cuiu' cuiu' modi*, eidemque rationi convenient *cuis eis huius* monosyllaba. *huius* et *eius* disyllaba priore correpta attingam ad librum III, 374, quae sonant aut *hous ðus* illa priore ratione, aut *huīs eis*, quem admodum Italos video dixisse *gioi*, *Non mente a quelli che son suoi, Anzi li dona gioi* (*Poesie italiane inedite raccolte da Francesco Trucchi, Prato 1846, vol. I p. 35*).

158. PERSPICIAMUS, UT UNDE QUEAT. Egregia emendatione Marullus in hoc versu scripsit *ET unde*, idemque versum 155 huic subiunxit. hunc post Pium omnes secuti sunt, laudavit nemo.

159. NAM SI DE NILO FIERENT — 160. NIHIL SEMINE EGERET. In his versibus, quos Lactantius de ira dei 10, 16 poëtae obicit, oblongus *de nihilo* et *nihil* quadratus *de nilo* et *ni nil* (sic in V, 871 *ni* vel *in pro nil*): de schedis hoc tantum notatum est, in versu altero esse *ninihil*. in versu huius libri 185 uterque Vossianus *si e nilo*, in VI, 679 uterque *Nil*. quadratus *nilo* I, 180 266 II, 287; quibus locis oblongus habet *nihiilo*, atque hoc modo *nihil nihilo nihilum* ceteris, praeter eos quos dixi, omnibus uterque. de his vocabulis primum hoc dicere possum, abstinuisse eis in ea quae ad nos pervenit carminum parte Ciceronem, Gratium, scriptorem Culicis, Columellam. deinde inter omnes poëtas unum novi qui monosyllabon ignorare videatur, Manilium, qui terdecies dixerit ad hunc modum, *Deficiat nihil et*, semel ita, *Est aequale nihil terrenos*, in IV, 416. Iliados interpres utrum bibreve voluerit an monosyllabon non constat, cum scripserit semel 262, nec saepius, *nihil adiuvat*. monosyllabon ceterorum nullus repudiavit, eoque uno Germanicum usum esse certum est, phaen. 665 681, progn. 2, 55, itaque semel qui Moretum scripsit 64, semel qui Diras 66, neque ulla causa est cur Lucilium Lucretium Persium disyllabon probasse dicamus. cum his facit Ciris 261 404 234 338, et Priapeorum poëtae 3 32 70 34, Tibullo excepto, qui binis syllabis pronuntiavit in 83, 15 et 35. e duabus alteram syllabam, ad similitudinem *hili*, Plautus et Ovidius produxerunt. alter in Poenulo III, 2, 10 *Quám sunt hi, qui st nihil est*

litium, *lités emunt*, et in Rudente iv, 4, 9 *Hdút pudet. nihil ago tecum. érgo abi hinc sis. qudeso, respondé senex*. Ovidius in tristium v, 14, 41 et ex Ponto libro iii, 1, 113 *Morte nihil opus est*, in metamorphoseon vii, 644 *In superis opis esse nihil. at in aedibus ingens*. eundem in x, 520 scripsisse suspicor *Estque nihil annis velocius*: a correctoribus venit illud *Et nihil est*, quod Ovidii more pronuntiatum nimis tardos efficit numeros, *Et nil est annis velocius*. eandem syllabam manifesto corripunt Catullus, Horatius, Tibullus, Propertius, is qui scripsit epistulam Herus (170), Seneca, Martialis, Silius semel in xvii, 188. idem Silius disyllabo semel ante consonantem usus est, *Bella nihil vitae*, xv, 465, ceteri quos disyllabon habere dixi (Manilio excepto) vel saepius: multi in disyllabo hanc ambiguam rationem secuti sunt solam, Terentius comicus, Varro in versibus, Vergilius, isque bis tantum (ecl. 2, 6 Aen. ii, 287), Phaedrus, Lucanus, Calpurnius semel, Valerius Flaccus bis (vi, 488 vii, 388), Statius, Iuvenalis. *nihilo* tribus syllabis Catullum (28, 12 61, 197) extulisse constat: disyllabon fecit idem Catullus (97, 3) cum Lucretio, Horatio, Priapeo carmine 53: de ceteris, quantum scio, propter metrorum ambiguitatem nihil adfirmari potest. Lucretio tamen, quia *nihil* disyllabum, ut dixi, non habet, *nilum* et *nilo* sola probata fuisse existimo.

168. CONSISTERE DERTA. Sic oblongus: idem a correctore CERTA. quadratus *terta*.

176. SUO QUI TEMPORE. Itali quia.

177. QUOD CUMQUE ORCATU. Quadratus et schedae *ora cantu*, corrector oblongi *CREATUR*.

186. EX INFANTIBUS PARVIS. His grammatici omnes pro exemplo utuntur, Maximus Victorinus p. 1963, Claudius Sacerdos p. 26, Diomedes (post Sacerdotem, cuius nomen in exemplo ponit p. 303) p. 424 tribuens Lucillio, Probus p. 1438, Pompeius (qui se Maurum dicit p. 246) p. 30. sed hi omnes uno ore testantur poëtam s litteram scripsisse: scribit *infantibu* Probus: *sic enim*, inquit, *versus scandi potest*; quem admodum Cicero in oratore 161 *ita enim* inquit *loquebamur, qui est omnibu princeps, non omnibus princeps, et vita illa dignu loque, non dignus*. in Lucretii carminibus brevior scriptura nemo usus est ante Lambinum, neque eam vetera exemplaria saepius quam bis conservarunt et quidem

cum vitio coniunctam, in v, 627 *cum posterioribus ignis*, vocabulis male distinctis, et in vi, 1138 *morborum et mortiferae pro morti' ferai*. multis tamen indiciis cognosci potest hanc scribendi rationem olim multo magis in usu fuisse. neque eius rei nulla sunt in nostris aliorum scriptorum exemplaribus vestigia. apud Ciceronem de finibus ii, 24 libri omnes rectissime in Lucilii versibus *O lapathe, ut iactare, nec es satis cognitu' qui sis!* apud eundem in versu Ennii, de divinatione i, 66, *Aut ubi illa paulo ante sapiens virginali' modestia?* apud Festum p. 290, 11 Müllerii ex Lucilio *si suggeri' suppus*, et p. 343, 21 ex Ennio *Pandite suetigenias*, apud Paulum p. 70 *sulpigenas*, hoc est *sulti' genas*. atque eo modo, ubi ne versus quidem mensuram valde adiuvat, Nonius p. 346, 18 ex Accio *Aequisoni*, hoc est *Aquiloni*, *stridor gelidas molitur nives*. neque id mirum, cum in oratione prosa Quintilianus institutionum ix, 4, 38 Messalla, ut videtur, teste referat idem Servium Sulpicium asperitatis vitandae causa observasse; qui scripsit, nisi fallor, sic, *quae fuit causa et Servio, ut dixit, subtrahendae s litterae*: nam quod libri habent, *ut dixi*, ferri non posse constat. atque in ipso Varronis de lingua Latina librorum fine Florentinus codex *non enim opufuit ut in servis*, et ex eiusdem Parmenone Nonius p. 86, 16 *alius caballum arbori' ramo in humili adligatum relinquit*. eodem pertinent *tale qualest similest simile's, pro talis, qualis est, similis est et es*, a Nonio e comicis veteribus consignata p. 227, 14 198, 31 224, 23. sed in versibus saepe utilissimum est veram pronuntiandi rationem scribendo exprimere. itaque qui sciet Varronem in choliambis severam Graecorum legem secutum esse, eum versum quem Nonius 86, 24 e Sexagessis satira protulit hoc modo scribendum ducet, *Sensibus (libri Senibus) crassis homulli non videmu' quid fiat*. neque is qui de disciplinis ea scripsit quae Censorini libello adhaerent p. 96, 1 Sotadeum, qui potest Ennii esse, vitium in tertia syllaba habere dixisset, si *s* tollendum vidisset, *Ille ictu' retro reccidit in natem supinus*. Lucilius fortasse solus Graeca vocabula *s* littera truncare ausus est. *Crassum habeo generum, ne rhetoricotero' tu sis*, in Ciceronis de oratore iii, 171. *Hic ut muscipulae tentae atque ut scorpio' cauda Sublata*, apud Nonium p. 181 266 385.

188. OMNIA QUANDO PAULATIM CRESCUNT, UT PAR EST, SEMINE CERTO, CRESCENTESQUE GENUS SERVANT.

In his illa , *ut par est* , non sunt suo loco posita : neque enim id sonant quod dicit Creechius , *ut ipsa postulat natura rerum* , sed ea paulatim crescere par est quae certo semine creantur . hoc Marullus non animadvertit , sed idem vidit *Crescentes* , quod Creechius et Wakefieldus , magni soloecismorum patroni , tuentur , ferri non posse ; quare scripsit *Crescendoque* . nos utrumque vitium eadem opera corrigemus scribendo *omnia quando Paulatim crescant* , *ut par est semine certo Crescere* , *resque genus servant* .

191. QUICQUE SUADE MATERIA . *Quidque* apud Nonium p. 115 , 8 : corrector oblongi , Itali , olim impressi , *Quaeque . materia* Nonius , oblongus , Itali , impressi : *materiae* quadratus , *schedae materiae* : quorum utrum verius sit dicere non possum , praesertim cum poeta praeter hunc versum ablativo casu non utatur .

207. POSSENT PROFERRIER . Apud Lactantium , qui hos versus exhibet de ira capitulo 10 . 16 . POSSINT , itaque Marullus .

215. UTI QUICQUID IN SUA CORPORA . Quadratus et *schedae quidquid* . Itali *quaeque* : recte Lambinus QUICQUE .

217. MORTALE CUNCTIS PARTIBUS . Itali et impressi *in cunctis* .

222. DIVERVERET . Sic membranae et hic et in II , 152 VI , 1027 , item *verva* II , 690 , *acervas* V , 1195 , *Cerberus* III , 1011 , *superva* V , 1137 , *superve* (codex quadratus *superbe* , *supra verum* addito c) V , 1224 , *morcula* VI , 955 1092 1097 , *arrita* V , 941 965 , *valve* V , 1022 , *vellum* IV , 968 V , 1245 1289 , *conitate* V , 1247 , *oene* III , 1071 IV , 572 1129 V , 82 , *av* II , 99 , *aveant* L , 1108 , *lavier* IV , 445 , *lucitur* V , 718 , *civo* (quadratus *civa*) L , 1038 , *lirera* V , 79 , *novilitate* II , 11 . liber oblongus VI , 1097 *perturvarunt* , IV , 288 *ac* , 1234 *avsterrent* , V , 1290 *serrecant* , VI , 238 *movilior* , V , 858 *movilitas* . quadratus IV , 661 *acerva* , L 1113 *dacit* , II , 875 *parula* , V , 930 *civi* , IV , 617 *civum* , II , 897 *glacis* . ut taedium hoc indiculo contractum leniatur , addam in Ciceronis de oratore II , 91 , ubi est *citiosum* , *ambitosum* scribendum esse , hoc modo , *Nihil est facilius quam amictum imitari alicuius aut statum aut motum : si vero etiam citiosi aliquid est , id sumere et in eo ambitiosum esse non magnum est* : item in eodem loco probavit esse pro futuro . *Qui autem ita faciet ut oportet , primum*

vigilet necesse est in deligendo, deinde quem probabit, in eo quae maxime excellent, ea diligentissime persequatur.

227. UNDE ANIMALE GENUS. Disputat hoc Charisius p. 46 et 93.

230. UNDE MARE, INGENUEI FONTES, EXTERNAQUE LONGE FLUMINA SUPPEDITANT? Neque *externa* flumina hic locum habere possunt, neque *longe externa* quae dicantur scio, et multo minus quomodo *longe suppeditent*. Wakefieldus ex codice nescio quo musei Britannici *aeternaque longe*, quod nihilo magis explicari potest. mihi poëta videtur scripsisse *EXTENTAQUE longe Flumina*, in longitudinem extenta, quae *longa* dicuntur Ovidio in metamorphoseon XIV, 339.

240. INTER SE NEXUS MINUS AUT MAGIS INDUPEDITA. Rectissime Marullus *NEXU*, quem secutus Wakefieldus pessime interpretatur: non enim res, sed ipsa materies inter se *nexu* impedita esse dicitur.

257. HINC FESSAE PECUDES PINGUIS. Sic Vossiani, Antonius Marii, Brixiensis editio, *pinguis*: in schedis vocabulum omissum esse perhibetur, et recentiore manu super scriptum *pingues*. ad Vergilii versum in georgicon III, 124, ubi est *denso distendere pingui*, Iunius Philargyrius *Pingui* inquit *absolute posuit, ut est illud Lucretianum, Hic fessae pecudes* *PINGUI*. in proximis de artibus quid Scaurus protulerit dicam ad librum V, 1077.

263. QUANDO ALIT EX ALLO REFICIT. Corrector oblongi *ex alo*, quadratus praepositione omissa *alo*. Itali *ex ALIO*.

264. NISI MORTE ADLUTA ALIENA. Corrector oblongi *ADIUTA*.

269. QUAE CORPORA. *Quae oblongus* et Priscianus p. 947, corrector oblongi *quod*, quadratus et schedae omitunt.

271. VENTI VIS VERBERAT INCITA CORTUS. Corrector oblongi *tortus*, quadrati *corpus*, Antonius Marii *portus*, Marullus *pontum*. mihi dubium non videtur quin legendum sit *CAUTES*.

275. ITA PERFURIT ACRI CUM FREMITU SAEVITQUE MINACI MURMURE PONTUS. At ea quae ante haec dicta sunt, ut sternantur arbores et vexentur montes, *pontus* non

efficit, sed *VENTUS*. hoc Marullum non vidisse miror, Wakefieldus ab amico sibi oblatum sprexit: Forbiger, quod absurda tam fortiter concoquere possit, laudari se postulat. Creechius probat commentum Fabri, quo fecit *minaci murmure cōrtus*, contractione mihi non nota.

281. ET CUM MOLLIS AQVE FERTUR NATURA REPENTE FLUMINE ABUNDANTI, QUEM LARGIS IMBIBUS AUGET. Quem 'exquisitoris elegantiae' videtur Wakefieldo. Marullus quod: sed poterat lenius QUAM.

286. TURBIBUS. Sic oblongus: quadratus et schedae *turbio*. corrector oblongi TURBIDUS, itaque Antonius Florentinus et impressi.

288. VOLVITQUE SUB UNDIS GRANDIA SAXA, RUIT QUA QUIDQUID FLUCTIBUS OBSTAT. Qua prima manus in oblongo omisit, puto quia minus clare scriptum erat in archetypo. erat autem scribendum *ruit* Q.ITA *quidquid fluctibus obstat*. Wakefieldo et Germanis grammaticis satis proprium videtur *qua quicquam*, quod habent Brixiensis, Venetus, Marullus.

291. QVAE — 294. CORRIPIUNT RAPIDIQUE ROTANTI TURBINE PORTANT. Scilicet *venti flamina* res omnes *corripiunt rapidoque portant*: et tamen haec Wakefieldo concinna et suavia videntur. Marullus cum non satis attendisset, fecit *rapidoque rotantes*: inde Lambinus primum *rapidoque rotanti*, postea *rapidoque rotanti*. quadratus prima manu *rapidisque*. aptissimum est *RAPIDEQUE rotanti turbine portant*. quae media sunt inter hos versus, eorum partem protulit scholiastes Statii ad Thebaidos VII, 585. omne huius loci argumentum Servius indicat ad georgicon IV, 219.

304. TANGERE ENIM ET TANGI. Hoc versu usi sunt Seneca in epistula 106, Gellius Atticarum noctium V, 15, Tertullianus de anima 5, Nonius p. 408, 21. horum unus Gellius scripsit *aut tangi*, sed cum paulo ante Graeca haec exhibuisset, τὸ δρώμενον ἢ πάσχον σῶμά ἐστιν. quare nihil erat cur ei maiorem quam ceteris fidem haberet Wakefieldus. versus proximos habet Nonius p. 175, 6, ubi scriptum est *eaedem candenti sole*; quod fortasse verius est altero. vide quae dico ad III, 988 et ad VI, 126.

313. STILICIDII CASUS LAPIDEM CAVAT. Regula est post longam vocalem e duabus alteram subtrahi, si sequatur

i littera, nisi ea casualis sit; ut *Messalla*, *Messalina*; *mille*, *milleni*, *milli*, *milìa*, *miliens*; *villa*, *villaticus*, *villula*, *villis*, *vilicus*; *stilla* (nam in *stiria* *i* productum apparet), *stillare*, *stillis*, *stilicidium*. *stelio* si recte scribitur in Mediceo Vergilii georgicon IV, 243 et in Neapolitano Festi p. 313, 13 Müller, ab eadem *stilla* originem ducit, quem admodum Varro rusticos *vellam* non *villam* dixisse tradit in rerum rusticarum I, 2, 14: itaque et Verrius Flaccus censuisse putatur, nec improbabile est Ovidium in metamorphoseon V, 461 edidisse *variis stillatus corpora guttis*, non *stellatus*. non raro tamen in huius generis vocabulis peccatum est. *Paullum* scripserunt veteres, quod postea in *Pollae* nomine diligentius servatum est: *Pollio*, quod vitiosum est, in fastis Capitolinis esse fertur, *Polionem* Graeci prope magis frequentant quam Latini, quamquam in Vergilianis codicibus utrumque fuisse testatur Servius ad eclogam III, 86, et magistrum suum *Polionem* appellat Marcus Caesar ad Frontonem p. 12 et 58, itaque exemplaria Martialis III, 20, 18 VI, 61, 9, Pithoeanum Iuvenalis VII, 176, Bambergense Plinii XXXV §. 10. in *Paulinae* nomine minus saepe peccatum est. *paullisper* hodie sine veterum librorum auctoritate faciunt suo periculo antiquarii; qui inepti habendi sunt, donec demonstraverint in huius modi vocabulis ablativos inesse, *quantis*, *aliquantis*, *paullis*, *pauxillis*, *tantis*. *nullificare* ore non satis Latino dixerunt Afri, *nullibi* est in glossariis Labbaei. *nitela* pro *nitella* non bene apud Plinium in naturalis historiae VIII, 57, 82, de quo dicam ad librum III, 1015, sed rectissime *nitelinus* in XVI, 37, 69. in Digestis Florentinis semper scriptum est *stilicidium*; quare gratia habenda est librario codicis oblongi, qui in hoc vocabulo veram scribendi rationem servavit solus, nisi quod Brixiensis quoque editio *Stilicidiique* habere fertur. ex eodem vocabulo primus, ut puto, Marullus *i* paenultimum sustulit sic, *Stilicidi*. in VI, 1226 codex uterque *remedi*, in eodem 434 *brachii*, *Apsinthii* et *Absinthii* in IV, 16, quadratus in VI, 1074 *conchyl*. schedae in subscriptione libri I II VI TITI LUCRETI, oblongus et Antonius Marii in quinque prioribus TITI LUCRETI, in sexto TITI LUCRETI: in summis paginis oblongus LUCRETI LIB. II, sic III, III, V, sed LUCRETI LIB. VI. Veneta editio ubique *T. Lucreti Cari*. ceterum Lucretii verba Seneca posuit in naturalium quaestionum IV, 3.

313. UNCUS ARATRI FERREUS OCCULTE DECRESKIT VOMER IN ARVIS. His utitur Isidorus in originum xx, 14: quinque ultima vocabula habet Servius ad georgicon i, 46, quattuor ultima grammaticus in libello de generibus ab Haupatio edito p. 103, 21, versum ab his proximum Isidorus originum xv, 16, 6. in his Servius et Isidorus *occulto in arvo*, grammaticus ille *in arvis*. sed Isidorus in xx Lucretii verbis haec subicit, *sumitque* (sive *sumpsitque*) *per detrimenta fulgorem*, eaque totidem verbis ab Hrabano Mauro descripta esse nuper indicavit Hugo Purmannus in Schneidewini Philologo p. 74 tomi tertii. in Isidoro olim vulgo ferebatur *nitorem*; unde exorsi duo homines doctissimi nescio qua libidine versus procuderunt, alter foedissimum, *Sumitque semper per detrimenta nitorem*, alter Vergilio male usus parum elegantem, *Sumitque attritus per detrimenta nitorem*. equidem Seminaque floresque ingenii Lucretiani, ubi quid ex opere exciderit, recipere si possim, mihi sane gratuler, sed Lap-paeque tribolique absint: nam iste nitor vomeris hic frustra emicat, cum poëta non describat splendentia, sed quae minuantur attritu.

321. PRAECLUSET SPECIEM NATURA VIDENDI. Corrector oblongi PRAECLUSIT. sed *speciem videndi* nullam esse neque esse posse Bentleius et Wakefeldus intellexerunt, nisi quod a vera emendandi ratione ideo aberrarunt, quod huic poëtae simplicissima quaeque et rei accommodatissima unice convenire non satis perspexerant. itaque in hoc versu nihil aliud inesse potuit, nisi naturam nobis videndi *facultatem* non tribuisse: sed poëta, cum *praecludendi* vocabulo uteretur, debuit magis proprie sic dicere, *Invida praeclusit SPATIUM natura videndi*.

326. NEC, MAREQ. INPENDENT, VESCO SALE SAXA PERESA. *I'esco* abest quadrato et schedis; propter quod vocabulum ipsum haec commemorant Gellius in xvi, 5, Paulus e Festo libro xix p. 158 Lindem., Philargyrius ad georgicon iii, 174. iisdem Donatum usum esse ad Phormionem i, 4, 2 demonstrabo ad librum vi, 489.

334. QUA PROPTER LOCUS EST INTACTUS INANE VACANSQUE. Qua propter? quaeso. ni mirum quia id cognosse utile est: aut certe quia extat inane, ideo id inane locus intactus est. neque enim quicquam praecessit unde

definitio vera esse intellegatur, neque *qua propter* ita ut *igitur* in simplici orationis progressu dicitur. sed ne ipsa quidem definitio aut necessaria est aut recta: nam *inane vacansque* ipsum *intactile est* I, 437 aut *intactum manet* v, 358 aut vocari potest *locus ac spatium* I, 426 955 1074, *spatium vacuum inane* 523 527, non *locus intactus*. Epicurus apud Diogenem in x, 40 ὁ κενὸν καὶ χώραν καὶ ἀναφῇ φύσιν ὀνομάζομεν. §. 86 ὅτι τὸ πᾶν σῶμα καὶ ἀναφῆς φύσις ἐστίν. Sextus empiricus p. 476, 15 κατὰ τὸν Ἐπίκουρον τῆς ἀναφοῦς καλουμένης φύσεως τὸ μὲν τι ὀνομάζεται κενόν, τὸ δὲ τόπος, τὸ δὲ χώρα, ἐπεὶ περ ἡ αὐτὴ φύσις ἔρημος μὲν καθεστηκυῖα παντὸς σώματος κενὸν προσαγορεύεται, καταλαμβανομένη δὲ ὑπὸ σώματος τόπος καλεῖται, χωρῶντων δὲ δι' αὐτῆς σωμάτων χώρα γίνεται. κοινῶς μέντοι φύσις ἀναφῆς εἴρηται παρὰ τῷ Ἐπικούρῳ διὰ τὸ ἐστέρησθαι τῆς κατὰ ἀντίβασιν ἀφῆς. itaque hunc versum, qui in oblongo totus a correctore in litura scriptus est, Bentleius et Wakefieldus merito reiciendum iudicarunt.

347. ESSE LICERET RARO. Itali et impressi LICET.

349. UBERIBUS FIENT OMNIA GUTTIS. Itali et Brixien-
ensis FLENT.

352. AB RADICIMUS IMIS. Ita quadratus et schedae: oblongus in litura *bus imis* a correctore, qui RADICIBUS scribendum animadvertisse videtur primus.

356. QUA POSSENT CORPORA QUAEQUE TRANSIRE HAUD ULLA VALERENT RATIONE VIDERES. Ita quadratus et schedae: oblongus in litura *feri ratione videres*, non ab eo correctore qui pleraque emendavit, sed ab eo quem litera Saxonica usum dixi. hunc quia tam audacem non novi, suspicor in archetypo ipso ad *valerent* adscriptum fuisse FIERI, quod ipsum Itali et impressi recte secuti sunt.

360. NAM SITANTUNDEMST IN LANE GLOMERE QUANTUM CORPORIS IN PLUMBO EST. Primam in *glomer*e syllabam a Lucretio 'arsis vi' productam scribit in Venusinis lectionibus Weichertus p. 108; cuius modi doctrinae nulla ad me pervenit notitia: hoc scio, in versu Ciceronis de divinatione I, 106, ubi est *Subigit*, scribendum esse *Hic Iovis altisoni subito pinnata satellites, Arboris e trunco serpentis saucia morsu, Subrigit, ipsa feris transfigens unguibus, anquem.* sic de

aquila Valerius Flaccus in 1, 157 *validis fixam erigit unguibus agnam*. hic autem, ubi de *glomere* agitur, cum *glomerata* et *glomeramina* et *conglomerari* non modo hic poëta dixerit, sed eadem mensura olim Ennius *Eheu* (*eu* exemplaria Nonii p. 90) *mea fortuna, ut omnia in me conglomeras mala*, sane improbabile videtur in nomine simplici diversam pronuntiationem obtinuisse, praesertim cum apud Horatium sit *Ut vinosa glomus*. est tamen fatendum illud vocabulum in suam mensuram redactum hic ceteris aptari non posse nisi hoc modo, *Nam si tantundemst in plumbo corpori quantum In lanae glomere est, tantundem pendere par est*; quae etsi eo consilio, ut ne corporis nomen s littera antiquo more elisa dicendum esset, tam licenter immutari potuisse credibile est, nihilo minus constat in lingua Latina vulgaria quaedam vocabula vel nomina, et partim vetustate obscurata, habere mensuram aut ambiguam aut ab origine sua diversam. ita differunt inter se *pusus* et *pusillus*, *offa* et *ofella*, *mamma* et *mamilla*, *scribere* et *conscribissent*. a *mutone* et *moetino* sunt u correpta *mutoniati*. *pumilos* u brevi et *pumilones* eadem longa dixisse creditur Statius: *pumilionem* producte Lucretius et Martialis. *gallinaeceum* producte Plautus, Lucilius, Titinius Charisii p. 192, Phaedrus, sic *mustacea* Iuvenalis et Statius silv. 1, 6, 19: contra *merdacea* correpte in Priapeo 69, 8. Varro de lingua Latina ix p. 533 *in lege venditionis fundi* inquit *ruta caesa ita dicimus ut u producamus*: sed iidem *eruta* aliter dicebant, itemque *rutrum* et *rutellum* u correpto Pomponius et Lucilius apud Nonium p. 18. Ovidius in v fastorum 421 *Ritus erit veteris nocturna Lemuria sacri*, et ibidem 483 *Mox etiam lemures animas dixere silentum*. *Sabum* producte Silius Italicus viii, 424, a quo *Sabinos* appellatos dicit. *Mamurram* prima brevi Catullus, eadem longa Horatius. Propertius *Luceresque coloni*, Ovidius *Luceribusque dedit*. horum alter *At tibi Mamuri*, alter *Praemia persolvunt Mamuriumque vocant*. Vergilius *Catillusque acerque Coras*, quem sequitur Silius, Horatius *Circa mite solum Tiburis et moenia Catili*, Statius ad Horatianum illud alludens *dictumque lyra maiore Catillum*. Ovidius fastorum vi, 139 *Est illis strigibus nomen*, itaque alii, sed Plautus in Pseudulo iii, 2, 31 *Non condimentis condiunt, sed strigibus*: neque enim *stringem* Charisius videtur scripsisse p. 84, sed *libarius*. canis *vertraqus acer* Martiali xiv, 200: Gratius 203 *ver-*

traham delige. coturnices prima longa Plautus et Lucretius: *Ecce coturnices* Ovidius, item Iuvenalis. *vietum* media longa Terentius, Lucretius, Prudentius: unus inter omnes Horatius *Qui sudor vietis. rudere*, quod est asinorum, Persius produxit solus, ceteri corripunt. ita *vacillare* saepe prima correpta Lucretius, idem semel in III, 504 *Tum quasi vacillans*: sic ibi membranae, et apud Nonium p. 34, 23 27 *vaccillare* et *vaccillante*; quod si, ut videtur, a *vacca* factum est, in hoc, ut in *Catillo* sive *Catillo* et *Catilo*, item in *ofella* et *mamilla*, consonantes variant, in ceteris vocales. similiter *Tintinant aures* Catullus, *tintinnabulum* de gallis agyrtis Lucilius apud Nonium p. 490, 24 et Iuvenalis *tintinnabula*, *tinire* Terentianus Maurus 232, ceteri *tinnire*, *Porsenna* apud Vergilium Aeneidos VIII, 646, si Servio et Mediceis membranarum fides est, qui media brevi *Porsena* Horatio Silio Martiali. nomina propria locorum non attingam, in quae quantum vulgi mobilitati licuerit nemo ignorat. hoc tantum dico, in ipsa urbe de locis nobilissimis dubitatum esse. Lucilius apud Nonium p. 462, 28 *Calvu' Palatina quidam, vir non* (libri *vir nobilis*) *bonu' bello*, neque aliter usquam Vergilius, Horatius, Tibullus, Propertius, Ovidius, Lucanus, Calpurnius, Petronius: Quid placet aut odio est, quod non mutabile credas? Mutavit mentem populus levis, et dixerunt *Palatia* modo correpte modo producte Statius, Silius, Martialis, Iuvenalis. atque eadem mutatio facta est in monte *Vaticano*, cuius nominis secundam syllabam Horatius corripuit, non, ut inepte dicit Orellius, quod id a *vaticiniis* repeteret, sed quia vulgo ita dicebant: postea Martialis et Iuvenalis eandem syllabam extenderunt. sed de *Apulia* et *Apulis* numquam dubitatum est quin prima syllaba producenda esset, itaque Lucilius apud Festum p. 313, 11 in hexametro *Apuliden pedibus stlembum*. quare indocte provocant ad ambiguitatem priorum qui in Horatii carminum III, 4 tuentur versum foedissime interpolatum hunc, *Altricis extra limen Apuliae*. porro nemo umquam *Apulicum* pro *Apulo* dixit, quod perturbare versiculi numeros in eodem Horatii libro 24, 4 docti, quantum scio, ne animadverterunt quidem, *Tyrrhenum omne tuis et mare Apulicum*. ubi id exemplar vetus cuius summa est inter omnia auctoritas, cum aliis satis multis, habet *mare publicum*. idque verissimum est. dicit enim Marcianus 1. 2 et 4 pr. D.

de divis. rer. I, 8, ubi eas res quae publicae sunt pertractat, *Naturali iure omnium communia sunt illa, aër, aqua profluens, et mare, et per hoc litora maris. nemo igitur ad litus maris accedere prohibetur piscandi causa; dum tamen villis et aedificiis et monumentis absteineatur, quia non sunt iuris gentium sicut mare.* Horatius autem sic sentit, mare debere ita ut sit manere neque privatum fieri aedificationibus. itaque haec, nisi fallor, scripsisse censendus est, *Caementis licet occupes Terrenum omne tuis et mare publicum. terrenum omne* ut Livius xxiii, 19 *quidquid herbidi terreni extra murum erat*, et his paria alii. simillima sententia de aureo saeculo Germanicus, 114 *Ignotique maris cursus, privataque tellus Grata satis*; ubi paulo post scribendum est *nec parvi terminus agri Praestabat dominis, sine eo (libri signo) tutissima, rura.* de Graecorum nominum quantitate ut in praesentia nihil dicam, nolo tamen reticere mihi eos pravo iudicio uti videri qui Ovidium existiment relegatione fractum scribere potuisse *visa Maeotis hiems* in tristium III, 12, 2; cui poëtae suum reddi potest hoc modo, *Frigora iam zephyri minuunt, annoque peracto Longior intepuit* (libri antiquis) *visa Tomitis hiems.*

366. AUT CONTRA. Marullus AT contra. sic saepissime hic poëta, in VI, 1095 *Et contra*, in eodem 929 *dilutaque contra*, non *Ut contra*, quod 'edidit ex ingenio suo' Wakefieldus. mox versu 367 quadratus et schedae *vacuum minus*.

372. NITENTIBUS ALUNT. Corrector oblongi et ceteri praeter veteres membranas AIUNT. sed idem corrector etiam alio modo et ineptissime *alvei*.

383. UNDE INITIUM PRIMUM. Corrector oblongi INITUM.

384. DE CONCURSO. Itali et Marullus CONCURSU. ita membranae in VI, 161 172.

386. INTER CORPORA QUOD FLAT. Itali et Marullus FIAT.

389. NAM PRIMUM QUISQ. NECESSEST OCCUPET ILLE LOCUM. Marullus *primum* QUENQUE.

395. POTEST CONDENSERIER AER. Corrector oblongi DENSERIER.

404. CANES UT MONTIVAGAE PERSAEPE FERARE. Corrector oblongi *ferarum*: *ferai* corrector quadrati, Antonius Marii, olim impressi, Marullus. rectius est *ferai*, quia *montivagum ferarum genus* dicitur in II, 597 1081.

411. HOC TIBI DEPTANO . Optime Antonius Marii DE PLANO . in versu ante hunc proximo quadratus et schedae paulum vere abscesseris ab re .

412. E FONTIBUS MAGNES . Ita oblongus : eius corrector MAGNIS , itaque Antonius Marii et impressi . sed idem corrector praeterea amnes , quod habent quadratus et schedae .

414. UT UREAR . Corrector oblongi *Ut VEREAR* .

433. 434. NAM QUOD CUMQUE ERIT , ESSE ALIQUID DEBEBIT ID IPSUM AUGMINE VEL GRANDI VEL PARVO DENIQUE , DUM SIT . Creechius haec ita interpretatur , 'Quicquid enim est , quantitate aliqua , magna aut parva donatur , ' quasi scriptum sit *aliquo augmine* . sed neque *augmen* quantitas est , neque tactus et intactile (haec enim secuntur) differunt inter se aut quantitate aut augmine . versus prior seorsum positus integram sententiam complectitur , *Nam quod cumque erit , esse aliquid debet id ipsum ;* scilicet ὡς τὰ καθ' ὅλας φύσεις λαμβανόμενα καὶ μὴ ὡς τὰ τούτων συμπτώματα ἢ συμβεβηκότα λεγόμενα , quae addit Epicurus apud Diogenem x , 40 . hoc autem *aliquid* aut tactile est aut intactile ; *Cui si tactus erit quamvis levis exiguusque , Augmine vel grandi vel parvo denique (dum sit) Corporis augebit numerum summamque sequetur .* ergo hoc ordine versus sunt collocandi .

438. PER SE TRANSERE . Corrector oblongi TRANSIRE . potuit esse *transeire* .

442. AUT ERIT UT POSSUNT . Itali et impressi *ut POSSINT* . olim me stupidum et bardum dicebam , cum videbam Wakefieldo Eichstadio Forbigero probari *erit ut possunt* , neque ego id capere poteram : sed tum eos nondum cognoveram .

449. NAM QUAE CUMQUE CIVENT , AUT HIS CONIUNCTO DUOBUS REBUS EA INVENIES . Corrector oblongi et Nonius p. 203 , 32 CLUENT et CONIUNCTA DUABUS .

451. QUOD NUSQUAM SINE PERINITIALI . Corrector quadrati et Antonius Florentinus PERNITIALI ; quod cum exemplarium impressorum auctores paulo rectius scriberent , non debebant simul facere *nunquam* .

452. SEQUE GREAGARI . Corrector oblongi *seque GREGARI* .

453. 454. PONDUS UTI SAXIS , CALOR IGNIS , LIQUOR AQUAE , TACTUS CORPORIBUS CUNCTIS , INTACTUS

INANI. Quadratus, schedae, corrector oblongi, Marullus, AQUAI: Antonius Marii et olim impressi *aquarum*. deinde Marullus *saxi* et paulo rectius Wakefieldus *SAXIST*, quod ipse inepte scripsit *saxi est*. genetivo autem opus est, sive *aquarum* scribamus sive *aquai*: nam de dativis in *ai* disyllabon exeuntibus nugas narrant grammatici poetarum usus ignari. his tamen imperitis is annumerandus est qui horum versuum alterum fecit: is enim, si elegantias Wakefieldi, ut par est, reicimus, non procedit, nisi in priore dativi sint *saxis igni aquai*. quamquam iste huius versiculi parens, fetum suum proiecisce contentus, ne emendasse quidem priorem ad mentem suam videtur, aut certe in *igni* ei non paruerunt librarii. nos vero hunc lectorem importunum iam novimus, qui cum supra 334 Lucretio in definiendo inani *locum intactum* largitus esset, eandem rem hic iterum inculcavit; in quo simul ostendit se aut peregrinum esse aut parum percepisse linguae Latinae ingenium. nam *intactus* recto casu, ut pro substantivo sit, Latine dici non potest, quoniam huius modi participalia cum *in* negativo coniuncta non nisi unum casum recipiunt, *iniussu*, *incultu*, *inconsultu*, *invocatu*. horum postremo Fronto usus est p. 172 edit. Rom., cuius verba subieci, ut emendata legerentur. *An cum labore quidem et studio investigare verba elegantia prohibes, eadem vero si ultro si iniussu atque invocatu meo venerint, ut Menelaum ad epulas, interim quidem recipi iubet?* scripsi enim *interim quidem*, hoc est tantisper, ubi in codice fertur esse *venerint quidem*. ab iis monoptotis quae dixi non valde differunt haec, *inmerito*, *indebito*, *inaugurato*, *inauspicato*, *intestato*, *insperato*, *inopinato*, *inconsulto*, *improviso*, *inexplorato*, *inpraepedito*. in illo priore tamen genere Livium dixisse volunt in XLII, 12, 7 *per incultum*, quo loco aptissimum est *per indultum ac negligentiam*: recto casu interpolator noster philosophus usus est solus.

455. PAUPERTAS DIVIAEQUE. Corrector oblongi DIVITIAEQUE.

458. EVENTO VOCARE. Idem EVENTA. locum proximum, qui est de tempore, significat Servius ad Aeneidos III, 587 et VII, 37.

467. EVENTA FUERIT. Hoc ex FUERUNT, UNT litteris angustius contractis scripto, facile nasci potuit, et *fuerunt* in schedis esse Gudius Henrichseniusque testantur. ita hic

corrector oblongi, itaque membranae nostrae in iv, 150 *fuerunt*. eadem *fuere* i, 234, *dedere* 737 (*debere* v, 1110), *dissiluerē* i, 391, *procubuere* 291, *interiere* iii, 937, porro *minuerunt* v, 415, *voluerunt* 1347, oblongus ambigue *vener* i, 1077. his siqua subest regula, mihi certe non apparuit.

469. NAMQUE ALIUT TERRIS, ALIUT REGIONIBUS IPSIS EVENTUM DICI POTERIT, QUOD CUMQUE ERIT ACTUM. Quadratus et schedae *aliud terris alid regionibus*. similiter quadratus in iv, 1039 *alias alid res*. versum alterum Nonius profert p. 204, 2, non priorem, in quo frustra laborant interpretes. *aliud* geminatum res diversas indicat, *terrae* vero a *regionibus* non differunt. ergo Lambinus scripsit *aliud rebus aliud regionibus ipsis*, Havercampus voluit *aliud rebus aliud temporibus ipsis*, Wakefieldus Eichstadio et Forbigerō probavit haec, *aliud terris aliud legionibus ipsis* (sed antiquarii Germani fecerunt *terreis* et *ipseis*); in quibus omnibus nihil sani esse vel inde intellegitur quod istae divisiones neque quicquam ad rem faciunt et falsae sunt. qui ambages inanes ab hoc poëta alienas esse sciet, sic scribet, *Namque aliud per sest*, velut regiones et loca de quibus dicebat: *aliud, regionibus ipsis quod cumque erit actum*, velut raptus Hele-nae et bellum Troianum, *Eventum dici poterit*.

473. TYNDARIDIS FORMA CONFLATUS AMORE IGNIS. Itali et impressi FORMAE.

477. GRAIUGENAR. Sic prima manu oblongus, quod esse debet GRAIUGENARUM. huius corrector cum quadrato schedisque et hic *Graiugenarum* et *Troianis* in versu 476. sed idem corrector in versu 465 reliquit *Troiūgenas*, ubi in ceteris *i* simplex.

480. NEC RATIONE LUERE EADEM QUA CONSTET INANE. Corrector quadrati et Itali CLUERE. *constet* oblongus, Antonius Marii, Brixien-sis editio: *constat* quadratus, schedae, Veronensis, Marullus.

484. QUA CONSTANT. Corrector quadrati et impressi QUAE.

489. TRANSIT ENIM FLUMEN CAELI PER SAEPTA DOMORUM, CLAMOR UT AD VOCES. A correctoribus uterque Vossianus FULMEN. in versu altero corrector oblongi (non YZ, ut dicit Havercampus) *Clamor it ad voces*; quod quia non facit sensum, in archetypo supra ut suspicor i litteram

adscriptam fuisse : neque sane aptius rei quicquam requiri potest , quam quod admisso *ac* pro *ad* ex libro VI , 229 facili negotio efficias , *per saepta domorum Clamor* IT AC *voces* , ut in VI , 951 *Denique per dissepta domorum saxea voces Pervolitant* , in I , 355 *Inter saepta meant voces et clausa domorum Transvolitant* . contra nihil absurdius est illa comparatione , qua *fulmen caeli per saepta domorum* transire dicitur *Clamor ut ac voces* (sic cum Avantio plerique) aut , quod Marullo placuit , *Clamor ut it vocis* , praesertim cum fulmen , ut vox , incolumes domos non facile transeat . praeterea notandum est Lucretium *caeli nubila et caeli signa* dixisse , item *faces caeli* , *caeli que solem* , *fulmen autem caeli* numquam dixisse : nam in V , 1244 multo rectius est quod oblongus habet , *caelo fulmine misso* . satis igitur apertum est poëtam scripsisse *Transit enim fulmen CAELUM* .

491. DISSILIUNTQUE FERO PERVENTI SAXA VAPORE .
Marullus FERVENTIA .

492. CUM LABEFACTATUS . Itali et olim impressi TUM .
non recte Marullus *Quin* : vide quae scribo ad versum 588 .

500. CORPORE CONSTET . Quadrati corrector et impressi
CONSTENT .

517. QUOD INANE QUEAT RERUM COHIBERE . Recte interpretatur Creechius , ' id inane quod in rebus genitis est ' . sed id si quis *inane rerum* dixerit , vereor ne potius *vacuum a rebus* quam id quod voluerit dixisse videatur . quare non dubito quin poëta scripserit *quod inane* IN REBU' QUEAT *cohibere* , id autem , ut alia , inmutatum fuerit ab iis qui s litteram elidi non ferrent . inepte Marullus *inane tectum cohibere* ; quod probat Wakefieldus cum adsentatoribus istis qui numquam per se sapiunt .

520. SI NIHIL EST QUOD INANE VOCARET . Corrector oblongi *si nil* ESSED , itaque Avantius : *siquidem nihil* est cum Italis Marullus . deinde hi correctores omnes , item Veronensis editio , VACARET : quadratus , schedae , Brixiensis , *vacaret* : oblongus prima manu *ucaret* .

525. NEC PLENUM NAVITER . Charisius p. 185 *Naviter Terentius in Eunuchio 'neque pertendes naviter'* . Lucretius quoque de rebus naturalibus tertio . in libro tertio hodie non extat , neque tanti est ut ei ibi quaeramus locum .

527. QUAE SPATIUM POENA POSSINT DISTINGUERE INANI. Marullus *spatium* PLENO INANE.

533. NEC FUNDI IN BINA. Naugerius FINDI. Veneta editio *sindi*: de Brixienti Veronensique mihi non magis constat quam de Antonio Florentino: Marullus et Avantius *scindi*.

542. DE NIHILO QUAERANTA FORENT. Optime Lambinus *De nihiloque* RENATA *forent*. minus bene corrector quadrati *creata*: oblongi corrector *De nihilo quae erant afo-rent*, i. *deerant*.

552. IAM CORPORA MATERIAE USQUE REDACTA FOVENT. Itali et impressi cum correctore oblongi *materiaeque*, Marullus MATERIAI. FORENT corrector quadrati et ceteri.

555. SUMMUM AETATIS PERVADERE FINIS. Sic oblongus, Antonius Marii, Brixientis editio: *fine* quadratus et schedae. *summum florem* Marullus, *summum finem* corrector quadrati et Veronensis editio. hoc Wakefieldus probat, qui debebat scire hunc poëtam *finem* masculino genere non dixisse. *pervadere* autem cum accusativo coniunctum quid esset Varro docuit de lingua Latina VII p. 300: *quare quod est 'pervade polum' inquit, valet 'vade per polum'* (sic recte docti: Florentinus *valde vade peripolum*): neque eo veteres umquam aliter usi sunt. quo fit ut hic perversa sit sententia, nisi scribamus *ad summum florem* aut *ad extremam finem pervadere*. sed verius est a poëtae manu hoc esse, SUMMA, hoc est universo vivendi actu, *aetatis pervadere finis*, per omne vitae spatium vadere: *fines* enim locum finibus designatum dici nemo ignorat.

562. QUONIAM REFICEREM QUAMQUE DEMUS. Corrector oblongi *refici rem. quamque* VIDEMUS corrector quadrati, Itali, impressi.

569. ADMIXTUMQ. QUONIAM SEMEL EST. Omittunt quae omnes, praeter veteres membranas.

571. VALIDI SILICES. Haec verba, quae iterum posita sunt in libro II, 449, proferunt Donatus p. 1769 et Pompeius p. 434, versum libri primi totum Nonius p. 225, 19.

578. EX AETERNO TEMPORE QUAEQ. Recte Lambinus QUAE DAM.

580. QUAE NON DUM CIVEANT. Marullus CLUEANT.

584. QUONIAM GENERAT IN REDDITA FINIS CRES-

CENDIS REBUS CONSTAT VITAMQUE TENENDI. Itali et impressi GENERATIM. ante eos corrector quadrati *generatis*, idemque cum Veronensi CRESCENDI, quod hic necessarium est: per se *Crescendis rebus finis reddita* tam recte dicitur quam apud Varronem de lingua Latina VI p. 193 *longissimum spatium senescendorum hominum*. ab eodem Varrone Gellius in III, 10 habet *modum summum adolescendi humani corporis*. Verrius Flaccus in calendario Praenestino IV k Mai. *aedis Florae, quae rebus florescendis praeest, dedicata est*.

586. QUO PACTO FIAN ET QUA VI QUAEQ. GERANTUR. Forbiger nullo auctore sed nescio qua sui fiducia dicit in codicibus Lugdunensibus inveniri *quomque*; cum posset scire Lambinum scripsisse primum *cunque* *genantur*. sed totum verum eo loco quo in libris extat sententiam non adiuvare sed interrumpere Bentleius sensit, qui eum deleri voluit. mihi satis commode videtur post illa collocari posse, *vitamque tenendi*. e proximis eum verum in quo est *sancitum*, Priscianus totum exhibet p. 907, Diomedes dimidiatum p. 368.

588. NEC COMITATUR QUICQUAM: QUIN OMNIA CONSTANT. Oblongus prima manu *commitatur*: COMMUTATUR corrector quadrati, Itali, Brixiensis editio. sed insuper scribendum est CONSTANT. nam Lucretius *quin* cum indicativo non iungit, nisi ut eam coniunctionem quae est *etiam* adiciat, aut certe id pronomen quod prope idem significat, id est *ipse*. hoc semel usus est in libro II, 799, *Lumine quin ipso mutatur* (sic oblongus, quadratus, schedae); ubi pessime Antonius Florentinus et olim impressi *qui in ipso. quin potius constituas* per interrogationem in libro I, 798.

591. INMUTABILES MATERIAE QUOQUE CORPUS HABERE DEBENT. Antonius Marii, Marullus, post hunc omnes, *Immutabile materiae quoque corpus*; quod quid sit non intellego. immo res singulae et singula animantium genera INMUTABILIS *materiae*, hoc est ex inmutabili materia confectum, *corpus habere Debent*.

599. TUM PORRO QUONIAM EST EXTREMUM QUODQUE CACUMEN CORPORIS ILLIUS, QUOD NOSTRI CERNERE SENSUS IAM NEQUEUNT, ID NI MIRUM SINE PARTIBUS EXTAT ET MINIMA CONSTAT NATURA. Recte infra 749 *Cum videamus id extremum cuiusque cacumen Esse, quod ad sensus nostros minimum esse videtur*. contra hoc in loco

ratio absurde inversa est hoc modo , In rebus extremum quodque quoniam id est quod oculos effugit , ideo id extremum minimum est et sine partibus . ergo in *quoniam* sententia laborat . praeterea *illius* ne in hac perversa quidem argumentatione locum habet , sed debet esse *illud* (et scripsit *illud* Eichstadius , Lambinus *aliquod*) : nam *corporis illius* ita accipiendum esse ut sit *eius naturae* , commentum est Forbigeri solo dignum . mihi nihil facilius videtur quam veram sententiam sine ambagibus efficere , hoc modo . *Tum porro QUIANAM est extremum quodque cacumen Corporis ULLIUS , quod nostri cernere sensus iam nequeunt?* Quapropter , inquit , in ulla re corporea extrema quaeque pars est quam oculis conspiciere non possumus? *id n̄ mirum sine partibus extat Et minima constat natura . ceterum quianam multos dixisse constat , Naevium , Plautum , Ennium , Accium in Phoenissarum exordio , Vergilium .*

606. NATURAM CORPORIS EXPLET . Antiquissimi correctores EXPLENT .

608. HAERERE UNDE QUEANT ULLA RATIONE REVELLI . Corrector quadrati *ut nequeant* : melius Itali *unde queant* NULLA .

611. NON EX ILLORUM . Optime Marullus ULLORUM .

613. NEQUE DEMINUI TAM . Corrector oblongi IAM .

619. QUOD ESCIT . Sic quadratus et schedae , oblongus *essit* : huius corrector *esset* . QUID primus Marullus , *escit* primus probavit Lambinus .

625. 626. EXTENT ET MINIMA CONSTANT NATURA . Marullus CONSTENT .

628. SI MINIMAS . 631. QUAE NULLIS . Vere Lambinus NI *minimas* et *quae* MULTIS *sunt partibus aucta* . in II , 489 *Ne quaedam (semina dicit) cogas inmani maximitate Esse , supra quod iam docui non posse probari . scilicet his ipsis versibus , neque alibi .*

634. PER QUAS RES QUAEQUE GERUNTUR . Marullus prudenter scripsit *per* QUAE , ut est in II , 727 . falsum est quod fecerunt Itali , *per quos* , quamvis a Wakefieldo appositum parasitis placuerit .

639. CLARUS OBSCURAM LINGUAM . Apud Festum p. 261 , 9 OB *obscuram* , et corrector oblongi OB *oscuram* . hinc Horatius duxit illud , *Clarum ob id factum* .

646. EX URO SI SUNT IGNI PUROQUE CREATAE. *Ex vero corrector oblongi, Itali, olim impressi, Marullus. rectius Ex uno corrector quadrati, Turnebus, Lambinus. supra 636 atque ex igni summam consistere solo.*

649. HABERET. *Habere quadratus et schedae. HABERENT Itali et impressi.*

651. LANGIDIOR PORRO DISIECTISQUE SUPATIS. Corrector oblongi *disiectis disque supatis. languidus et languida ceteris locis membranae, a quo in hoc uno quam recte discrepent ignoro. langor quidem saepe scriptum legi, idque habet in III, 172 quadratus, ubi in oblongo est languor. oblongus in VI, 1157 Langebat. e proximis versu 653 usus est Nonius p. 184, 10.*

657. SED QUIA MULTA SIBI CERNUNT CONTRARIA MUSE. Sic prima manu oblongus: eius corrector fecit *musae*, cui superscripsit *pro poëtis*, itaque Brixiensis editio *musae*, quo nomine Heracliti librum a quibusdam veterum appellatum esse nullus interpretum recordatus est, quod miror. in quadrato et in schedis est *mu* tantum. Antonius Marii (puto, e versu 666) *muſſant*, Veronensis editio *inesse*, Marullus *multi*; ex quibus vero proximum est *inesse*, sed ineptum. scribendum est enim *Sed quia multa sibi cernunt contraria adesse*. littera Romana AD non multum differt ab M: ob simile est unciali *o*.

659. AMITTUNT VER AULA. Corrector oblongi *vera VIAI*.

660. EXEMPTO REBUS INANE. Inepte Itali et olim impressi *exemptum*: Marullus recte INANI, ut est versu 742.

662. QUOD POSSIT MITTERE RAPTIS. *Raptum* olim impressi: RAPTIM Avantius.

665. QUOD SI FORTE MIA CREDUNT RATIONE POTESSE IGNIS IN COETUS STINGUI MUSAREQUE CORPUS. In his perspicuum est errore factum esse MIA quod erat ALIA. hoc Itali cum non vidissent, fecerunt *una* et ex eo Marullus *ulla*, quem omnes secuti sunt. idem Marullus MUTAREQUE: in COETU *stingui* primus Turnebus adversariorum VII, 11 et Lambinus.

668. FUNDITUR ARBOR OMNIS, ET NIHILO. Corrector quadrati FUNDITUS. sed ARDOR ante eum et Italos corrector oblongi, in quo prima manu est *amor*. postremo

et ex nihilo Itali, quos ceteri temere secuti sunt, cum supra in versu 150 sit *E nihilo*.

670. MUTUATUM. Infra 793 et in II, 753, in III, 518, MUTATUM. proximum versum habet Servius ad georgicon IV, 225, sine numero libri, sed perperam addito in fine *conexio*.

674. RENATA VIVESCAT. Hic Itali, impressi, Marullus, *virescat*. cum in versu 757 ferant quod libri habent, *renata vigescere*: Avantius *virescat* et *vilescere*. hunc Lambinus sequitur, illos Wakefeldus, qui *VIGESCAT*, quod unice verum est, scribendum negat, quia Claudianus dixerit *semperque renata Nobilitate virent*. scilicet *Per fasces numerantur avi et Nobilitate virent*: ergo potest etiam copia rerum *renata vilescere*: sed eodem dicendi genere bis uti poeta non debuit, sed scribere in altero versu *vigescere*. hoc iudicii Wakefeldiani specimen esto.

681. QUAEADAM DESCENDERE, ABIRE. Corrector oblongi DISCEDERE.

683. QUOD CUMQUE CREARET. Lambinus CREARENT.

690. DICERE PORRO IQ. NEM RES. Quadratus et schedae *iquenem*. corrector quadrati et Itali *IGNEM*.

694. ET LAEBEFACAT. Corrector oblongi LABEFACAT.

703. QUAM NEGET ESSE IGNIS, TAMEN ESSE RELINQUAT. Corrector quadrati *aliam tamen, summam tamen* Itali, quos omnes secuntur. aptissimum puto *QUIDVIS tamen esse relinquat*.

708. QUI CUMQUE PUTANTUR. Oblongus prima manu *putant*: corrector quadrati et Itali *PUTARUNT*.

710. VERTI OMNIS. Corrector quadrati et ceteri *VERTIER*.

711. LONGI DERRASSE VIDENTUR. Sic quadratus et schedae; item a correctore oblongus, cum fuisset primum *longi errasse*. olim impressi et Marullus *longeque errasse*. Lambino teste, sed eo non satis locuplete, 'cod. duo manuscr. habent *LONGE deerrasse videntur*.' est tamen hoc verissimum: nam *longus deerrare* nemo potest, nisi aut procero corpore aut ingenti passu aut nimio sermone, neque id quod volunt demonstrant I. F. Gronovius et F. Handius in diatriba Stationaria p. 314—316 et in elencho p. 183—185. Lucretius in

II, 229 *Avius a vera longe ratione recedit*. in III, 676 *Non, ut opinor, id a leto iam longiter errat*. eodem errore membranae habent *longi* in IV, 1176 et in VI, 68.

715. PROCRESCEERE. Servius ad eclogam VI, 31 et ad Aeneïdos I, 123 *nascuntur*, memoriae vitio, quod non correxit Isidorus originum XIII, 10, 4.

718. QUORUM AGRAGANTINUS. Oblongus prima manu *Agranatinus*. ACRAGANTINUS Veronensis editio et Marullus. in Plinii naturalis historiae libro xxxv §. 62 64 179 Silius scripsit *Agragentinum*. e proximis glossarium a Maio in classicorum auctorum tomo VII editum haec habet p. 584. *Triquetram Lucretius appellat quam Virgilius Latine Trinacriam nominat, id est tria promuntoria*.

720. ANGUSTOQUE FRETU RAPIDUM MARE DIVIDIT UNDIS HAEOLIAE TERRARUM ORAS A FINIBUS EIUS. Corrector oblongi *Haeoliae*. qui hoc tuetur apud Havercampum, Isaacus Vossius puto, eruditionem Lucretio adfinxit putidam, quam neque Wakefieldus neque Forbiger explicare potuerunt; quod video nunc fecisse Hugonem Purmannum p. 24: est autem tota posita in versu Callimachi qui est apud Bentleium n. 202, *Ῥήγιον ἄστυ λιπὼν Ἰοκάστου Αἰολίδας*, et in his Diodori, quae leguntur in libro V, 8, *τούτων δὲ (τῶν Αἰόλου νιῶν) Ἰόκαστος μὲν τῆς Ἰταλίας ἀντεχόμενος ἐβασίλευσε τῆς παραλλας μέχρι τῶν κατὰ τὸ Ῥήγιον τόπων*. rectissime Itali eosque secuti Marullus atque Lambinus *ITALIAE*. sed frustra idem Lambinus *Italiae terrai oras*. paulo ante poëta *triquetris terrarum in oris*, et in VI, 713 *in terris Aegypti totius*. sed in priore versu ne Prisciano quidem, qui eum totum exhibet p. 554, credendum est Lucretium haec tam incondite cumulasse, *angusto fretu dividit undis*, praesertim cum modo dixisset *glaucis ab undis*. Wakefieldus absurde *dividit ulnis*, quasi divisio ab amplexu non differat. scribendum est *Angustoque fretu rapidum mare dividit* UNDANS. dixerat in Hecuba Ennius *undantem salum*, ut testatur Nonius p. 223, 24, *undanti in fretu* Attius in iis versibus quos et Cicero profert de natura deorum II, 89 et ex eo Priscianus p. 1325.

724. ITERUM VIS UT OMNIAT IGNIS. Lambinus *vis ut vomat ignis*.

725. FLAMMAE FULGURA. Corrector oblongi *FLAMMAI*.

733. UT VIX HUMANA. Hoc versu Censorinus usus est p. 10, 18. sed qui hunc secuntur versus quinquaginta duo,

734. HIC TAMEN — 785. CUNCTA REVERTI, ii hoc

loco in quadrato et in schedis non leguntur, neque in his exemplaribus minimum defectus indicium est, sed in extrema eorundem parte post librum sextum et hi versus scripti sunt et ceteri quos suis locis praetermissos esse annotabo, et hoc quidem ordine, II, 757—806 v, 928—979 I, 734—785 II, 253—304. eae particulae interstitiis quidem inter se distinctae sunt, sed inscriptiones aut subscriptiones habent nullas. potest autem ex hac re facili opera colligi quot versus fuerint in una quaque codicis archetypi scheda: illae enim particulae singulae constant versibus quinquagenis binis. iam in hoc libro primo ante hunc locum sunt carmina poëtae DCCXXXIII, quibus accedunt capitulorum tituli XXI (non XXII: nam qui videri potest quintus decimus esse, in ratione ineunda praetermitti debet; quod quo iure fiat dicam ad capitula in fine operis): iam DCCXXXIII et XXI sunt DCCLIV: tot autem versus continentur paginis XXIX, si in singulis sunt versus vigeni seni. ergo hae paginae, quae hoc loco tum cum isti libri scribebantur e codice archetypo exciderant, fuerant in eo, cum integer esset, tricesima et xxxi vel, quod idem est, scheda codicis sexta decima.

737. EX ADITO. Sic membranae et olim impressi, per y Antonius Marii et Marullus.

739. PYTHIA QUE TRIPODI A PHOEBI LAUROQUE PROSATUR. Corrector oblongi PROFATUR, itaque in v, 112 membranae, quae ibi *tripodea*, hic *tripodia*. horum neutrum reiciendum est: nam ablativi in Graecis vocabulis ut *i* breve respuunt, ita non modo *e* correptum sed etiam *i* longum admittunt. Lucretius in II, 416 *croco Cilici perfusa* (similiter in Culice 399 *Cilici crocus editus arvo*), in III, 132 *alto delatum Heliconi*, Vitruvius VIII, 3, 6 21 *Troezeni et Clitori*, hoc est ἐν Κλειτορί, Novius apud Nonium p. 316, 5 *Caeretanus* (libri *Cretanus*) *sine diploidi*. *a*, *recta grassatur via*: omittam enim quae vulgo nota sunt, *Acherunti*, *Sicyoni*, *Lacedaemoni*, *Sidoni*. quae apud Graecos dativum in *ei* mittunt, eorum ablativi produci solent. *ex Naucratis cognato* Plautus Amphitruone II, 2, 230, *Hippomene victo* Ovidius metamorphoseon x, 608, *ab Achilli talia* idem ex Ponto III, 3, 43, *Archigene quid*

enim Iuvenalis xiii, 98. quamquam video hos ablativos ab aliis corripī. Horatius sermonum ii, 3, 193 *heros ab Achille secundus*. in Herus epistula (non scripsit eam Ovidius) 148 *A tibi suspecto ducit Ulixē genus*. Statius Thebaidos xii, 348 *parvoque torum Polynice fovebo*. ita Propertius in v, 11, 40 *putatur scripsisse fregit Achille domos*. certum est in *Diomede Ganymede Lycomedē* ultimam semper corripī: neque id mirum, cum Varro vel pluralem Latine extulerit *Diomedes* et *Diomedibus*, de lingua Latina x p. 573, neque eum ita inflectendum censuerit ut dixerunt Graecorum more Cicero de oratore ii, 94 et Gellius xiv, 1 et 6 *Naucratae Sociatae Antisthenae Hippocratae*, Iuvenalis ii, 7 *Cleanthas, Hermeraclas* Cicero ad Atticum i, 10, 3. quo magis credibile est Vergilium in Aeneidos xi, 243 scripsisse *Diomedem Argivaeque castra*, ut Statius scripsit in Achilleidos ii, 217 *Lycomedem adfatur in armis*. Terentianus Maurus 2059 dixit *Diomedem*, quo poëtas veteres usos esse non inveni.

741. MAGNO CEDIDERE IBI CAUSA. Corrector oblongi CASU.

744. TERRAS, ANIMALIA, FRUGIS. In accusativis pluralibus tertiæ declinationis quia certam loquendi constantiam a nullo umquam observatam esse intellego, nihil temere audendum ratus fidem membranarum solam secutus sum. reieci tamen formam vulgarem, quotiens anceps erat auctoritas: habet enim oblongus *cives* in i, 91, *imbres* i, 769, *dulces* i, 886, *partes* iv, 226 1092, *tremētes* v, 403, *progredientes* v, 1453, *nubes* vi, 473 507, *fontes* vi, 613; quadratus *imbres* i, 762 769 v, 1085, *partes* ii, 93, *volantes* ii, 206, *urbes* ii, 624, *aures* iv, 542. praeterea quamvis consentientes imitari ausus non sum hoc loco, ubi habent *frugis*, neque in iv, 577 991 1000, ubi *voris*; quamquam apud Nonium p. 149, 16 e Varrone scriptum est *paris*, et Manilii exemplaria in iii, 446 habent *lucis*, itemque in iv, 164. *religionis*, quod in utroque Vossiano est libro vi, 62, admittendum putavi, quoniam ab hoc genere ablativus in *i* desinens non est alienus, quod demonstrabo ad librum ii, 520. atque ita in lege de xx quaestoribus i, 32 scriptum est *eosque praeconeis omneis*, sed in eadem *praecones legere*, *praecones sumito*, *praecones habere*: *latronis* Plautus in Milite i, 74, apud Nonium *latrones* p. 486, 18. in libro ii, 789 oblongus prima manu *coloris* habet, idemque in vi, 987 vitiose

nidores odoris ; quod indicare malui quam tacere : supersunt enim in hac re multa quae ab aliis doceri velim . *lictoris* e Caelio Antipatro Nonius p. 505, 33 , *unicoloris* Varro rerum rusticarum libro II, 4, 3 . in lege Iulia municipali 145 *omnium municipium* , 160 *municipieis* (hoc est *municipeis*) *fundanos*, 163 *municipis fundanos* , item *municipium suorum* in Ciceronis Planciana 19 codex Bavaricus , *principium* in Cornelli Nepotis Attico 17, 3 ; quae nequis reprehendat , Lucilii versus cavet qui est apud Charisium p. 74 , *scalprorum forcipiumque Milia viginti* . similiter *extispicium* in octonario Attius (*Principio extispicium ex prodigiis congruens te ars arguit*) et ad *extispicis* Varro apud Nonium p. 16, 11, 14 , *ramicis* apud eundem Varro p. 166, 16 , *subicis* Ennius p. 169, 3 , *panticis* Plautus p. 394, 33 . in Varronis de lingua Latina VII p. 351 Florentinus *laudis eius caneret* , in Lucretii V, 3 *fingere laudes* , neque aliter Mediceus Vergilii in Aeneidos VIII, 287 x, 282 : ita *laudum* et *laudium* auctores habent fere pares .

747. FACIENT . 748. CONSISTERE QUI . Itali et Marullus FACIUNT . QUICQUAM Marullus .

751. CONICERE UT POSSIS EX HOC , QUE CERNERE NON QUIS EXTREMUM QUOD HABENT , MINIMUM CONSISTERE . Itali *minimum consistere rebus* ; quos ceteri secuti sunt , nisi quod Lambinus fecit *in consistere rebus* . sed idem Lambinus cum Avantio *quod cernere non quis* ; quibus repugnat versus libri II 121 , ubi est iterum *Conicere ut possis ex hoc* , non sequente pronomine relativo . mihi argumentum optime cōcludi videtur hoc modo . in sensibilibus id quod extremum est videmus minimum esse ; *Conicere ut possis ex hoc* , *quae cernere non quis* , ea *Extremum quod habent* , id *minimum consistere* multo magis atque PRORSUM , ut erat in versu 748 .

753. HUC ACCIDIT ITEM , QUONIAM PRIMORDIA RERUM MOLLIA CONSTITUUNT — , FUNDITUS UT QUI DEBEAT AD NIHILUM IAM RERUM SUMMA REVERTI . Corrector oblongi *Huc accedit* . cetera , quae nullus interpretum expedit , sine dubitatione ita scribenda sunt , *Huc accedit UTEI — funditus USQUE Debeat ad nilum iam rerum summa reverti* .

758. QUID A VERO IAM DISTET HABES . Recte corrector oblongi , Itali , olim impressi , *iam HABEBIS* , hoc est

iam tenebis ; ut in III, 831 *Quandoquidem natura animi mortalis habetur* . Lambinus nescio qua mutandi libidine habebas , quod ferri non potest .

759. INIMICA MODIS MULTIS SUNT ATQUE VENE IPSA SIBI INTER SE . Quadratus *veneni* , corrector oblongi *venena* ; quod cum ceteri secuti essent , Wakefieldus hunc poetam *venenum* plurali numero numquam extulisse observavit , eaque de causa maluit *inimica sunt atque veneno Ipsa sibi inter se* , quod recte firmavit Varronis verbis quae sunt in rerum rusticarum I, 2, 18 , *quaedam enim pecudes culturae sunt inimicae ac veneno* . itaque cum ne Varro quidem voluerit haec coniungere , *inimicae ac venena* , Wakefieldum atque ipsum Varronem hic quidem sequendos duco : in libro II , 461 causa nulla est quo minus scribamus *quod cumque venenumst Sensibus* . sed quod Nonius habet p. 491 , 10 ex eodem Varrone , *eius enim salivam esse fructuis veneno* , id Latine dici non credo : et habent *venenum* exemplaria Varronis .

767. ATERNIS GIGNUNTUR . Corrector oblongi ALTERNIS . mox versum 769 , qui est 762 temere repetitus , idem corrector iam delevit .

772. NATURAM ET MUTET . Ut corrector quadrati et Itali : sic Veronensis editio , non Brixiensis .

774. NON ANIMAS . Itali et Marullus ANIMANS .

775. SUAM QUISQUE IN COETUM . Marullus QUICQUE in COETU .

776. OSTENDIT . Itali et Avantius OSTENDET .

777. CUM TERRA SIMUL ET QUODAM CUM RORE MANARE . Corrector oblongi MANERE . tum rectissime Lambinus totidem litteris ATQ. ARDOR cum rore .

778. IN REBUS OPORTET . Qui paulum modo in hoc carmine versatus fuerit , non dubitabit quin scripserit poeta *primordia gignundis in rebu'* NECESSEST *Naturam clandestinam adhibere* : neque enim aliter usquam in huius modi rebus locutus est . accedit quod hoc ipso verbo , quod est *oportet* , ea , puto , de causa quod ad iudicia proprie pertinet , neque Lucretius alio ullo in loco usus est , neque ceteri poetae praeter comicos eo delectantur . habent quidem illud satirici , Lucilius , Horatius , Persius , Iuvenalis , item Phaedrus , qui comico generi proximi sunt ; sed ne hi quidem saepe . e tragicis , quantum scio , Ennius eo usus est , *Te ipsum hoc oportet*

profiteri, apud Nonium p. 232, 24, et Attius qui videtur doctissimis, *Eum scire oportet*, in Ciceronis Tusculanarum II, 39, Seneca cum vi singulari *tandem libet Quod olim oportet* in Phoenissis 146. Catullus autem in ioco 90, 3 *Nam Magus ex matre et gnato gignatur oportet*; Vergilius item semel in persona ridicule obiurgantis *pastorem Tityre pinguis Pascere oportet ovis*, ecloga VI, 5; poeta Dirarum 36 *cinis haec tibi fiat oportet*, Propertius bis, *delicta queraris oportet, mecum moriaris oportet*, II, 4, 18, 25; Lygdamus 1, 14 *comptum mittere oportet opus*; Ovidius ceteris paulo frequentius, *tua dicar oportet et ventis ut oportuit actus iniquis* in epistula I, 83 et VI, 141, *ita credere oportet* in artis I, 699, *nec te quicquam nisi ludere oportet* in remediis 23, *Inque Tomitana condar oportet humo et cupias, ut re potiaris, oportet* et *Per rerum turbam tu quoque oportet eas* ex Ponto III, 1, 6 35 144. minus inexpectatum in Priapeo 39 *Simpliciter tibi me quod cumque est dicere oportet*. in Ciri 261 *quod oportet amari: melius quod par sit amari*. Martialis semel in iambo *Numeres oportet aliquid* IV, 37.

779. NATURAM GLANDESTINAM. Corrector oblongi CLANDESTINAM.

780. DEMINEAT NEQUID. Vere, puto, Naugerius, quem Forbiger, ut solet, sua laude fraudat, EMINEAT. quadratus *nequit. quit* oblongus in V, 527 et 545. *quicquit* idem in III, 787 V, 131. *aliquit* oblongus in I, 977 IV, 1134, quadratus I, 672. *aliut* oblongus I, 469 V, 765 832 833 VI, 995, quadratus III, 1083, uterque V, 756 1278.

781. QUOD CUMQUE CREATAS. Corrector oblongi CREATUR.

784. HINC IGNEM GIGNI, TERRAMQUE CREARI EX IGNI, RETROQUE IN TERRAM CUNCTA REVERTI. Quadratus *Ea igni*. verrissime Marullus *hinc imbrem gigni, terramque creari Ex imbri*: idemque reliqua in simplicissimam sententiam ita restituit ut nihil ultra quaerendum putem, *retroque a terra cuncta reverti*. Marullum omnes secuti sunt, gratum animum testatus est nemo; quod nota dignum est in Gifanio et Forbiger, quandoquidem scierunt haec a Marullo profecta.

789. FACERE HAUD ULLO — FACTO. Hoc Wakefieldus reicere non audet: Forbiger, ut servorum captus est,

elegantius iudicat quam quod scripsit homo sanus ac simplex Marullus, *haud ullo pacto*. ita membranae in II, 750.

805. ET NISI TEMPESTAS INDULGET TEMPORE FAUSTO, IMBRIBUS ET TABE NIMBORUM ARBUSTA VACILLEN. SOLQUE SUA PRO PARTE FOVET TRIBUITQUE CALOREM. CRESCERE NON POSSINT FRUGES ARBUSTA ANIMANTIS. Priscianus p. 768, ubi de *tabe* ablativo agit, horum partem ita scriptam exhibet, *Imbribus ut tabe nimborum arbusta vacillent*. regulae prosodiacae quas edidit Barthius in adversariorum xxxvi, 13 p. 1691 *Vacillat breve est apud Lucretium* ** *arbusta vacillant*. orationem incompositam et dissolutam cum animadvertisset Marullus, scripsit *Crescere uti possint*. multo minus prudenter Lambinus *vacillant*, ut coniungerentur haec et si *tabe nimborum arbusta vacillant*; quo fit ut in conditione ponatur effectus. neuter intellexit de solis *arbustis* primum inepte dicta esse quae deinde ad *fruges arbusta animantis* referrentur. itaque ne illum ipsum versum, quem a Prisciano lectum scimus, cogamur delere, traiciamus potius et emendemus hoc modo. *Et nisi tempestas indulget, tempore fausto, Solque sua pro parte fovet tribuitque calorem, Imbribus et tabe nimborum ARBUSTA vacillent, Crescere non possint fruges arbusta animantis*. omnia, inquit, imbrium frigore *ambusta* vacillent atque nutent. Valerius Flaccus in IV, 70 *Haec ait (vulgo Exit ubi). e scopulis, media inter pabula diri Vulturis, ipse etiam gemitu maestaque fatigat Voce Iovem, saevis relevans ambusta pruinis Lumina*. Columella in XI, 3, 13 *brumae frigoribus et pruinis inurendum*, et in X, 74 *quae canis iaceant urenda pruinis*. quod si cui forte haec in versibus duobus continuis posita displicent, quasi sono inter se nimis similia sint, *ambusta vacillent, arbusta animantis*, mihi ne similia quidem videntur, sed *ambustum* media vocali longa dicendum existimo. nam participia passiva ea quorum in praesenti consonans est aut liquida aut s semivocalis, quantitatem praesentis secuntur: *gestus depstus tostus* corripuntur, producantur *census ustus pistus*; item *promptus demptus sumpstus* ut *promo* et cetera, aliter *emptus pressus adultus sepultus pulsus vulsus salsus cantus litus desitus contemptus partus satus cursus* et a verrendo *versus*. contra ubi in praesenti media est, participia producantur; neque minus *sorptus*, ut puto, quam *lapsus gluptus nupta scriptus iussus*; item ut *cessus fisus*

visus trusus, ita casus, esus et comestus, tunsus et tusus, tonsus, pansus et passus dispessus, tensus et tentus, pensus accensus fissus scissus fossus sessum arsus orsus morsus; porro a figendo fictus et fixus, frictus et frixus, flictus luctus suctus, et similiter a fingendo fictus pictus strictus tinctus linctus pollinctus cinctus unctus emunctus functus iunctus punctus plactus pactus tactus sparsus mersus indultus alsius actus lectus tectus rectus. minus certa sunt quae de tenuibus tradam. ante c longam vocalem breviari constat, quamvis perfecta producantur (deixit douxit), dictus ductus ictus, neque dubia sunt iactus factus doctus coctus sectus enectus inlectus aspectus victus vinctus sanctus sartus parsum fultus ultus: sed reptare utro modo dici debeat nescio, brevia sunt captus raptus ruptus scalptus carptus sarptus: denique missus et sensus vocali producta efferuntur, correpta quassus passus fassus fessus messus versus flexus nexus pexus. ubi aspiratio est in praesenti, a vehendo esse vectum vocali correpta scimus; unde tractum eodem modo dicendum puto: sed rursum in puris docemur structum habere u porrectum, cui simillima sunt, nisi fallor, fructus et fluxus cum fluctu. praeterea sunt indutum tributum elutum lustrum eadem quantitate, quamquam differunt ratum itum citum rutum. postremo a vivendo victus et a convivendo nictare, ut habent u consonantem a g non alienam, mihi videntur i longa pronuntiata esse. haec quasi inutilia grammaticos nostros non attingere video, neque eos qui pueris libellos scribunt, neque qui e libellis sapiunt. magnam tamen eorum partem exposuit Gellius in Atticarum noctium ix, 6 et xii, 3; ubi enumerata sunt haec. ago actus actito, ungo unctus unctito, scribo scriptus scriptito, moveo motus motito, pendo pensus pensito, edo esus esito; contra dico dictus dictito, gero gestus gestito, veho vectus vectito, rapio raptus raptito, capio captus captito, facio factus factito: item sicut a ligando lictor, et a legendo lector et a viendo vitor et a tuendo tutor et a struendo structor productis quae corripiebantur vocalibus dicta sunt. Porphyrio ad Horatii sermonum i, 6, 122 Lecto producta syllaba pronuntiare debemus, quia frequentativum est ab eo quod est lego; non quod hoc proprium esset frequentativi (valet enim non minus de participio), sed quod verendum erat nequis lectum τὴν κλίνην interpretaretur, in quo e corripitur. sed nondum possum, quamvis vellem posse, dimittere grammaticam: restat enim quaerendum

quo iure scripserint in his versibus librarii *animantis* recto casu; de qua re, post Varronem, unum qui diligenter dixerit cognovi Philippum Wagnerum in orthographia Vergiliana p. 405, quamquam ne hic quidem e Mediceo Vergilii codice nihil praetermisit, ut *turpis* georg. iv, 96, *segnis* 198, *sortis* Aen. vii, 269, *omnis* vii, 625 xl, 362, *gentis* ix, 131. in s. c. de Genuatibus *fineis* 2 6, *finis* 13. in lege Servilia p. 93 *ceiveis Romanei iustei sunt*. in Propertii ii, 9, 27 *flentis*, iii, 31, 8 *artificis*, v, 9, 8 *Incolumis*; ubi Hertzbergius p. 211 alios attendere iubet, ipse nihil novi aut veri adfert. in Martialis vi, 61 libri omnes *Meque sinus omnis, me manus omnis habet*; ubi Schneidewinum non intellego. *velantis panni* in Iuvenalis satura xiv, 300 Pithoeanus. Plautina exempla expendenda relinquam Friderico Ritschelio. sed in Varronis de lingua Latina libris, qui in viii p. 440 volgo sine reprehensione et *hae puppis restis* et *hae puppes restes* dici testatur, haec observavi huius formae exempla a Lagomarsino relata, cum quo O. Mülleri indiculi p. 3 et 190 et 331 non omnino concinunt. libro v p. 16, 3 *non mediocris tenebrae*, p. 31, 2 *eae partis*, p. 62, 1 *quatuor quoque partis urbis* (sic Florentinus), p. 120, 4 *umbonis a Graeco quod ambonis*, in viii p. 441, 8 *sint disparilis*, in ix p. 479, 5 *quod ut ex natis nascuntur lentis ficei* (Florentinus sic et) *lupinum*, p. 517, 1 *fniti casus omnis*, p. 526, 5 *si natione, sexu (u addidi), procreante dissimilis*, in x p. 583 *degenere multi utuntur, non modo poëtae, sed etiam plerique omnis qui soluta oratione loquuntur: haec primo* (ita haec traicienda sunt) *dicebant etc.* ex eodem Varrone Nonius p. 91, 4 *aquatilis querquetulae natantes*, p. 77, 5 *laudis erant maiorum*, p. 94, 23 *consuetudinis puerilis*, p. 154, 8 *innubae fiunt communis*, p. 167, 8 *pudentis Vixere (en patriam)*, p. 236, 27 *minoris natu*, p. 356, 16 *clamitantis*, p. 428, 24 *annalis*, p. 494, 17 *adulescentis*. in eiusdem rerum rusticarum libro ii, 5, 9 *maris*, 7, 11 *praegnatis*, iii, 5, 1 *pinguis*, 5, 13 *avis*. haec cum considerassem, non dubitavi membranarum fide uti, ubi inter se consentirent. habet autem uterque codex hic *animantis*, ii, 577 *visentis*, 955 *vitalis*, 1155 *plangentis*, iv, 397 *montis*, 452 *duplicis*, 1203 *aventis*, 1221 *parentis*, v, 216 *imbris*, 494 *partis*, 525 *pascentis*, 1072 *Florantis*, vi, 936 *omnis*. in dissensu tamen codicum secutus sum eum qui vulgarem formam praeberet. oblongus i, 12 *volucris*, 1034 *labentis*, v, 1315 *quatientis*, vi, 471 *vestis*, 671 *tempestatis*, 747 *montis*, 833 *volantis*. idem

v, 681 *noctis in litura*, ubi post *n* litteram quid prima manu scriptum fuisset dispicere non potui. quadratus III, 598 *omnis*, IV, 413 *gentis*. schedae I, 496 *retinentis*. Nonius *vestis* e I, 305 p. 175, 6, idem *gravis* e VI, 782 p. 394, 19, e VI, 160 *nubis* p. 506, 11. paucula sunt quae vix credam ferri posse. *poplitis* e IV, 952 Nonius p. 218, 21; cui tamen par est *peditis*, quod tribuit idem Sisennae p. 58, 19, et *segetis*, quod Vergilio p. 284, 6, Varroni *tegetis* p. 414, 23, *velitis* Sallustio et Varroni p. 552, 28 30 553, 10. *Uxoris* in IV, 1255 oblongus et quadratus, *odoris* in eodem 494 quadratus; quibus rectius esse puto quod Nonius habet p. 497, 15 e Turpilio, *primoris viros*, quod est prope ut *maioris*. sic tamen *pictoris* idem e Cicerone p. 471, 32, e Varrone *spectatoris* p. 492, 9. in v, 1085 membranae habent *gregis* et *grecis* pro recto casu, ut supra 744 *frugis* accusandi, *iudicis* recto lex Servilia p. 56, *rumicis* recto Nonius e Lucilio p. 224, 4. ita *carnificis* recto quadratus in III, 1017.

814. NI MIRUM QUIA MULTIMODIS COMMUNIA MULTIS MULTARUM RERUM IN REBUS PRIMORDIA MIXTA SUNT. Quadratus et schedae *primordia multa*; quod primus probavit miro iudicio Wakefieldus. a Forbigero iudicium expectari non potuit, sed in miserrimis assensio. rectius autem a Lambino adsumpsissent *MULTA modis*. sed placuit iis hoc vitiosum *multimodis multis* etiam in v, 187, quod noluerunt in IV, 1220, in I, 1024, in v, 424.

824. MULTIS COMMUNIA BELLIS. Corrector quadrati, Itali, Brixiensis editor, *multis communia* VERBIS. scilicet scriptum fuit BERIS; quod cum deberet esse BERUIS, u super r adscriptum LL visum est. hoc propterea exponendum putavi, quia Forbigero videtur 'mira varietas.' qui si hoc recte percipiet, fortasse iam per se dicere poterit unde in galliam-bum Catulli venerit illud ineptissimum *Geminas deorum ad auris* 75, cum poëta scripsisset *Geminas matris ad auris nova nuntia referens*.

830. NUNC ET ANAXAGORAE SCRUTEMUR HOMOEOMERIAN. Codex oblongus prima manu non, ut dicit Havercampus, *Homoiomeriam*, sed *homofomerian*, ex quo intellegi potest quonam scripturae genere exaratum fuerit exemplar archetypon. Servius ad Aeneidos IV, 625, ut solet, falsus memoriae, *Nunc ad Anaxagorae veniamus homoeomeriam*; hac-

tenus tamen rectius, quod et pro etiam Lucretii orationi non magis convenit quam nec pro ne quidem, neque ei qui patrii sermonis egestatem incusat (utitur eius verbis Plinius in epistularum iv, 18) antiqui sermonis licuit violare castitatem. itaque dubitari non potest quin dederit Nunc ut Anaxagorae scrutemur homoeomerian; cum quibus in proximis, quae libri ita scripta exhibent,

834. PRINCIPIO, RERUM QUAM DICIT HOMOEOMERIAN, optime coit illud *Principio*, cui subiectum est 847 *Addē* et 859 *Praeterea*, non convenit *Principium rerum*, quod fecit Lambinus. quid quod ita ne dixit quidem usquam Lucretius, sed *rerum principia* i, 741 1047 ii, 789: nec dici potest quam ignave ita hic versus cum prioribus conexus sit. ergo coniungenda haec sunt cum iis quae secuntur, hoc modo. *rerum quom dicit homoeomerian*,

835. OSSA VIDELICET DE PAUXILLIS ATQUE MINUTIS OSSIBUS HIC ET DE PAUXILLIS ATQUE MINUTIS VISCERIBUS VISCUS GIGNI. Quibus subicitur *putat*, neque in iis quicquam vitii est, nisi quod cum Marullo scribi oportet *Ossa videlicet e pauxillis*. nam *Ossibus sic et unde* Antonius Marii et codicum olim impressorum auctores sumpserint nescio: sed ne Marullo quidem vera scriptura innotuerat, qui fecit *Ossibus et sic de*.

837. SANGUEMQUE CREARI. Ita oblongus: quadratus *sanguēque*. SANGUENQUE Itali, Carisius p. 70, Nonius p. 184, 14 224, 9, Servius ad georgicon i, 139 et ad Aeneidos i, 211. Probus quoque p. 1448 Lucretium *hoc sanguen* dixisse refert.

843. NEC TAMEN ESSE ULLA IDEN PARTE IN REBUS INANE CONCEDIT. Antonius Marii *esse ulla parte idem rebus*, impressi *ulla parte idem in rebus*. sed cum Lucretius praepositione omissa ita non dicat nisi genetivo addito, *certa mundi languescere parte* v, 769, *alienis partibus anni* i, 181, *alternis partibus anni* v, 701, malo scribere *ulla idem ex parte*, ut in i, 667 *ex nulla facere id si parte reparcent*, in iv, 721 *Lae-dere ne possint ex ulla lumina parte*. est autem notandum hunc poëtam *ex parte* vel *ex partibus* semper dicere, i, 616 iv, 515 v, 721 vi, 694, sed *s* littera praecedente aliter, *suis*, *minimis*, *aestivis e partibus* ii, 159 485 iii, 545 v, 615. ante cetera vocabula quae ab eadem littera incipiunt, semper *e* praepositione

utitur , e *pauzillis* , e *perplexis* , e *procero* , e *pectore* , e *principiis* , e *primis* , e *parvis* , e *portis* .

846. ATQUE ILLIS VIRA QUOD DIXIMUS ANTE . Quadratus et schedae quo . bene Marullus atque illi , SUPRA QUOS diximus ante .

847. INBECILIA NIMIS . Itali et Veronensis editor IMBECILLA .

852. UT MORTEM EFFICIAT . Corrector quadrati et Itali EFFUGIAT .

853. IGNIS , AN UMOR , AN AURA ? QUID HORUM ? SANGUIS AN OS ? Quadratus et schedae *Ignibus an umor* . in versu extremo , ut absurda praeteream , Antonius Marii *sanguis an* , *an os* ? Naugerius *sanguis an* , *anne os* ? Muretus *sanguis an ossum* ? Lambinus *sanguen an ossa* ? Gifanius *sanguis anne os* ? horum priores ignorarunt *sanguis* et *pulvis* esse natura longa , correpta postea , neque semper , a Vergilio Horatio Tibullo : Gifanius qua arte veteres versus spondiazontas fecissent non didicerat . videamus quot res poëtam hic commemorasse probabile sit . in superioribus enumeraverat haec , *ossa* , *viscus* , *sanguen* , *aurum* , *terram* , *ignem* , *umorem* : hic *aura* addita recurrunt ex illis *ignis* , *umor* , *sanguis* , *os* , absunt autem *viscus* , *aurum* , *terra* . quid ni igitur horum certe unum in eum locum , ubi versus deficit , recipiamus ? nam *sanguisan* nihil nisi *sanguen* esse satis apparet . scribatur ergo me auctore *Ignis* , *an umor* , *an aura* ? *quid horum* ? SANGUEN , *os* , AURUM ?

860. SCIRE LICET NOBIS VENAS ET SANGUIN ET OSSA . Itali et impressi SANGUEN . cetera a Marullo frustra temptata Lambinus recte restituit , et his subiecit versum hunc , *Et nervos alienigenis ex partibus esse* . laudo ingenium et studium Lambini : sed debuit dicere se eum versum fecisse .

861. SINE CIBOS OMNIS COMMIXTO CORE DICENT ESSET HABERE IN SE . Itali SIVE *cibos omnis commixto corpore dicent* ESSE ET *habere in se nervorum corpora parva* .

866. OSSIBUS ET NERVIS SANIEQUE ET SANGUINE MIXTA . Verrissimum est quod Avantius dedit primus , *VENISQUE et sanguine* MISTO .

873. 874. PRAETEREA TELLUS Q. CORPORA CUMQ. ALIT , AUGET EX ALIENIGENIS , QUAE LIGNIS ORIUNTUR . Hos

versus Marullus delevit : restituit alterum Lambinus, in quo scripsit cum Italis *exoriuntur*. mihi uterque rectus videtur, si paulum adiuventur, hoc modo. *Praeterea*, cum ipsa ex alienigenis constant, *tellus quae corpora cumque alit, auget eadem nullis aliis cibis et alimentis nisi quae sunt Ex alienigenis, quae ipsa ALIENIGENIS oriuntur*.

882. ROBORE CUM IN SAXI FRANGUNTUR. 884. CUM LAPIDI IN LAPIDEM TENEMUS. Itali et impressi TERIMUS. ex utroque versu IN praepositionem sustulit Marullus, recte, ut puto, etsi cur addita sit non intellego.

885. HERBIS QUOQUE SAEPE DECEBAT. Marullus HERBAS, recte, quia sequitur ab eodem *decebat suspensum Herbarum genera et fruges frondesque*.

886. ET LATICIS DULCIS GUTTAS. *Dulces oblongus et Antonius, non impressi. LATICIS Antonius et Marullus. mox simileque quadratus et schedae: quadrati corrector similesque. in versu proximo quali quadratus et schedae, qualis oblongus, quales corrector oblongi et cum Italis impressi. Lambinus lanigeræ quali sunt ubera lactis, optime: sed mihi alterum satis placet, dulces guttas mittere tales quali oves sunt lactis ubere.*

890. DISPERTITA IN TERRAM LATITARE MINUTE. Hunc versum cum proximo omittunt quadratus et schedae. Itali et impressi *et in terram*: Marullus, si Candido fides, *Dispertita esse ac in terris*: Naugerius *Dispertita ac in terris*, Lambinus *atque in terris*. haec qui examinabit, singula incondita esse intelleget, pleraque vitiosa. Wakefieldus cum suis *ac in terram latitare*, scilicet ne priorum aliquo minus peccarent. perspicuum est poëtam scripsisse *Dispertita INTER terram*.

893. QUONIAM MANIFESTA DOCET. RES addidit corrector quadrati et ceteri.

900. DONEC FLAMMAE FULSERUNT FLORE COORTO. Marullus verrissime FLAMMAI.

906. CONFICERET VOLGO SILVAS. Corrector quadrati et ceteri CONFICERENT.

909. CONTINGANTUR. Naugerius CONTINEANTUR, ut paulo ante versu 818. 'sed' Wakefieldus inquit 'variantium loquelarum iucunditas lepidissimo poëtae concedatur.' hunc graviter refutat Forbiger, cum satis esset digitum ad illa poëtae verba intendisse, paulo quod diximus ante.

912. IGNES E LIGNUM. Cum Itali inepte fecissent *Ignes e lignis*, Wakefieldus quasi per nebulam suspicatus id vidit quod manifestum est, ET *lignum*. viderat hoc ante eum corrector quadrati.

918. HAEC RATIONE. Corrector quadrati et ceteri HAC.

919. FIET UTIRIS UT AEMULO. Oblongus prima manu ut *emulo*. Itali et impressi *uti risu* TREMULO. in II, 976 et *risu tremulo*.

922. NEC ME ANIMI FALLIT — 927. TRITA SOLO. Hos versus Macrobius in VI Saturn. cap. 2 profert ex libro primo Lucretii, collatos cum Vergilianis his ex georgicon III, 289, *Nec sum animi dubius, verbis ea vincere magnum Quam sit et angustis hunc addere rebus honorem: Sed me Parnasi deserta per ardua dulcis Raptat amor. iuvat ire iugis qua nulla priorum Castaliam molli devertitur orbita clivo*. quorum absoluta interpretatione Servius adscripsit *Hic autem totus locus de Lucretio translatus est*: nec potest dubitari quin Vergilius hos versus in libro primo scriptos legerit. nihilo minus et horum extrema et quae secuntur Nonius se in libro quarto legisse testatur p. 319, 15 252, 8 413, 16 190, 24 241, 31. auctoritas utrobique paene par est, carmina ipsa libro primo accommodatissima, non quarti prohoemio, cui multo minus conveniunt illa, *Religionum animum nodis exsolvere pergo* (sic enim utrobique membranae, non *animos*), quam si praecesserit ut in primo *Nunc age, quod super est cognosce et clarius audi*, ex quo intellegimus poëtam id agere ut Memmii animum religionibus solvat. sed etsi concedamus haec ab utroque loco non aliena esse, tamen quibus versibus aliquis iam usus sit apto loco, eosdem inrevocatum iterare in alius libri prohoemio et pauperis ingenii est et nullius iudicii. quorum quia neutrum in Lucretium cadit, Forbiger, ut est infeliciter sagax, in libro primo *διασκευαστήν* odoratur: hunc *Θυρσοπλήγα* fuisse mavult, Lucretium non credit, neque hunc illos divinos versus fudisse: Vergilium, quia simul aliud Lucretii carmen in usum suum convertit, quod est in libro V, 97 *Nec me animi fallit — quam difficile id mihi sit pervincere dictis*, ex libro primo nihil sumpsisse adfirmat, cum tamen et in sententiarum coniunctione et in illo *dulci amore* manifesta sint imitationis vestigia, idemque Vergilius ex his illa petierit,

Quarum, Musarum, sacra fero ingenti percussus amore, georg. II, 476, et *Obstipuit magno laudum percussus amore*, Aen. IX, 197. at ex hac una absurda repetitione qui recto iudicio utetur intellet Lucretium opus suum non ipsum in publicum prodidisse: nam poematis editor si nullum libri quarti exordium a Lucretio scriptum habuit, facile potuit se officio suo satis fecisse existimare, si hos pulcherrimos versus in illo loco repetisset. et Lucretium quidem inter expoliendum poema suum, primo tantum libro absoluto, decessisse multis argumentis firmissimis demonstratum inveniet qui hos commentarios porro legerit, idque Hieronymus in chronico testatum reliquit addito ipso emendatoris nomine. Hieronymus, inquam, non Eusebius, quem admodum nimis neglegenter dicunt editores Lucretii: imperitissime et Forbiger in dissertatione p. 126 suspicari se scribit Hieronymum sua ideoque fide minus digna Eusebianis admiscuisse, et Heusdius in epistula de Lucilio anno 1844 edita p. 9 Eusebium Armeniacum in eis quae neque habet neque habere potest ab Hieronymo dissentire dicit; ut appareat utrumque libro, cuius rationem non cognovisset, confidenter usum esse. Hieronymi verba subicci, quae Pontacus exhibet in numero Abrahæ 1923, Scaliger 1922, Maius denique, isque solus recte, 1918. *Titus Lucretius poeta nascitur, qui postea amatorio poculo in furorem versus, cum aliquot libros per intervalla insaniae conscripsisset, quos postea Cicero emendavit, propria se manu interfecit anno aetatis XLIV.* numerus Abrahæ 1918 est annus ab urbe condita Varronianus 655, quo anno M. Antonio et A. Postumio Albino consulibus Caesar quoque natus est. anno post hunc quarto et quadragesimo Lucretium obiisse Donatus satis confirmat in vita Vergilii cap. 2, ubi haec leguntur. *xv anno virilem togam cepit, illis consulibus iterum quibus natus erat: evenitque ut eo ipso die Lucretius poeta decederet.* Vergilius enim togam accepit ante idus Octobres Pompeio et Crasso iterum, hoc est anno 699; cuius mense Septembri incipiente excurrit annus Abrahæ 1962, qui est a 1918 quadragesimus quartus: sed Hieronymum in rebus Romanis annos Iulianos secutum esse recte observavit Merkelius ad Ovidii fastos p. CCLXVIII. anni proximi 700 mense Febuario scribit ad Q. Ciceronem Marcus frater libro II, 11 *Lucretii poemata ut scribis ita sunt, non multis luminibus ingenti,*

multae tamen artis. in tam exacta temporum convenientia nihil obstat quo minus Hieronymum hic Suetonio satis recte usum esse credamus: nec dubitari potest quin fere eadem in commentariis in Lucretii carmen scriptis invenerit, quos vulgo notos fuisse testatur in apologia in Rufinum prima, tomo II p. 472 ed. Vallarsii. in re nota nihil opus fuit ut Ciceronis praenomen poneret, cum nemo ignoraret Quintum intellegendum esse, eum ipsum cuius frater de Lucretio iudicium probat, hominem in studiis poëticis versatum, neque a philosophia alienum, sed nulli certae disciplinae addictum. at nostri interpretes, quasi nullum nisi oratorem Ciceronem nosset, de Lucretii carminum emendatione mendacium esse clamant, cetera Donati et Hieronymi non exornata, sed ficta et commenticia pronuntiant. ego vero in Hieronymianis nihil omnino quod credi non possit invenio: neque enim totam poësin per intervalla insaniae compositam dicit, sed aliquam partem. olim fuisse qui se nomen quoque uxoris Lucretii repperisse putarent, Petrus Crinitus testatur: postea Scalliger, cuius insignem quendam errorem sciens praetereo, eandem rem quasi novam protulit ad Eusebium n. 1922. scilicet in nugacissimo libello, qui inter Hieronymi opera tomo XI editus est ita inscriptus, *Valerius Ruffino, ne ducat uxorem*, p. 245 haec leguntur. *Livia virum suum interfecit, quem nimis odiit; Lucillia suum, quem nimis amavit. illa sponte miscuit aconitum, haec decepta furorem propinavit pro amoris poculo. amice, contrariis contenderunt votis istae, neutra tamen defraudata est fine fraudis femineae et proprio scilicet damno.*

931. QUOD MAGIS. In libro quarto 6 MAGNIS.

932. EXSOLVERE PORGO. In quarto PERGO.

942. SED POTIUS TALI FACTO RECREATA VALESCAT.

In libro quarto *tali atacto*, ex quo quadrati ipse primus scriptor fecit corrigendo *tali attactu*. hoc absurdum est: attactu mellis non convalescet puer, sed absinthii potione, sive errore, ut placuit Tasso, *da l'inganno suo. tali facto recreata* probari posset, si hic Ovidii versus esset, qui scripsit in remediis amoris 479 *Quod si quis vestrum factum hoc incusat, Achivi*; scilicet non vestrum, sed meum. at veteribus in *facti* vocabulo singulari numero posito nullam subiecti variationem admittere placuit. itaque Plautus sine ulla ambiguitate scripsit in Epidico I, 2, 6 *Qui invident, omnis inimicos mi istoc*

facto repperi, meo *facto repperi*; item in *Truculento* II, 3, 22 *Post factum plector*, videlicet meum, non alienum. in persona secunda *Hem istoc me facto tibi devinxi* in *Asinaria* V, 1, 21. in persona tertia, in eadem fabula V, 2, 12 *Verum hoc facto sese ostendit*, eo quod fecit; in *Captivis* II, 2, 53 *Memini quom dicto haut audebat*, *facto nunc laedat licet*. idem plerumque observatur in impersonalibus, ut in *Bacchidibus* IV, 9, 93 *Persuasum est facere cuius me nunc facti pudet*, in *Trinummo* I, 2, 90 *Dedisti argentum? factum: neque facti piget*, in *Mercatore* V, 4, 24 *Itidem ut tempus anni, aetatem aliam aliud factum condecet* (libri convenit); non tamen semper: *Terentius* in *Hecyra* IV, 4, 24 *nequeo satis, Quam hoc mihi videtur factum prave, proloqui. Non tibi illud factum minus placet quam mihi, Lache*; *Lucretius* in III, 850 *Nec, si materiem nostram collegerit aetas, Pertineat quicquam tamen ad nos hoc quoque factum*. ambigua videri possunt quae in suspensa sententia sunt, ut in *Poenulo* I, 1, 69 *Tibi auscultabo. faciam ut facto gaudeas*: sed in talibus suspensa sola spectanda sunt, ut *facto gaudeas*, hoc est tuo; et in *Mercatore* II, 2, 51 *at ne deterio rem tamen Hoc facto ducas*, deterio rem hoc facto suo; in *Milite* IV, 8, 64 *Ante hoc factum hunc sum arbitratus semper servom pessimum*, hunc ante quam hoc facinus faceret; in *Cistellaria* I, 3, 16 *Quoniam reum eius facti nescit qui siet*. in horum postremo auctor facti incertus est, in *Captivis* II, 2, 102 reticetur, *Quam citissime potest, tam hoc cedere ad factum volo*. conveniunt cum his *Horatiana*, epistularum II, 2, 32 *Clarus ob id factum*, suum, item epistularum I, 2, 40 *Dimidium facti qui coepit habet*, et sermonum I, 6, 84 *pudicum, Qui primus virtutis honos, servavit ab omni Non solum facto verum opprobrio quoque turpi*, pudicum me a facto omni quo impudicus fierem. in cultiorem autem poësin non admittitur hoc facto, tali facto, quo facto, rarissima sunt factum hoc, quod memoras factum *Aen.* IV, 109, *tanti facti* *Aen.* VII, 232, *me nullo facto*, scilicet meo, apud *Propertium* IV, 6, 21. ne *Ovidius* quidem, qui in hoc vocabulo nimius est, *facto illo dixit* in *metam.* VI, 411, *impositum est non comparentis in usum Partis ebur, factoque Pelops fuit integer illo*, sed *facto ebore*. hic tamen habet quaedam a plerisque spreta, ut *Quo merui poenam facto?* *metam.* III, 654; *Quo tua non possunt offendi pectora facto, Forsitan hoc alio iudice crimen erit*, in *remediis* 427; *facto pius et sceleratus eodem*, *metam.* III, 5 IX, 408; *unoque*

duas ulciscere facto XIV, 36, *facto damnandus in uno* VII, 402; *Alterius facti culpa* trist. II, 208. in Lucretii versu apertum est scribi oportere *tali pacto recreata valescat*. sic idem saepe *hoc pacto, alio pacto, eodem pacto, nullo vel haud ullo pacto, item tali ratione, tali natura, tempore tali, in tali tempore, opere in tali*.

943. PLERUMQUE VIDET. Oblongi corrector Saxo VIDETUR, ut in IV, 18.

954. NEC SIT, EVOLVAMUS. Lambinus optime *Nec sit*.

957. AN IMENSUM. Ita hic semel oblongus et quadratus.

966. IN OMNUS. Itali et impressi *in omnis*.

971. INVALIDIS UTRUM. Lambinus ID *validis*.

981. QUERAM QUID TELO DENIQUE FIET. Itali et impressi FIAT. versu proximo quadratus *Fiat uti*.

984. PRAETEREA SCATIUM SUMMA TOTIUS. Quadratus *catium*, corrector oblongi SPATIUM.

985. SI INCLUSUS. Itali et impressi INCLUSUM.

987. CONFLUXIT AD IMUM. Marullus CONFLUXET.

993. CORPORIBUS NULLAS. Antonius Marii et Brixien-
sis editor *nulla est*, rectius Veronensis NULLAST. nam ne-
que Wakefieldo et Eichstadio parendum est, qui cum in aliis
antiquam scribendi rationem nimis cupide sectentur, tamen
in hac re temere spreta veterum codicum fide *est* semper
omnibus litteris scripserunt, neque iis adsentendum, qui
nimis curiose interstitium faciunt, *nisi molestum sit*, quo et
silentium imperant et numerum syllabarum augent. ceterum
in hac re codicum auctoritatem secutus sum, sive utriusque
sive alterutrius, constantiam et certam scribendi normam non
quaesivi. in publicis quidem monumentis usque ad Augusti
principatus finem *est* semper plenum et intactum invenio,
scriptum est, captum est, cautum est, cavitumve est, in Africa
est, in Pisano institutum est, supra scriptum est, in Ancy-
rano supplicatum est, inclusum est, quae proxima est; quam-
quam *situs pro situst, Is hic situs quei nunquam victus est*
virtutei, est in epitaphio L. Cornelii Cn. f. Cn. n. Scipionis,
in s. c. de Genuatibus 17 *quei vocitatust*. epigramma anti-
cum, quod Capuae extare, saeculo urbis Romanae septimo
scriptum, a Theodoro Mommsenio didici (est in Orellii Syl-
loge n. 2277), *Non aevo exsacto vitai es traditus morti*; in quo

versu *vitalis* dicendum esse docebo ad librum III, 374. in fastis Praenestinis Verrius Flaccus semel IV. K. Mai. *dedicatast*, in iisdem saepe *dedicata est*. Festus p. 334, 1 Verrione an se auctore scripserit *praetervectast*, vix licet quaerere. in Lucilii versibus, qui sunt apud Nonium p. 2, 29 monstruose corrupti, monstra ipsa est vocali sua truncatum fuisse ostendunt, *In numero quorum nunc primus Trebellius multos Lucius*: nam sanat febris, senium, vomitum, pus: libri enim habent multos Titos Lucios narcesibai febris. idem Lucilius apud eundem p. 78, 9 omnis in unast Res homini bulga, bulga haec devincta lacerto est; ubi libri in una seti hominibus bulga haec devincta certo est. in Ciceronis accusationis libro I, 153 scribi debet communi praesidio talis improbitas tamquam aliquod incendium restinguendumst, quia Vaticanus p. 410 Mai habet restinguendum sit: vulgo minus eleganter restinguenda est. in Vergilii georgicon II, 272 legebat multumst Velius Longus p. 2238. Horatius in carmine saeculari et in quarto carminum libro longas vocales non elisit: ergo in huius ecloga tertia scripsit Totum muneris hoc tui est, non tui est. et protulit eius modi non nulla Orellius e codice Bernensi antiquissimo, ut quantost, tantist, ergost, quaesitumst, in sermonum I, 1, 59 et in arte poetica 304 353 409. in pentametrorum exitu Ovidius scripsisse putandus est pars bona montis east, cura novata meast, sacra roganda viast, laesa figura tuast, ferre gravest, non adeunda pedest, palma petenda mihist, repexa modost; item Tibullus non tibi culta comast, aperta viast, facta tubast, puella bonast, salva puella tibist; Propertius clausa puella meast, illa futura meast, siqua tuast, perfidiast, caeca viast, si patiare levest, in amore rotast, nunc mihi dulcis aquast, invidiosa deast; Carpathium omne marest, ancora iacta mihist: neque Catullus aliter dicere potuit, sed scripsit pollicitast, culpa tuast, dulce mihist, laetitias, quia in illa pentametri parte elisio locum non habet. itaque Priapeorum poetae similiter deast, meast, tuast, merdaceast, et Martialis meast, tuast, datast, pilast, rosast, viast, casast, ferast, gulast, gravest, benest, tibist, homost, Sardinias, suppositast, sandapilast, luxuriast, pigritiast, chera-grast, pudicitias, difficilist (sic plane Puteaneus in XIII, 48), similest, condicioist. atque eadem ratione Propertio cogimur adscribere hoc, facta superba dea's III, 33, 14, et Catullo pollicita's 66, 34 et Lesbia amata mea's 87, 2; quamquam Ovidius

in *fastorum* iv, 456 videtur potius scripsisse *filia*, *dixit*, *ubist*? quam *ubi's*. nam *es* ita truncatum praeter quam apud comicos rarissime invenietur. Lucilius apud Nonium p. 13, 27 *nam tu solu'* (libri *sannunt solis*) *mihi in magno maerore*, *Tristitia in summa et crepera re* (libri *summo crepera*), *inventu' saluti's*. in Catulli carmine 66, 27 *adeptus libri pro adepta's*. dixit tamen Martialis quoque in exitu pentametrorum *vetula's* et *fatua's* iii, 32 72, *homo's* autem septiens. in eadem versus sede non omnes *m* litteram cum verbo substantivo colliserunt. Catullus *miserumst*, Propertius *parumst*, *domumst*, *virumst*, Ovidius *malumst* amor. ii, 9, *virumst* remed. 60, *meumst* fast i, 120, *adulteriumst* trist. ii, 430, *meumst* iii, 14, *tuumst* v, 9, qui scripsit epistolam Medae *meumst*, 12, 206, Martialis *forumst*, *garumst*, *archetypumst*, *meumst*, *lucrumst*. ac nequis hanc mutilatam verbi formam omni condicione pariter omnibus probatam putet, in eodem pentametri loco Ovidius longam syllabam non raro admisit, velut *dolost*, *meost*, *meast*, *locost*, *fugast*, *solost*, *rogost*, *forost*, *tuist*, *malist*, *iocost*, *sonost*, *bonost*, *deaest* (Ib. 378), *notast*, *meaest* (Pont. ii, 7, 38), *manust* (iv, 1, 14), nec nimis raro qui eius nomine epistulas heroidum scripserunt, ceteri vix usquam, Catullus semel *meast* 87, 4, Propertius *domost*, *viast*, *marist*, *solost*, *salost*, *deost*, *meast*, Martialis bis, *domist*, *virost*, nullus omnium extra disyllaba.

994. SEDES UBI PONERE POSSIT. Itali et Marullus POSSINT.

996. PARTIBUS CUNCTIS, INFERNAQUE SUPPEDITANTUR. Itali et impressi *Partibus in cunctis*: sed rectius addeamus *E*, quod est in versu 217. deinde Marullus AETERNAQUE, rei convenienter, quamvis secus videatur Wakefieldo et Forbigerō, qui quotiens philosophantur delirant.

1008. IPSO MODUM. Corrector quadrati et ceteri IPSA.

1009. QUE CORPUS INANE. Recte INANI Itali. sed iidem et impressi sine causa *quia*.

1012. AUT ETIAM ALTERUTRUM, NISI TERMINET ALTERUM, EORUM SIMPLICE NATURA PATEAT TAMEN INMODERATUM. De his versibus Madvicius egregie disputavit in opusculis prioribus p. 313, post quem aliorum interpretum rationem habere supervacaneum est. dixit poeta rerum universitatem neque extrinsecus finiri posse (1001) neque sibi ipsam finem ponere (1009). 'hoc ne faciat' inquit, 'natura

cavet, quae corpora inani et inane corporibus determinat, *Ut sic alternis infinita omnia reddat.* his subicitur *aut etiam*, quod Madvicus, si eius mentem recte capio, (videntur autem ei post *inmoderatum* aliquot versus periisse) illis superioribus subiungit hac fere ratione. 'natura prohibet omni fines, quod alterna finitione infinitum reddit: aut, si hoc non fiat, tamen etiam alterutrum, sive corpus sive inane, altero non terminante infinitum pateat; [quod est absurdum: nam neque corpora infinita spatium haberent,] *Nec mare nec tellus* et cetera, finita scilicet in infinito, *Exiguum possent horai sistere tempus.*' sed haec aut fallor aut non recte procedunt. nam si Lucretius hic disiunctione usus est, eius tria membra erant, 'aut utrumque infinitum, aut neutrum, aut alterutrum.' itaque horum medii cum nulla mentio sit, videtur mihi potius hypothesis esse in his, *alterutrum nisi terminet alterum*, hoc modo. 'corpus inani et inane corpore finitum infinitatem efficit: aut, si natura hac lege uti desinat, etiam alterutrum eorum, nisi alterum terminet,' — quid iam? nam nunc apparet, opinor, non alibi quam post *eorum* aliquid excidisse: pergamus ergo sic, 'etiam alterutrum infinitum [*motum atque universam naturam everteret*].' id qua causa eventurum esse statuendum sit, Epicuri verbis dicam, quae huc pertinere interpretes recte viderunt, quae sunt apud Laërtium Diogenem x, 42. εἴτε γὰρ ἦν τὸ κενὸν ἄπειρον, τὰ δὲ σώματα ὠρισμένα, οὐδαμοῦ ἂν ἔμνευε τὰ σώματα, ἀλλ' ἐφ' ἑτέρου κατὰ τὸ ἄπειρον κενὸν διεσπαρμένα, οὐκ ἔχοντα τὰ ὑπερέδοντα καὶ στελλόντα κατὰ τὰς ἀντικοπὰς· εἴτε τὸ κενὸν ἦν ὠρισμένον, οὐκ ἂν εἶχε τὰ ἄπειρα σώματα ὅπου ἐνέστη. sed Lucretius, quod Madvicum non fefellisse apparet, horum ordinem invertit, hoc modo. '[nam si inane finitum sit, corporibus infinitis locum non praeberet: aut si corpora numero finita sint, inane autem] *Simplicem naturam pateat tamen inmoderatum, Nec mare nec tellus neque caeli lucida templa* — *Exiguum possent horai sistere tempus.*'

1017. DE COETUM MATERIA. Corrector quadrati et ceteri de COETU MATERIAI.

1019. CONCRETA OREASSET. Antiquissimi correctores utriusque exemplaris CREASSET.

1023. NEC QUOS QUAEQUE SAGACI MENTE LOCARUNT. Marullus ex v, 423 *Nec quos quaeque darent motus perfigere profecto.*

1028. QUALIBUS HAEC REBUS CONSISTIT SUMMA CREATA. Libro v, 194 *si in talis disposituras Deciderunt quoe et in talis venere meatus*, Qualibus haec RERUM geritur nunc summa novando. ex quibus apparet quam nullo iudicio Eichstadius et Forbiger Fabro recte monenti repugnent.

1033. SUMMAQUE GENS ANIMANTUM FLOREANT. Prorsus egregie Marullus SUMMISSAQUE *gens animantum* FLOREAT.

1036. EX INFINITO. Ita quadratus, *infinitu* oblongus. utriusque corrector *infinita*: ita quadratus versu 1025.

1037. AMMISSA. Sic oblongus, *admissa* quadratus. in utroque factum AMISSA.

1040. DISSOLUIT. Corrector quadrati et ceteri DIS-SOLUI.

1041. ALIQUA RATIONE AVERSA VIA. *Viai* corrector quadrati et Itali et Marullus. sed Lucretius sine hoc Graecismo dixit in v, 415 *Inde ubi vis aliqua ratione aversa recessit*. quare malo VIAQUE.

1047. PRINCIPIUM RERUM. Marullus PRINCIPIIS.

1061. ET SIMILI RATIONE. Hic editores se formam et conexum orationis nullo modo percepisse male interpungendo ostendunt. prima sunt haec. *Illud — fuge credere —, In medium summae quod dicunt omnia niti*. illi quod dicunt a cetera oratione excludunt; quo pacto ea quae secuntur intellegi non possunt. nam secuntur haec ab illo *dicunt* suspensa, *Ipsum si quicquam posse in se sistere credis*; quibus simillima sunt quae habemus in iv, 364, *Umbra videtur item nobis in sole moveri Et vestigia nostra sequi gestumque imitari; Aëra si credis privatum lumine posse Indugredi motus hominum gestumque sequentem*. sic Cicero de natura deorum i, 36 *atque idem hic alio loco aethera deum dicit; si intellegi potest nihil sentiens deus*. porro eidem *si credis* subiuncta sunt haec, *Et quae pondera sunt sub terris omnia sursum Nitier in terraque retro requiescere posta*. hic subsistendum est: nam proxima nimis inepte eodem referunt, *Ut per aquas quae nunc rerum simulacra videmus*: nulla enim ponderum et in aqua simulacrorum similitudo est, quae neque sursum nitantur neque requiescant, sed in aqua vagentur. tum post illud *si credis* mire ita pergitur, *Et simili ratione animalia suppa vagari* Contendunt. quod si ibi ubi dixi subsistemus, cetera optime coibunt; nisi

quod illud *Et* sic quoque importunum delendum est , hoc modo , *Ut per aquas quae nunc rerum simulacra videmus ,* ADSIMILI ratione animalia suppa vagari *Contendunt .* sic *Adsimili* ratione in II, 493 , ubi fefellit correctorem quadrati (is enim fecit *At*), et in IV, 425 , ubi antiquus corrector oblongi item rescripsit *atsimili* .

1063. INFERIORA MAGIS . Claudius Sacerdos p. 28 et *Lucretius interiora magis pro inferiora .* sed errat .

1068. SED VANUS STOLLIDIS HAEC . Hunc versum dimidiatum cum septem proximis oblongus habet , quadratus et schedae omittunt appicta in margine cruce et numero VIII. in hoc versu STOLIDIS corrector oblongi . in fine Marullus *haec omnia parturit error , ante eum Itali haec omnia finxerit error .*

1069. AMPLEXI QUOD HABENT PERV . Marullus *Amplexi quod habent perverse prima viai , Itali Amplexi quod habent spatium per utrumque viai .* vaticinari nec didici nec cupio .

1070. NAM MEDIUM NIHIL ESSE POTEST . Addit Marullus *ubi inane locusque ,* male omisso *sunt .* verum esse puto *Nam medium nil esse potest ,* ubi summa profundi est *Infinita .* ita in VI, 485 *summamque profundi Esse infinitam docui .*

1071. INFINITA DENIQ. OMNINO SI IAM . Verissime Marullus NEQUE omnino , *si iam* MEDIUM SIT .

1072. 1073. POSSIT IBI QUICQUAM CONSISTERE QUAM QUAVIS ALIA LONGE RATIONE . Marullus hic et a sententia et ab arte aberravit scribendo *Possit ibi quicquam hac potius consistere causa Quam quavis alia longe ratione manere .* nec multo melius , si forte regione scripsit , quod edidit Avanti . verba non omnia praestabo , sed rei satis facient haec . *Possit ibi quicquam consistere malle putari Quam quavis alio longe ratione meare .*

1074. SPATIUM QUOD IN . Satis bene Marullus *quod* INANE VOCAMUS . ante cum Itali *vocatur .*

1075. 1076. CONCEDERE AEQUIS PONDERIBUS . Recte Wakefieldus *concedere* DEBET . sed cum Marullo legendum est AEQUE . inane ponderibus , quacumque motus eunt , pariter cedit . hoc a Benteio probari Forbiger miratur , videlicet ipse cum Wakefieldo *aequis ponderibus* interpretans *τῇ κορυφαίῃ καὶ τῇ βαρυαίῃ ἀτόμῳ* . ni mirum his *aequis*

ea ipsa corpora sunt quae Lucretius in II, 235 *ponderibus non aequis ferri dixit*.

1076. QUA CUMQUE FERUNT. Sic oblongus : FERUNTUR quadratus . Itali *ferunt se* .

1077. QUO CORPORA COM VENER. Oblongus sic , sed ante quam raderetur *conveneri* : quadratus *cōvenīr* , id est *com venirunt* , schedae *convenīrt* . huius quoque et superioris versus extrema rescissa fuisse apparet . *venere* scribendum sit an *venerunt* , incertum esse ostendi ad versum 467 . *com* iterum habet oblongus in II, 194 , quadratus in IV, 575 et in V, 399 , idem *com primis* in VI, 225 et in II, 166 *cōparatione* pro *cum ratione* . *quom* quater veteres consensu , IV, 586 1204 1208 (quadratus *quoin*) V, 1082 (quadratus *quoin*) : in IV, 1097 *quom querit* oblongus manu prima , ubi quadratus *quum* . oblongus in IV, 265 *con tundimus* , quadratus *cum* : in VI, 594 quadratus *con venit* , oblongus *cum* . e Lucilio Nonius p. 370, 18 *Quanti vos faciant socii , com parcere possint* . e Cicerone Charisius p. 191 *quem com a re familiari ut desipientem removissent* .

1078. STARE INANI. Marullus in *inani* .

1081. 1082. TENERI RES IN CONCILIUM , MEDII CUPPEDINE VICTAE . Libro II, 563 *Numquam in concilium ut possint compulsa coire* . ita , *compulsa coire* , non *teneri* , in *concilium* . grammaticorum artes pura huius poëtae oratio non recipit . Marullus in *concilio* : sed praestat scribere in *concilium* VECTAE . ita *convecta* II, 101 et 1061 V, 429 .

1091. QUOD CALOR A MEDIO FUGIENS SIBI CONLIGAT OMNIS . Laudandus Wakefieldus , quod vidit scribi posse SE IBI *conligat* , sed idem reprehendendus , quod *ibi conligat* eodem iure dici putavit . de elisione longae monosyllaborum vocalis in brevi syllaba praeclare disputavit Mauricius Hauptius in observationibus criticis , ubi p. 17 haec Lucretiana exempla enumeravit , *Nec me animi , Quod te imitari , Quod si in eo , quoniam tu animo* . nostrum lenius est eo quod postremum posui . addenda sunt quae *alienigenis* I, 874 , *In se animam* III, 574 , *loci vi ibus* VI, 755 .

1093. POSSE , NISI A TERRIS PAULATIM CUIQUE CIBATUM . Huic versui in quadrato eadem crux apposita est quam supra esse dixi ad versum 1067 . hac nota scriptor schedarum deceptus est : certe Gudius in iis hunc versum qui a *Posse* incipit ante 1067 , qui est *Dividere et noctes* , a se

lectum refert, idque Henrichsenius confirmat. est autem crucis illius eadem utrobique significatio: nam in codice oblongo hic spatium octo versibus recipiendis aptum relictum est. iam quid hoc rei sit apparet. in libro eo ex quo nostri descripti sunt pars schedae rescissa erat: versus octo in fine mutilos scriptor oblongi servavit: qui capite truncati essent in pagina interiore, eos octo ne hic quidem scribere ausus est. bene sit illi, quod defectum tam curiose indicavit: sed quid de Havercampo dicemus, qui hoc ne commemorandum quidem duxerit? ceterum numerus versuum ad eam rationem quam supra exposui absolute convenit. in priorē schedae parte fuerunt versus viginti sex, quos notavi numeris a 1068 ad 1093, in adversa viginti quattuor relicui, quibus subiecta erant ea quae oblongus habet contra antiquiorum usum in summa pagina scripta, TITI LUCRETII CARI DE RERUM NATURA LIBER I EXPLICIT INCIPIT LIBER SECUNDUS. sed ab eo huius libri versu qui notatus est numero 785, quem schedae sextae decimae ultimum esse docui ad versum 734, usque ad 1068, qui est primus, ut puto, vicesimae tertiae, sunt carmina CCLXXXII et capitula tria, hoc est versus CCLXXXV, quae sunt paginae versuum vicenum senum undecim uno versu minus, cum rationi debeantur duodecim, quoniam librum secundum in antica schedae pagina incipere ad huius versum 253 videbimus. itaque in codice archetypo unam ex his duodecim paginis nihil inscriptum habuisse conicio, ante versum autem 921 interstitium fuisse, quod librarii nostri neglexerint.

1105. NEVE RUANT CAELITONETRALIA TEMPLA. Lambinus inepte *tonitralia*. ante eum impressi libri omnes *PENETRALIA templa*. quadratus *Ne vertant*. Lucilius *Suspendatne se anne in gladium incumbat, ne caelum ruat*: apud Nonium p. 502, 8 *an in et caelum vivat*.

1106. ET OMNIS — 1108. AVEANT PER INANE PROFUNDUM. *Et omnes* prima manu oblongus. hoc probari non debuit: nullus enim hic in rerum universarum interitu hominum commemorationi locus est, quasi in eis summa rerum sit. necessario scribendum est *et OMNIA — abeant*. Vergilius ita in versus fine posuisse *quin protinus omnia* Aen. vi, 33, nemo ignorat. eidem in georgicon iv, 221 *deum namque ire per omnia* pro *per omnis* egregie restituit Perlcampus ad

Aeneidos vii p. 21 . itaque Lucilius apud Nonium p. 281 *primum dominia atque sodalicia omnia Tollantur* . et , puto , primus omnium Ennius *Indo tuetur ibi lupi' femina , conspicit omnia* : codices Nonii *omnis* p. 378 . tempore postremus fortasse is qui scripsit de bono viro versus (anthologiae Lat. v, 141) 24 *sic dicta et facta per omnia Ingrediens* . sed Lucretio quoque idem reddendum est et hic et in ii, 719 , ubi libri eodem modo peccant . huius generis alia exponam ad librum ii, 829 et ad iii, 917 .

1114. HAEC SIC PERNOSCES PARVA PERDUCTUS OPELLA . Neque *sic* aptum est , neque *perductus* . nam *sic* neque ad superiora referri videtur , et putide adiectum erit in *parva opella* : nec *perducentis* parva opera futura est , sed *discentis* . Marullus *si* scripsit , et versu proximo *non tibi* : Lambinus fecit *perfunctus opella* . possunt haec facilius ita procurari ut scribamus *Haec , scio , pernosces parva perductus opella* . bis eadem praepositione uti antiquae elegantiae est . sic libro vi, 42 *Quo magis inceptum pergam pertexere dictis* . eodem 138 *Perscindat nubem perfringens impete recto* . ibidem 916 *Usque adeo permanenter vis pervolat eius* . ii, 1116 *Donique ad extremam crescendi perfica finem Omnia perduxit* . in iii, 936 *omnia pertusum congesta quasi in vas Commoda perfuxere* . in vi, 543 *His igitur rebus subiunctis suppositisque* .

ii, 1. SUAVE MARI MAGNO . Servius ad Aeneidos v, 628 *Suave mare magnum* . mox commentator Horatii Cruquianus p. 551^a , qui utitur versu primo et secundo , *motantibus pro turbantibus* . in secundo Marius Victorinus p. 2475 testatur esse *e vocalem per se sine societate atque adminiculo consonantis* ; quod contra apud Nonium in *spectare* p. 402, 13 scriptum est *Et terrae* .

5. PER CAMPOS . 6. SUAVE ETIAM . Haec carmina inverso ordine primus Avantius edidit , cui Naugerium et Wakefieldum , hunc quidem cum admiratoribus suis , non paruisse turpius est quam Italos ac Marullum intricata et inepta tolerasse .

12. PRESTANTE PLABORE . In libro iii, 62 *prestante labore* . in secundo Itali et impressi *LABORE* ; in tertio dum taxat impressi , nisi fallor . sed Venetus ibi *laborem* .

15. QUANTISQUE PERICTIS . Corrector quadrati et Lactantius institut. i, 22, 48 *PERICLIS* . idem Lactantius O

stultas ubi in nostris est *miseras* : item Lactantii exemplarium maior pars *Qualibet in tenebris* . mox Nonius p. 278, 15 *De-gimus hoc* .

16. NONNE VIDERE . Donatus ad Phormionem Terentii II, 1, 2 '*Nec meum imperium* .' *rara ἀποσιώπησις* . nam non sequitur sed (haec coniunctio delenda est) : intulit enim age . subauditur autem revereri . sic Lucretius Nonne videre . haec a Gifanio recte relata in conlectaneis p. 383 Wakefieldum Eichstadium Forbigerum non retinuerunt quo minus probarent quod Italis et Marullo placuerat , *nonne videre est* ; quod dicendi genus Lucretio indignum esse dicemus libro v, 533 . at illud alterum Latinum et exquisitum est , *nonne videre* ? in indignatione , hoc est nonne vident ? sic M. Tullius de finibus II, 29 *hoc vero non videre* ! quibus mox subiiciuntur haec , *hoc igitur idem non videt* . ibi interpretes addunt ex eiusdem operis libro IV, 76 *hoc non videre* ! et ex libro v in Verrem 14 *tantumne vidisse in metu periculoque provinciae* ? idem pro Cluentio 15 *o audaciam singularem* ! nonne (alii non) *timuisse* , si minus vim decorum hominumque famam , *at illam ipsam noctem facesque nuptiales* ? non *limen cubiculi* , non *cubile filiae* . quae sunt acriora quam si dixisset *videt vidit timuit* . Terentius in Andria I, 5, 18 *Tantumne rem tam negligenter agere* ? et v, 3, 8 *Adeo inpotenti esse animo* ! item in Eunuchio IV, 3, 2 *Hocine tam audax facinus facere esse ausum* ? haec quidem omnia in tertia persona , ad quam ea quoque pertinent , a quibus exorsi sumus , in Phormione II, 1, 2 , *Itane tandem uxorem duxit Antipho iniussu meo* ? *Nec meum imperium* , ac (multi age) *mitto imperium* , non *simultatem meam Revereri* saltem ? non *pudere* ? secunda persona est in his . in Eunuchio II, 1, 2 *ah Rogitare* ! *quasi difficile sit* . in Phormione v, 9, 53 *Nil pudere* ? in Heautontimorumeno v, 4, 18 *Non mihi per fallacias adducere ante oculos* ? hoc est Non adducis meretricem ? ubi Bentleium non intellego . prima persona locum habet in his quae sunt in Andria v, 2, 29 , *nonne te miseret mei* ? *Tantum laborem capere ob talem filium* ! hoc est *capio* . similiter Plautus in Aulularia II, 5, 12 *Tibi recte facere* ? hoc est Tibi bene facio ? *quando quod facias perit* .

17. NIHIL ALIUD SIBI NATURAM LATRARE , NISI UT , QUI CORPORE SEIUNCTUS DOLOR ABSIT , MENTE FRUATUR IUCUNDO SENSU , CURA SEMOTA METUQUE . In his

male Marullus *nisi utque dolor absit mensque fruatur*. Avanti-
 tius rectissime ut *CUI dolor absit*; nisi quod *naturae* inepte
 adscribitur quod est hominis, ut ei *corpore seiunctus dolor*
absit et ut *fruatur iucundo sensu*. itaque probandum est quod
 a Bentleio secum communicatum Creechius, nomine eius ut
 solet suppresso, 'forsan rectius' esse dicit, *cura semotu*
metuque: itaque ante eos Gifanius. sed mihi librarii in medio
 quoque horum versuum videntur in *s* littera elisa peccasse,
 ut scribendum sit *MENTI' fruatur Iucundo sensu*, non, quod
 est minime elegans, *mente fruatur sensu*. infra in hoc libro
 399 *mellis lactisque liquores Iucundo sensu linguae tracten-*
tur in ore, non *lingua*.

25. LAMPADAS IGNIFERAS. Sic Maximus Victorinus
 p. 1967. apud Macrobius Saturn. libro VI, 2 olim impressi
 (editione Brixiensi anni MCCCCLXXXV utor, neque usquam in
 Lucretianis curo novas temere interpolatas) *Lampadas in-*
feras.

27. NEC DOMUS ARGENTO FULGET AUROQUE RENIDET.
 Apud Macrobius *fulgens* et *renidens*; quod Marullus male
 recepit, quia huius poëtae elegantiae parum accommodatum
 est. sed multo minus probari potest *fulget*: nam Lucretius
 neque *fulgeo* usquam dixit, sed *fulgo*, neque syllabas bre-
 ves in caesura producere ausus est. quare mihi veri similli-
 mum videtur eum scripsisse *argento fulgenti auroque re-*
nidet. ceterum plerique hodie negligentia intolerabili et huic
 poëtae, qui versus suos ad regulam et amussim composuit,
 quamcumque licentiam incuriamque temere adscribunt, et
 ceteros in productione brevium, quae in versuum caesuris
 fit, ab usu Vergiliano longe abhorrere ne animadvertunt
 quidem. nam quod poëtae Graeci in arte domi nata ausi
 sunt, ut saepe versus pangerent vix specie ceteris, quibus
 interveniunt, similes, *Φίλε κασίγνητε, θάνατόν νύ τοι ὄρ-*
κ' ἔταμνον. Εἰλαπίνῃ ἦε γάμος; ἐπεὶ οὐκ ἔρανος τάδε γ'
ἐστίν. Νῆσός τ' Αἴγινα ναυσικλείτῃ τ' Εὐβοία, hoc nisi La-
 tini studiose vitassent, versus peregrinos suis hominibus non
 poterant approbare. itaque vocales breves in exitu vocabulo-
 rum positas, praeter illud *que* geminatum, *Liminaque laurus-*
que, *Noëmonaque Prytanisque*, quo primus Maro usus est,
 maior pars abstinuit, nullum poëtam Latinum produxisse credo,
 sed quaecumque extant huius licentiae exempla a librariis in-

diligentibus invecta iudico . hoc ea ipsa quae aliquam speciem habent paucitate sua persuadent . unus est huius modi versus Ennii , quem protulit Probus ad Vergilii eclogam VI p. 19, 11 , *Et densis aquila pinnis obnixâ volabat Vento* : duo sunt Vergiliani , quorum alterum notarunt grammatici , ut Sergius p. 1830, *Dona dehinc auro gravia sectoque elephanto* , in altero ne Servius quidem metri mentionem fecit , *Sancta ad vos anima atque istius inscia culpa* . hos igitur satis probabiliter ita restitui posse existimo , ut scribatur *aquila hinc , a sectoque elephanto , Sancta ad vos anima atque anima istius* ; quae siquis propterea improbabit , quod alia quae emendationem suadeant argumenta praeter metri insolentiam nulla dici possunt , certe illa rarissimae et vix probandae exempla esse agnoscat audaciae , quam non credibile sit ultra tribrevia vocabula umquam processisse . nam Horatii editorum superstitionem nemo probabit , spero , qui nondum ausi sint in libro I sermonum 3, 7 scribere *io bacchae* , monstratum olim a Turnebo in adversariis XIII, 1 ; sive poeta bacchas carmine perpetuo *citatas* et compellatas dicit eo modo quo M. Tullius de finibus libro II, 18 *Graecos anapaesto citatos* , sive ipsum carmen ita *citatur* , hoc est celeri ἀγῶνι peragitur , ut Catullus *citata tripudia* dixit 63, 26 , ut *citari paeonem* Cicero de oratore I, 251 et *ithyphallica* Terentianus Maurus versu 1845 . in Iuvenalis satira X, 54 nihil sani est aut in his , *Ergo supervacua aut perniciose petuntur* , aut in proximo versu : *sanabuntur omnia scribendo Ergo , supervacua aut ne perniciose petantur* , *Propter quae fas est genua incerare deorum* ? in Tibulli I, 7, 61 nemo nunc probat quod libri exhibent , *Te canit agricola , magna cum venerit urbe* . porro e consonantibus t littera Ennio , ut supra dixi , in fine vocabulorum tam crassum reddere visa est sonum , ut posset syllabam longam facere : in aliis litteris haec tantum inveni . *Postilla , germana soror , errare videbar ; O pater , o genitor , o sanguen dis oriundum ; Interea fugit albi iubar Hyperioni cursum ; Imbricitor , aquiloque suo cum flamine contra ; Sic expectabat populus atque ora tenebat* . Lucretii et Lucani nulla omnino est in hoc genere licentia . plerique non nisi in legitima caesura vel ante vocabula Graeca breves finales prodixerunt . ita Lucilius apud Nonium p. 362, 7 *Cetera contemnit | et in usura omnia ponit* . Catullus auctus *Hymenaeo* , iam dicitur *Hymenaeus* . Propertius

*Et tibi Maeonias inter heroidas omnis, Nulli cura fuit | externos
quaerere divos.* Horatius iisdem condicionibus nulla nisi in t
litteram exeuntia, *Quam si quidquid arat | impiger Apulus,
Perrupit Acheronta, Si figit adamantinos, Callidus ut soseat |
umeris, Exclusus qui distat, agit | ubi secum eat an non.* acce-
dit quod hic in epistulis, item in arte poëtica et in quarto
carminum libro, omnem hanc licentiam omisit. sed ne in ce-
teris quidem haec ferri possunt, *Sic raro scribis ut toto, Con-
fidens tumidus adeo, Caeca timet aliunde fata:* in quorum ul-
timo scribendum est *neque ultra Caeca timetve aliunde fata.*
de Ovidio nuper hoc anno XLVIII cum cura exposui in li-
bello academico, quo eius non plures quam octo epistulas
heroidum superesse demonstrare volui.

28. NEC CITHARE REBOANT IAQUEATA AURATAQUE
TEMPLA. Macrobius in Saturn. VI, 2 *cytharam*, idem in eius-
dem libri capite 4 *cythara*. *iaqueat* oblongus et schedae, LA-
QUEATA Macrobius. idem altero loco *tempe*, altero TECTA.
hoc plerique recte probarunt: nam verum non est, quod
Wakefieldus dicit, '*templum* more Lucretiano valere *tegmen* —
concavum lacunar.' pro *aurataque*, quod Macrobius confir-
mat, quadratus *auroataque*. mihi vero in domo *auro renidenti*,
qualis versu proximo dicebatur, *aurata tecta* satis inficete
commemorari videntur. itaque poëtam scripsisse existimo
laqueata ornataque tecta. Ennius *Tectis caelatis laqueatis,
Auro ebore instructam regifice.*

33. CONSPERGUNT. Apud Macrobius libro VI, 2 *cons-
pargunt*. eum versum cuius initium est *Propter aquae rivum*
praeter Macrobius refert Donatus ad Adelpbos IV, 2, 37 non
addito libri numero: is autem iterum scriptus extat in libro
V, 1393.

39. QUOD SUPERES. Itali et Veronensis editio *super* EST.

41. FRUERE CUM VIDEAS. Quadratus *Eruere cum vi-
deres*. hic nisi olim erratum fuisset, Nonius hoc versu non
minus quam illo de quo post 43 dicitur usus esset: nam
recte quadrati corrector, Itali, impressique, FERVFRE. in
libro III, 200 oblongus *fruuntur*, quadratus *fervuntur*.

42. 43. SUBSIDIIS MAGNIS EPICURI CONSTABILI-
TAS, ORNATAS ARMIS ITASTUAS TARITERQUE ANI-
MATAS. Oblongus ITASTATUAS duabus litteris ab ipso
primo librario suppunctis: schedae ITASIUAS. Veneta

editio *Ornatas armis ita statuas stantesque animatas*: de Brixiensi et Veronensi nihil certi dicere possum propter stolidam Glasguensium et Forbigeri negligentiam. sed hi versus tam in oblongo quam in schedis rubrica scripti sunt litteris uncialibus, a quadrati librario omissi complurium versuum spatio vacuo relicto; quod ipsum similiter in quattuor versibus libri tertii factum esse demonstrabo ad eius libri versum 759. in hoc autem libro secundo versus 508, *Cedere item*, in oblongo rubris et uncialibus litteris scriptus est, eumque quadratus praetermittit, sed cum duobus aliis (*Namque aliis — exoreretur, Omnia sic*) et sine ullo interstitio: ceteros in oblongo eodem modo scriptos quadratus habet scriptura non insigni. ii sunt hi, 94 *Pluribus ostendit*, 502 *Aurea pavonum*, 710 *Scilicet id*, 809 *Scire licet*, 887 *Quod movet*, 909 *Aut nequeant*, 962 *Quam quo*, 1012 *Rebus et*, 1023 *Nunc animum*, 1112 *Nam sua cuique*: rubrica est in oblongo in versu 608, *Quo nunc*, sed litterae currentes. paria his observavi in commentario libri primi, de versu 11 et 411. enumeravi autem singula, quia causam rei intellegere non potui (nam si quis eos versus in exemplaris archetypi marginibus scriptos fuisse coniciet, errabit), et ut apertum facerem eos absurde egisse, qui versus minio scriptos propter ipsum minium auctoritate carere et interpolatoribus adscribendos esse dixerint. itaque hos de quibus agimus versus libri secundi duo Marullus pessimo consilio eiecit, eumque turpissime praeter Avantium Piumque omnes secuti sunt. emendandi vero rationem poeta ipse ostendit, cum prope eadem, ut solet, iterum dixit in libro v, 1228, *Induperatorem classis super aequora verrit Cum validis pariter legionibus atque elephantis*. ex quibus apparet haec ita legenda esse, *Subsidiis magnisque elephantis constabilitas, Ornatas armis, validas, pariterque animatas*. in versu priore neque *Epicuri* neque *epicuron subsidiis* locus esse potest: altera enim nulla sunt, altera poeta sanus *sociorum* dixisset, neque in Tusculanis v, 116 Cicero ita dicere potuit *epicurei nostri*, quamquam scio *epibatarum* vocabulum in usu Latinorum fuisse. sed et *elephantos* et in altero versu *validas* legiones liber quintus tam aperte commendat ut dubitari vix possit. eae autem legiones armis ornatae omnes inter se *pariter animatae* esse debent, ut sint, quem admodum Plautus dicit in *Bacchidibus*

iv, 9, 18, *mīlites Armātī atque animatī probe*. Accius apud Nonium p. 233, 18 *Ut nunc cum animatus iero, satis armatu' sum*.

44. HIS TIBI TUM REBUS TIMAEFACTE. Ante hunc verbum Lambinus eum inserendum esse intellexit, quem Nonius ex libro secundo Lucretii rettulit p. 503, 18, FERVERE CUM VIDEAS CLASSEM LATEQUE VAGARI. hoc autem *fervendi* verbum Lucilius quin tertiae declinationis esse voluerit dubitare nemo debet, qui quae ab eo in libro nono posita esse constat perceperit. *Fervere, an e longum. vere hoc lectoribū tradam. — fervit, currit, legit. — Fervit aqua et fervet, fervit nunc, fervet ad annum. nam ad annum quid sit recte docet Forcellinus in lexico, item Handius in Tursellini tomo i p. 88. ita dicimus ad calendas, id est calendis proximis. Varro apud Nonium p. 26, 31 praetor vester eripuit mihi pecuniam: de ea questum ad annum veniam ad novum magistratum.*

45. MORTISQUE TIMORES TUM VACUUM TEMPUS LIN-
CUNT. Haec inter se coniungenda esse Bentleius vidit, sed ea condicione, ut cum Lambino scriberetur *vacuum PEC-*
TUS, hac condicione praetermissa Forbiger suam stultitiam Bentleio mendaciter adscribit: 'mihi potius,' inquit, 'ut Bentleio.'

52. VESTIS SPLENDOREM PURPURA. *Purpurai* corrector quadrati, Itali et impressi PURPUREAI.

54. VITA RABORET. Corrector quadrati et ceteri LABORET.

56. SIC NOS. Non aliter in III, 88 et in VI, 35. apud Senecam in epistula 110 *ita nos*.

62. MATERIAE. Itali MATERIAI.

68. REM QUAMQUIDEMUS. Corrector quadrati et ceteri QUAMQUE *videmus*.

73. AGMINE DONANT. Idem corrector et Brixiensis editor AUGMINE.

84. TERRI. Corrector quadrati et ceteri FERRI.

85. NAM CITA SAEPE OBVIA CONFLEXERE, FIT UTI. *Nam concita et conflixere* 'in quibusdam libris manu scriptis' sese repperisse scriptum Lambinus adfirmat; quod tamen non sufficit. recte Wakefieldus *nam quom cita saepe Obvia CONFLIXERE. tum Avantius fit UT*.

88. NEQUE QUICQUAM A TERGIBUS OBSTET. Optime

Abrahamus Preigerus, amicus Havercampi, a TERGO IBUS obstet. de hoc *ibus* dicam ad librum IV, 933.

94. PLURIBUS OSTENDIT ET. Corrector quadrati, Antonius Marii, Marullus, OSTENDI *et*.

95. MULTA QUIES. Antonius Florentinus et impressi NULLA.

98. PARTIM INTERVALLIS MAGNIS CONFULTA RESULTANT. Hic Marullus scripsit *conflicta*; quomodo ea quae confluxere an satis Latine dicantur nescio. rectius Lambinus *contusa*, quod est in libro IV, 958. sed omnium rectissime Naugerius restituit quod habent veteres, *confulta*, hoc est conferta et conglomerata, sed levia atque rotunda neque perplexa.

99. BREVIUS SPATIIIS VEXANTUR AVICTU. Itali et impressi recte BREVIBUS ET AB *ictu*.

104. ET CETERA GENERE HORUM PAUCUIA. Iidem DE genere horum PAUCULA.

112. CUIUS, UTIMEMOROR, REISIMULACRA ET IMAGO. Recte Itali SIMULACRUM, et Avantius MEMORO. sed Afri veteres, qui in fine saeculi secundi libros sacros Latine interpretati sunt, *memorari* non raro dixerunt de eis quorum aliquis recordaretur sive meminisset. ita in euangelio Lucae I, 72 *et memorari testamenti sui sancti*, καὶ μνησθήναι. in epistula ad Hebraeos VIII, 12 *et peccatorum* (sive *peccata*) *illorum iam non memorabor*, οὐ μὴ μνησθῶ ἔτι. in eadem X, 32 *rememoramini autem pristinos dies*, ἀναμνησέσθε. e proximis Servius ad eclogam VI, 31 *unde atomi dictae sunt*, quas Lucretius minutiores dicit esse illis corpusculis quae in infusis per fenestram radiis solis videmus: dicit enim illas nec visum posse recipere.

118. PROELIA PUGNAS EDERE. Frustra Marullus et hic et in IV, 1009 *proelia pugnascue Edere*. Ennius apud Nonium p. 472, 31 *Interea mortales inter sese pugnant proeliant*. Plautus in Asinaria IV, 2, 15 *Tu ergo fac ut illi turbas lites concias*. idem in Bacchidibus IV, 4, 80 *Quid si potius morbum mortem scribat? id erit rectius*. Terentius in Eunuchio V, 8, 27 *Quodvis donum praemium a me optato: id optatum feres*. quibus similia alia veteres frequentasse satis constat. in Plauti Poenulo versus I, 1, 4 *integer fiet addito ad hunc modum ope, Mihi reddidisti opiparas ope opera tua*. ceterum versum

hypermetrum, qualem hic Marullus efficere voluit, unum tantum in toto opere Lucretius posuit in libro v, 849; ubi Wakefieldus dedit *Multa*, videmus, enim rebus concurrere debent, in quo est ἡθρος ineptissimum. ex tragoedia unum cognovi huius generis versum, quem ex Medo Pacuvii petitem Cicero rettulit in librum Tusculanarum iii, 26, *Situm inter oris* (sic, puto: libri *Situ nitoris*) *barba paedore horrida atque intónsa infuscat pectus inluvie scabrum*. primum autem hac duorum versuum in unum coniungendorum arte Ennium usum esse Philippus Wagnerus ad Vergilii georgicon ii, 69 non demonstravit: nam quos versus Columna Ennio adscripsit, *magna ossa lacertique dpparent hominis*, eos Macrobiani exemplaria in Saturn. vi, 1 partim Lucretii alia Lucilii libro xvii tribuunt: sed quicumque hoc primus ausus est, quoniam iure id fecerit dicere non possum. nam illud in Iliade ter, semel in theogonia Hesiodi positum, quod cum grammatici veteres vocabulo inter duo versus diviso scripsissent, Bekkerus nunc recte fecit *ἐνρύνοντα Ζῆν*, nullus poëta Graecus imitatus est: neque dramatici Graeci *in finitis locis*, ut Wagnerus dicit, aut promiscue hoc artificio delectati sunt, sed Sophocles certo quodam tempore, eodemque tempore Euripides, sed hic parcissime usus: neque aut ab his aut ab asynartetis Ionum et Aeoleon ullum est aut heroicis versibus aut iambicis comicorum praesidium. sed quod homines docti hypermetros syllabam longam requirere adfirmant, id in dodecametro dactylo et iambico duodenario verissimum est, non item in iis versibus qui natura sua in longam syllabam non desinunt. itaque Terentius brevi syllaba usus est in trochaico pleno, in Eunuchio iv, 1, 11, *Adcerse, ut delectet his nos. illa exclamat 'minime gentium. in convivium illam?'* miles tendere inde ad iurgium. Catullus in Sapphico hendecasyllabo *Nullum amans vere, sed identidem omnium ilia rumpens*, item *Gallicum Rhenum, horribile aequor, ultimosque Britannos*. contra in Glyconeo longae tantum syllabae locus est; ut idem Catullus *Sola cognita, sed marito ista non eadem licent*. item in Cretico Terentius in Andria iv, 1, 9 *Et timent, et tamen res premit denegare. ibi tum eorum impudentissima oratio est*. idemque in iambicis acatalectis in Phormione ii, 1, 63 *Neque testimonia dictio est. mitto omnia. addo istuc, imprudens timuit adulescens. sino*, et similiter in Adelphis ii, 2, 9 iii, 3, 21

4, 19 v, 3, 59 . dactylicos autem heroicos binos ita semper coniunxerunt , ut continua esset neque interrupta *συνάφεια* . ergo hic pedi sexto spondeus convenit , non trochaeus . dactylo qui usus sit unum Ovidium invenio , si modo verum est eum in metamorphoseon XII, 395 scripsisse *Barba erat incipiens, barbae color aureus , aureaque ex umeris medius coma dependebat in armos* : nam exemplaria bona et antiqua omnia habent *aurea Ex umeris* . hoc certissimum est , perperam in Horatii sermonum I, 2, 62 plerosque scribere *quid inter-Est in matrona ancilla peccesne togata?* et imperite Servius in Aeneidos x, 496 dicit hypermetrum versum esse posse *inmania pondera baltei inpressumque nefas* . in disticho elegiaco Catullus syllaba longa usus est 115, 5 , *Prata , arva , ingentes silvas saltusque paludesque usque ad Hyperboreos et mare ad Oceanum* .

120. CONCILIIS . Apud Nonium p. 6, 6 *Concilis* ; de quo dicitur ad librum v, 85 . ad proxima scholiastes Lucani respicit libro ix, 563 , ubi haec leguntur . *Hic exemplar posuit , Lucretius exemplare posuit , nos in usu exemplum dicimus : adeo omnia sunt Latina* . scribendum est *nos in usu exemplarium dicimus* : sic enim dicebant , hoc *exemplarium* , huius *exemplarii* , hoc *exemplario* , item *altarium* et *altario* .

134. CONCILIATA . Itali et impressi CONCILIATU .

136. IMPULSA GIENTUR, IPSAQUE PORRO PAULO MAIORA LACESSUNT . Antiquissimi correctores CIENTUR . tum Antonius Marii *Ictaque quae porro* , Marullus cum ceteris *Ipsaque quae porro paulo maiora* , verbo substantivo contra Lucretii consuetudinem deficiente . itaque malo *Ipsaque PROPORRO paulo maiora lacessunt* . hoc adverbio , quod Lucretii proprium esse putant , Lucilius quoque usus est in libro xxx, *sperans lactare me eandem Hanc proporro posse et mansum ex ore daturum* ; quae verba nutricis sunt : in Nonii p. 140, 13 libri *sperans aetatem eandem haec proferro posset* .

144. PRIMUM AURORA NOVOR CUM SPARGIT LUMINE TERRAS . Antiquissimi correctores NOVO . Vergilius Aeneidos ix, 459 *Et iam prima novo spargebat lumine terras Tithoni croceum linquens aurora cubile* ; quod Servius Lucretianum esse dicit . apparet autem Vergilium temporis significatione accepisse *primum* , non ordinis , ut Creechius et Wakefieldus .

apud Macrobiū in Saturn. vi, 1 *Cum primum aurora respargit lumine terras*.

147. SOLEA SOL. SOLEAT antiquissimi correctores.

152. AERIAS QUO SI DUM DIVERVERET UNDAE. Pontanus Lambino teste QUASI *dum*. Lambinus pessime *quasi dum diverberat*: nam *dum* intellegendum est *donec*. Isidorus originum libro xiii, 20 ex Lucretio adfert *aërias undas*: poterat addere *quasi*. in versu proximo Wakefieldus ineptissime probavit *vapores*, quod habent oblongus, Itali, olim impressi, Marullus: *vaporis quadratus*, schedae, Lambinus.

155. INTER SE TRAHUNTUR. Apud Priscianum p. 802 RETRAHUNTUR.

158. NECRESCERE MORAVIT ULLA FORIS. Quadratus *necres semorav*, hoc est *semoravit*: schedae, ut Henrichsenius testatur, *semor autem*. Antonius Marii *nec res remoravit*, olim impressi *ne crescere morast*. optime Marullus *nec res REMORATUR Ulla foris*.

160. IN QUEM COEPERE LOCUM CONEXA FERUNTUR. Veronensis editio et Naugerius *connixa*; quod rectius scribitur CONIXA. paulo ante *suīs e partibus*, in quo haerent interpretes, ita accipiendum est, *ex iis vacui partibus, quas occuparunt*.

163. MULTIPLESQUE. In libro iv, 207 exemplaria vetera MULTIPLEXQUE.

166. UT DEANT QUA QUICQUE. Itali veteres *Ut VIDEANT*. sed hic versus et qui eum praecedit nullo cum superioribus sententiarum vinculo cohaerent. itaque Marullus ineptissimo iudicio, sed maxima auctoritate, his praemittendum censuit *Nam neque consilio debent tardata morari*. qui sanam mentem malent, a versu 164 ad 184 transibunt, neque ad integritatem disputationis quicquam desiderabunt. nihilo minus certissimum est ea quae his interiecta sunt Lucretiana esse, sed, quod interpretes videre debuerunt, non paucis versibus truncata. videntur autem ea deesse, quae Epicurus ad Herodotum §. 44 his verbis dixit, ἀρχὴ δὲ τούτων οὐκ ἔστιν, αἰτίων τῶν ἀτόμων οὐσῶν καὶ τοῦ κενοῦ. his enim recte subici potuerunt quae primis his versibus significari puto, [multos philosophos mundum et res universas opinari non ex infinito esse, sed deorum voluntate procreatas: hos vero rem nulla ratione nixam ponere; quippe quibus facilius

videatur omnia semel ad ἀνάγκην et ad deorum arbitrium referre,] *Nec persectari primordia singula quaeque, Ut videant qua quicque geratur cum ratione.* atque his apte iuncta sunt quae secuntur : ea vero huius modi sunt, ne esse quidem opus ut aliquis primordiorum naturam accurate pervestiget, quo magis perspiciat universam rerum naturam non esse a diis hominum causa constitutam. sed hanc rem poëta, nisi fallor, breviter nimis nec tam diserte quam solet exposuit : nam illud *blanditur*, quod est in versu 173, a plerisque frustra temptatum (*Itali enim fecere Ut — blanditum*, Lambinus *Ut — blanditum*), satis dure positum est pro *blandiendo hortatur* sive *persuadet* et *compellit* (similiter Vitruvius in libri III praefatione *cum etiam saepe blandiatur gratia conviviorum a veris iudiciis ad falsam probationem* : dicit enim convivia, quae artifices dent nobilibus, saepe horum favorem eblandiri), neque versui 183, in quo est *Nunc id quod super est expediemus*, commode subici potuit *Nunc locus est in his illud quoque rebus Confirmare.* accedit quod se rem posterius *apertam facturum* promittit ; quod ubi praestitit versibus quoque iisdem aliquot repetitis in libro quinto 195—234, ibi rei institutae tractationem non satis recte interruptam esse ad eius libri versum 235 demonstrabimus. denique quem admodum in his, quibus rerum naturam ad utilitatem hominum creatam esse negat, tam in secundo libro quam in quinto compositionem poëmatis laborare intelleximus, ita in re huic similima in libro quarto, ubi sensus hominibus propter usum datos esse nullo modo credi posse docet, rursus observabimus eam rem omnem illuc non facere 822—857. itaque perspicuum est hos locos a Lucretio non eo ordine quo nunc carmina scripta legimus tractatos esse, sed alio tempore et cum cetera in manibus non haberet, cum quibus poëta et philosophus veri rerum ordinis maxime studiosus illa, si posset, quam aptissime coniungere debebat. ex quo apparet, quod iam supra dixi, ipsum poëtam hoc opus non edidisse, neque primum editorem curasse ut singulae partes perfectae et absolutae viderentur ; quem si quis in his de quibus nunc cum maxime agimus versibus charta imperfecta et lacera usum esse suspicabitur, ut ea quae hic deesse scripsimus numquam edita existimet, nihil habeo quod ei repugnare dicam.

168. DEUM SINE NUMINE REDDI. Prorsus egregie Marullus rentur. in ceteris Naugerius nihil novandum esse vidit, nisi quod scripsit *ac moderate*: Gronovius rem absolvit scribendo *admoderate*. secundum veterum exemplarium fidem, in observationum libro III, 6 p. 462. his Wakefieldus sine iudicio repugnat.

181. NATURAM MUNDI, QUAMQUAM PREDITA CULPA. Oblongus a correctore *quanquam*, idem prima manu *reddita*. in libro V, 199 TANTA STAT *praedita culpa*; quod quamquam Lucretius hoc loco fortasse paulo aliter conceptum scripsit, quem admodum hic *creatam* legitur, in quinto *paratam*, tamen dubitandum non est quin, si opus ipse edidisset, idem utrobique extaret. itaque vanis coniecturis omissis ex libro quinto optimam scripturam huc referamus; in qua stare ita positum est ut in libro VI, 1058, *Pondere enim fretae partim stant*, item in I, 564 *Et finita simul generatim tempora rebus Stare*, eodemque modo in his Varronis versibus, *denique qui sit avarus Sanus? cui si stet terrai traditus orbis*, *Furando tamen*, *a morbo stimulatus eodem*, *Ex sese ipse aliquid quaerat cogatque peculi*. qui versus apud Nonium p. 392, 4 et 264, 21 minus recte scripti leguntur sic, *denique quis sanus est avarus? cui si stet terra id traditus orbis — ac morbo etc.*

184. IN HIS QUOQUE ILLUD REBUS. *Illud* in quadrato erasum: ILLUD QUOQUE Itali. mox *meare* quadratus et *schedae*, *meari* oblongus et olim impressi. deinde *frudem* quadratus: ita *frudi* in VI, 186 idem et oblongus.

192. SIGNA TRABESQUE. Corrector oblongi TIGNA.

193. FACERE ID SINE VI SUBIECTA PUTANDUM EST. Egregie Lambinus *sine vi* SUBIGENTE, adiutus, ut scribit, ab uno libro manu scripto. nihilo minus mihi magis proprium videri solet *sine subiectante*. ea quae cremantur *ignem iacere* dicit et *summittere lumen* versu 674. in VI, 700 *extollere flammam Saxaque subiectare*.

194. QUOD GENUS E NOSTRO COM MISSUS CORPORE SANGUIS EMICAT. Quadratus *cum missus*. sed aut *cum est missus* scribendum est, aut potius (nam illud debebat esse *cum mittitur*) *Quod genus EST, nostro com missus corpore sanguis Emicat*. ita in libro III, 221 *Quod genus est, Bacchi cum flos evanuit*, et 597 *Quod genus est, animo male factum cum perhibetur*. neque enim intellego quomodo possit aut in his

verbum substantivum omitti aut in libro III, 431 haec probari, *Quod genus, in somnis sopiti ubi cernimus alta Exalare vapore altaria*. potest autem in hoc dicendi genere verbum praeteriri, ubi mente suppletur ex superioribus. sic in VI, 1058 *Pondere enim fretae partim stant; quod genus aurum* (stat fretum pondere); nisi tamen scripsit *quod genus aurumst*. in rhetoricis ad Herennium libro I, 19 *Lege ius est id quod populi iussu sancitum est; quod genus* (ius est) *ut in ius eas cum voceris*. Cicero de inventione in I, 25 *Sin res dabit, non inutile est ab aliqua re nova aut ridicula incipere, aut ex tempore quae nata sit; quod genus* (utile est incipere a) *strepitu, acclamatione*. item in II, 162 *Consuetudine ius est quod — in morem vetustas vulgi approbatione perduxit; quod genus* (in morem perduxit) *pactum, par, iudicatum*. itaque apparet Nonium p. 21, 15 hos Lucilii versus, quos ita scriptos rettulit, *Crebrae ut scintillae, in stricturis quod genus olim Ferventi ferro*, non usque ad sententiae finem perduxisse; quod ipse aliquo modo indicat, cum dicit *scintillas quae de ferro ferventi eunt*. in Lucretiano autem illo quod est in libro IV, 271, *Quod genus illa, foris quae vere transpiciuntur*, experimento facto in superioribus nihil quod illuc repeti debeat reperietur. quod ipsum de his dici debet, quae leguntur in Ciceronis de inventione libro II, 172, *quod genus ut 'homines mortales necesse est interire' sine adiunctione*; quae fient integra, si scribemus *est pro ut*. ita idem in eodem libro 157 *quod genus virtus scientia veritas est*, item *quod genus pecunia est*, 165 *quod genus fidentiae contrarium est diffidentia*.

197. NAM QUO MAGIS URSIMUS ALTU DERECTA. Oblongus corrector mirabili consilio fecit *urgimus*. idem liber *Directa*. Antonius Marii *alte*; qui debuit scribere ALTE DEIECTA, hoc est ex alto in aquam deiecta. tum extremo versu oblongus *pressimus altu aegre*, quadratus *pressimus agere*.

199. SURSUM REMOVET MAGIS. Naugerius REVOMIT.

200. EXILLANTQUE. Corrector oblongi EXILIANTQUE.

203. SIC IGITUR QUOQUE DEBENT FLAMME POSSE. Marullus *Sic igitur debent flammae quoque*. libro I, 290 *Sic igitur debent venti quoque flamina ferri*.

205. PONDERA, QUANTUM INEST, DEORSUM DUCERE PUGNENT. Antonius Marii et Brixienensis editio *quantum in se*

est : tum Marullus *deducere* . in versu 190 erat *Pondera quantum in se est* , in 201 *Nec tamen haec quantum est in se* : quid si hic tertio variaverit non verba sed percussione[m] pedum , *Pondera quantum est in se* ? quarto loco 247 libri *Pondera quantum inest* , Antonius Marii *in se est* .

209. NON CADEREM IN TERRA STELLAS . Corrector oblongi CADERE , Itali et olim impressi TERRAM . eos versus , quorum initia sunt *Nonne vides longos* et *Nunc hinc nunc illinc* , cum Vergilianis componit Macrobius in Saturn. VI, 1 . ibi in utriusque poetæ versibus scriptum est *abruptis nubibus ignes* , cum Lucretii exemplaria et in Aeneidos III, 199 *pælimpseston* Sangallense habeant *abrupti* . ceterum quaerendum est utrum ad hunc locum pertineant quæ habet Servius ad Aen. V, 527 , *Nam , ut Lucretius dicit , ventus altiora petens aethereum ignem secum torquet , qui fractus* (docti fecerunt *tractus*) *imitatur stellas cadentes* . Isidorus originum III, 70 *Nam quod videmus de caelo stellas quasi labi , non sunt stellæ , sed igniculi ab aethere lapsi , qui fiunt dum ventus altiora petens aethereum ignem secum trahit , qui tractu suo imitatur stellas cadentes* .

210. SOL ETIAM DE VERTICE . Ad explendum versum SUMMO addiderunt Itali , itaque olim impressi : *aetherio* Marullus ; quorum mihi neutrum displicet .

216. COGNOSCERE ABEMUS . Quadratus , item schedæ , a correctore oblongus , *habemus* . versu 265 *avet ipsa quadratus* ; oblongus in litura , sed extremis ductibus ultra lituram excurrentibus et ut primam litteram *a* fuisse appareat , *habet ipsa* : Nonius p. 517, 26 *abet* vel *habet* . uterque Vossianus III, 886 *vibus* , 902 *bideant* , IV, 38 *vibos* , V, 778 *conibent* , 1085 *Corborumque* , VI, 390 *abersabile* , 974 *benenumst* , oblongus IV, 483 *balebit* , V, 1413 *Suabius* , quadratus IV, 929 *nobitas* .

218. PONDERIBUS PROPRIIS INCERTO TEMPORE FIRME INCERTISQUE LOCIS SPATIO DEPELLERE PAULUM . In his Avanti[us] rectissime dedit FERME , Marullus *ferri* . tum idem Marullus *decedere* , Avanti[us] *se pellere* ; quorum neutri potest adiungi *spatio* . iam quid rei conveniat ex illis versibus apparet , 292 , *Id facit exiguum clinamen principiorum* *Nec regione loci certa nec tempore certo* . itaque primum hic ad eundem modum scribendum est *Incertainque loci spatii* ; ut supra 163 *Multiplexque loci spatium* . porro *pondera*

propria nihil aliud esse quam aequilibrium docebimus ad librum VI, 574 . eo autem aequilibrio quae paulum declinant (hoc enim poëtam velle apertum est) non possunt *ponderibus propriis depellere* , sed *DECELLERE* . non potuit *declinare* alio vocabulo magis proprie dici quam hoc quod est *decellere* , sive illud poëta finxit sive e consuetudine vulgi sumpsit . Festus p. 274, 31 *Recellere* , *reclinare* , et *excellere* , in *altum extollere* .

222. *IMBRES UTI GUTTAE* . Marullus *IMBRIS* .

227. *ATQUE ITA PLAG GIGNERE* . Ita oblongus , sed a correctore Saxone , qui scripsit in litura a *plag* . quadratus et schedae *plagis* . corrector quadrati *PLAGAS* , itaque primus post eum Lambinus .

229. *AULUS* . Itali et impressi *AVIUS* . supra 145 oblongus *nemora aula* .

233. *HAERAUT POSSUNT* . Quadratus et schedae *Haeraud* . correctores Vossianorum *Aer haud* . *AERIS HAUD* Itali .

234. *EXSUPERATE* . Marullus *EXUPERATA* .

240. *HAUD IGITUR POTUERUNT* . Antonius Marii et Marullus *POTERUNT* .

247. *QUANTUM INEST* . De hoc dixi ad versum 205 . de versu proximo dicam ad librum V, 1033 .

249. *SED NIHIL OMNINO REGIONE VIAI DECLINARE* *QUIS EST QUI POSSIT CERNERE SESE* ? Ab Antonio Marii usque quos vidi omnes *recta regione viai* , quod quo sensu dici Latine possit non intellego , quamquam scio quid sit *e regione ferri* , neque dubitandum est quin illi pondera *recta via declinare* dicere voluerint . *recta regio* est locus verus et conveniens , eaque aliquid *exire* vel *eici* dicitur in libro V, 514 1272 . contra sicut in libro I, 958 habemus *Omne quod est igitur nulla regione viarum Finitumst* , hoc est nulla parte itinerum quibus per omne proficiscaris , ita huic loco convenit *nihil omnino NULLA regione viai Declinare* , hoc est nullo loco viae suae . sed quod in horum versuum fine est *sese* non potuit minus apto loco poni , si poëta haec ita coniungi voluit , ut placet interpretibus , *declinare sese* . in hoc tamen vocabulo vitium esse non credo , sed in *possit* : certe commodissimum est *quis est qui PRESTET cernere sese* ? hoc est quis spondeat ? quis recipiat ?

251. MOTU CONECTITUR OMNIS . Itali et Veronensis editio MOTUS .

252. ET VETERE EXORITUR NOVUS ORDINE CERTO . Itali *exoritur semper novus* , quos secuntur impressi . melius est *Et vetere EXACTO exoritur novus* . de praepositione geminata dixi in fine libri primi .

253 — 304. NEC DECLINANDO — GENUS ULLUM MATERIA . Hos versus LII hic omittunt quadratus et schedae , sed liber uterque habet in fine voluminis , ut dixi ad librum I, 734 . scilicet in codice archetypo haec fuit libri secundi membrana sexta : nam priores quinque tenuerunt versus poëtae CCLII et praeterea capitulorum versus VIII , ut ex horum indice apparet . ergo huius libri secundi initium fuit in pagina recta .

257. FATIS AVOLSA VOLUPTAS , PER QUAM PROGREDIMUR QUO DUCIT QUEMQUE VOLUNTAS . In his Marullum non haesisse mirum est : Lambinus cum *voluptatem* et *voluntatem* commutasset (quod nunc video iam ante eum fecisse Franciscum Medicem a Victorio laudatum ad Varronis rerum rusticarum I, 17, 6) , ceteros ei adsensos esse non nimis miror . sed Lambinus , nisi intempestive meminisset Vergilii esse *trahit sua quemque voluptas* , intellegere poterat *voluptati* in neutro membro locum esse : nam nequis *voluntatem* utrique inferat verendum non est . apparet scribendum esse *fatis avolsa POTESTAS* ; quod plane confirmat versus 286 , unde haec est nobis innata potestas .

264. PRORUMPERE QUORUM VIM CUPIDAM TAM DE SUBITO . Itali et Brixiensis editio EQUORUM . Nonius p. 517, 10 *Omnes artem secuti negant adverbis praepositionem addi oportere , sed auctoritas veterum praeponi iubet* . iisdem verbis (quod memorabile est : nam eundem utrique auctorem agnoscas) Maximus Victorinus p. 1951 *Adverbis adici praepositiones negant omnes technici oportere , quamvis veteres licenter usi sunt* . his uterque subicit *de subito* et *de repente* : sed Victorinus utriusque vocabuli singulos auctores adducit , Nonius multo plures . Nonius hunc versum totum refert , libri III 643 praeternitit : Victorinus simpliciter *item Lucretius de subito* .

266. MATERIAE COPIA CONCIRI DEBET , CONCITA PER ARTUS OMNIS UT STUDIUM MENTIS CONEXA SEQUATUR . Quadratus *materie* : Itali MATERIAI . tum *conquiri*

corrector oblongi, itaque Antonius Marii cum impressis omnibus: sed *conciri* recte oblongus prima manu et quadratus. nam quod sequitur, *concita*, recte probatum est a doctis: *inciti* media producta in versu Attii, quo usus est Cicero de natura deorum II, 89, cur improbetur non video. is mihi ita scribendus videtur, *Simis inciti atque alacres rostris perfricant Delphini*, navem Argo scilicet: libri habent *Sicut et perfremunt*. sed *conexa materiai copia* quomodo dicatur non intellego: recte 'quidam scripti' apud Lambinum *connixa* (immo CONIXA), quod probant Gifanius et Creechius, ut in versu 160.

275. PERSPICUUM NOBIS STINVITIS. In oblongo ante *et erasum e*. hoc est Itali ad locum suum revocarunt. idem erroris genus sane mirabile notabimus libro III, 623 674 680 IV, 624 799 V, 227 331 596 1198. similiter in versu 209 *cadere in terra*.

277. QUAMQUAM VIS EXTERA MULTOS PALLAT. *Vis* omisit scriptor quadrati. tum oblongus et Veronensis *extrema*, *extima* Antonius, Brixieneses, Marullus, Avantius. mox corrector oblongi *Fallat*, itaque Antonius et olim impressi: sed Avantius recte PELLAT, cum Marullus dedisset *Fallit* et *cogit*.

279. PRAECIPITESQUE RAPIT, TAMEN ESSE INIECTORENO QUIDDAM. Oblongus et Brixienensis editio *iniector*, tribus quae in quadrato his adiectae sunt litteris omissis: Veronensis et Veneta *iniector* (*in pectore nostro*. Antonius Marii *esse in pectore nostro*. praeterea cum Avantio scribendum est *Praecipitesque* RAPI, ut paulo ante *ire rapique*.

281. QUOQUE CONA MATERIA. Itali et impressi COPIA *materiai*.

283. RETROQUE RESIDIA. Avantius RESIDIT.

289. SED NE RES IPSA. Prorsus eximie Lambinus MENS *ipsa*.

291. ET DEVICTA QUAEI COGATUR FERRE PATIQUE. *Cogatur* prima manu oblongus, idem a correctore *cocatur*, quadratus *cocatus*. tum QUASI Antonius Marii et impressi: sed hoc non sufficit, nec dubitandum existimo quin poeta dederit *Et devicta quasi id cogatur ferre patique*, scilicet id necessum intestinum. neque enim credere possum Lucretium

semel contra suam ceterorumque consuetudinem *quasi* produxisse, qui in v, 729 maluerit scribere *Proinde quasi id fieri nequeat*. alioqui non ignoro in tabula Bantina et in lege Servilia scriptum esse *quasei sei*, item in lege pagi Herculanei *tam quasei sei*, in senatus consulto de Bacchanalibus et in aliis instrumentis publicis *nisei*, quod in Frontonis quoque codice inventum est p. 127 Romanae editionis. quare de Plauto non intercedo quo minus haec vocabula produxisse existimetur. in Poenulo i, 2, 32 *Soror, cogita, amabo, item nos perhiberi, Quasi salsa muriatica esse autumantur Sine omni lepore et sine suavitate, Nisi multa aqua usque et diu macerantur*. 112 *Opsecro hercle, ut mulsa loquitur! nil nisi laterculos*. in Casina iii, 5, 56 *Nisi se sciat vilico non datum iri*. ceterum illud *quase*, quod Quintilianus instit. i, 7, 24 in multorum libris scriptum esse dicit, fortasse in hoc nostro loco tenue sui vestigium reliquit. certe in Stichio Plauti v, 1, 8 *qua senex tabescit dies* ita intellegendum est, *quase nix*. in Varronis de lingua Latina libro vii p. 356, ubi est *quae*, scribendum videtur *quase*, hoc modo, *Iubar dicitur stella Lucifer, quase in summo quod habet lumen diffusum ut leo in capite iubam*. in lege Rubria i, 47 *nisi iei*.

294. NEC STIPATA MAGIS FULTUM QUAM MATERIA COPIA. Marullus fuit *umquam materialis*.

301. ET CRESCENT VIQUO VALEBUNT. Itali et olim impressi *vique valebunt*. Marullus vix Latine *ingue valebunt*: nam *quae* praepositiones auctum et incrementum significant, ut *con e in re*, *eae valescendi* verbo aptae sunt, non *valendi*, *praevalere* autem et *praevalescere* inter se differunt.

304. NAM NEQUE QUO POSSIT GENUS ULLUM MATERIA EFFUGERE EX OMNI QUICQUAM EST, NEQUE IN OMNES UNDE COORTA QUEAT NOVA VIS INRUMPERE. Medii versus extremam partem perisse apparet, *quae* aptissime suppleri potest in hunc modum, *neque in omne seorsum Unde coorta queat nova vis inrumpere*. Antonius Marii *neque rursus in omnes*, Veronensis editio *neque partis in omnes*, Marullus, quem ceteri secuti sunt, *neque rursus in omne*.

313. UBI IPSUM CERNERE IAM NEQUEAS, MOTUS QUOQUE ASURPERE DEBENT. Gifanius *ubi ipsa*. SURPERE Marullus.

318. QUO QUAM VOCANTES . *Quo QUAMQUE corrector oblongi.*

320. ET SATIAT AGNI. Itali et impressi SATIATI.

322. ET VEL UTI IN VIRIDI. Scribendum est *vel* UT *in*, item in versu huius libri 780 UT *in quadrato*, quamvis ibi quoque exemplaria habeant *uti in*. nullam enim in vocabulis iambi pedis mensura comprehensis elisionem a Lucretio admissam esse docebimus ad librum III, 954. partem tamen poetarum ab hoc genere non abhorreere ibidem concedemus: sed nequis ulli poetae adscribere velit *uti in aequore*, ad eiusdem libri versum 941 cavebimus. neque in Ciceronis epistularum XIV, 16 legendum est *uti ei*, sed *ut iei*.

324. CAMPORUM COMPLENT. Apud Macrobius Saturn. VI, 1 *Componunt complent*, et in fine versus *cientur*.

325. FULGOR UBI. Marullus IBI. *Fulgur* Itali et impressi: item in versu 332 *fulgur* iidem et corrector oblongi.

330. TRAMITTUNT. Quadratus *Transmittunt*, itaque Macrobius Saturn. VI, 4.

331. ALTIS MONTIBUS. His UNDE adiecerunt Itali.

337. OMNIA CONSTAT. Iidem *constant*. sic infra versu 694 quadratus, oblongus *constet* super adscripto *n*. sed cum in versu 724 libri consentiant in coniunctivum, malo ubique *CONSTENT*, praesertim cum ubique oratio a coniunctivo suspensa sit.

342. PRAETERE GENUS HUMANUM MUTEQUE NATANTIS SQUAMIGERUM PECUDES ET LAETA ARBUSTA FEREBAT. *Praeterea* correctores antiquissimi et Nonius p. 158, 22. hoc servato, ne desit verbum, paulo post cum Marullo scribendum est *Horum*, non *Quorum*; nisi quod Lucretius, si eum recte novi, potius scripsisset *Praeterea genus humanum mutasque natantis Squamigerum pecudes*, cetera, *Haec omnia generatim sume*. sed illud *Praeterea* omnem sententiarum coniunctionem relaxat. nam cum poeta hic docere incipiat omnia quorum natura magnam copiam proferat specie et figura differre, poterat hoc loco dicere *Principio*, non *Praeterea*, quod subsequitur in altero exemplo, versu 367, ut *Postremo* in tertio 371. at ne *Principio* quidem scribi debet, quoniam, ut dixi, ante illud *Quorum* deest verbum, quod necessario positum fuit in sententiae capite. id autem verbum cuius modi fuerit facile intellegi potest: re-

quiritur enim hoc, 'Omnes animantes sui generis fetus edunt, eosque figura corporum dissimili.' ergo scribemus PARTURIUNT *genus humanum mutaeque natantes Squamigerum pecudes*; in quibus parum eleganter Nonius *Squamigeræ*. sed in proximis, quae Nonius non exhibet, optime Bentleius et Londinensis editor et *laeta ARMENTA*. quorum hic tamen cum *arbusta* et *armenta* uno eodemque modo breviter scribi potuisse dicit *arta*, id fingit quod nullo tempore fieri potuit; quod si eo anno quo ille haec scripsit, hoc est 1712, putamus ferendum fuisse, at hodie qui artem, quam discere noluerunt, fictis fallaciis exercent contemnendi sunt. quid autem iis fiet, qui se huius fraudulentæ artis magistros ferunt? notabimus certe in hoc genere summos, Kritizium et Massmannum, ne inducantur adulescentes.

347. QUORUM UNUM QUODVIS. Rectius in libro iv, 126 *Quorum unum QUIDVIS*.

354. CALLIDUM. Corrector oblongi CALIDUM. duos versus qui hunc praecedunt Macrobius posuit in Saturn. vi, 5.

356. NONQUIT HUMI PEDIBUS VESTIGIA PRESSA BISULCIS. Quadratus *Oinquit*, schedae *Oinquit*. corrector quadrati et Marullus *Linquit*, absurde, quamvis ab Avantio porro omnes probaverint. scribendum est *NOSCIT humi pedibus vestigia pressa bisulcis*.

358. COMPLETQUE QUÆRELLIS FRONDIFERUM NEMUS ADSITTENS, ET REVISIT CREBRA AD STABULUM. Antonius Marii *adsidens*, corrector quadrati et impressi *ad-sistens*, absurde. horum carminum teneritati unice aptum est *querellis ADSIDUEIS*. in fine vocabulis traiectis *CREBRA revisit* scribendum esse vidit corrector quadrati, neque aliter impressi.

361. NEC TENERE SALICES ATQUE HERBE RORE VIGENTES FLUMINAQUE ILLA QUEUNT SUMMIS LABENTIA RIPIS. Quadratus *vientes*, Macrobius Saturn. vi, 2, *herbae omisso, virentes*. idem Macrobius *lambentia* et *Fluminaque ulla*. hoc *ulla* quadrati quoque codicis corrector posuit et probarunt plerique; quod mihi locum habere posse non videtur, nisi scribatur *aut herbae Fluminare*. certe longe dulcissimum hoc dicendi genus est, *illa flumina summis labentia ripis*.

363. SUBITAMQUE AVERTERE CURAM . Hoc Macrobius confirmat , Wakefieldus ita tuetur ut dicat *subitam curam* esse 'id curae , quod *eam subiit* .' nihilo minus scribemus SOLITAMQUE *avertere curam* .

368. AGNIQUE PETULCI BALANTUM PECUDES . Sic oblongus et schedae , item Brixiensis editio : *Balatum* quadratus , Antonius Marii , Veronenses . hoc admisso fiet ut matres fetus suos novisse dicantur : sed id poëta agebat priore vaccae exemplo , neque eo pertinent quae subiecta sunt , *Ad sua quisque fere decurrunt ubera lactis* . Macrobius in Saturn. vi, 5 et Festus p. 206, 7 , qui prioribus utuntur , praetermittunt *Balantum pecudes* . Macrobius *tremulis in vocibus et Corniferas* .

371. POSTREMO QUODVIS FRUMENTUM NON TAMEN OMNE , QUIDQUE SUO GENERE , INTER SE SIMILE ESSE VIDEBIS . Quadratus *Postremum* . QUODVIS Itali et impressi . sed haec non video quomodo coniungi possint , *frumentum quodvis suo quicque* (sive , ut Itali , *quodque*) *genere* : nihil enim differunt ab iis quae Ciceronem de finibus v, 46 scribere potuisse Madvicius recte negat , *cuiusque partis sua cuiusque vis* . itaque quem admodum Cicero scripsit *sua quaeque vis* , hic quoque scribendum puto *Quoque* vel , quod idem est , *QUIQUE suo genere* . ita Varro rerum rusticarum i, 7, 2 *quod quaecumque* (libri *quaeque*) *suo quoque loco sunt posita , ea minus loci occupant , non quaecumque suo quaeque , neque sui cuique mores hominibus ferri potest in versu senario quo Cornelius Nepos utitur in Attico 11, 6 , sed debet esse Sui quique mores fingunt fortunam hominibus* . quod inter sententias P. Syri 268 auctore mihi incognito ita scriptum exhibuit Bothius , *Fortunam cuique mores confingunt sui* : in Ciceronis paradoxis 35 'sapiens poëta' *Suis fingitur fortuna cuique moribus* : Nonius p. 526, 24 *Sui cuique mores fingunt* . mimico versui elegantiam magis quam 'pingue orationis genus' convenire Carolus Nipperdeius concedere debebat , nisi fallor , qui contra sententiam meam et Alfr. Fleckeisenii pronuntiavit nuperrime in libello quem de Cornelio Nepote fecit p. 78 : neque enim reprehendissem verum hoc modo scriptum , *Fortunam hominibus mores cuique dant sui* . in Vergilii ecloga vii, 54 libri omnes et Nonius p. 326 et 389 *Strata iacent partim sua quaeque sub arbore poma* . Cicero de oratore libro iii, 216 (*vox*) *acuta gravis* ;

cita tarda, magna parva; quas tamen inter omnes est suo quoque in genere mediocris. Varro rerum rusticarum I, 22, 6 *instrumentum et suppellectilem rusticam oportet habere scriptam in urbe et rure dominum, vilicum contra ea ruri omnia certo suo quoque loco ad villam seposita (libri esse posita).* Vitruvius in II, 9, 4 *ea enim cum suo quoque tempore ad imum perforata castrantur.* Festus p. 344, 21 *Sex Vestae sacerdotes constitutae sunt, ut populus pro sua quaque parte haberet ministram sacrorum.* Varro de lingua Latina IX p. 474 *ut ex turdis qui procreantur turdi, sic ex reliquis sui (suis Flor.) cuiusque generis.* p. 533 *cum analogiae sui cuiusque temporis verba debeant discriminare.* Vitruvius I, 3, 2 *et ad regiones sui cuiusque generis apta et commoda dispositio.* Gellius in X, 9 *earumque rerum in acie instruenda sui cuiusque vocabuli imagines ostenduntur.* simillimo modo dixit in suo utroque genere Varro de lingua Latina libro IX p. 475, *non horum ita inter se omnia similia membra, ut separatim in suo utroque genere similitudine sint ea (Florent. similitudines intra) paria?*

376. PAVIT AEQUOR HARENAM. Quadratus et schedae *haranam.* Nonius p. 503, 27 *Lavit pro lavat — Lucretius lib. II Litoris incurvi bibulam lavit aequor harenam.* hoc Marullus praeoptavit, item Heinsius ad Ovidii metamorphosis, libro VII, 267: *ego neutrum alteri praestare iudico.*

381. PERFACILE EST ANIMI RATIONE EXSOLVERE NOBIS. *Animi rationem* Lucretius tum dicit, cum ei opponit *sensus* I, 425 448 IV, 384. quod cum hoc loco non faciat, accedit quod ea quae nunc acturus est cum superioribus aliquo vinculo orationis constringi debuerunt. hoc cum Lambinus intellexisset, edidit *Perfacile est iam.* sed aptius et simplicius est *Perfacile est tali ratione exsolvere nobis.* sic paulo ante *parili ratione ac simili ratione.*

382. QUARE FULMINEUS LONGE PENETRALIOR IGNE QUAM NOSTER FLUAT E TAEDIS TERRESTRIBUS ORTUS. Oblongus *penetral;* iis omissis quae habent quadratus et schedae, *ior igne.* Itali et impressi IGNIS. sed iidem *penetrabilis* vel *penetrabilius:* Bentleius multo melius, quia ignis quomodo *fluere* dicatur intellegi non potest, *Quam noster fuat.* Isidorus originum XIII, 9 *Ideo autem fulminis ignem vim habere maiorem ad penetrandum, quia subtilioribus elementis factus est quam noster, id est qui nobis in usu est.* idem de natura rerum

30, 4 *Lucretius autem dicit fulmina ex minutis seminibus constare, ideo penetrabilia esse.*

384. CAELESTEM FULMINES IGNEM. Quadratus celestis fulmine. corrector oblongi FULMINIS.

387. E LIGNIS ORTUS TAEDAQUE CREATUS. Non potuit hoc minus eleganter dici. poeta scripsit *ignis Noster hic e lignis ortu taedaeque creatus*. similiter in VI, 909 legendum esse videbimus *Magnetum qui fit patriis in finibus ortu*.

390. LIQUOR ALIMUS AQUARUM. ALMUS corrector quadrati et Brixienensis editio.

396. SINGULTA QUAEQUE. Correctores antiquissimi SINGULA.

401. FOEDO PERTORQUENT ORA SAPORE. Apud Macrobius, qui his utitur in Saturn. VI, 1, *pertorquet*. oratio lenius decurret, si scribemus *pertorqueat*. sed potest ferri *pertorquent*.

402. ATQUE RUTUNDIS. Sic libri nostri semper, certe prima manu. semel quadrati scriptor *rotundis* in V, 455. Festus p. 262, 26 *Rutundam aedem*, et similiter p. 250, 31. Nonius p. 60 *Rutundum a rota dictum est, vel rota a rutundo* etc. idem p. 164 *Rutunde positum eliganter, concinne vel collecte* etc. in Varronis de lingua Latina libro V p. 43 *Stagnum a Greco, quod ii (Flor. quod. η.) στεγνόν quod non habet rimam. hinc ad villas rutunda stagna, quod rutundum facillime continet, anguli maxime laborant*. et sic semper. ex eius satura Nonius p. 552, 30 553, 10 *Quem secuntur cum rutundis velites leves parmis, Antesignani quadratis multisignibus* (libri multis insignibus) *tecti*. item in eiusdem Varronis rerum rusticarum exemplari hoc vocabulum saepe ita scriptum legi Politianus testatur, I, 51, 1 *rutundam* et *rutundo*, III, 5, 12 *rutundus*, III, 16, 18 *rutunda*. ex hoc Itali fecerunt *ritondo*.

403. IUCUNDET TACERE POSSUNT. Itali et impressi IUCUNDE (vel prava consuetudine *iocunde*) TANGERE.

413. NOBILIBUS DIGITIS. Naugerius MOBILIBUS.

414. PENETRALE PUTES. Corrector quadrati PENE-TRARE, itaque Antonius Florentinus et Brixienensis editio.

421. AUT FOEDA SPECIE DI TURPESQUE VIDENTUR. Quadratus hic semel *fedā*. pro *di* syllaba corrector quadrati fecit *fedi*, Antonius Marii *qui olidi*, olim impressi *caeli*, Avan-

tius *tetri*: Marullus *turpes olidique*. mihi non videtur dubitari posse quin DIRI *turpesque* scribendum sit.

422. OMNIS ENIM, SENSUS QUE MULCET CUMQUE VIDENTUR. *Videntur* ex versu superiore in hunc irrepsisse, huic substantivum femininum deesse, Marullus vidit, qui scripsit *quae mulcet causa iuvatque*; non viderunt Antonius Marii et Wakefieldus, quibus placuit *videndo* et *videntum*. verum est *sensus quae mulcet cumque* FIGURA. hoc qui non intellexissent iure notati sunt a Schneidewino in Philologo III p. 538.

423. AUT SINE PRINCIPALI ALIQUO LEVIORE CREATAST. *Quadratus leviora*. eius corrector HAUD. *Avantius Haud sine* LEVORE.

427. FLEXIS MUCRONIBUS UNCAQ: SED MAGIS ANGLIIS PAULUM PROSTANTIBUS TITILIARE MAGIS SENSUS QUAM LAEDERE POSSUNT. E primi versus fine *que* delendum esse viderunt Itali, qui secundo addiderunt *et quae*, quod malo scribi quaeque. porro ANGELLIS et TITILLARE Itali. *possunt* quadratus et schedae, *possint* oblongus, Itali, olim impressi.

430. FECULA IAM QUOD DE GENERE EST INVIAEQUE SAPORES. *De* quadrato abest. QUO *de* Itali, Lambinus INULAEQUE.

437. AUT IU VAT GREDIENS. Schedae *Adiuvat*. EGREDIENS Antonius Marii et Marullus.

438. AUT EX OFFENSU. Immo ATQUE. modo enim dixerat sensum nihil aliud esse nisi tactum, qui fiat rebus vel intransibis in corpus vel ex eo egredientibus. nunc subicit sensus varios quoque et confusos oriri, cum atomi in ipso corpore sese conturbent. Marullus non recte scripsit *confunduntque*: haec enim inter se non concinunt, *Tactus est sensus, cum semina confundunt sensum*.

450. AERA QUAEQUE — VOCE FERANTUR. Corrector quadrati et ceteri *Aeraque quae*. VOCIFERANTUR Antonius Marii et Marullus.

451. EX LEVIBUS. Hoc semel hic in exemplaria nostra irrepsit: e *levibus* scriptum extat in versu 402 455 458 466 et in v, 455; itaque in ceteris quorum prima littera est l, e *lignis*, e *laevo*, e *luce*, e *lapide* hoc.

452. FLUIDO QUE CORPORA LIQUIDA CONSTANT.

Fluido oblongus et schedae, quadratus fluido. CORPORE corrector oblongi. liquido quadratus.

453. NAMQUE PAPAVERIS HAUSTUS ITEMST FACILIS QUOD AQUARUM. Hunc versum Lambinus delere quam orationem emendare maluit. scribendum est cum Mauricio Hauptio *itemst facilis QUASI aquarum*. Plautus in Poenulo I, 2, 31 *item nos perhiberi, Quasi salsa muriatica esse autumantur*. idem in Rudente III, 2, 46 *Porrigite hominem p  dibus huc itidem quasi occisam suem*. in Mercatore II, 2, 46 *vetulus decrepitus senex Tantidem est quasi sit signum pictum in pariete*. Ennius apud Varronem de lingua Latina VII p. 320 *Tantidem quasi feta canes sine dentibu' latrat*.

455. ET PERCULSUS ITEM PROCLIVE VOLUBILIS. Quadratus *proclive*. optime Marullus PROCURSUS *item in proclive*. de praepositione tamen dissentio: nam Gellius in X, 24 veteres *proclive* et *proclivi* indifferenter posuisse dicit, idque ita ut ea adverbiorum loco habenda esse satis indicet. egit de hoc genere Madvicius ad Ciceronem de finibus p. 766, neque hunc Lucretii versum praetermisit: vellem in Tusculanis IV, 28 probasset Bentleianum *proclive* sive *proclivei feruntur. proclivei*, inquam, ut in Persa Plauti II, 3, 8 *die septimei*.

456. OMNIA POSTREMO — 458. SI MINUS OMNIA SUNT E LEVIBUS. Recte Muretus *Si minus OMNIBU' sunt e levibus atque rotundis*.

460. PENETRAREQUE SAXA. Hoc mirum est de fumo nebulis flammisque dici, quibus magis consentaneum est *Pungere uti possint corpus penetrareque sese*, scilicet se penetrare in corpus.

461. QUOD CUMQUE VIDEMUS SENSIBUS SEDATUM. In his primum Itali fecerunt *esse datum*, tum Marullus *quod quisque videmus*, postremo Faber *Sentibus*; in quibus nihil sani est. unus Creechius recte vidit 'debuisset Lucretium affirmare fluida ista pungentia et penetrantia acuta semina non minus quam levia et rotunda continere.' scilicet eadem illa hic significantur, *Pungere quae possunt corpus Nec tamen haerere inter se*. hoc intellecto (debit autem hoc unus quisque intellegere) in aliquot litteris prave scriptis mora nulla esse potest, sed verba ipsa sententiam secuntur, hoc modo, *quod cumque VENENUMST Sensibu', sed RARUM*. itaque *rara haec, quae puncto tempore cernis Diffugere*, quia pungunt

corpora et laedunt sensus , *venenum sensibus sive sensuum esse dicuntur* . sic in libro VI, 974 *Denique amaracinum fugitat sus et timet omne Ungentum : nam saetigeris subus acre venenumst* . Varro rerum rusticarum libro I, 2, 19 *eius enim salivam esse fructuis venenum* . 45, 2 *venenum enim gelum radicibus tenellis sub terra , et supra virgultis* . 51, 1 *itaque amurca solent perfundere : ea enim herbarum et formicarum et talparum venenum* .

465. MINIME MIRABILE DEBET . Aut periit hic versus , velut si hunc fingamus ex libro V, 487 , *Esse , quod expressus terrai corpore primumst* : aut , quod verius puto , scribendum est *mirabile HABERIS* . quem admodum hic *debet* , ita in I, 758 *habes* scriptum est pro *habebis* . minus bene Marullus est *minime mirabile habendum* .

466. NAM QUOD FLUIDUS EST , E LEVIBUS ATQUE RUTUNDIS EST , E LEVIBUS ATQUE RUTUNDI ADMIXTA DOLORIS CORPORA . Olim impressi et Marullus unde *fluidum est* sumpserint ignoro . Ennio quidem concessum fuit ut diceret *Dum quidem unus homo , Romanu' toga , super escit* . ubi Lindemannus ad Festum p. 673 *'In quidem ultima non eliditur'* inquit , *'ut saepe apud Ennium .'* ita divites locuntur , qui thesauros suos nolunt recludere . mihi unus ex eodem genere versus Ennii innotuit , *Insignita fere tum milia militum octo* : ceteri poetæ nihil eius modi admiserunt , quid quod ne ex altero quidem hiatus genere ullus Ennii versus extat ; cui plerique Lucilium in primis studuisse non recte opinantur : nam huius ii versus quos habet Porphyrio ad Horatii sermonum I, 3, 124 intellegi non possunt , nisi inter *etiám haec* infuleimus *qui* pronomen ; *non dum etiám qui haec omnia habebit , Formosus dives liber rex solu' vocetur ?* neque apud Nonium p. 161, 17 scribi debet *Infamám inhonestam* , sed *Infumam egestatem turpemque odisse popinam* , ubi libri habent *Infamam honestam* ; neque ibidem p. 398, 33 *Samidám ibi* , sed hoc modo , *Hanc ubi vult male habere , ulcisci pro scelere eius , Testam sumit homo Samiam sibi , 'anophelê'* inquit , *Praecidit caulem , testisque una amputat ambo* , cum in libris sit *samiam ibi anunotelo inquit* . hoc tamen altero genere Tibullum ac Propertium usos esse non nego : neque id a Martiale abiudicandum est , qui scripsit in III, 3 *Aut aperi faciem , aut tunicata lava* : sed apud Catullum 97, 2 *Itali recte ne addito*

Utrumne os an culum olfacerem Aemilio. tertium genus non nisi in monosyllabis locum habet: neque enim Ennius scripsit *Qui tum vivebant homines atque aevum agebant*, sed Gellio teste in XII, 2 Seneca in Bruto Ciceronis 58 legebat *atque aevum agitabant*. in versu Lucretii altero *e* praepositio quia ferri non potest, Marullus scripsit *at*, Wakefieldus *et*; quorum neutri locus est nisi addito *sunt*. porro *levibus atque rutundi* admixta simile est illis apud Vergilium monstris, quae iandudum procurata sunt, *Limina tectorum et mediū in penetrabilibus hostem*, *Inter se coiisse viro' et decernere ferro*. neque tamen scribi potest, ut Marullo et ceteris placuit, *levibus atque rotundis mixta*: nam illa corpora ipsa rotunda sunt, certe globosa 469, neque *rotundis mixta*, sed *mixta aspera levibus* 471. itaque haec verba, *atque rutundi*, dubitari non debet quin ex superiore versu male inculcata sint: sed in eorum locum quid suffici debeat praeter *sunt*, quod deesse dixi, satis certo constitui non potest. hoc tamen apparere puto, cum poeta illa levia atque rotunda ideo sudori maris convenire dixisset *quod esset fluvidus*, nunc necesse fuisse ut corpora aspera et globosa ei *non ex eadem causa* adesse significaret. quare mihi haec sententiam satis recte exprimere videntur, ET *levibu'* SUNT ALIUNDE (sive *de terra*) *admixta doloris Corpora*. quamquam sic quoque mirationem faciunt illa *doloris Corpora*, quae sunt pungentia sensus et laedentia. haec si cui tam breviter dici potuisse non videbuntur, *levibus* quoque ex versu priore huc aberrasse existimandum erit: omnia enim plana erunt, si ita scribemus. *Nam quod fluvidus est, e levibus atque rotundis Est, et sensibu' sunt aliunde admixta dolori Corpora*.

468. NEC TAMEN HAEC RETINERE HAMAT NECESSU. *Haec* omisso quadratus *amat*: Itali HAMATA. RETINERI Lambinus secundum versum 454. *necessu* non videtur Latinum esse: non tamen sufficit, quod olim impressi habent, *necessum*, quod Marullus male coniunxit cum *Scilicet esse*. recte Antonius Marii *necesse est*, nisi malumus NECESSUMST aut *necessust*. dixi supra ad librum I, 111.

469. CUM SQUALIDA CONSTET. Olim impressi CONSTANT.

471. ET QUOD MIXTA PUTES MAGIS. Marullus *Et quo magis*. 'sed aliter potius loqui solet noster,' Wakefieldus

inquit : idque ei Eichstadius et Forbiger , qui ne ipsi quidem hoc poem̃a umquam legere , adcredunt .

476. INQUIT ENIM SUPERA TAETRI MORDIA VIRI . Priscianus p. 722 LINQUIT siŕve *Liquit enim supra tetri vestigia viri* . Servius ad georgicon I, 129 , item Sergius p. 1843 et Cledonius p. 1898 , *tetri PRIMORDIA viri* . Priscianus p. 1258 *diri primordia viri . viri* Lucretio adscribunt Marcianus Capella libro III § 305 et Cassiodorus p. 2323 Putschii . sed hunc versum non suo loco legi interpretes non animadverterunt . nam umor dulcis eo percolatur , *Aspera quo magis in terris haerescere possint* : sed eum hoc consilio taetri primordia viri supra relinquere absurdum est . Marullus dederat *quod magis possunt* , Lambinus *Humor dulcit et quo magis possunt* .

483. NAMQUE IN EADEM UNA CUIUSVIS IN BREVITATE CORPORIS . Lambinus *cuiuscuius brevitatem* ; quo genetivo quis veterum usus sit adhuc quaero , neque eum sibi notum esse Madvicus testatur ad Ciceronis librum de finibus III p. 423 ; quamquam video esse in glossariis Labbaei . praeterea in eadem una intellexerem , si de brevitate iam in superioribus dictum esset : nunc particulam copulativam desidero . quae cum ita sint , scribendum puto *Namque eadem UNIVS cuiusvis in brevitatem Corporis* .

486. VEL PAULA PLURIBUS AUGE . Corrector quadrati et impressi PAULO .

488. TRANSMUTAS DEXTERA LEVIS , OMNIMODI EXPERTUS ERIS . Quadratus ab antiquissimo correctore TRANSMUTANS . in eodem libro *levius* : corrector recentissimus supra adscripsit *laevis* . deinde Marullus *Omnimode expertus fueris* ; quod vocabulum ille quo auctore posuerit nescio : in Frontonis quadam ad Marcum Caesarem epistula p. 37 Maius edidit *Vale , et me , obsecro , omnimode ames qua ioco qua serio* . OMNIMODIS Lambinus .

495. CORPORIS AUGIMEN . Itali et impressi AUGMEN .

497. DISTANTIA FEMINA . Corrector oblongi SEMINA . mox quadratus *Neg . dam* , apud Nonium p. 136, 11 *Ne queadam* .

499. NON POSSE PROBARE . Marullus PROBARI .

501. THESSALICO CONCHARUM TECTA COLORE . Ea quae his praemissa sunt in scholiis Veronensibus ad Aeneidos V, 251 exhibentur . in his Marullus *tincta* , quod cum ab

Oudendorpio ad Lucani librum x, 491 probari dixit Forbiger, mendacium dicit: ille enim rectissime legendum coniecit
TACTA colore.

502. AUREA PAVONUM RIDENT IMBUTA LEPORE SAECLA NOVA RERUM SUPERATA COLORE IACERENT. *Quadratus superata colora*. Franciscus Medices *ridenti lepore* et *NOVO rerum colore*, probante et valde laudante Petro Victorio, et quidem, ut recte Lambinus, '*annotat. in epist. 19. lib. 15:*' Forbiger, ut potius bene scripta prave descripsisse quam ipse aliquid examinasse argueretur, haec ficticia posuit, '*Victorius Epist. xv, 19.*' sed Lambinus cum optima emendatione orationis vincula tolli videret, ante *Aurea* in fine versus scripsit *et*; quo ipso nihil effecit nisi ut poëta barbaricis vestibis et purpurae ineptissime aurea pavonum saecla adiunxisse videretur. hoc certe evitaverat Marullus, cum non satis perite scriberet *Iam tibi* — *pavonum rident imbuta lepore*; *Sedulo quae rerum superata colore iacerent*. Petrus Burmannus ad Petronium 55 p. 355 *Aurea pavonum ridenti imbuta lepore Pepla*. sed ne hoc quidem ferri potest nisi illo Lambiniāno et admisso, quod in versuum hexametrorum fine ponere solis inter poëtas satiricis licet. quanto rectius erat haec omnia cum Marullo ad purpuram referre, sed hoc modo, *Aurea, pavonum ridenti IMITATA lepore Saecla*. haec enim locum habent in purpura Tyrio colori simili, de quo Plinius in libro naturalis historiae ix, 38, 62 *Laus ei summa: in colore sanguinis concreti nigricans adspectu idemque suspectu refulgens*. aurea autem purpura, id est auro ornata sive auro picta, iterum, nisi fallor, Lucretio dicitur in versu huius libri 829. in v, 1428 *vestis Purpurea atque auro signisque ingentibus apta*.

504. ET CONTEMPTUS UDOR SMYRNE. Antonius Marii et Brixiensis editio ODOR. oblongus *smirne*, neuter *zmyrnae*. *smurna* est in l. 16 § 7 D. de publican. xxxix, 4. alii dixerunt *murram*: ita enim vocabulum scriptum exhibent codices Plauti, Varronis (de lingua Latina vi p. 264), Horatii, Vergilii, Propertii, Plinii, Martialis, neque aliam scripturam Priscianus noverat. in euangeliorum Latinorum codice saeculi noni uno *myrram* semel inveni, in antiquioribus alterum constanter scriptum. *murratae potionis* in duodecim tabulis mentionem fuisse Varro testis est apud Festum p. 158: sed

Ennium hoc vocabulo usum esse Hertzbergius solus scit; qui ad Propertium 1, 2, 3 '*myrrha* scribendum' inquit 'recte Chr. Bachius admonet; *murra* enim, quod Lachmanno placuit, *lapis* est, non *herba*; alia denique Ennii, alia Propertii orthographia.' hic et cavillationem et gravem in *myrrha herba* errorem fortasse evitasset, si aut Forcellinum in *myrrha* quoque, non tantum in *murrha*, consulisset, aut Philippi Wagneri orthographia Vergiliana usus esset, qui de *murra* dixit p. 485.

512. QUAE QUONIAM NON SUNT, REBUS REDDITA CERTA FINIS UTRIMQUE TENET SUMMAM. Sic veteres; quod cum Lambinus et Havercampus ante oculos haberent, alter levitate ductus non vidit, alter stoliditate torpens notandum non duxit. Antonius Marii, impressi, Marullus, *non sunt in rebus reddita*. hinc Wakefieldus, qui hic solus aliquid vidit, *quin rebus reddita certa Finis utrimque tenet summam*, itaque Eichstadius et Forbiger; qui si Latine scissent, scribere debebant SED, non *quin*.

514. MATERIEM QUOQUE INFINITIS. Marullus FINITIS. *Materiam* primus, quantum reperire potui, Faber; quem recentiores secuti sunt supina neglegentia.

515. DENIQUE AB IGNIBUS AD GELIDAS HIEMISQUE PRUINAS FINITUMST. *Finitum* interpretibus videtur esse *definitio*. hoc si quibus Latinum videbitur, certe *pruinās gelidas hiemisque* inepte dici fatebuntur. itaque perspicuum est, ubi legitur *hiemisque*, ibi vitium esse. neque dubitari potest quin huius vocabuli pars extrema esse debeat *usque*: sed ante hanc vocem illud ipsum *spatium*, quod Lambinus intellegi voluit, scribendum est, vel potius, quia porro retroque mensum ac determinatum dicitur, *iter*; hoc modo, *Denique ab ignibus ad gelidas ITER USQUE pruinas Finitumst retroque pari ratione remensumst*. sic enim quadratus, *remensumst*, oblongus *remensust*, ut in III, 668 quadratus *putandust*.

517. OMNIS ENIM CALOR AC FRIGUS, MEDIIQUE TEPORES INTER UTRASQUE IACENT. '*Omnis*: i. e. Omnis *annus* est calor, ac frigus; nihil aliud.' ita hic Wakefieldus. tamque ridiculum interpretem nostrates venerabundi secuntur. Marullus *Finis enim*, Lambinus *Finit*. verum est *Ambit enim calor ac frigus*: ambit *creata*, quorum *summam explent medii tepores*. mox Marullus *Inter utrumque*. Wakefieldus

morem suum tenens '*utrasque* : nempe tempestates .' nihilo minus idem Wakefieldus , 'superflua coniectura' ut videtur Forbigero , verissimum iudicavit scripsisse poëtam *Inter utraque iacent* , 'i. e. Interiacent ex utraque parte .' qui quoniam Lucretium , ut dixi , numquam legerat , hanc tmesin ceteris sex locis , quibus *inter utrasque* scriptum extat (III, 306 v, 472 476 839 VI, 362 1062) , non convenire ignorabat . at hoc certe videre poterat , ne hic quidem *utraque* locum habere , nisi quinque orbis terrarum zonas fingamus , de quibus Lucretius nihil usquam dixit . *utraque* enim , de quo agetur ad librum VI, 517 , Nonius recte interpretatur *utrimque vel utrobique* , quamvis librarii prope singula eius verba corruperint in hunc modum , *Utrasque pro utrimque vel utrosque* , p. 183, 22. sed versibus Lucretianis commodissimum est *INTERUTRAQUE iacent* , item *Interutraque igitur cum caeli tempora constant* , *interutraque ita sunt* , et cetera similiter . ex eo genere vulgaris sunt antea , postea , interea , praeterea , propterea , antehac , posthac : et fuere olim plura , ut *praeterhac* , *postilla* , *adversum ea* . hoc quod ultimo loco posui legitur in edicto de Bacchanalibus 24 , *sei ques esent quei arvorsum ead fecissent quam suprad scriptum est . postea propterea* et cetera quoniam accentu proferenda sint sciet qui veteres *adéo* secunda acuta dixisse e Paulo diacono didicerit p. 16 .

520. ANCIPI QUONIAM MUCRONI . Itali et impressi ANCIPIITI , ut in VI, 377 . *mucrone* primus Marullus , ut in V, 1274 . *rationi* uterque codex in VI, 66 , quadratus minus recte in III, 74 ante vocalem brevem et plane vitiose in I, 1081 . in edicto de Bacchanalibus versu 22 *in coventionid* . in lege Thoria 23 *quoive ab eo heredive eius is ager locus testamento hereditati deditionive obvenit obvenitive* . in Servilia p. 67 *de sanctioni hoiusce legis* . in Iulia municipali 38 *pro portioni* .

521. HIN FLAMMPS ILLINC RIGIDIS INFESSA PRUINIS . Quadratus *flamps* et *regidis* . in libro VI, 378 HINC FLAMMIS *illinc* . deinde Itali , item impressi , male *infensa* : Marullus *insessa* , quod dubito an tam antiquo scriptori non satis conveniat . recte Lambinus *INFESTA pruinis* : itaque poëta ipse iisdem verbis in V, 760 *loca flammis infesta* . hoc igitur iure probavit Fridericus Iacobus ad Aetnam p. 166 .

522. QUOD QUONIAM DOCUI , PERGAM CONECTERE REM QUE EX HOC APTA FIDEM DUCAT . Oblongus hic *ducit* ,

paulo ante 479 uterque *ducat*. sed credibile non est poetam tam parvo intervallo eosdem versus iterum ponere voluisse. praeterea quod hic docet eiusdem formae primordia infinita numero esse, idem paulo post iterum exorditur, 529 *Protinus ostendam*; de quo nequis dubitare possit, re demonstrata subicit 567 *Esse igitur genere in quovis primordia rerum Infinita palam est*. itaque apparet, si formam et vincula orationis respiciamus, aut hos septem versus superesse aut tres qui hos secuntur. at hi septem versus novum et primarium rei argumentum continent: qui hos secuntur, a Gassendo, ut Creechius observavit, praetermissi, ipsam rem non satis perspicue expositam exhibent, in qua *generum singulorum* significatio praeteriri non debuit. scilicet καθ' ἐκάστην σχηματισιν ἀπλῶς ἄπειροί εἰσιν ἄτομοι, ταῖς δὲ διαφοραῖς οὐχ ἀπλῶς ἄπειροι, ἀλλὰ μόνον ἀπερίληπτοι: sic Epicurus in Diogenis libro x, 42. nihilo minus ea quae re probiora sunt, ut dixi, magnam habent ab oratione minus apte conexas offensionem. itaque perspicuum sit Lucretium primum quidem istos tres versus minus curiose conceptos posuisse; quos cum postea emendaret, hic ut alibi factum esse ut ad illud incommodum, quod e versibus non eleganter repetitis oreretur, non satis attenderet.

529. VERSIBUS OSTENDAM. Hoc quia ferri non potest, apte faciemus PROTINUS. quamquam si cui versus unus vel plures excidisse videantur, ne hoc quidem improbabile. hoc tantum cavere volui, nequis inficetum Marulli commentum laudaret, quo scripsit *Quod quoniam docui, nunc suaviloquis, age, paucis Versibus ostendam*. editorum fraude ac stultitia evenit ut lexicographi scire non potuerint se Marulli vocabulum, non Lucretianum, in ordinem recipere *suaviloquum*.

531. UNDIQUE PROTELO. Hoc versu Donatus usus est ad Phormionem Terentii i, 4, 36.

533. FECUNDAMQUE MAGIS NATURAM. Lambinus MINUS.

535. MULTA LICET GENERA ESSE IN EO. Marullus *GENERE*, nescio an primus. certe Forbiger, qui hoc 'omnes editt. vett.' habere scribit, verbis peccat, Gerardus tacendo: nam in Veneta est *genera*, neque aliter Avantius et Pius, idemque Veronensi adscribunt Havercampus et Wakefieldus.

536. SIC UTI QUADRIPEDUM. *Sic ut scribatur an sicut*

nihil interest, quoniam atonon est hoc *ut* monosyllabon, quod comparationem indicat. itaque in libris antiquissimis *sicut* in littera secunda inter duo versus divisum observavi: nec minus recte Horatius sermonum II, 2, 68 post *sic* versum incidit, *Saevus erit, nec sic ut simplex Naevius unctam*. sed cur veteres sub uno accentu *sicuti* potius dixisse credam quam *sic úti*, nullam causam invenire possum: nam grammaticis inde a nono post Christum saeculo quomodo vocabula distinguere libuerit non curo. iam vero *sic uti* in versu hexametro ante consonam poni non posse apertum est, ante vocalem quam non facile admitti possit ad versum huius libri 322 dixi. itaque hoc loco recte Bentleius *Sicut quadripedum*. sed grammatici nostri poëtas quosdam antiquissimos in hac re ceteris audaciores fuisse volunt. et verum est ita vulgo scriptos quosdam versiculos ferri; Ennii, *Sic `uti siqui` ferat vas vini dimidiatum*, apud Gellium III, 14; Lucilii, *Sic uti cum primus ficos*, apud Nonium p. 154, 27, et *Sic uti te, qui ea quae speciem vitae esse putamus*, p. 173, 22, item *Sic uti mechanici*, apud Festum p. 206, 27; Lucretii hunc, *Sic uti quadripedum*, et in III, 816 *Sic uti summarum summast*; item in Milite Plauti III, 1, 130 trochaicum, *Sic uti merci pretium statuit*, et Asinariae primum apud Nonium p. 393, 20 *Sic úti tuum vis unicum natum tuae*. sed mirabile est hos poëtas in primo tantum pede hoc amasse, non in quinto: et multo magis mirabile, quod grammatici vafre dissimulant, cum eosdem poëtas tum alios breviori quoque forma iisdem condicionibus usos esse. Ennius apud Ciceronem in Catone 5, 14 *Sicut fortis equos*. Cicero ipse in Arateis 131 *Sicut cum coeptant*. Lucretius in V, 361 in eodem versu qui erat in tertio, *Sicut summarum summa est*. Manilius in II, 483 *Sicut naturas*. Silius in VI, 553 *Sicut sanguinea*. in Herus ad Leandrum epistula 93 *dum sicut scribis amemur*. Lucanus in III, 638 *nec sicut vulnere sanguis*. Plautus in Captivis V, 1, 15 *Sicut tu huic potes, pater mi*. Epidico II, 2, 87 *Sicut cras hic aderit*. Bacchidibus IV, 4, 67 *Sicut dicis*. Trinummo III, 2, 59 *Sicut dixi faciam*. Aulularia II, 4, 15 *Nempe sicut dicis*. Mostellaria III, 2, 84 *haec sunt sicut praedico*. in Asinaria libri nostri *Sicut tuum vis*. Menaechemis, in prologo 74, *Sicut familiae*. Trinummo II, 4, 148 *Sicut fortunatorum*. III, 3, 76 *Sicut praecepi*. in Milite IV, 1, 27 *quo lubet, sicut soror*.

537. ANGUIMANUS ELEPHANTOS. Marullus *anguimanos*: idem in v, 1303 *boves lucas turrato corpore tetros Anguimanos*; ubi *taetras* scribendum docebo. sed *anguimanus* utroque genere servandum est, nisi nobis libet veteribus, quid dicere debuerint, praecipere. Priscianus p. 718 *haec manus, huius manus; ex quo compositum eius declinationem sequitur, hic centimanus, huius centimanus*. nobilem scriptorem Lucretio excepto nullum cognovi, qui alia dixerit quam recto et quarto casu *centimanus, centimanum, unimanum*: minus probatorum sunt *longimanus, aequimanus, aequimanum*, in glossariis *ambimanus*, Iulii Obsequentis 111 *puella quadrimana*, item 73 *pueri quadrupedes et quadrumanes*. in Arnobii libro II p. 97, ubi est *non infantes sub uberibus matrum centenarios legis edidisse vagitum?* legendum existimo *centimanos*.

541. QUAM IUBET ESTO. Corrector quadrati et Brixien-sis editio *quam* LUBET.

543. CUI SIMILIS TOTO TERRARUM SIT ORBI. *Sit* quadratus non habet; cuius corrector fecit *non sit in orbi*, neque aliter Antonius Martii: *impressi non sit in orbe*. malim *NULLA sit orbi*.

547. QUIPPE ETENIM SUMANT OCULI. His Wakefeldus Bentleium vitii notam apposuisse refert; cuius iudicium cum ille recte probasset, Forbiger, 'quum libri omnes illud *oculei* tueantur', inquit (habent autem omnes *oculi, oculi* nullus), 'nihil equidem novare ausim.' in hoc ille cautos quosdam ac prudentes, qui se criticos dicunt, ingenii sui probatores inveniet: nos interim cogitemus quid poëtae menti consentaneum fuerit scribere ubi nunc sunt illa absurdissima, *sumant oculi*. itaque hic ante omnia *si* coniunctione opus est, quae in primis litteris inesse debet. tum rei nihil aliud aptum esse apparet nisi hoc, *Quippe etenim, si arte aliqua efficiatur finita per omne Corpora iactari unius genitalia rei, Unde ubi qua vi et quo pacto congressa coibunt?* dixit in re huius modi Lucretius *machinari et corripere*. in III, 944 *Nam tibi praeterea quod machiner inveniamque*. in v, 247 *Illud in his rebus ne corripuisse rearis Me mihi*. huic loco quid conveniret, mihi statim, ut eum consideravi, apparuit; quod longa et operosa meditatione quaesitum reperire posse neminem puto. est autem paucis litterulis immutatis scribendum *Quippe etenim SI MANTICULER*. ex onomastico Labbaeus

manticolor, *τεχνάζομαι*, idem e Cyrillo *πειράζω*, *tempto*, *mancolor* (debet autem esse *manticolor*): itaque Festus p. 133 *poëtae* inquit *pro dolose quid agendo usi sunt eo verbo*. et quamquam scio in glossariis Maii, quae sunt in tomo sexto auctorum classicorum, p. 533 566 *manticulare* paulo pinguius ita exponi ut dicatur esse *fraudare vel furare vel furto decipere*, item in eodem illo apud Labbaeum onomastico *manticularius*, *κλέπτης*, quem admodum Festus quoque *manticulari dicebantur* inquit *qui furandi gratia manticulas attrectabant*, nihilo minus hoc vocabulum a dignitate huius poëmatis alienum videri non debet, cum Festus eo Pacuvium in tragoediis usum esse testetur; cuius duo versus schedae Pomponii Laeti non satis integros exhibent, duo nullam difficultatem habent, quos subieci. *Ad manticulandum astu aggreditur: scit enim quid promeruerit. Aggrediar astu rem* (schedae regem): *manticulandum est mihi*.

553. TRANSTRA, CAVERNA, ANTEMNAS, PROREM. Quadratus *prosem*: corrector oblongi, fortasse non ille antiquissimus, *PRORAM*. apud Nonium p. 200, 33 in versu Attii *prorim* sive *prorem*. in fine versus prioris corrector quadrati *cavernas*, inepte, quasi quis aut foramina natare dicat aut curvaturas costarum: nam quod habet Servius ad Aeneïdos II, 19, *alii fustes curvos navium, quibus extrinsecus tabulae adfiguntur, cavernas appellarunt*, id ita ut modo dicebam intellegendum est. Antonius Marii et Marullus *carinam*, olim impressi *carinas*. Lambinus verrissime GUBERNA, ut in IV, 439 *et recta superne gubernat*.

555. FLUITANTIA PLAUSTRA. Sic oblongus: quadratus sine nota *plaustra*. Marullus *APLUSTRA*.

559. PLACIDI PELLACIA PONTI. Haec verba, quae recurrunt in V, 1004, interpretes Vergilii Veronenses exhibent ad Aeneïdos II, 90; ubi quo iure Henricus Keilius potius. *Nec poterat quemquam addiderit quam Subdola cum ridet*, dicere non possum. nostro versu Philargyrius usus est ad Georg. IV, 443; apud quem *penitus* legitur pro *placidi*.

560. SI INFINITA. Corrector quadrati et impressi *si FINITA*. in proximis eum versum cuius initium est *Nec rememorari* (sic enim ibi scriptum est) quadratus habet ante *Numquam in concilium*: sed oblongus, nequis Havercampo credat, non peccat.

576. ET SUPERANTUR ITEM . Hunc versum totum retulerunt Festus p. 375, 9 et Nonius p. 184, 22 . in versu 583 quadratus *natura tenetur* .

586. ET QUAE CUMQUE MAGIS VIS MULTAS POSSIDET IN SE ATQUE POTESTATES , ITA PLURIMA etc. Probus p. 1461 *Lucretius tamen numero plurali hae vis* (III, 256) *et .has vis* . Priscianus p. 707 *et haec vis , huius vis ; cuius plurale similiter vis tam Lucretius quam Salustius protulerunt . Lucretius in II Sed quam multarum rerum vis possidet in se Atque potestates* . Marullus *Et quo quicque magis — ita plurima* , Lambinus *Et quam quicque magis — , ita pluria* . at Lucretius non dicit *quam magis tam magis* , sed *quo vel quanto magis* (semel *quam quoque magis* VI, 460) *tam magis* . neque aliter Manilius in III, 344 *quanto propius Tam magis* : sic enim recte Gemblacensis . in IV Lucretii 1089 , ubi *quam* scriptum est , debet esse *quo mage* . porro post *quo magis* comparativo opus est : *pluria* vero non licet adfingere ei qui saepe dixit *plura* . quare scribendum est simplicissima ratione *Et quod cumque magis* , scilicet *quam alia , vis multas possidet in se* .

593. EX IMIS VERO FURIT IGNIBUS . 607. EX IMIS MUNITA LOCIS . Recte Avantius et Lambinus EXIMIIS .

600. 601. HANC — CECINERE POETAЕ SEDIBUS IN CURRU BIIUGOS AGITARE LEONES . Haec absurda esse Lambinus intellexit : neque enim *in curru* agitari leones possunt neque agitari *sedibus* . itaque ille fecit optime *Sublimem in curru* . mihi tamen veri similis videbatur hic unum versum perisse : orationem rudi arte ita fulciebam , *Hanc veteres Graium docti cecinere poetae Magnifice divam ex ipsis penetralibus vectam Sedibus in curru biiugos agitare leones* . hanc meam suspicionem postea codicis quadrati auctoritate mirifice stabiliri intellexi , in quo interstitium est inter hos versus , *Hanc veteres* et *Sedibus* , quamvis modo ante *Quare magna* item distinctum sit , ubi in oblongo est DE MATRE MAGNA . est enim credibile in codice archetypo inter paginae huius libri XXIV versum vigesimum tertium et quartum (ii sunt *Hanc veteres , Sedibus*) fuisse aliquid rubrica scriptum , velut DEEST ; quod oblongi scriptor legere non potuerit , is vero qui quadratum scripsit rubricatori addendum reliquerit .

605. DEBET MOLIRI . Antonius Florentinus et impressi

MOLLIRI. Ovidius in *fastorum* IV, 217 *feritas mollita per illam Dicitur : id curru testificata suost.*

613. PER TERRARUM ORBES. Marullus ORBEM. at Forbiger hic perridicule Epicureum agit: succinit enim graviter ex huius libri versu 1075 *Esse alios aliis terrarum in partibus orbis.*

615. MATRI ET INGATI GENITORIBUS INVENTI SINT. Corrector quadrati et Itali MATRIS. corrector oblongi et Itali INGRATI. sed insuper scribendum est *genitoribū* SINT INVENTI. quoniam hic poëta in hoc versuum genere aut tetrasyllabis usus est aut post monosyllaba trisyllabis, non contra. unus tamen est versus huius libri 309, *Omnia cum rerum primordia sint in motu*, in quo aut *in motu* pro uno vocabulo accipi debet aut potius scribendum est *Omnia cum sint in motu primordia rerum.*

618. TYMPANA TENTA. Utitur hoc versu Nonius p. 181, 26. mox quadratus *violentis signa furoris* pro *violenti*, et in v, 1231 *violenti turbine.*

623. CONTERRERE METU QUE POSSINT NUMINE DIVAE. Ut tela improbos metu conterreant, nihil opus est *divae numine.* rectissime amicus Havercampi *metu NUMINI' divae.* sed *s* litterae elisio librariis displicebat, ut paulo ante versu 615.

626. STERNUNT ITE OMNIA VIRUM. Itali ITER. OMNE VIARUM Turnebus, qui ita 'in sanctoribus exemplis' scriptum esse dicit' adversariorum libro v, 26. intellegit ille Bertinianum codicem, qui est quadratus noster; in quo cum vidisset *omnia virum*, litterulas aliquot commutatas ne commemorare quidem voluit: habebat autem ante oculos *omnia mirum*, quod dederat ex primis editionibus cum Avantio et Pio Ascensius, cum Antonio Marii et Marullo placuisset *omnia circum.*

628. MATREM COMITUMQUE CATERVA. Corrector quadrati *catervam.* rectius Itali CATERVAS: sic enim scriptum extat versu 611 et 630.

630. INTER SE FORTE CATERVAS LUDUNT, IN NUMERUMQUE EXULTANT SANGUINE FLETI. *Catervas* oblongus et olim impressi: quadratus *catenas*; quod doctos sine causa exercuit, cum errori librarii adscribendum sit. verum ne id quidem quod habent ceteri, *catervas*, quicquam boni

in se continet, sed e superiore versu 628 in hunc perperam relatum est. nam oratio vinculum desiderat, quo alligentur illa quae his subiecta sunt, *Dictaeos referunt Curetas*: neque ferri potest quod Creechius dedit, isque, nisi fallor, primus, et in fine versus alterius positum ante *Terrificas*. itaque sententiam explebimus ita, *inter se forte QUOD ARMIS Ludunt* —, *Dictaeos referunt Curetas*. nam forte temp-tandum non est, quo poëta significat eos non semper armis ludere, sed interdum, si quando libuerit. postremo *sanguine fleti* Wakefeldo placent, casti iudicii hominibus displicent. neque satis proprie Marullus *sanguine laeti*: Bentleius optime *exultant SANGUINOLENTI*.

632. TERRIFICAS CAPITUM QUATIENTES NUMINE CRISTAS. In libro v, 1315, ubi hic versus iterum legitur, *quatientes undique*. hic Lambinus, nisi neglegenter ageret, videre poterat MOMINE scribendum esse: neque enim putaverim eum cum Turnebo adversar. v, 27 *numen capitum* de nutu accepisse; quod Gifanius Creechius Wakefeldus Forbiger quasi usitatissimum admittunt. *numen* est imperium; quare etiam *mentis numen* Lucretius dixit in libro III, 144, pro nutu motuve aut pro icone dei nullus veterum posuit. sed grammatici a Varrone usum vocabuli discere noluerunt, originis disputatione abusi sunt. verba eius haec sunt in libro VII de lingua Latina p. 363. *Numen dicunt esse imperium. dictum a nutu*, (addendum *quod cuius nutu*) *omnia sunt, eius imperium maximum esse videatur. itaque in Iove hoc et Homerus et alius aliquotiens*. ubi legendum puto *et annalis*; in quibus haec certe fuisse scimus, *Iuppiter hic risit, tempestatesque serenae Riserunt omnes risu Iovis omnipotentis*.

636. 637. ARMAT ET IN NUMERUM PERNICE CHOREA ARMAT IN NUMERUM PULSARENT AERIBUS AERA. Ita oblongus *Armat et in* priore versu, in altero *Armat in*, quadratus in utroque *Armata et in*. in priore paene servatum videmus ARMATEI, cetera delenda esse Lambinus intellexit primus. ex altero Charisius p. 72 et 97 *pulsabant aeribus aera*.

640. ARMATI MATREM COMITANTUR. Quadratus *matrem armati comitantur*. idem infra 936 *Nec commutari quicquam sine conciliatu*.

646—651. OMNIS ENIM PER SE — NEQUE TANGITUR IRA. Haec Lactantius habet de ira dei 8, 1, item versi-

bus duobus (649 650) omissis scholiastes Statii ad Theb. iii, 659; versum 650 Servius ad Aen. xii, 794; versum ultimum idem ad Aen. vi, 376 et ad eclog. viii, 17, Nonius p. 252, 27 et 408, 20, commentator Horatii Cruquianus p. 363. horum nullus dixit ex quoto Lucretii libro hos versus repetierit, praeter Nonium, qui adscribit eos *secundo*: singuli in quibus peccarint dicere est otium perdere. *Semota ab nostris* oblongus hic, et in libro i, 46 uterque cum schedis: *a nostris* quadratus et schedae hic, item Lactantius et interpretes Statii. *neque tangitur* nostri hic, neque aliter Nonius: *nec tangitur* exemplaria nostra in libro primo, Lactantius, Servius, commentator Cruquianus, scholiastes Statii.

656. CEREREMQUE VOCARE CONSTITUET FRUGES, ET BACCHI NOMINE ABUTI MAVOLT. Haec inter se non coeunt. scribi debet CONSTITUIT *et Mavolt*, aut *Constituēt et Malet*. oblongus habet *numine*.

659. DUM VERA RE TAMEN IPSE. In his verbis pendere orationem neque id quod dici coeptum est absolvi patet. fuit autem hic in archetypo paginae huius libri xxvii versus quintus; cum quo si quis eiusdem paginae ultimum coniunget hoc modo, *dum vera re tamen ipse*

660. RELIGIONE ANIMUM TURPI CONTINGERE PARATO, nihil usquam relinquet difficultatis; nisi quod in horum ultimo vocabulo, quod in oblongo scriptum est *parato*, errorem non citius deprehendet quam corriget: debet enim esse *dum contingere* PARCAT.

661. LANIGERAE PECUDES ET EQUORUM DUELLICA PROLES. Bis profert Nonius p. 80, 28 et 208, 22, sed priore loco *Lanigenae*. *duellica* autem Nonius confirmat, neque videntur vetustiores aliter dixisse quam *duellicum* et *perduelles*. ita Plautus semper, quamvis soleat in his *u* littera plerumque pro consonante uti, item Ennius apud Varronem de lingua Latina libro vii p. 335 *sumpserint perdvellibus*. satis mirabili ratione scriptum est in prologo Captivorum *valetē, iudices iustissimi Domi, bellique dvellatores optumi*, contra in Asinaria iii, 2, 13 *quae domi dvellique male fecisti*.

662. BUCERIAEQUE GREGES EODEM SUB TEGMINE CAELI. Praeter Nonium p. 80 et 208 his utitur Charisius p. 72, *Ceterum feminina omnia monosyllaba sunt excepto grege et rege, quorum alterum ex diverso genere constat: nam Lucilius in ii*

bucerehas greges feminino genere dixit. quae a doctis temere inter Luciliana referri perspicuum est. Servius ad georgicon III, 287, ubi est *Lanigeros greges*, *Lucretius contra Buceriaeque greges*. grammaticus saeculi duodecimi in auctoribus classicis Maii, tomo VIII p. 70, unde *Lucretius Buceriasque greges eodem sub tegmine pavit*.

663. SITIM SEDENTES. Corrector quadrati et ceteri SEDANTES.

664. RETINENTE PARENTE NATURAM. Antonius Marii et Marullus *retinentque parentum Naturam*.

668. QUAMVIS ANIMANTEM EX OMNIBUS UNA. *Quamvis UNAM* Lambinus. Antonius Marii et olim impressi cum haberent *quemvis*, Marullus non recte fecerat *quemvis unum*.

673. SI NIHIL PRAETEREA, TAMEN HAEC IN CORPORE TRADUNTUR. Immo *habent, cohibent, celant, gerunt, potiuntur*. nullum tamen vocabulum invenio, quod in *traduntur* facile mutari potuerit. interim aptissimum est in *corpore CELANT*, vide versum 678, item libri I 514 et IV 1221. corrector quadrati *in corpora tradunt*, Antonius Marii et olim impressi *in corpore tradunt*, unus Wakefieldi *trudunt*, Isaacus Vossius *aluntur*, Lambinus *tamen ex se ea corpora tradunt*; quae omnia pariter vitiosa sunt.

674. UNDE IGNE IACERE. Corrector quadrati *ignes*: *IGNEM* Itali et impressi. oblongus *submittere*.

679. DENIQUE MULTA VIDES, QUIBUS ET COLOR ET SAPOR UNA 681. REDDITA SUNT CUM ODORE IN PRIMIS PLERAQUE DONA. *Cum dolore* oblongus et olim impressi. *versum* his interiectum postquam hinc removimus, cetera aperta sunt praeter *in primis pleraque*. multa enim colore et sapore et odore aucta esse dicit sive *donata*. ita *donandi* verbo usus est in hoc libro versu 73, in V, 1095 1215. neque in neutro genere haerendum est, cum *color et sapor una cum odore* illis rebus *reddita* dicuntur, ut in III, 283 *inter se commixta ventus et aër et calor*, praesertim cum poeta in fine adiecerit *dona*. sed non potuit his addi *in primis pleraque dona*, quod ne intellegi quidem potest: debuit id dici in quo summa rei est, multas res esse in quibus singulis non singulae sed plures qualitates sint, *in PRIVIS PLURAQUE dona*. nam *que* coniunctionem Lucretius non semper primo vocabulo annecit. *de terraque* VI, 884, *ex oculisque* II, 70, *ex altoque* IV, 200,

ex unoque II, 663, *ex aliisque* IV, 1249, *ex animique voluntate* II, 270, *ex animoque* V, 49, *ab rebusque* IV, 65, *in caeloque* V, 1188, *in medioque* IV, 1100, *ad caelumque* VI, 562, *re veraque* II, 48, *aequo animoque* III, 962, *fit utque* VI, 1007, *multa facitque* IV, 273, *errorem vitareque* IV, 823, *res ipsaque* II, 1050, *illa huiusque* VI, 1085, *crescere itemque dies licet* V, 680, *super stellisque* V, 1205, *persectantes visaeque volantes* IV, 1010.

683. QUA SUCUS NON IT IN ARTUS, SUCUS ITEM SORSUM SAPOR INSINUATUR SENSIBUS; UT NOSCAS PRIMIS DIFFERRE FIGURIS. *Sucus* ad saporem pertinet; ut in VI, 986 *Nam penetrare alio sonitus alioque saporem Cernimus e sucis, alio nidoris odores*, et in II, 845 *Et sonitu sterila et succo ieiuna feruntur*. atqui de sapore post sucum dicit, *sorsum sapor insinuatur*: deest autem coloris mentio, cum tamen supra dixisset *et color et sapor una cum odore*. ergo scribendum est *qua* FUCUS non it in artus, FUCUS item sorsum. nam *fucus* color est: paulo post 745 *nullo circum lita fuco*, et in IV, 84 *lintea de summo cum corpore fucum Mittunt*. SORSUM autem bis scribendum est, non cum Vossio *seorsum et seorsum*. ita in IV, 494 *Seorsus item sapor oris habet vim, seorsus odores Nascuntur, sorsum sonitus*. in horum versuum ultimo idem Vossius PRIVIS figuris, quod recte probant Creechius et Havercampus, inscite reicit Wakefieldus, Forbiger silentio transmittit.

693. AUT NULLA INTER SE DUO SINT EX OMNIBUS IDEM. Verum non est, quod dicit Havercampus, in Vossianis esse in fine versus *eadem*: est enim Marulli. itaque hoc infelici conatu Eichstadius recepit, Forbiger pari infelicitate tuitus est. nam duas vocales breves sub ictu in longam contrahere nullus poëta Latinus ausus est. Ausonium enim non curo, cuius est in professoribus x, 17 *Credita puerities*. P. Varro duabus syllabis recte dixit *Phaethon*, Manilius *Phaethontem* tribus; scilicet Latinae linguae proprietatem secuti, qua *ae* vocales breves necessario in diphthongon coalescunt. *Piraeus* enim Latine non aliter sonare debet quam Πειραιός, *Piraeus* Πειραιεύς. Πειραιεύς ori Latino non convenit. Cicero ad Atticum VI, 9 et VII, 3, 10 utrum *Piraeëa* an *Piraea*, id est Πειραιέα an Πειραιᾶ, scripserit non videtur constare: in versu Statius Thebaidos XII, 616 et qui scripsit Cirin 467 *Piraeëa*. dixerunt quidem *Phaëthonta* Graeco more, ut *Aëlo*,

Horatius Ovidius Martialis, sed plerique ambigue. in versu nostro rectius Lambinus *ex omnibus isdem*; quod est sane simplicissimum, sed videtur abhorrere ab usu Lucretii, ut dicam ad librum IV, 933. itaque potius est ut haec ad *versus* relata ita formemus, *Aut NULLI inter se duo sint, ex omnibus, idem.*

695. SIC ALIIS IN REBUS ITEM COMMUNIA MULTA MULTARUM RERUM CUM SINT PRIMORDIA, RERUM DISSIMILI TAMEN INTER SE CONSISTERE SUMMA POSSUNT. Non *rerum summa*, sed *primordiorum*. hoc Marullus cum intellexisset (non intellexerunt Havercampus et Wakefieldus), scripsit *longe Dissimili*; quod ab Eichstadio probatum Forbiger adeo veneratur, ut ne audeat quidem dicere et exemplaria vetera et Wakefieldum dissentire. recte unus ex omnibus Isaacus Vossius, probante uno Abrahamo Preigero, VERUM *Dissimili* tamen: nam *verum tamen* ita in apodosi poni notissimum est.

706. PER TERRAS OMNIA PARENTIS. Itali et Veronensis editio OMNIPARENTIS.

716. NEQUE INTE VITALIS MOTUS CONSENTIRE ATQUE IMITARI. Corrector quadrati *inter: intra* Antonius, impressi, Marullus. legendum est *INTUS*. nam *consentire*, hoc est una sentire, hic cum accusativo coniunctum esse ex eo apparet quod adicitur *atque imitari*. itaque *intus* in corporibus animatis ea corpuscula quae eiusdem generis sunt, cum corporibus insinuata sunt, *vitales motus* ceterorum et una sentiunt sive *consentiunt*, κατὰ συμπάθειαν, et *imitantur*, hoc est eosdem motus moventur suosque consociant.

719. QUEDAM RATIO DETERMINAT OMNIS. Quadratus vitiose *quidam*. sed Marullus optime OMNIA, de quo dixi ad librum I, 1106. non multa tamen huic similia invenientur; velut *verba precantia* apud Maronem Aeneidos VII, 237, *conubia* in Lucretii III, 776, in Senecae Hippolyto 232, Oedipo 800, apud Statium *tenvia ossa* et *tenvia ora* Thebaidos V, 597 VI, 196, et si forte scripsit *Laviniaque venit* Vergilius, quod habet Servii in artem Donati codex Santenianus p. 316 (p. 521 Lindemanni, qui librum saeculo nono scriptum dicit *recentiorem*) et Censorini Darmstadiensis p. 93 Iahnii. ita comici nescio saepe disyllabon faciunt, ut in Hecyra I, 2, 111 *Dixere causam tūm nescio quam. iterū iubet. ita nescio quid*

semper dicendum est, ut in Hecyra III, 1, 24 39 41, in Andria V, 2, 14, non divisis vocalibus, quia certissimum est vocabula dactylica trochaei loco in versu poni non debere. nam quae in hoc genere Bentleius (sed quis non?) peccavit corrigenda sunt, *éiciat* Andr. II, 3, 8, *Pámphilus* V, 6, 1, *Pýthias* Eun. V, 2, 62, *ánulus* Ad. III, 2, 49, *Pámphila* IV, 4, 11, *ómniibus* Hec. III, 1, 6, *Phédria* Phorm. III, 1, 20. scribendum est in Andr. V, 4, 25 *mortuust*, 37 *scruplus*, Ad. IV, 7, 40 *hosne*. neque in Andr. V, 4, 33 *relinquere* ferri potest, ubi legendum puto *post ibi* pro *postilla*; neque *décipis* in Phorm. III, 2, 43, quod facio *decipi*; neque *ómniibus* in Ad. V, 9, 14 et Hec. III, 3, 20, sed scribendum *Omnibus gratum habeo* et *Omnibus nobis ut res dant se*. in Andr. III, 5, 7 caremus Bembino codice, sed scribendum puto *Qui sum pollicitus ducere? neque qua fiducia id audeam Nec quid me nunc faciam scio*. in Ad. IV, 4, 8, ubi est *Sóstrata* pro trochaeo, versus recte distinguere difficile est. non recte vulgo coniunctim scribi *póstmodo* ex Hecyra II, 1, 11 apparet, eademque ratione *dúm modo* non nisi diiuncta recipit septenarius Afranii, quo utitur Cicero in Tusculanarum disputationum libro IV, 45, *Heu me miserum. dum modo doleat aliquid, doleat quidlibet*. his multo mirabilius est o correpto *quó modo*, non *quómodo*, in Trinummo 602 855. in eadem 792 legendum puto *Ille quem habuit perit*, non *Illum — pérdidit*, et ibidem 1127 *Nam ex his aedibus me exaedificasset, apsq̄ue te foret*, ubi libri vocalibus traiectis habent *aedibus apsq̄ue*. non recte Scaliger in versu Lucilii *dicere fortunám genus*, cum poëta scripsisset, ut puto, *Quo facetior videare et scire plus quam ceteri, Pertisum hominem, non pertaesum, dicere aerumnámst opus*: nam in Farnesiano Festi exemplari est *dicere ferum nam genus* p. 273, 11. idem Lucilius non scripsit *Sóspitat impertit*, sed *Sospita, imperti salute plurima et plenissima*, apud Nonium p. 472, 15: haec enim Iovis Fortunaeve invocatio illis pulcherrimis versibus subiecta fuit, quos exhibet Nonius p. 308, 24 et p. 37, 22 28, *Rem (libri Item) populi salute et fictis versibus Lucilius. Quibú potest, impertit, totumque hoc studiose et sedulo*. Ennii senarius qui est apud Ciceronem de officiis libro I, 16, 51, ita recte scribitur, *Quasi lumen de suo lumine accendat facit*: vitiosum est, non elegantius, *Quasi de suo lumine lumen*.

721. ITA CUMQUE NECESSEST. Marullus QUANQUE.

730. MEO DULCE QUESITA LABORE. In libro III, 419; *Conquisita diu dulcique reperta labore*. fortasse scribi debet *dulcei*: sed ab auctoritate magis valent *omnei* et *talei* in libro VI, 1143 1251.

734. NIVE ALIUM QUEMVIS QUE SUNT INBUTA COLORE. *Nive* oblongus, itaque Antonius Marii, Brixienſis editio *Huic*: *Neve* quadratus et ceteri. in libro III, 286 *Ni* veteres et Antonius, impressi *Ne*. observavit hoc in utroque loco Lambinus; quod fugit Handium in Tursellini tomo IV p. 185, quoniam hoc saeculum avaritia librariorum nutrit Forbigeri sordibus, qui poterant multo rectius Lambini et Creechii commentarios huiusque paraphrasin recoxisse. ipsum hoc *ni* Catullo restitui LXI, 153. Pacuvius in Duloreste *primum hoc abs te oro, ni me* (nimis apud Nonium p. 184, 6) *inexorabilem Faxis: ni turpassis vanitudine aetatem tuam, Oro, nive* (mi ne apud Nonium p. 160, 11) *plectas fandi mi prolixitudinem*. in extrema parte versus *colorem* Antonius et impressi. sed *colorem imbuta* Lambinus Latine dici posse negat, Wakefieldus sibi saepissime lectum ait, Forbiger notissimum: utri parti creditis, Quirites? Forcellinum Charisio auctore usum esse scio: sed in huius libro V p. 266 Lindemannus ex codice non *Imbuo* dedit, sed *Induo puerum rubricam et rubrica*. itaque Lambinus scripsit *induta colorem*; cui emendationi tamen non satis fidei facit quod Wakefieldus ex Ovidii metamorphoseon I, 270 attulit, *Nuntia Iunonis varios induta colores Concipit Iris aquas*: nam ibi dea vestem sumpsisse fingitur, ut Hector Vergilianus *exuvias indutus Achilli*, cum eae res quas Lucretius dicit ipsae se coloribus tinxisse non putentur. quare potius est ut scribatur *Nive alium quemvis*, quo sunt *inbuta colore*, *Propterea gerere hunc credas*.

736. TINCTA COLOSE. Corrector quadrati et ceteri COLORE.

741. SOLIS QUI NUMINA NUMQUAM DESPEXERE. Antonius Marii et Marullus LUMINA. Avantius DISPEXERE.

743. EX INEUNTE AEVO. Hic versus quonam loco ponendus esset Bentleius ostendit. quid Wakefieldus? 'quâ de caussâ' inquit, 'non equidem valeo dispicere.' quid Forbiger? 'Hunc versum' inquit 'Bentl. melius post v. 748. locari censet.' alter levitatem suam candide fatetur, alter mentitur.

sciens : Bentleius enim illud *melius*, quod delirantis est, non scripsit, sed haec verissima, 'Versus luxatos sic in ordinem restituo.'

749. MUTATUR ET OMNIS. Antonius Marii et Naugerius in *omnis*. miror Marullum scripsisse in *omnia*, Avantium in *omni*.

757—806. PRAETEREA SI. Hos versus, quos hic omisos quadratus post librum sextum exhibet, quinquaginta duos esse intellet qui indice capitulorum uti didicerit. ex eodem autem numeris subductis apparebit hanc esse libri secundi schedam sextam decimam : nam versibus poëtae DCCLVI addendi sunt tituli XXIV, qui fiunt versus DCCLXXX, hoc est paginae xxx versuum vigenum senum.

759. OMNIGENUS — COLORES. Sic aliquotiens libri veteres, item in Varronis rerum rusticarum III, 5, 11 14 *quae sunt avibus omnigenus oppletae et aves sunt omnigenus*. saepius tamen et rectius scriptum OMNE *genus*. corrector oblongi, item Antonius Marii et omnes impressi, *omnigenos*. hoc falsum esse demonstrabo ad librum V, 441 : *omnigenus* fortasse dixerunt qui unius e duobus accentibus vellent facere compendium. certe simili modo multa conglutinarunt, *omnimodis*, *multimodis*, *tam etsi* pro *tamen et si*, *antire* (sic apud Gratium 385), *domitio*. *paentnsula*, *paenultimus*, *magnopere*, *tantopere*, *aequanimo* (sic glossarium Philoxeni), item correpta vocali longa *siquidem*, *quandoquidem*, *quomodo*, consonante paulum inmutata *quem ammodum*, *iandidum*, *ali-quandiu*, *tanquam*, *posquam*.

760. PRAETEREA MAGNI QUOD REFERT. Antonius Marii et Marullus PROPTEREA; quod Gifanius Creechiusque recte probarunt, Lambinus et Wakefieldus neglexerunt. Forbiger quid faceret, nisi contemneret?

763. PERFACILE EXEMPLO. Brixiensis editor et Lambinus EXEMPLO.

765. FIERI POSSUNT. Lambinus POSSINT.

779. QUIDDAM QUADRATUM UNAQUE FIGURAS. Antonius Marii et Marullus *figura est*: rectius olim impressi *unaque* FIGURA. Muretus *unaeque figurae*, contra consuetudinem Lucretii, qui dixit *unius horae*, *rei*, *guttai*.

780. UTI IN QUADRATO. Scribendum est ut *in*, ut dixi versu 322.

781. IN AEQUORA PONTI. Veronensis editio et Marullus AEQUORE.

783. VARIOSQUE CALORES. Omnes praeter veteres membranas COLORES.

785. QUO QUADRATUM MINUS OMNE SIT EXTRA. Hoc nihili esse Lambinus ostendit invitus, dum ita exponit, 'quadratum ex triangulis factum extra triangula est, non in triangulis.' Gifanius minus perversa re, sed contra verbi proprietatem, '*extra*, in superficie et ambitu.' scribendum est *quo quadratum minus omne sit* EX HIS.

788. QUO DUCIT ET INLICITU TRIBUAMUS. *Et* omit tit oblongus et, nisi fallor, olim impressi, certe Venetus. *et inlicit* UT TRIBUAMUS verissime Turnebus et Lambinus.

790. NON ALBA CREATUR, NEQUE NIGRA CLUENT DE NIGRIS, SED VARIIS EA. Antonius Marii CREANTUR NEC quae. deinde Lambinus *sed variis de*: Wakefieldus paulo rectius *variis* EX.

800. RECTA AUT OBLIQUA — REFULGET. Ante *aut* oblongus habet ϕ , quadratus q (non q ;) sed uterque punctis supra et infra positus damnatum. REFULGIT cur scribendum sit dicam ad librum v, 768.

803. CLARO SIT RUBRO PYROPO. Quadratus *claro sit rubro*. Brixiensis editio et Veronensis *clara sit rubro*, si Gerardo credendum est: nam de Veneta et Avantiana scio eum fallere, quae habent *claro sit RUBRA*, ut Antonius Marii et Marullus. ceterum in hoc versu absurde Wakefieldus cum sua familia *Namque alia* ex olim impressis. *alias* habent veteres, Antonius, Marullus, Avantius.

805. INTER CAERULEUM VIRIDIS MISCERE ZMARAGDOS. Oblongus *zmaracdos*. Forbiger *smaragdos* dicit esse 'meliorem aurei aevi scripturam': nos hac ferrea aetate vetustissimorum exemplarium fidem sequemur. idem Forbiger de *caeruleo* nugas agit: verissime enim Wakefieldus et illi eximio acumini, quo utinam ne plerumque male abusus esset, convenienter scripsit *Inter CURALIMUM*. cui poterant hoc certe vel Forbigeri credere, Serenum Samonicum huc respexisse, cum scriberet hos versus 951, *Curalium vero si colle nectere males, Ne dubites illo virides miscere smaragdos*.

806. LARGO CUM LUCE REPLETA EST. In hoc genere interdum veteres *luce claro* et *primo luci* dixisse constat: sed

Lucretius cum *clara praeclara diurna luce* dixerit et similiter cetera , corrector quadrati et Antonius Marii itemque post hos omnes recte scripsisse videntur LARGA .

809. SCIRE LICET SINE EO FIERI NON POSSET PUTANDUM EST . Corrector quadrati et ceteri POSSE . sed Marullus praeterea delevit *est* ; non recte , nisi insuper scriberet *feri non esse putandum* , ut in III, 866 *Scire licet nobis nihil esse in morte timendum* . multo rectius Lambinus et prorsus e consuetudine poetæ *Scilicet id sine eo fieri non posse putandum est* . ita in IV, 773 *Scilicet id fieri celeri ratione putandumst* , et in II, 710 *Scilicet id certa fieri ratione necessust* . restat tamen ut deliberetur , potueritne hic semel Lucretius *scire licet* absolute ponere , cum contra consuetudinem suam semel *scilicet* itemque semel *videlicet* cum infinitivo coniunxerit , in II, 469 *Scilicet esse globosa* , et in I, 210 *Esse videlicet in terris primordia rerum* .

813. EA QUAE TANGAS QUO FORTE COLORE PRAEDITA SUNT , VERUM QUALI MAGNIS APTA FIGURA . *Tangas* uterque , non *tangis* . oblongus *fugura* . *Praedita* sint Marullus , MAGIS *apta* corrector quadrati et ceteri .

815. NIHIL PRINCIPIIS OPUS ESSE COLORE . Nonius p. 481 , 33 *Sic et opus illam rem* (debit scribere *illa res* : nam hoc exemplis docuit , non alterum) *pro illa re* . — *Lucretius lib. II Scire licet nihil in principiis opus esse colores* . nihil interest : scribemus tamen potius cum Lambino COLORES , quia et antiquiorem testem habet et minus vulgare est . in Plauti Bacchisin IV, 4, 56 legendum est *Ego dabo . tum nobis opus est sumptus . a , placide volo Unum quicque agamus* ; ubi libri habent *sumptu* .

821. OMNIGENUS PERFUSA COLORIBUS . *Omnigenis* corrector quadrati , Antonius Florentinus , ceterique . rectius OMNE *genus* .

827. DISTRAHITUR HOC MAGIS MAGIS EST . Sic quadratus , sed *Distrahitur* . oblongus recte *Distrahitur* MAGIS *hoc magis est* , sed a correctore Saxone in litura totidem litterarum *magis hoc* .

829. UT FIT UBI IN PARVAS PARTIS DISCERPIATUR AURUM : PURPURA POENICEUSQUE COLOR CLARISSIMUS MULTO , FILATIM CUM DISTRACTUM EST , DISPERDITUR OMNIS . Ex his ante omnia removendum est vocabulum bar-

barum . nam post Car. Ludov. Struvium ego ad Ulpiani regularum titulum x, 1 et in novo museo Rhenano III p. 613 docui *venditur vendi* hisque similia primos ex eis quos novimus scriptoribus Ulpianum et Paulum dixisse , *perditur* autem pro *perit* omnino nullum . exciderant mihi tum de memoria versus Afranii , quos Donatus exhibet ad Terentii Adelphos III, 4, 34 ita scriptos , *Is, ut servorum captus est , facillime Domo atque nostra familia provenditur* ; in quibus Neukirchius de fabulis togatis p. 252 cum dicit verum esse *facillume familia provenditur* , id sese intellegere significat quod mihi est obscurissimum . interim certum est neque Afranio *venditur* convenire , neque *vendantur* Varroni rerum rusticarum III, 7, 9 , neque Horatio *perditur* . hunc igitur dixi in sermonum II, 6, 59 scripsisse videri *Porgitur haec inter misero lux* ; cui simillimum est quod Ovidius in metamorph. IV, 199 solem Leucothoës amore captum *horas brumales porrexisset* fingit . sed recordari debebam e Lucretii versu tam foedam mendam a me iam ante complures . annos sublatam esse ; in quo dubitari non potest quin a poëta fuerit *DISPERGITUR* : hoc enim usus est in I, 309 III, 539 IV, 395 . vix dignum relatu est in VI, 593 quadratum habere *Disperditur* , et Guelferbytanum librum saeculo decimo . scriptum in secunda ad Corinthios epistula XII, 15 *super inperdar* pro *inpendar* . iam vero in ipsa re de qua poëta agit , non multum interest , *distractum est* legatur cum membranis et Italis et olim impressis , scilicet *aurum* , an *distractus* mutata orationis forma , ut Marullus et Lambinus , hoc modo , *Ut fit ubi in parvas partis discerpitur aurum , Purpura poeniceusque color clarissimu' multo Filatim cum distractus disperditur omnis* . idem enim remanet , cum discerpatur aurum , purpuram et colorem puniceum dispergi et evanescere : haec autem inter sese non cohaerere et *auri* mentionem praeter rem fieri quivis intellegere potest . neque melius qui fecerunt duo membra , ut Avantius , *Ut fit ubi in parvas partis discerpitur aurum* : item *Purpura poeniceusque color* , — *Filatim cum distrahitur , disperditur omnis* , aut ut Nangerius , qui orationem hoc modo distinxit , ut *cum distractus* ita capiendum esse indicaret , *cum distractus est* . hic vero unus inter omnes Wakefieldus recte negavit de colore auri hoc verum esse , quod dicatur , *cum discerpatur aurum , evanescere paulatim stinguique* . hic igitur scribendum existimavit *ubi*

in parvas partis discerpitur ostrum ; quod quia sanae mentis indicium habet, Forbiger ne commemorari quidem posse opinatus tacuit. at cum idem Wakefieldus praeter omnem necessitatem scripsisset *quom distractus est*, Eichstadius sine mora fecit *distractust*, Forbiger, ut diligentiam ostenderet, cum apice *distractu'st* : sed Lucretius utrum eo modo verba contrahere consueverit quaerere, id vero hi nobiles critici nimiae et putidae diligentiae esse iudicantes, toto saeculo et amplius poëtas in versibus hexametris pangendis nihil mutasse fingunt. Ennii enim haec sunt apud Festum p. 166, 29 et 178, 15, *Alter nare cupit, alter pugnare paratust, Hic occasus datus est, at Oratius inclutus saltu*, item in Ciceronis Bruto 58 et in Gellii xii, 2 *is dictust ollis popularibus olim* : sed neque Q. Catulus scribere potuit, ut opinor, *Mortalis visust pulchrior esse deo*, sed *visus*, et Varroni imperite adscribitur *denique avarus Quis sanust?* qui versus quomodo formandi essent dixi supra ad versum huius libri 181. monstri vero simile est quod Scriverius tamquam Lucilianum Martiali infulsit in xi, 90, *hic situ' Metrophanes'st* ; cum satis appareat, quod Schneidewinum non animadvertisse miror, in Lucilii disticho sententiam plenam non inesse, sed aliunde pendentem, Martialem autem scripsisse *Et tibi Maeonio quoque* (non *quod*) *carmine maius habetur 'Luceili columella, hic situ', Metrophanes'*. itaque in versu Lucretii *distractust* probari non debet. neque vero *ostrum*. hic scribere potuit poëta ; quod est molestissimum intolerabili verborum abundantia, *ostrum, purpura, poeniceusque color*. mihi igitur semper probabile visum est, ubi *aurum* legitur, debere esse *purpurae*, hoc est *purpureae* vestis, epitheton, quale esset *ardens* : nunc quoniam *auream purpuram* in versu 502 legimus, hic quoque verissimum duco *discerpitur AUREA Purpura*. nam qui in versus fine posuit *omnia*, ut dixi ad librum i, 1106, idem eodem loco ponere potuit *aurea* ; quo ita Ovidium in metam. xii, 395 usum videri notavi ad huius libri versum 118. item Horatius sermonum ii, 2, 21 *neque ostrea*, qui in hoc Lucilium sequitur (apud Nonium p. 216, 15 *quid ergo? sic erit. ostrea Cognorit fluvium limum ac caenum sapere ipsum* ; ubi libri *quid ego si cerno ostrea*), Vergilius et Ismarus *Orphea, saevumque Typhoea*, similia alii. haec autem vestis purpurea quoniam rectius *flatom distrahi* dicitur quam color poeniceus (sic in v, 1421 de pellicia

veste *inter eos distractam sanguine multo Disperiisse*), non debet scribi *distractus*, sed *DISTRACTA est*. itaque hos versus et emendatos et elegantes esse aio, si ad hunc modum scribantur. *Ut fit ubi in parvas partis discerpitur AUREA Purpura, poeniceusque color clarissimu' multo, Filatim cum DISTRACTA est, DISPERGITUR omnis*. unum restat, quod Adolfus Schmidius, vir clarissimus, in accuratissima de purpura dissertatione (*forschungen auf dem gebiete des alterthums* I p. 101) puniceum colorem purpurae adscribi posse negat: illum enim proprium esse cocci; nisi quod idem (p. 147) in hysgino coccum sub Tyrio fuisse concedit. at Seneca in *Medea* 99 *ostrum puniceum* dixit, *Ostro sic niveus. puniceo color Perfusus rubuit*: neque *poeniceus* color aut a Phoenice terra aut a palmae fructu, ut Gellio visum est II, 26, nomen duxit, sed a *Poenis*. hoc et syllabae modulus docet, qui differt a Graeco (sic Plautus in *Pseudulo* I, 2, 92 *Crás, Phoeniciũm, poenicio cõrio invises pẽrgulam*), et Varro clare ostendit de lingua Latina libro V p. 117. huius verba, quia Schmidius non recte cepit, subieci. *Lana Graecum, ut Polybius et Callimachus scribunt. purpura a purpurae maritumae colore, ut poenicum* (codex Florentinus *colerent penicum*), *quod a Poenis primum dicitur allata*. hoc est, poenicum item ut purpura a colore nomen habet, quod eo tineta lana a Poenis primum dicitur allata. ceterum *punicum* et *puniceum* promiscue dixerunt de colore et de gente. ut *poenicum* Varro et Horatius in epodo IX *victus hostis punico Lugubre mutabit* (sic scribendum est non *mutavit*) *sagum*, ita *punica rostra* Propertius in IV, 3, 32 et Ovidius *amorum* II, 6, 22. contra lex Thoria 75 *bello Poinicio proxumo*, et idem Ovidius in *Ibide* 280 *A duce Puniceo*.

833. QUAM DISCEDUNT. Hoc in codice archetypo fuisse apparet: nam oblongus habet *discedunt*, quadratus *disceduant*. Marullus DISCEDANT.

840. NE MINUS HAEC. Apud Festum p. 321, 34 *NEC minus*.

841. QUAE SUNT ALIIS REBUS PRIVATA NOTAQUE. Quadratus *notaquae*. scribendum est *NOTARE*. ita in I, 700 *quid nobis certius ipsis Sensibus esse potest, qui vera ac falsa notemus?* Lambinus ineptissime *aliis rebus notisque*, Wakefieldus *privata notarum* (haec enim inter se coniungit) absurde.

842. SOLOS POLI ITA COLORE. Quadratus *solus*. huius corrector et ceteri *solo SPOLIATA colore*.

845. ET SUCO ET UNA FERUNTUR . Antonius Marii et Marullus IEIUNA . infra libro IV, 876 *ieluna* sive *teluna* .

846. ULLUM PROPRIUM DE CORPORE ODOREM . Marullus PROPRIO .

848. NECTAR QUINARIBUS HALAT . Apud Festum p. 165, 9 *qui floribus halet* .

850. QUOD LICET AC POSSIS REPERIRE . Lambinus QUOAD *licet ac potis es reperire* . Ludovicus Carrion mihi videtur mendacium dicere , cum scribit in emendationum libro II, 17 'plane ac disertim in libro manuscripto legitur *Coad licet ac potis est reperiri inolentis olivi* ; ut dubium non sit quin *potis est reperiri* scribi debeat .'

853. CONCOCTOSQUE SUO CONTRACTAS PERDERE VIRO . Apud Priscianum p. 722 *Contractosque suo contractas perdere viro* . ibi Krehlius in quibusdam exemplaribus esse dicit *suo contrectans* sive CONTRACTANS . hoc cum aperte verum sit , Forbiger sordet prae rusticitate Itolorum , qui fecerunt *contactos* . apud Nonium p. 188, 11 *Concoctasque suos servare et perdere viro* ; quod idem Forbiger recte ita accipiendum esse iudicat , ut sit *suo superare et perdere viro* : sed idem , cum *superare* 'notissimo compendio scriptum facile in *servare* transire potuisse' dicit , sibi videlicet id quod numquam in rerum natura fuit notissimum esse profitetur . *viro* praeter Lucretium ablativo casu dixisse videtur Septimius Serenus in opusculis , versu iambico , *Non dignus in quem debeam saturam calente viro Ingerere* . apud scholiasten Iuvenalis sat. IV, 2 scriptum est *Sesenus lib. II et calente vi adingerere* .

854. PROPTER EANDEM DEBENT PRIMORDIA RERUM . Ita oblongus : quadratus *Propterea eandem* . Itali et Marullus *Propterea tandem* , Lambinus *Propterea demum* , errore turpi : debebant enim videre haec a superioribus apta esse , *Sicut quaerere par est inolentis olivi Naturam , Quam minime ut possit odores suo contractans perdere viro , Propter eandem REM debent primordia rerum Non adhibere suum gignundis rebus odorem* .

860. MOLLIA , LENTA , FRAGOSA PUTRI , CAVA CORPORE RARO . Turnebus in adversariis X, 8 *Molli lenta corpore* .

867. PRINCIPIIS CONSISTARE . NEQUE ID MANIFESTA

REPUTANT. Correctores antiquissimi CONSTARE et manifesta REFUTANT. ceterum in membranis hoc uno loco legitur *manufesta*, Maxuma in v, 481. in epistula ad Hebraeos vi, 8 Claromontanus codex apud Sabatarium *proxuma*, quod sane mirum est. ita tamen Nonius quoque p. 441, 28 *verum utrorumque verborum ratio sub hac significantia proxuma est veritati*.

872. CUM SIBI INACTA EST. Corrector quadrati et plerique alii NACTA est.

875. VERTUNT SE FLUVII IN FRONDES ET PABULA LAETA IN PECUDES. Recte Lambinus FLUVII, *frondes*, et *pabula laeta*. at supra 596 idem, ut fuit homo levis, cum Marullo *fluidas frundeis et pabula laeta*. ibi Wakefieldus, quique ei dictata reddunt, *fluidas*, in hoc versu *in frundeis*.

882. ET IGNIS OMNIA VERSAT. Et in ignis Antonius Marii et Marullus.

888. EX INSENSILIBUS NE CREDAS SENSILE GIGNI. Priscianus p. 632 *Ex praeterito plausi plausibilis, sensi sensibilis vel sensilis*. Lucretius in secundo *Ex insensibili ne credas sensile nasci*. neque aliter e Prisciano grammaticus saeculi duodecimi in auctoribus classicis Maii, tomo viii p. 515.

891. ILLUD IN HIS IGITUR FEDUS MEMINISSE DECEDIT. Corrector quadrati et post eum omnes DECEBIT. quadratus *sedus*: AVANTIVS REBUS; 'quod Benteleio placuisse, cum Wak. miror' inquit Forbiger, cui *foedus* probari non miror.

893. SENSILIA ET TEMPO ME GIGNI DICERE SENSUS. Quadratus *Sensilia et templo*. Marullus SENSILE, ET EX TEMPO Naugerius.

902. DEINDE EX SENSILIBUS QUI SENSILE POSSE CREARI CONSTITUUNT PORRO EX ALIIS SENTIRE SUETI, MOLLIA CUM FACIUNT. Hic Lambinus, cum cetera non perspiceret, recte legendum vidit *ex aliis sentire suetis*, hoc est ex aliis sensilibus: Creechius omni sententia recte percepta *Denique principis qui sensile*: uterque parum apte *Mollia tum faciunt*. Creechius nisi arte parum valuisset, verum videre poterat: debet enim scribi *Deinde EA, SEMINIBUS qui sensile posse creari Constituunt porro ex aliis sentire suetis, Mollia iam faciunt*. his ita constitutis ratio in proximis exposita ut procedat, aliquot litterulae immutandae sunt. *nam sensus iungitur omnis Visceribus, nervis, venis*;

905. QUAE CUMQUE VIDEMUS MOLLIA . Immo quae CUNCTA videmus *Mollia mortali consistere corpore creta* .

908. DEBENT AUT SENSUM PARTIS HABERE AUT SIMILIS TOTIS ANIMALIBUS ESSE PUTARI . *Similis* oblongus et olim impressi : quadratus et Antonius Marii *similes* . Marullus *Aut similia totis* , eodem errore quo supra 693 scripserat *duo sint ex omnibus eadem* . scribendum est *Aut simili totis animalibus* scilicet sensu esse putari .

910. AUT NEQUEANT . Marullus At : sed idem *perperam parteis* .

911. NAMQUE ALIOS SENSUS MEMBRORUM RESPUIT OMNIS . Quadratus *alius* . quid poëta voluerit dubium esse non potest : negat enim membra singula seorsum sentire posse , quippe quae ad aliud referantur , hoc est ad animam . neque hoc difficile est ex verbis leviter corruptis extundere . scripsit poëta *Namque alio sensus membrorum respicit omnis* . priorum conatus examinare nihil attinet .

913. SIC ITIDEM QUE SENTIMUS SENTIRE NECESSEST . Quadratus *Sicutidemque* : corrector quadrati *Sicuti denique* . verissimum est quod habet oblongus , sed ab eo loco quo scriptum legitur alienum . itaque haec ad superiora referri debent . sic , inquit , si primordia totis animalibus similia sunt sensu , ea quae nos sentimus itidem sentiunt . ex his autem quia consequitur ea mortalia quoque esse , statim subicit poëta *Qui poterunt igitur rerum primordia dici , Et leti vitare vias , animalia cum sint*

918. ADQUE ANIMALIBUS MORTALIBUS UNA EADEMQUE ? Hic Marullus *Atque animalibus sint mortalibus una eademque* , sine sensu . neque melius Wakefieldus *animalibus in mortalibus* ; quod ab Havercampo sumpsit , qui falso adscribit oblongo . legendum est *animalia cum sint primordia , Adque animalia sint mortalibus una eademque* , hoc est , et cum res animatae non differant a mortalibus .

919. ABEORETU CONCILIOQUE . Brixiensis editio *ab eo coitu* , Veneta *ab eo ortu* , Marullus *ab coetu* . hunc ceteri secuti sunt : sed cum Lucretius ante *c* litteram semper *a* dixerit , *a curis* , *a caelo* , *a caeli* , *a certo* , *a corpore* , potius scribendum est *Quod tamen ut possint , AT COETU CONCILIOQUE Nil facient* .

921. SCILICET UT NEQUEANT. Recte *ut* NEQUEUNT de re certissima Gifanium et Bentleius.

927. ANIMALIS. 928. ALITUM. Claudius Sacerdos p. 23 *animantium* et ALITUUM. in versu 926 Creechius haeret sine causa: dixerat enim poëta supra versu 886 *fugere* animum id ipsum quod tamen experientia confirmet, scilicet *gigni posse ex non sensibū' sensus*.

928. VERMISQUE OFFERVERE TERRAM, INTEMPESTIVUS QUAM PUTOR CEPIT OB IMBRIS. Quadratus *offeruere* et *coepit*. EFFERVERE Itali. Marullus INTEMPESTIVOS *cum putor coepit ob imbreis*. Lambinus distinctione emendata *terram CUM cepit*.

931. DUM TAXAT ORIRI POSSE EA NON SENSU SENSUS MUTABILITATE, AUT ALIQUO TAMQUAM PARTU QUOD PRODITUM EXTRA. Quadrati corrector *Posse a non sensu*. Lambinus se prima editione libros vulgatos secutum scribit, qui habeant *Posse ex non sensu*. ego illos 'libros vulgatos' non novi, sed valde probandum duco *dum taxat oriri Posse ex non sensu sensus mutabilitate*: his enim respondet in proximis *Non commutari quicquam*. sequitur alterum, *Aut sensus ex non sensili oriri posse, aliquo tamquam partu quod* PROTINUS EXTENT: ita enim haec paulum adiuvanda esse perspicuum est; ad quae pertinet in proximis *Non fieri partum*.

934. ICUIC SATIS. Itali et impressi HUIC.

938. ANTE LESAM GENITAM. Antonius Marii et Marullus *ante ipsam*. sed *Principio*, in quo frustra haerent interpretes, hic est *praecipue* (hoc autem vocabulo Lucretius non utitur) vel *in primis*, *ante omnia*, ἀρχῇ. sic in v, 92 III, 119.

940. AERE, FLUMINIBUS, TERRIS, TERRAQUE CREATIS. Quadratus *creata*. in libro I, 1085 erant *quasi terreno quae corpore continentur*, hoc est *umor ponti magnaeque e montibus undae*: sed hic *terra creata a terris* non differunt. itaque praeter Gifanium Wakefieldum Eichstadium Forbigerum omnes cum Marullo scripserunt *flammaque creatis*. *verum* est AETHRAQUE *creatis*. *aethram* post Ennium aliosque Lucretius dixit in VI, 467.

942. CONTULIT INTER SE MOTUS, QUIBUS OMNE TUENTES ACCENSI SENSUS ANIMANTEM QUAMQUE TUEN-

TUR. Turnebus in adversariorum v, 26 recte OMNITUENTES. sed quomodo materiae motibus accensi *sensus* animantem quamque *tueantur* intellegere non possum. itaque mihi legendum videtur *quibus omnituentes Accensi sensus ANIMANTUM CONCUTERENTUR*. ita mox 949 *materies omnis concussa per artus*, in III, 249 *Concutitur sanguis* et 392 *Quam primordia sentiscant concussa animai*.

951. PER CAVIAS EIECIT OMNIS. Corrector quadrati CAULAS. Antonius Marii *eiicit*, contra veterum consuetudinem, quam secutus Wakefieldus scripsit *eicit*. nihilo minus *eiecit* servandum est, et in libro III, 513 *traiecere*, quod habent membranae. in lege Servilia p. 62 *quo ioudices sorticolae conieciant*. e Caelio Antipatro Nonius p. 89, 6 *deiecit*. in Vergilii georgicon I, 333 Mediceus prima manu *Deiecit*. in Caesaris de bello Gallico comm. IV, 28 exemplaria duo *deiecerentur*. *obieciemus* digesta Florentina in I. 3 §. 1 *stellion*. XLVII, 20. in apocalypsi Iohannis XI, 2 unum e meis *eièce foras*. *contegūt* pro *coniecit* in Milite Plauti II, 1, 34. alio modo syllabae diiungendae notantur in vetere codice Plauti, qui habet in Stichō II, 3, 25 *Dehiciamque*. ut longam syllabam indicarent, scripserunt *dissicietur*, quod habent membranae in libro III, 639.

953. DISCUTERE A DIS SOLVERE. Correctores antiquissimi AC *dissolvere*.

954. OBLATA AGRITER ICTU. Corrector oblongi AC RITER. OBLATO impressi.

961. AD VITAM POSSINT CONIECTA MENTE REVERTI. Lambinus CONLECTA *mente*, et praeterea scribendum est POSSIT, quoniam referri debet ad *quamvis animantem*, quam poëta dicebat in versu 944.

963. PRAETEREA QUONIAM. Omne argumentum est huius modi. ictus gravior elementa discutit et confundit sensus animantis, minus gravem elementa vincunt eoque solo reparant sensus: *ergo* quoniam propter elementorum motus dolorem ac voluptatem sentiri constat, nihilo minus ipsa elementa dolorem ac voluptatem non sentiunt, quandoquidem nullae usquam atomi extant quarum plagis et motibus dolore aut voluptate affici possint. in his, ubi *ergo* posui, scriptum est *Praeterea*, quod debet esse PROPTEREA.

966. IN QUO LOCUM. *Inque locum* corrector quadrati et ceteri.

975. PROPRIUM DE QUIBUS AUCTUMST. 986. NON EX RIDENTIBUS AUCTUS. In priore horum versuum oblongus *auctumst*, addito *c* a correctore, quadratus *auctum est*, apud Nonium p. 511, 14 *actus*. Lambinus verissime FACTUMST et FACTUS. 'nam *auctus*' inquit 'casum septimum sine praepositione postulat. deinde aliud est *auctus re aliqua*, aliud *factus de re* aut *ex re aliqua*. hoc qui nescit, fateatur se hospitem esse in lingua Latina.' impudenter respondet ad haec Forbiger 'sed non opus est coniecturis. conf. I, 632 (631). II, 986. III, 626. 630. V, 1176 (1177). etc.'

976. CACINNANT ET LACRIMIS PARGUNT. Corrector oblongi SPARGUNT. *cacinnant* hoc loco membranae, CACHINNANT in IV, 1176, item alibi *cachinnent* et *cachinni*.

982. INDE ALI EX ALIIS. Corrector oblongi, Antonius, Brixienensis editio *Inde alii*: Veronensis et Marullus *Inde ALIA*.

985. QUOD SI DET IRA HAEC. Antonius et Brixienensis DELIRA.

991. SEMINE ORIUNDI. OMNIBUS ILLE IDEM. Apud Lactantium de opificio dei 19, 3 *idem ille*. apud eundem instit. VI, 10, 7 exemplaria quaedam non antiqua *semine nati*, cum verissimum sit *semine oriundi*. est autem hoc rarissimum et antiquiorum poetarum proprium *συνεκφωνήσεως* genus, in quo *i* vocalis ita delitescit ut syllabam non faciat longam. ut hic *oriundi* tribus syllabis, ita *faciant* duabus Terentius in Phormione II, 3, 47 *Di tibi malé faciant. primus esses memoriter*: ut *idem* in Andria I, 1, 25 *Libériu' vivendi*, ita Lucilius in versu hexametro, quem ad librum I, 1106 rettuli, *dominia atque*, ita in Trinummio I, 2, 163 Plautus *Neque mendactloquiuis néque adeo argutum magis*, itaque *augura* pro *auguria* Accium dixisse testis est Nonius p. 488, 3, *Pro certo arbitror sortis, oracla, adytus (ἁδύτους), augura*. Ennius in Andromacha *Deformati atque abiete crispa*; *abiete* tribus brevibus, ne sit vocabulum dactylicum pro trochaeo. neque aliter in *u* littera Terentius, in Adelphis IV, 1, 11 *Rogitabit me ubi fuerim*, et in Hecyra V, 2, 3 *Set tu cum satura atque ebria eri*, *puer ut satur sit facito*. item in trochaico apud Ciceronem in Tusculanarum I, 94 *Modo puerós modo adolescentis*. horum unum est in monosyllabo *puer*, ut illud *Ἀλλὰ τὸν οὔποτε θυμόν* Praxillae, duo in prima syllaba *fuerim* *pueros*, eaque in *u* littera, quae alias

facilius pinguescit. cetera, in quibus *i* littera est, huic subiectam habent brevem vocalem sive solam in ipso vocabuli fine, *dominia auguria*, sive cum una pluribusve consonantibus coniunctam, *liberius mendaciloquius abiete faciant oriundi*. sed quae his simillima sunt *u* consonantem recipiunt et syllabam longam, *genva tenvis tenvīa extenvantur*. item *i* litteram omnes a Vergilio poëtae pinguiorem fecerunt ante vocalem brevem, ut dicerent prima producta *Abietibus iuvenes*, *Arietat in portas*, *intexunt abiete costas*, *pulsabant ariete muros*, *Templi parietibus tui notavi*, *Laeserat abiegni*. atque omni tempore idem observarunt ubi vocalis natura longa sequitur, ut Vergilius *Fluviorum rex*, Horatius *Ut Nasidieni*, Statius Theb. iv, 429 *ubi limina patruī*, Silius *sinvatis sinvato sinvatur* vi, 226 vii, 503 x, 182, Seneca in *Medea* 1052 *Sceleri modus debetur ubi facias scelus*; quorum hoc postremum in primis apertum est, cum eo loco positum sit cui hic poëta anapaestum et spondeum tribuit solos (nam *Medeae* versus 512 et 709, *nepotibus* et *Promethei*, item in *Thyeste* 115 *Phoronides*, in *Troasin* 195 *Polyxena*, 1030 *cacumine*, in *Hercule* altero 804 *Capharides*, excusationem habent): anapaestus esse non potest, ergo spondeus est *facias*. ex his apparet apud comicos *beneficiō* tertiam longam habere, item in *Heauton timorumenō* i, 1, 11 *conicio* trisyllabon media producta dicendum esse, *Aut plus eo*, ut *conicio.agrum in his regionibus*, et *continvo* media producta in *Trinummo* iii, 3, 75, *Continvo operito denuo*, contra apud Terentium *faciant* pro iambo. *maleficiis* tertia longa dicendum sit an *maleficiis* dubitari potest propter ea quae enumerabo ad librum v, 85: neque enim *pretii* pro spondeo veteres umquam usi sunt, sed dixerunt *preti*, nec *beneficii*, sed *benefici*. quae vocalem habent cum *m* in fine, ante synepphonesin produci observabimus ad librum iii, 917, *avium consilium Camerium*: neque aliter scaenicos *beneficiū* tetrasyllabon dixisse existimo. ita Plautus *faciam* duabus longis in *Trinummo* iii, 3, 77 *Ita faciam. at enim nimī longo sermone utimur*. hoc vero, ut *facias* et *avium* eidem regulae subiciantur, eo fieri puto quod *m* finale longam syllabam facit sive producenda vocali (quam tamen se productam audire *Priscianus* negat p. 781, 8) sive obscuro sono cum vocali quasi in diphthongum coalescente; quod ni faceret, neque in versu omitti neque hiatum facere posset, qui in brevi syllaba nullus

est. *Hec cepit Corsica Aleriaque urbe. Et tantum venerata virum, hunc sedula curet. Haec eadem ante illam inpune et Lesbica fecit. O me felicem, o nox mihi candida. Sed dum abest. Reddita sunt cum odore. cocto num adest. milia militum octo. Dum quidem unus homo. non pronuntiari autem m litteram in his, Quo usque tandem abutere, testatur Diomedes p. 447. et Velius Longus p. 2238 Non nulli inquit synaloephas quoque observandas circa talem scriptionem existimaverunt (sicut Verrius Flaccus) ut, ubicumque prima vox m littera finiretur, sequens a vocali inciperet, m non tota sed pars illius prior tantum scriberetur, ut appareret exprimi non debere. sed Quintilianus ix, 4, 40 etiam si scribitur, tamen parum exprimitur, adeo ut paene cuiusdam novae litterae sonum reddat; neque enim eximitur, sed obscuratur et tantum aliqua inter duas vocales nota est, ne ipsae coëant.*

998. ADEMPTE EST. ADEPTA CORRECTOR QUADRATI ET CETERI.

1000. QUOD MISSUS EX AETHERIS ORIS. Apud Lactantium instit. vii, 12, 5 *Cedit idem retro — In terram: sed quod missus est.*

1001. RELATUM. Apud Lactantium *Id rursus caeli fulgentia templa receptant.*

1002. NEC SIC INTEREMIT MORS UT RES MATERIA. Marullus *mors res, ut materiai.*

1004. INDE ALIIS ALIUD CONIUNGIT ET EFFICIT OMNES RES ITA CONVERTANT FORMAS. Neque ut coniunctio abesse potest, neque mors ea quae peremit restituere dici potest nisi per technas ab hoc poeta alienas; qui scripsisse censendus est *Inde aliis aliud* CONIUNGITUR, ET FIT UT omnes.

1007. EARUM PRIMORDIA RERUM. In libro primo 817 908 *eadem primordia*, itaque hic Avantius.

1010. NEVE PUTES AETERNA PENES RESIDERE POTESSE CORPORA PRIMA, QUOD IN SUMMIS FLUITARE VIDEMUS REBUS. Haec cavere debemus ne de idolis accipiamus, quorum mentio huc non pertinet, sed ad librum quartum. poeta atomos negat *penes aeterna* et immortalia residere posse: debere enim omnia *perire* (hoc est in versu 1139), quod *fluere atque recedere corpora rebus* Multa constet, ut dicit versu 1128, et multa accedere. ergo illa multa corpora, quae recedunt rebus et accedunt, *fluitare* recte dicuntur,

hoc est instabilia esse, sed non *in summis rebus*, verum *in cunctis*. interpretes horum nihil capere potuerunt, quoniam id quod manifestum est non viderunt, ea quae versibus xcn interiectis leguntur, *Multaque post mundi tempus genitale*, intellegi nullo modo posse, nisi quis ab his in quibus nunc versamur statim ad illa processerit. atque ea ipsa quae poëtam huic libro ceteris eius partibus iam absolutis addidisse perspicuum est, de *variis mundis varia ratione creatis*, nullo alio loco rursum tractavit, nisi in simili quodam emblemate libri quinti 526—530, de quo exponam ad eius libri versum 509: nam alios tres in eodem libro versus, qui ad eandem rem spectant, 1344—1346, Lucretii non esse in loco demonstrabo.

1015. 1016. NAMQUE EADEM CAELUM MARE TERRAS FLUMINA SOLEM SIGNIFICANT, EADEM FRUGES ARBUSTA ANIMANTIS. Haec optime poëta de primordiis dixit in libro I, 820, ubi est *Constituunt*, hic autem ineptissime ad verba quibus versus constant transferuntur. *verbis* enim, non *elementis*, ea quae his subiecta sunt conveniunt,

1017. SI NON OMNIA SINT, AT MULTO MAXIMA PAR EST CONSIMILIS. In quibus corrector quadrati cum ceteris *PARS est*. praeterea scribendum est *Si non omnia SUNT*; ut versu 458 *neceaset*, *Si minus omnibu' sunt e levibus atque rutundis*, *At non esse tamen perplexis indupedita*.

1020. INTERVALLA VIAS CONEXUS PONDERA PLAGAS. Haec quoque de *seminibus* sive *principiis* apte posita sunt versu 726 et in libro V, 441, hic de *materia* minus proprie, quamvis recte *materies habere* dicatur *varios conexus pondera plagas* in I, 633: et sufficiunt in hoc loco *Concursus motus ordo positura figurae*, ut in I, 685. ceterum *vias* habent membranae, Antonius, olim impressi, sed *plaga es* oblongus, *plagæ* quadratus, Antonius et olim impressi *plagas: viae* et *plagae* Marullus. scilicet qui hunc versum ex suo loco huc transtulit ne grammatices quidem rationem habuit.

1023. ADHIBUERAM AD RATIONEM. Corrector quadrati et ceteri *ADHIBE veram*. in libro I, 51 *adibe veram* membranae.

1024. NAM TIBI VEHEMENTES NOVA RES MOLITUR AD AURIS ACCEDERE. Corrector quadrati et Marullus *vehementer*. sed in III, 152 uterque *vetus vementi*, in VI, 517

vemens oblongus prima manu, in III, 482 *vemens* quadratus *he* litteris prima manu additis. his indiciis Lucretio *VEMENTER* et cetera similia restituenda iudico. nam adhuc quaero quis haec vocabula in versu syllabis diductis dixerit praeter M. Caesarem, qui scribit ad Frontonem p. 53 *Nos istic vehementer aestuamus. habes en hendecasyllabum ingenuum*: sic enim *en pro et* Heindorfius; quod item M. Tullio reddendum est *pro enim* in Tusculanarum I, 97, *Vadit en in eundem carcerem atque in eundem paucis post annis scyphum Socrates*. Gellius, qui veteres cum spiritu *vehemens* dixisse refert libro II, 3, ipse non dicebat *veēmens* ut Velius Longus p. 2229 2234 (certe ita scriptum ibi), sed *vemens*, quippe quo mentis vim et impetum significari putaret, ut indicat libro XVI, 5, item a vi mentis Scaurus p. 2256. *vementibus plagis* Vitruvius in X, 13, 2, ubi libri *venientibus*. *vehemens* et *vemens* apud Ciceronem legebat Annaeus Cornutus, e quo collegit Cassiodorus p. 2286 Putschii, et brevior scriptura extat hodie in epistulis, eaque sola, si Furiae fides ad librum V, 12, 3, et in Arateis 53, *venientem* ad Atticum libro VIII, 5, 1. ACCIDERE pro *Accedere* scribendum esse primus vidit Marullus.

1029. QUOD NON PAULATIM MINUANT MIRALITER OMNES. Oblongus *miralier*, scilicet *t* littera erasa: MIRARIER Itali et impressi. sed mihi hoc Latine dici posse non videtur, *minuo hanc rem facere*: certe Terentius aliter dixit, *ne minueris haec quae facis*. itaque scribendum puto quod non MITTANT *mirarier*. in VI, 1056 *Illud in his rebus mirari mitte*. in eodem 68 *longeque remittis Dis indigna putare*. in libro IV, 471 membranae habent *mituam contendere* pro *mittam*.

1030. PRINCIPIO CAELI CLARUM PURUMQUE COLOREM. *Principio* quid fiat in proximis non dicitur, sed subiectum est quasi periodo absoluta *Omnia quae nunc si primum*. ergo deest hic verbum, non aliter ac supra 342 in illis, *Praeterea genus humanum — Quorum unum quidvis*. scribendum est PERCIPITO *caeli clarum purumque colorem*. ita in V, 92 *Principio maria ac terras caelumque tuere*; *Quorum naturam triplicem* etc. in V, 318 *Denique iam tuere hoc, circum supraque quod omnem Continet amplexu terram*.

1031. QUAEQUE IN SE COHIBENT PALANTIA SIDERA PASSIM. Immo *Quaeque in se COHIBET caelum, palantia*

sidera passim . hoc neminem vidisse mirum est . corrector quadrati , Itali , impressi , *Quemque* .

1033. NUNC SI PRIMUM MORTALIBUS ESSENT . Hoc Wakefieldo cum suis probatur : ceteri cum Marullo *adsint* . EXTENT scribendum esse tandem vidit Orellius .

1038. FESSUS SATIATE VIDENDI . Quadratus *saciate* . apud Nonium p. 172, 17 *vivendi* .

1047. ATQUE ANIMI TACTUS LIBERO QUO PERVOLET IPSE . Oblongus et Brixiensis editio *libero quo volet* , Antonius Marii LIBER *sit quo volet* , deinde Marullus optime *animi iniectus* : meminerat enim poetam ἐπιβολήν illam Epicuri supra versu 740 dixisse *animi iniectum* . huius emendationem I. F. Gronovius egregie stabilivit in observationum libro I, 7 p. 65 ; qui tamen ipse quod verum esse iudicavit *Atque animi iactus* , id sane probo , cum a membranarum fide propius absit neque cur ita dici non potuerit intellegam . sed in versu fine *quo pervolet ipse* , quod est in quadrato , verissimum est nec debuit temptari .

1049. ET LATERE EX UTROQUE SUPERQUE PER OMNE . Scribendum est SUPRA SUPTERQUE . libro VI, 537 *Supter item ut supera* . in V, 512 *Inde alium supra* — *Hinc alium supter* . Cicero in Arateis *Torru' draco serpit* , *subter supraque revolvens Sese* . Marullus minus bene *infra supraque* , Wakefieldus cum grege suo *infraque superque* .

1052. VERIST MILE ESSE PUTANDUMST . Oblongus *putandum est* . quadratus *verist mille* . veri SIMILE Itali .

1059. FORTE OFFENSANDO SEMINA RERUM . Hic versus ne incisione legitima careat , inserendum est *ut* , hoc est quem admodum , *ut semina rerum* . hoc admisso potest in proximis indicativus servari , quem membranae subinducant , in quibus habemus

1061. TANDEM COLERUNT . Corrector quadrati et Antonius , item Naugerius , *coierunt* , Marullus *colarunt* , Brixiensis editio *coharrant* , *coartant* Veronensis , Avantiarius *coarctarint* , Lambinus *cooluerint* , Gifanius *coierint* vel *coaluerint* , I. F. Gronovius *concrerint* . verum est COLUERUNT , eodemque modo in VI, 1068 *colescere* scribendum est , ubi membranae oo pro o longo exhibent . eadem in VI, 491 *Coperiant* , in V, 342 *cooperuisse* , ut habent promiscue *sorsum* et *seorsum deorsum* , *desse derrasse* et *Deerrarunt* , *probeat* I, 977 et *prohibe*

III, 863. similiter in Varronis rerum rusticarum libro I, 41, 2 *colescat* pro *coalescat*. *coperire* codices Nonii p. 416, 14. in lege Julia municipali 106 *legito*, *sublegito*, *coptato*; ubi versu 86 non recte scriptum est *coaptato*, quod illo tempore ne Latinum quidem vocabulum fuit: *coptari* in Ciceronis epistularum III, 10, 9. in eadem lege *praerit* 37 39 47 48 et *praerunt* 69, in Servilia p. 52 *praesse*, in Rubria II, 48 *i. d. p. praesse*, ubi debet esse *iure dicundo praesset*, in decreto Pisano I, 20 33 *praerat* et *praerunt*. *praesset* in Ciceronis epistularum XIII, 6, 2. de his Marinus egit in Arvalibus p. 106: iis simillimum est *praemium*. *praerogare* pro *praerogare* iure consultos dicere Turnebus observavit adv. XVII, 10. *sorsum* vetus Plauti in Asinaria II, 2, 95, in Epidico III, 3, 21. Caper de orthographia p. 2240 *Coactus non coctus dicendum*. *conquinat* dicebat, non *coinquinat*, Marius Victorinus p. 2467: in Columellae libro VIII, 5, 19 *stercore conquinatae*. in Bacchidibus Plauti VI, 9, 52 *comptionalem senem*, item *senes comptionalis* in epistulis Ciceronis VII, 29, de quodam genere servorum. neque vero *coëmptionem* differre puto a *comptu*, ut dicit in III, 845 Lucretius, *coniugioque*. non recte enim, nisi fallor, Servius ad georgicon I, 31 *maritus et uxor inquit se invicem emebant, sicut habemus in iure*: nam nubentes tantum Varro apud Nonium p. 531 *assem* tamquam emendi causa marito dedisse scribit, et *generum dote emi* Vergilius dicit: nec mulier, cum *coëmptionem* faciebat, a *coëmptionatore* mancipio accipiebatur, sed in eius manum conveniebat ab eoque in manum recipiebatur (ita Gaius in II institutorum 98), idque fiebat quidem mancipatione, sed non iisdem verbis, ut refert Gaius in I, 123, quibus servi mancipio accipiebantur, neque ut ancillae loco esset, sed ut mater familias viro esset et iura filiae nancisceretur. itaque *comptus* et *coëmptio* a coniungendo dicuntur, quod fere scribitur *comere*, unde Lucretius dicit *mixta et compta* in III, 259, et *cum corpore compta* in IV, 27, item in I, 950 *Naturam rerum, qua constet compta figura*, hoc est *apta* ut in II, 814. haec autem omnia longa vocali dicenda esse, itemque *prompta* et *sumpta*, e Plauti quodam ioco apparet, qui est huius modi, *Cum mi ipsum nomen eius Arcidemidis Clamaret dempturum esse si quid crederem*, in Bacchidibus II, 3, 50. in hoc genere perfecta sunt *coëmi compsi*, *diëmi dempsi*, *suremi* (apud Festum p. 298, 9) *sumpsi*, *redemi prompsi*. *coemis*se vocali brevi cum longa

contracta Terentium in Adelphis II, 2, 17 ponere potuisse Bentleius negat; vix recte, cum in *deorsum* disyllabo item brevem cum longa contrahi ex eo appareat quod dixerunt *deosum*. non est tamen verendum nequis eodem iure poetam Culicis 66 *Boëthi* nomen duabus syllabis extulisse credat, cum novissimus editor librum interpolatum sequi maluerit, quamvis optime sciret cum *Alcone* nullum caelatorem aptius coniungi posse quam *Rhoecum Samium*. sed Gellium praeterire non debeo, qui dixit in II, 17 *Neque vero con particula tum solum produci- tur, cum ea littera de qua Cicero dicit (hoc est f) insequitur: nam et Cato et Sallustius 'faenoribus' (immo facinoribus: sic certe Sallustius in Catilina 23, 1) inquiunt 'coopertus est', praeterea colligatus et conexus producte dicitur. idem in IV, 17 Sed neque ob neque sub praepositio producendi habent naturam, neque item con, nisi cum eam litterae secuntur quae in verbis constituit et confecit secundum eam primae sunt, vel cum eliditur ex ea n littera, sicut Sallustius 'facinoribus' inquit 'coopertus'. in his falsissima sunt coopertus et colligatus, in quibus o corripitur. Gellius scripsit copertus et coiugatus; quorum alterum supra firmavimus, eique simillimum est quod Gellius subicit cogo: de ceteris observare licet co productum sine exceptione scribi ante gn (cognoscere cognomen cognatio coniti convivere connectere conubium, a quibus differunt congerere et connumerare), con et co syllaba longa promiscue ante i consonantem et apud vetustissimos ante u consonantem vel s. notissimum est coicere sive coicere, quod Quintilianum agnoscere dixi ad Gaïum III, 119. coicere apud Nonium p. 267 268 scriptum est octiens. ita idem p. 506, 23 e Lucilio *Coicito te intro* et ex Terentio *coicerem* p. 87, 31, ubi Paulus diaconus p. 124 *coiciam*. in Varonis rerum rust. III, 14, 4 *coici*. itaque Caesarem scribere solitum fuisse e commentariis Nipperdeii apparet (p. 295 304 313 448 455 473 551), qui cur id recipere noluerit non video. coicerentur in Caelii ad Ciceronem epistula 8, 8. in ipsius Ciceronis epist. IX, 20, 1 *coiecimus*, X, 30, 3 *coicere*. coiciuntur in Vitruvii libro II, 4, 3, coiciantur coiciuntur coicitur II, 5, 1 2 3, item 7, 5 VII, 8, 4 14, 1 X, 2, 6 12, 2. cohicit glossaria Labbaei. codex Festi coiecit p. 344, 31. coiecturam Fronto p. 290. in senatus consulto de Bacchanalibus *convovise coventionid, consoluerunt conspondise cosoleretur: cosmittere* apud Festum p. 51. sed conauditum et coninquare si fuerunt*

umquam (notavit ea Paulus diaconus p. 50 49), nunc certe evanuerunt, neque adsentior viris doctissimis qui in Hirtii de bello Gallico commentario viii praef. 2 scripserunt *conhaerentibus*. non magis credibile duco quod Quintilianus i, 6, 17 rettulisse existimatur, fuisse quosdam qui nimio analogiae studio *conire* dicerent, non *coire*. vero propius est eos dixisse *coivere*, non *coiere*. in glossariis tamen Labbaei video esse *conadunare*, *conhabito*, *conhibeo*.

1061. EA QUE CONIECTA REPENTE MAGNARUM RERUM FIERENT EX ORDINE SEMPER. Quadratus *flerent*, a correctore *fluarent*. in libro v, 429 eadem sic scripta sunt, *Tandem convenient ea quae conventa repente Magnarum rerum fluunt exordia saepe*. unde Marullus recte fecit *fierent* EXORDIA. praeterea scribendum est CONVECTA, quod servarunt membranae in versu huius libri 101, *Exiguïs intervallis convecta resultant*. *conventa* enim, in libro quinto probatum Wakefieldo, nulli placere potuit nisi Eichstadio Forbigeroque et fortasse iis iure consultis qui patrum nostrorum memoria dicebant *uxorem in manum conventam*; quamquam *conventa* pax dicitur quae convenit, et pactum *conventum*, et sol *occasus*, sed homo *occisus*, *conventus* propheta Ambrosio (ut demonstravit I. F. Gronovius observatorum in ecclesiasticis libro p. 228) temptatus et commotus *tantae miseriae deformitate*. *coniecta* autem, quod iidem hic sine nota transmittunt, quasi Lucretius hic aliter quam in quinto dicere potuerit, sententiam non explet nisi addita loci significatione, ut paulo post *Conicere in loca quaeque queat simili ratione Atque huc sunt coniecta*.

1070. NUNC ET SEMINIBUS SI TANTA EST COPIA, 1072. VIS EADEM NATURA MANET. Marullus *Visque eadem et natura*, Wakefieldus *Vigue eadem natura manet*. sed in priore membro cum fuit *et* coniunctio, in altero *que* ponere tam castae orationis poetae non licet. scribendum est *Nunc ex seminibus, si tanta est copia* —, *Quis eadem natura manet* —, *necesse est confiteare Esse alios aliis terrarum in partibus orbis*.

1073. CONICERE IN LOCA QUAEQUE ATSIMILI RATIONE. Quadratus *adsimili*. Itali et impressi *quaeque* QUEAT *simili ratione*.

1078. UNICA QUE GIGNANTUR. Antonius et Marullus GIGNATUR.

1079. QUIN ALIQUO IVIS SIET SAECLI. Sic quadratus: oblongus *alioquoivis*. Gronovius in observationibus, libro I cap. 7 p. 68, ALIQUOIU' siet.

1080. INDICE MENTE INVENISSE SIC. Praeclare et verissime idem Gronovius INCLITE MEMMI. tum Itali et Marullus INVENIES sic.

1082. SIC HOMINUM GEMINAM PROLEM. Hoc vero Gronovius perperam tuetur, cum *gemma prole* uterque sexus inepte indicetur. Marullus optime Sic GENITAM.

1086. INNUMERALI. Apud Nonium p. 131, 8 *innumera*, et *una se pro unica sed*.

1089. QUAM GENUS OMNE QUOD HIS GENERATIM REBUS ABUNDANS. Oblongus *generat in*, quadratus *habundant*. Marullus *abundat*. sed absurdum est *his rebus*, neque dubitari debet quin poëta scripserit *quod est generatim rebus abundans*, hoc est, ut Creechius interpretatur, *quod plurima singularia et individua complectitur*. Manilius in I, 858 *Ignibus usque adeo natura est omnis abundans*.

1094. QUAE PLACIDUM DEGUNT AEVO MULTAMQUE SERENAM. AVANTIUS AEVUM VITAMQUE.

1097. QUIS PARITER CAELOS OMNIS CONVERTERET, OMNIS — TERRAS SUFFIRE FERACIS. Oblongus *terra*. apud Nonium p. 197, 2 *amnis converterit omnis — sufferre feracis*. Marullus *convertere et omnis*. Claudius Sacerdos p. 27 *quamvis Lucretius caelos dicit*. Sergius ad Donatum p. 1842 *habemus enim in Lucretio Quis totidem vertit caelos*: itaque Pompeius p. 151, *sed vertat*.

1101. ET AEDIS SAEPE SUAS DISTURBET ET DESERTA DECEDENS SEVIAT. Apud Lactantium instit. III, 17, 10 *Ipsae suas*, tum et IN *deserta* RECEDENS. in proximis *quod membranae*, Antonius, Marullus: at olim impressi *quo saepe nocentes Praeterit*. hoc qua de causa Wakefieldus Orellius Forbiger probent non video, nisi quia absurdum est: eum enim, quem hi *praeterire* fingunt, *esse posse poëta negat*. *Quis regere inquit immensi summam potis est?* id est, nemo est qui possit.

1110. APPARIRET SPATIUM. Turnebus in *adversariis* V, 25 APPARERET.

1115. ET IGNEM IGNE PROCUDUNT AETHERAQUE.
Quadratus aetheraquae. Itali et impressi *aetheraque aether* ;
 male : aether enim ab igni non differt. ergo scribendum est
 AERAQUE AER.

1116. DONIQUE AD EXTREMUM CRESCENDI PERFICA
 FINEM OMNIA PERDUXIT RERUM NATURA CRACREATRIX.
Donique et hic et alibi membranae, non *Donicum*, ut hic
 scripsit Antonius Marii et Lambinus saepe. *Denique* Nonius
 p. 160, 12, item corrector quadrati, olim impressi, Marullus.
 in Vitruvii exemplaribus vetustis *denique* haberi, quotiens in
 impressis sit *donicum*, recte observavit Handius in Tursellini
 tomo II p. 299, sed praetermisit librum V, 12, 3, ubi est ante
 consonantem, *denique compleatur*. deinde *extremum finem*
 omnes genere masculino; quod sicut in libro I, 555 non tu-
 limus, ita hic scribemus *EXTREMAM*. mox corrector oblongi,
 Antonius Florentinus, olim impressi, Marullus, *perfice*. sed
 recte Nonius *Perfica*, *perfectrix*, vel ut Iunio visum est *per-
 ficiens*: nam exemplaria vetera habent *perficeris*, in Cicero-
 nis autem de natura deorum I, 77 est *consiliatueris* pro *con-
 ciliatrix*. sunt autem haec nomina substantiva, *perfica*, *prae-
 fica*, *praefucus* in aere Bantino, *antistita*, *coniuga*, *succuba*,
comedus apud Festum; quae si adiectiva essent, quod de
perfica Hildebrandus dicit ad Arnobium p. 338, u litteram
 reciperent, nisi fallor, et dicerentur *perficius comeduus*. de-
 nique in fine horum versuum antiquissimi correctores et No-
 nius *natura* CREATRIX.

1122. NAM QUAE CUMQUE VIDES HILAR GRANDES-
 CERE ADAUCTU. Grammaticus Eichenfeldii p. 171 et *Lucre-
 tius grandescere bauctu*, nec tamen dicitur *grandeo*. corrector
 quadrati *ad auctum*, olim impressi *hilari ad auctum*, Marul-
 lus *hilarem ad auctum*. Lambinus recte *HILARO adauctu*.
 dixit ab hoc *adauctare* Attius, *Quibus rem summam et pa-
 triam nostram quondam adauctavit pater*, apud Nonium
 p. 75. quo autem tempore primum *hilarem* dixerint, nondum
 satis constat, quamquam video adscribi M. Tullio. de Plauto
 et Terentio Bentleius dixit ad Adelphos II, 4, 22.

1124. QUAM DE SE CORA MITTUNT. Corrector quadrati
 et ceteri CORPORA.

1129. SED PLURA ACCEDERE DEBET. Itali et impressi
 DEBENT.

1130. DONEC ALESCENDI. Nonius p. 247 et 248 *Adolere* est *urere*. — *adolere*, *augere*, *honorare*, *propitiare*. — *adolescere*, *crescere*; unde *adulescentem* dicit (legendum est *dicimus*). *Lucretius lib. II Denique adulescendi summum tetigere cacumen*. *Laberius in Sororibus Laus nomine gloria adolescit*. hunc dedisse existimo *Donique alescendi*, et *Laus*, *nomen*, *gloria*, *alescit*.

1131. ET ROBOR ADULTUM. In libro III, 1017 *robur*. *Mediceus* in *Aeneidos XI*, 368 *rubor*, *robor* *Romanus* in *georgicon III*, 235. *Charisius* p. 66 de nominibus quae *or* syllaba terminantur *Praeterea et neutralia siqua sunt, et haec corripiuntur, velut aequor aequoris, marmor marmoris, robor roboris, ador adoris*. eadem iterum p. 95: sic idem p. 17 et 29. *grammaticus Eichenfeldii* p. 91 *In or masculina omnia sunt, exceptis his tribus femininis, uxor soror arbor, adque sex neutralibus, cor aequor marmor ador robor ebor*. *Phocas* in *arte* p. 1695 et *neutris his, hoc ador, hoc marmor, hoc aequor, hoc robor*. *Agroecius* p. 2269 *Rubor coloris est, robur virtutis; robor arboris*. contra *Quintilianus* in libro I, 6, 22 *ebur et robur ita dicta ac scripta summis auctoribus tradit*.

1135. PLURA MODO DISPARGIT ET A SE CORPORA MITTIT. *Dispargit* oblongus, idem a correctore *dispergit*, quadratus ambigue syllaba per *p* litteram perductam notata. deinde quadratus et a se, oblongus aetas e; quod cur et ab se scribendum sit ad librum VI, 925 exponam. sed modo, quod *Lambino* displicuit, sententiae optime convenit: est enim ad illa referendum quae praecesserunt, *augmine adempto*, quod corrector oblongi non recte fecit *adepto*. et *Reizius* ad *Rudentem* observavit *Plautum* aliquotiens modo producta syllaba posteriore dixisse (vide *Asinariae* prol. 5, *Aulul.* II, 2, 62, *Pseud.* II, 3, 23, *Poen.* I, 2, 7), atque hoc idem poëtam *Octaviae* ausum esse versu 273. in qua re quamquam memorabile est ne *Senecam* quidem aut alium illorum temporum poëtam, cum veram o litterae quantitatem saepe neglegerent, peccasse, sunt tamen inter veteres post *Plautum*, quorum auctoritate credere possimus *Lucretium* et hic et supra versu 941 et fortasse in IV, 1181 modo produxisse. *Terentius* in *He-cyra* V, 3, 32 *Eum haec cognovit Myrrhina in digito modo me habente*: recte enim *Bentleius* editione secunda habente, sed haec pronomen in alium locum traicere nihil opus est, cum

idem poëta in *Andria* iv, 1, 6 scripserit in Creticis in *Dene-
gando modo quis pudor paulum adest*. item Lucilius apud No-
nium p. 519, 11 *unu' modo de multis qui ingenio sit*. idemque
apud eundem p. 21, 5 et 200, 18 *Modo sursum, modo deorsum,
tamquam collus cernui*. Cicero in *Arateis*, de natura deo-
rum II, 107, *Huic non una modo caput ornans stella relucet*.

1136. IN VENAS CIBUS OMNIS DEDITUR EI. Marullus
DIDITUR. in III, 703 *cibus in membra atque artus cum diditur
omnis*. in IV, 955 *cibus in venas dum diditur omnis*. in IV, 946 *Di-
ditur in venas cibus omnis*. semel inditur supra in versu 1125.

1138. UNDE QUEANT TANTUM SUBORIRI. Marullus
QUEAT. eum versum in quo sunt *corpora tuditantia*, a Festo
recitatum esse dicam ad librum III, 394.

1145. DABUNT LABEM PUTRIS RUINAS. Corrector qua-
drati, Antonius, impressi, PUTRISQUE RUINAS.

1147. ET FULCIRE CIBUS OMNIA SUSTENTARE. Anto-
nius Marii *cibus et*, olim impressi (certe Veronensis et Vene-
tus: de Brixiensi Gerardus tacet) *cibis et*, Marullus *cibus ac*,
Bentleius ad Horatii sermonum librum II, 3, 154 *cibis atque*.
CIBUS CIBUS recte Isaacus Vossius, nisi fallor: huic enim
eiusque *codici tertio* (hoc est uni ex iis codicibus impressis,
in quorum marginibus sua Vossius consignarat) Londinensis
editor adscribit, Havercampus Bodleiano et, quod scio fal-
sum esse, Vossiano utrique.

1148. NECQUIQUAM. Sic oblongus: quadratus *Necquic-
quam*. et oblongus quidem hoc uno loco peccat, quadratus
in IV, 1110 *Necquiquam* et in eodem 1239 *Nequicquam*. *ne
quemquam* exemplaria Nonii habent p. 28, 6 in his Varronia-
nis. *ego infelix non queam Vim propulsare atque inimicum Orco
inmittere*. *Nequiquam saepe aeratas manus compedes Conor re-
vellere*, quae poëtica esse Olearius in Saturis Varronis p. 196
non sensit, quamquam librarii omnia recte scripta exhibue-
runt praeter *manus* genetivum, quo Varronem uti solitum
non fuisse Gellius refert in Atticarum noctium libro IV, 16,
cum tamen dixerit *luxu dandi casu* apud Nonium p. 211, 13,
nec sumptib' finem Legib' nec luxu statues finemque modumque.

1150. IAMQUE ADEO FACTA EST AETAS EFFECTAQUE
TELLUS. Corrector quadrati et olim impressi *FRACTA est*.
EFFECTAQUE corrector oblongi, *effecaue* quadratus, cuius
corrector fecit *effoetaue*.

1153. HAUD UT OPINORE IMMORTALIA. Corrector oblongi, item Antonius et Avantius, *opinor et. quadratus Haut ut opinore immortalia*. olim impressi *opinor immortalia*. Marullus ita ut exemplaria Gellii xiii, 20, *Haud, ut opinor, ENIM mortalia*. versu proximo et Gellius utitur et Nonius p. 205, 22.

1160. QUA NUNC VIX. Itali, impressi, Nonius p. 115, 7, *QUAE nunc*.

1165. IN CASSUM MAGNUM CECIDISSE LABORES. Isaacus Vossius optime *MANUUM labores*.

1168. TRISTIS ITEM VETULAE VITIS SATOR ATQUE FATIGAT TEMPORIS INCUSAT NOMEN SAECULUMQUE FATIGAT. In his Nicolaus Heinsius in adversariis p. 456 egregie *vetulae vitis sator atque VIETAE*. tum Ioh. Bapt. Pius 'quidam MOMEN scribunt pro momento'. postremo, ubi *saeculumque* habet oblongus, quadratus *saeculumque*, optime Wakefieldus CAELUMQUE *fatigat*. Phaedrus in iv, 20, 24 *Caelum fatigas sordido periurio*.

1170. ANTICUM GENUS UT PIETATE REPLETUM. Quadratus *genus suppletate*. apud Nonium p. 255, 20 *PIETATE repletum*.

1172. ANTE DIRITIM. Corrector quadrati et ceteri *VRITIM*.

1173. IRE ADSCOPULUM. Sic oblongus: quadratus *Ad copulum*, sed *s* littera ab ipso librario addita. de his Havercampus falsa refert: sed idem verissime et praeter morem suum ingeniose scribit *ire Ad CAPULUM*. de *capulo*, quod cum satis rarum vocabulum sit, Forbiger 'saepissime' cum sepulchro coniungi scribit, pauca dicere possum ab aliis nondum dicta. usus est eo Statius in iii Thebaidos 362, *dum funera portant*, *Dum capulo nondum manus excidit*. huius scholiastes ad librum vi, 55 exscripsit, ut solet, Servius ad Aen. xi, 64. glossarium Maii in auctorum classicorum tomo vi p. 530 *Kaltulum*, *in quo mortui deferuntur, vel linteum*. in glossis Placidi, tomo iii p. 451, *Capuli, lecti funerei vel rogi in modum arae constructi*. *Caltulum, cinguli genus*.

III, 1. O TENEBRIS TANTIS. O, quod valde ineptum est, habent oblongus et schedae. in quadrato litterae *miniandae* semper omittuntur: corrector fecit *A tenebris*, quod

ipsum Antonius Marii exhibet . olim impressi et Marullus recte E *tenebris tantis* .

7. CYCNIIS . Sic oblongus : quadratus *Ciniis* . in II, 505 uterque *cycnea* . oblongus in II, 824 IV, 181 910 *cygnos* et *cygni*, ubi quadratus c litteram exhibet . Lucretius utrum Graecam an Latinam rationem praetulerit nescio : certe syllabam neque hic neque Vergilius corripuit . ea correpta Martialem in IX, 103 *cygno* scripsisse non videtur credibile . mox *hedi* prima manu oblongus , *haedi* idem a correctore et quadratus , Nonius p. 306, 9 et , 420, 32 *aevi* . in II, 367 membranae *haedi* . in Varronis de lingua Latina V p. 99 Mediceus codex (nam Spengelius non omnia recte rettulit) *ircus quod savini fir-cus* . *quod illic foedus in latio rure [qui in urbe deleta] he-dus qui in urbe ut in multis A addito aedus* . versu proximo et *fortis* libri et Nonius p. 306 , idem p. 420 *ac* .

9. TU , PATER , ES RERUM INVENTOR . Oblongus *es* , quadratus *e* , huius corrector *o* .

11. OMNIA LIMANT . Recte AVANTIUS LIBANT , quod lima nulla est in ore apium pascentium , qualem tribuit aëri subtili . Vitruvius , cum dicit in V, 9, 5 *quod ex viridibus subtilis et extenuatus aër propter motionem corporis influens perlumat speciem* , hoc est oculum . Horatio ludere licuit , *Non istic obliquo oculo mea commoda quisquam Limat* , quasi *limi oculi* a *lima* dicerentur ; quem admodum et Plautus ludit , cum *dolum dolari* dicit , et nostri homines partim iocantur , partim falluntur , cum *geruhen* deducunt a *ruhen* , quorum altero studium significatur , altero quies . apud Phaedrum in III, 10, 49 ferri non debet *si mendacium Subtilius limasset* , sed non tam cum Benteio *rimatus* scribendum est quam *rimasset* , quo praeter antiquiores circa idem tempus Iliados interpretis usus est 456 , *Undique rimabant inimico corpora ferro* .

15. NATURAM RERUM DIVINA MENTE COORTAM . Quadratus *coartam* . inepte Lambinus de coniectura Donati Iannocti Florentini *haud divina* : ineptius Wakefieldus *naturam* interpretatur rationem naturae rerum . recte Orellius *ratio tua coepit vociferari Naturam rerum , divina mente* , scilicet tua , COORTA . haec est illa *ἡ πρώτη τὴν σοφίαν ἐξευροῦσα* , haec illa *ἡ πρώτη τὴν σοφίαν ἐξευροῦσα* , cuius summae apud familiam laudes . mox *totum video per inane geri res* quasi ex libro primo Nonius profert p. 446, 5 .

21. SEMPER INNUBILUS AETHER INTEGIT ET LARGE DIFFUSO LUMINE RIDET. Neque in asyndeto ulla elegantia est, cum ad *integit* ex superioribus repeti debeat *eas* sedes deorum, ut paulo post 69 *longeque remosse* ea, (*Integer* enim, quod Wakefieldus probat, turpi errore Brixiae Veronae Venetiis olim impressum est): neque Lucretius alibi usquam licentia a Forbigero ad librum I, 11 poësi nondum excultae benigne condonata usus est, sed a Graecanica arte brevium syllabarum producendarum studiose abstinuit. recte ergo Marullus *semperque innubilus aether Integit*; quod respondet Homericis, quae sunt in Odysseae sexto 44, ἀλλὰ μάλ' αἴθρη Πέπταται ἀνέφελος. sed praeterea scribendum est *et large diffuso lumine* RIDENT, deorum sedes, non aether, lumine aetheris: *ridere* enim dicuntur quae illustrantur, non quae illustrant. apud Homerum λευκὴ δ' ἐπιδέδρομεν αἴγλη.

28. HIS UBI ME REBUS. Recte IBI Gronovius ad Livii VII, 26, et Wakefieldus 'ex ingenii proprii divinatione'.

29. QUOD SIGNATURA. Avanti^{us} quod sic natura.

33. ALTERNO PERCITA MOTU. Quadratus *alterna*. infra in IV, 47, ubi haec male repetita exhibent, uterque *alterno*. AETERNO in quarto Naugerius, in tertio Creechius. in II, 1055 oblongus *aeterno*, quadratus *aeterna*.

39. OMNIA SUFFUNDANS MORTIS NIGRORE. Itali et Marullus SUFFUNDENS. in VI, 479 *Suffunduntque sua caelum caligine*.

43. ET SE SCIRE ANIME NATURAM SANGUINIS ESSE. Quadratus *sciri*. tum oblongus et Italici *animi*: sed verum est *animae*, dandi casu.

44. NEC PROSUM. Ita quadratus: oblongus *prorsum*. versu 514 *prorsum* idem oblongus a correctore. *introsum* uterque in III, 534, item *rusum* in III, 1001 IV, 333 V, 749. *sum* in his libris scriptum non legi. ceterum hac scribendi ratione, qua *r* littera post vocalem longam eliditur, nihil vulgatus est, cuius tum casu immemor Madvicius in IV Ciceronis de finibus 68 non intellexit scribendum esse *Itaque rusus eadem ratione, qua sum paulo ante usus, haerebitis*; ubi in libris est *Itaque usus*. vetus codex gromaticorum p. 195, 12 *diosum* pro *deorsum*.

47. IACTARI CAUSAM. Itali CAUSA. sed versus 46 quo referendus esset, ante Bentleium nemo perspexit.

53. INFERIA MITTUNT. INFERIAS corrector quadrati et Itali et exemplaria impressa. et ante *manibus* omittit oblongus; item olim impressi, qui habent *manibusque divisque*: Antonius Marii *quas manibus divis*.

57. NAM VERE VOCES TUM DEMUM PECTORE AB IMO ELICIUNTUR, ERIPITUR PERSONA MANARE. *Eliciendi* verbum hic quidem ferri potest, contra in versu 497 de seminibus vocis locum non habet. neque negari debet hic quoque simplicius et Lucretio magis conveniens esse EICIUNTUR. itaque cum M. A. Muretus variarum lectionum libro II cap. 17 in Ciceronis Caeliana 24, 60 optime dixisset legendum esse *Nonne ipsam domum metuet, ne quam vocem eiciat*, Gifanium in utroque Lucretii versu dedit *Eiiciuntur*, Mureti emendationem falso adscribens Lambino, qui eam acerbè exagitaverat. hinc Lambinus, tandem veritati concedens, non tamen Gifanium sed *doctos* ita legendum existimare scribit. porro hic Itali et olim impressi et *eripitur*: tum iidem Itali egregie MANET RES.

62. PRESTANTE TABORE. Vide libri II versum 12.

66. VIDETUR. Recte Lambinus VIDENTUR: nam *Semota* est neutri generis, *cunctarier* autem pro substantivo *cunctatio*, de quo dicam ad librum IV, 244.

72. IN TRISTI FUNERE FRATRES. Apud Macrobiurn Saturn. VI, 2 FRATRIS, itaque Marullus.

78. INTEREUNT PARTIM STATUM ET NOMINIS ERGO. Eximie Itali iam ante Marullum STATUARUM. has Epicurus dicebat *ἐπιθυμίας οὔτε φυσικὰς οὔτε ἀναγκάας, ὡς στεφάνους καὶ ἀνδριάντων ἀναθέσεις*. ita Laërtius Diogenes in X, 149.

81. UT SIBI CONICISCANT. Corrector oblongi *conciscant*, itaque Veneta editio: Antonius Florentinus CONSCISCANT.

84. ET IN SUMMA PIETATE EVERTERE SUADET. Quadratus *pietate*. Itali veteres PIETATEM. sed *suadet* orationem pervertit: ergo scribendum est *in summa FRAUDE*.

94. PRIMUM ANIMUM DICO, MENTEM QUEM SAEPE VOCAMUS. Apud Charisium p. 187 *mentem* QUAM. hoc ipsum dedit, ante quam Charisii liber innotuisset, Marullus; quod miror, cum ille tam subtiliter iudicare non soleat. est autem magis ex usu poetarum, ut versu 100 *habitum quendam* —, *Harmoniam Grai quam dicunt*, et in IV, 132 *in hoc caelo, qui dicitur*

aër. exceptio est in pronomine duplici, et per neutrum in duobus nominibus. vi, 298 *igneus ille Vertex quem patrio vocitamus nomine fulmen*. iv, 369 id quod nos *umbram perhibere suemus*. vi, 702 *nos quod fauces perhibemus et ora*. iii, 139 *Consilium*, quod nos *animum mentemque vocamus*. i, 58 Quae nos *materiem et genitalia corpora rebus* — Appellare *suemus*. sed quae Charisius subicit, *Ubi Velius Longus 'primum' inquit 'adverbialiter audiendum est'*, ea (nam vana profert Lindemannus p. 52 n. 18) ex Longi in Aeneïda commentariis petita sunt. horum libro secundo Charisius p. 153 usus est: de versu Lucretiano Velius commentatus esse potuit ad eius libri versum 79, ubi est *Hoc primum*. eundem *Velium* in quinto testem facit Charisius p. 88: sed eius verba ita scribenda sunt ut leguntur in grammaticis Vindobonensibus p. 110. ex Velii in tertium Aeneïdos commentario petita sunt quae habet Macrobius Sat. iii, 6.

95. REGIMENQUE VOCATUM EST. Marullus LOCATUM est.

98. SENSUM ANIMI. Ante haec versum unum vel paucos excidisse manifestum est: sed quem versum habent libri impressi praeter vetustissimos, *Quavis multa quidem sapientum turba putarunt*, eum cur nemo a Michaele Marullo fictum esse intellexerit, qui rem consideraverint mirabuntur: ego in editoribus Lucretii nihil mirandum duco. primus hunc versum edidit Hieronymus Avantius Veronensis in editione Aldina, quae prodiit mense Decembri anni MD: eundem in Iuntina, quae anno MDXII impressa est, Petrus Candidus exhibuit, Marulli se in hoc opere censuram potissimum secutum professus. ergo, quoniam duo non potuerunt eundem versum facere, aut Marulli est aut Avantii. atquin Avantius non ut debuit *putarunt* scripsit, sed *putaret*; idemque in libro iv versum post 102 additum ita corruptum dedit, *corpora, res multas quae mittunt corpore aperto*, cum apud Candidum recte legatur *res multae*: et in eodem libro post versum 532 Avantius sine ullo sensu *rauca suis, et iter reddit qua vox it in auras*, Candidus autem emendate *Rauca viis et iter laedit*. quis igitur dubitare potest quin Avantius, qui se corruptissimum Lucretii poema sine antiquo exemplari emendasse scribit, et hos et ceteros novos versus itemque emendationes innumeras Marullo debeat, sed noluerit Marullo vivo

fateri se huius emendatione expolito exemplar nescio quibus artibus naetum esse? nam praefationi Avantii subscriptum est *Kal. Martiis* MD. Marullus autem periit mense Aprili anni MD.

100. QUOD TACIAT NOS. Quadratus *tatiat*. huius corrector et Brixiensis editio FACIAT.

106. SAEPE ITAQUE IN PROMPTU CORPUS QUOD CERNITUR AGRUM. Quadratus *in promptu*. grammaticus Vin-dobonensis Eichenfeldii p. 172 *Aegrescit a verbo aegret. Lucretius Saepe itaque in proptu corpus quod cernemus AEGRET. aegreo tamen dictum non est*. Lambinus editione prima et secunda *aegrum* est scripsit, cum recte sensisset Lucretium in talibus verbum substantivum non omittere: tertia autem hoc a se inventum oblitus ita in aliquot libris vulgatis legi falso rettulit et invidenda felicitate ingenii fecit *aegrit*, quomodo hoc verbum libri scriptum exhibent versu 824.

108. FIT UBI. Itali *fit* UTI.

118. NEQUE HARMONIA CORPUS INTERIRE SOLERE. Hic Wakefieldus laudandus est, qui solus viderit, quod priores turpiter fefellerat, legendum esse *harmonia corpus senteire solere*.

131. REDDE HARMONIA NOMEN AD ORGANICOS ALTU DELATUMHELICONI. Corrector quadrati *harmoniai*. in eodem libro *ad organicos saltu*, et prima manu statim factum *salto*: oblongi corrector *ab organico salto*. de *Heliconi* ablativo disputavi ad librum I, 739. tum recte Bentleius ALTO: sed idem, cum *ab* in codicibus esse crederet, frustra scripsit *ab organicis*. poeta enim hoc dicit, musicos harmoniae vocabulum vel a primis artis suae inventoribus traditum accepisse vel potius aliunde a communi convenientiae significatione deductum ipsos porro in suum usum traxisse.

135. QUIDQUID EST. Corrector oblongi *Quicquid* et hic et in v, 577, itaque prima manu uterque in v, 1252, non recte: sed ceteris locis recte adiectum ID, quod in hoc et Itali et impressi omnes habent.

136. CONIUCTA. Sic prima manu oblongus: quadratus *coniunc*. in utroque factum CONIUNCTA.

145. IDQUE SIBI SOLUM PER SE SAPIT SIBI GAUDET. Itali et impressi *et sibi*. aptius est quod Wakefieldus voluit, *ID sibi gaudet*.

151. NULLA NOVITATEI CIETUR. *Itali et impressi novitate cietur.*

154. SUDORESQUE ITAQUE PALLOREM. *Olim impressi et ante eos Itali Sudoresque ita palloremque.*

156. CALIGARE OCULOS, SONERE AURIS. Oblongus prima manu *Calicare*. ita idem I, 465 *centis*, II, 82 *vacaris*, 805 *zmarados*, II, 53 *vacari*, 681 *Uncula*, 1237 *Conspercunt*, V, 226 *lucubri*, 1068 *cannitu*, 1085 *grecis*, 1139 *lucebat*, VI, 454 *Exicuis*, 878 *claciem*, 1172 *caelidos*; quadratus II, 1133 *aucmine*, III, 1083 *conticit*, IV, 546 *lucubri*, VI, 737 *subicit*. e contrario oblongus *argeri* I, 183, *Angus* III, 1025, *digitur* IV, 132, *lucidus* 315, *agre* V, 862, *pelagiū* 1004, *argem* 1108; quadratus *regenti* II, 319, *ignoscere* pro *hinc noscere* III, 158. pro *sonere*, quod Nonius p. 505, 5 et Priscianus p. 838 et p. 863 confirmant, corrector oblongi fecit *sonare*. Putschius his verbis apud Priscianum p. 863 subiecit *succidere artus* ex Lucretio: Krehlius p. 455 (nam vanissimi hominis impudentia efficit ut praeter Putschianum alter numerus adscribendus sit) suos codices *regiae* habere dicit, quod non vidit e versu Accii irrepisse, qui Lucretianum antecedit.

159. QUE CUM ANIMI PERCUSSAST, EXIM CORPUS PROPELLIT ET ICIT. Nonius p. 124, 9 *animi vis*, itaque Brixiensis editio: Antonius Marii recte *animi* VI. tum Nonius *Percussa est*. apud eundem, cum Iunius et priores dedissent *exinde*, Mercerus et Basileenses *exin*, neque aliter codices Prisciani p. 886, si Krehlio fides. *exim* Mediceus codex Vergilii uno loco excepto semper (vide Wagnerum tomo V, p. 437), Plautini semel, quantum scio, in Poenulo III, 5, 9 *Ut quomquest ventus*, *exim velum vortitur*, item codex Festi in versu Ennii p. 356, 4 editionis O. Mülleri, qui sprexit, *exsim εὐθέως* glossarium Philoxeni. est autem observandum poëtas neutra disyllaba huius vocabuli forma ante vocales uti. *exim ante meridiem* M. Aurelius ad Frontonem p. 54: apud Tacitum annalium XI, 2 *exin adulterium*, in XIV, 48 *exim a Cossutiano*: in libro Varronis de re rustica I, 28, 2 *dein ad*, *exin ad*, in II, 4, 10 *proin ac*. *proin* Seneca per unam syllabam et ante vocalem et ante consonantem, Thyeste 201 Hipp. 261 Agam. 129, sed idem *proinde* semper deductis vocalibus.

165. QUORUM NIHIL FLERI. In utroque correctum FIERI.

170. SI MINUS OFFENDIS VITAM VIS HORRIDA LETI.
Corrector quadrati et Veronensis editio OFFENDIT. Marul-
lus TELI.

172. INSEQUETUR LANGUOR TERRAEQUE PETITUS SUA-
VIS, ET IN TERRA MENTES QUI GIGNITUR AESTUS. Correc-
tores antiquissimi INSEQUITUR. porro in extremis recte Itali
MENTIS *aestus* in terra iacentis. in his alii sine causa hae-
serunt. sed qui est in medio membro *petitus terrae*, nec vo-
luntarius est nec *suavis*; quod cum intellexeret Iohannes
Iones, amicus Wakefieldi, scribendum coniecit *Saevus*: sed
accommodatius et verius est *terraeque petitus* SUPPUS. *sup-*
pum veteres pro *supino* dixisse Festus testatur allato versu
Lucilii, itaque Lucretius ipse, eos qui in glossariis Labbaei
p. 7 et 8 *adversipedes* appellantur exagitans, dixit in 1, 1061
animalia suppa vagari, ubi correctores codicum Leidensium
imperite fecerunt *supra*. hinc *suppare* pro *supinare* Attius apud
Nonium p. 200, 33, *Obtorque proram, ac suppa tortas copu-*
las; quod lexicorum conditores recte intellegere noluerunt.

176. CORPORIS QUONIAM TELIS. Corrector quadrati
et Itali CORPOREIS.

183. QUAM SI MENS FIERI PROPONIT ET INCHOAT IPSA.
Recte Wakefieldus *Quam* sibi *proponit*. ita semper Lucre-
tius: vide huius libri versum 627 et 879. neque *ipsa* intel-
legi potest, nisi hoc dicit, cogitationem celerrime ipsam sibi
fieri proponere et fieri incipere.

188. MOMINE UTI PARVO POSSINT. Apud Paulum dia-
conum ex Festo libro xi codices olim impressi, a quibus
quo iure Lindemannus p. 98 longe secesserit dicere non pos-
sum, *Momen, momentum. Lucre. Momine si a parvo possunt*
impulsa moveri.

198. AT CONTRA LAPIDUM CONIECTUM SPICARUMQUE
NOENU POTEST. Hic primum observabo Lambinum absurde
contra codicum auctoritatem scripsisse *Nenu* et hic et in
iv, 712; quem lexicographi secuntur, male dissimulantes apud
Nonium p. 143 esse *noenum*, in antiquis editionibus *noenon*.
grammaticus et *noenu* adnotaverat ex Lucilio et ex Varro-
nis epistula *noenum*: *noenu* errore librariorum periit. diph-
thongus autem in his rationem habet, cum *noenum noenu*
sive *non* nihil aliud sit quam *ne oenum*, hoc est *nec unum*.
primus ita, quantum scio, Iacobus Grimmus iudicavit in

grammatica Germanica t. III p. 745 : Handius frustra negat Tursellini t. IV p. 167 et 255. ceterum Lucilii versus in hunc modum restitui debet, *Sed tamen hoc dicas quid rest, si noenum molestumst*, cum in libris sit *quid est* : nam Lucilium *re* dixisse, non *rei* *μονοσυλλάβως*, manifestum est ex Nonio p. 500, 17 et 21. *noenum* praeter Varronem Plautus quoque dixit in Aulularia I, 1, 28 *Noenum mecastor, quid ego ero dicam meo*, — *Queo comminisci* : ita enim vetus Camerarii, nisi quod ordinem pervertit ita, *quid ego*. dum haec scribo, adfertur glossariolum Plautinum a Ritschelio editum vere huius anni MDCCLXVI, in quo *noenum* ex Aulularia et ex Bacchidibus notatum est. in nostris autem Bacchidibus non legitur, quamquam non incredibile est actu IV, 4, 84 scribendum esse *Quia tibi aurum reddidi, et quia noenum te fraudaverim*, ubi nunc est *non*. neque dubitandum est quin Ennius scripserit *Noenum rumores ponebat ante salutem*, in quo versu exemplaria Ciceronis constanter habent *Non enim rumores*. Cicero quoque ipse, si Mediceo codici fides est, *noenum rebatur* ad Atticum VII, 3, 8, fortasse non sine ioco : nam in III de oratore 153 *non rebar* inter ea recenset quibus positis grandior atque antiquior oratio videri soleat. sed in Lucretii versu Itali veteres, quos secuntur primi editores et Marullus, cum vocabulum anticum ignorarent, sententiam Lambino curiosius expenderunt. huic enim satis visum est, si *aura suspensa levisque* lapidum acervum discere *noenum* posse diceretur : illis hoc mirum non fuit, sed quod id *aura Nulla* posset, hoc est ne vehementissima quidem ; rectissime, nisi quod eos emendandi ratio fefellit. unum tamen Lambinus recte vidit, lapidum congeriem non posse *coniectum* dici, sed potius *conlectum* cum Mureto, neque *aquae coniectum* in libro IV, 414, sed *conlectum*. vera autem vitii sedes est in *spicarumque*, primum quia nihil a re magis alienum excogitari potest quam aut hoc aut quod Veronensis editor et Naugerius dederunt, *spiculorumque*, ex quo Lambinus *spiclorumque* sive *spicorumque* faciendum iudicavit (neque enim hoc Homérico illi simile est, quod legitur in Odysseae V, 328, ὧς δ' ὅτ' ὀπωρινὸς βορέης φορέσιν ἀκάνθας " *Ἄμ πεδίον, πικιναὶ δὲ πρὸς ἀλλήλῃσιν ἔχονται*); tum quia Lucretius, Graecam Ennii Luciliique licentiam, quam postea et Catullus et Vergilius artificiose revocarunt, exosus, verbis in tres spondeos exeuntibus omnino abstinuit : nam

quae a ceteris forte differre videantur, ea quod in uno eodemque vocabulo sunt non differunt, I, 559 *disturbans dissoluensque*, III, 706 *manando dissoluuntur*, VI, 446 *demisit dissoluitque*; praesertim cum horum unum in libro sexto sit, in quem poëta nullos spondiazontas admisit. quae cum ita sint, deliberandum restat siquid propius ad scripturam codicum accedens inveniri possit, quam quod mihi mentem poëtae optime exprimere videtur, *At contra lapidum conlectum*. SPIRITUS ACER *Noenu potest*.

203. QUONIAM ANIMI NATURA REPERTA. Marullus *quoniam* EST, ut versu 130.

207. OPORTUNA. Ita *p* simplici hic et in V, 807 uterque codex, oblongus solus in V, 606, quadratus VI, 318 893.

210. SE POSSIT CONGLOMERARI. Impressi SI.

222. SPIRITUS UNGUENTE SUAVIS. Quadratus *unguentis*. Itali *unguenti*. de UNGUENTEI genetivo exponam ad IV, 602.

227. IN TOTO CORPORE RERUM. Scribendum est REI. nam praecesserat *Nil oculis tamen esse minor res ipsa videtur*: et quamvis recte dicatur *summm corpus rerum* (sic Lucretius in IV, 43 64), quo aliqua rei cuiusque pars significatur, et in IV, 525 *suo pepulere ubi corpore sensum*, item *quaecumque* aut *cetera celant corpore* in II, 673 678, scilicet suo quicque corpore, neque minus recte in negatione *nulla aeterno corpore*, libro I, 242, *totum tamen corpus rerum* vix satis proprie dicitur. ceterum *rei* Lucretium et una syllaba et duabus, priore autem correpta numquam posuisse satis constat: sed miror qui fiat ut prioris syllabae productio plerisque videatur comicis quoque poëtis valde familiaris fuisse. certe ego eius modi vix quicquam apud eos reperire potui, nisi quod Plautus semel in Milite II, 1, 25 dixit *Magnai rei publicai gratia*, idemque semel *Aula in Fidei fanum* in Aulularia III, 6, 47. Reizius in eadem Aulularia II, 1, 2 non sine specie *Meai fidei tuaeque rei*. sed Terentius in Adelphis II, 1, 21 *quid hoc reist* dixit potius tribus syllabis quam quattuor, ut Bentleio visum est, qui non recte scripsit *reii est*. item in Andria II, 6, 26 *Quid hoc est rei? quid hic volt veterator sibi?* non *reii*. neque idem Bentleius versum Phormionis III, 1, 10 ita temptare debuit ut *speii* faceret duabus syllabis. ceterum in his quintae declinationis formis *i* duplex neque rationem habet neque auc-

tores; quod contra *eiei* et *quoiei* testata sunt. neque *ei*, cum prior syllaba producitur, *ei* dicendum est, quoniam admittit elisionem, ut dicetur ad versum 374: aptius pingemus ita *i* duplici, *ej*, id est *eii*, quem admodum Itolorum pars prudenter scribunt *gaj* a singulari *gaio*. quae eadem scribendi ars in *Graiorum* nomine locum habet, ita, *Graj* et *Grajs*; quamquam Terentiano, hoc est Mauro temporis Diocletiani, suum *Grāi* concedendum est, nec nisi in poëtis antiquis satis tuto scribi potest *objciebat*, *conjcere*, *objcibus*, si et numeros servare volumus et scribendi consuetudinem, de qua dixi ad Gaii comm. III, p. 258. sed hac longiore littera si usi essent editores Gellii IV, 17, Festi p. 305, 25, Nonii p. 169, 2, versus Ennii hoc modo disposuissent, *per ego deum sublimas subjes Umidas, unde oritur imber sonitu saevo et spiritu*; quos illi turpi errore, quasi Gellii disputationem non legissent, fecerunt iambicos trimetros. *ei* vero pronomen non scaenici soli in unam syllabam contractum extulerunt, sed Catullus quoque p. 69, 1 *Eripere ei noli*, et Manilius *eidem* in III, 73. sed Catullus alio loco p. 20, 12 duabus; ubi legendum puto *Malest me hercule ei et laboriose*: nam in *me hercule* haerendum non est, quod quamquam Terentius sine elisione dixit et Plautus in Mercatore IV, 7, 79, *mercule* scriptum est in Mediceo codice epistularum Ciceronis semper, ut dicit Furia ad librum V, 10, 1, itemque prima manu in codice Frontonis p. 104 et in Bobiensi commentario Plancianae p. 54 Mai (256, 33 Or.), praeterea Phaedrus trisyllabum fecit in versu.

232. TENUS ENIM. Corrector oblongi TENVIS.

234. NEC CALOR EST QUISQUAM, CUI NON SIT MIXTUS ET AER. *Et* pro *etiam* quotiens in hoc carmine invenitur (invenitur autem rarissime) suspectum est corruptelae. hic neque ad sententiam quicquam confert et facillime removeri potest scribendo *cui MIXTUS non SIET aër*. in libro V, 531 apertum est poëtam fecisse *E quibus una tamen siet haec quoque causa necessest*, ubi est *sit* et *haec quoque*.

236. AERIS INTER EUM INTER EUM PRIMORDIA MULTAMQUERI. Impressi veteres in *cereum*, sed semel tantum, Itali *interitu*, Avantius in *coetum*, Marullus ita ut debuit. in fine quadratus *multāq:ri*, oblongus *multamquaeri*: oblongi corrector egregie *multa* MOVERI, itaque Antonius Florentinus et olim impressi.

239. NIHIL HORUM QUONIAM RECEPIT MENS POSSE CREARE SENSIFEROS MOTUS, QUAEDAMQUE MENTE VOLUTAT. Corrector oblongi RECIPIT. de ceteris vanissima multorum commenta adferre nihil attinet; qui neque recte *mentem recipere* negant quae *ratio non admittat*, neque quid poëta *mente volutari* dixerit expedire possunt. res a Pseudoplutarcho (de placitis philos. p. 908 D) Stobaeoque (phys. p. 92) exposita est his verbis. Ἐπίκουρος (τὴν ψυχὴν) κρᾶμα ἐκ τεττάρων, ἐκ ποιοῦ πυρώδους, ἐκ ποιοῦ ἀερώδους, ἐκ ποιοῦ πνευματικοῦ, ἐκ τετάρτου τινὸς ἀκατονόμαστον. τοῦτο δ' ἦν αὐτῷ τὸ αἰσθητικόν. ὣν τὸ μὲν πνεῦμα κίνησιν, τὸν δὲ ἀέρα ἡρεμίαν, τὸ δὲ θερμὸν τὴν φαινομένην θερμότητα τοῦ σώματος, τὸ δ' ἀκατονόμαστον τὴν ἐν ἡμῖν ἐμποιεῖν αἰσθῆσιν. ἐν οὐθενὶ γὰρ τῶν ὀνομαζομένων στοιχείων εἶναι αἰσθῆσιν. horum postrema versu priore continentur: sed ubi scriptum est *mens*, inferenda est *sensus* mentio, hoc modo, *Nil horum quoniam recipit* QUEM *posse creare*, id est, ut simpliciter dicam, Cuius sensus creandi possibilitas quoniam in nullam harum trium naturarum cadit. ita fit ut alteri quoque versui, si paulum adiuvetur, sua constet sententia, *Sensiferos motus quaedam vis menti' volutat*. scilicet haec est *mobilis illa Vis*, — *Sensifer unde oritur primum per viscera motus*, 270, ea quae animae quoque totius ipsa Proporrost anima et dominatur corpore toto, 280.

243. QUA NEQUE MOBILIUS QUICQUAM NEQUE TENUIS EXSTAT, NEC MAGIS E PARVIS ET LEVIBUS EX ELEMENTIS. Itali et impressi *neque TENVIUS*. in versu altero scribendum est *et parvis et levibus ex elementis*, quoniam in iisdem est levor et parvitas. quadratus et hic et saepe alibi *laevibus*, non oblongus.

249. CONCUTITUR TUM SANGUIS, VISCERA PERSENTI-
SIUNT. Antonius Marii et Marullus PERSENTISCUNT. Pius in reverendae, ut dicit, fidei exemplaribus, scilicet ex emendatione docti Itali, scriptum invenit SANGUIS TUM.

254. USQUE ADEO VITAE DESIT LOCUS ATQUE ANIMA
DIFFUGIANT PARTES PER CULVIAS CORPORIS OMNIS. Brixien-
sis editio *defit* et *Diffugiunt*, quod falsum est. recte
Lambinus ut addidit ante *vitae*. ANIMAI, tum CAULAS, cor-
rector quadrati et Itali.

257. HANC OB REM VITAM RETINEMUS VALEMUS. An-

tiquissimi correctores *retinere valemus*. sed expressius est *vitam retinemu'* VALENTES. supra 103 et non est tamen haec pars ulla valentis.

265. MULTAE VIS. Probus p. 1461 *Lucretius tamen numero plurali hae vis et* (II, 586) *has vis*.

266. IN QUOVIS ANIMANTUM VISCERE. Ita quadratus, Avantijs, Naugerius: *visere* oblongus, Itali, olim impressi, Marullus. hoc ne commemorarem quidem, nisi placuisset soloecismorum fautoribus, Havercampo, Wakefeldo, Eichstadio, Forbigero.

272. SENSIFERER UNDE. Corrector oblongi SENSIFER.

288. EST ETIAM CALOR ILLE ANIMO. Recte Faber *Est ETENIM*.

289. CUM FERVESCET ET EX OCULIS MICAT ACRIUS ARDOR. Oblongus prima manu *fervescat*: Itali FERVESCIT. tum recte Lambinus ACRIBUS, et propter rem (quid enim est *acriter micare*?) et propter Vergilii imitationem, cuius eum Passeratius admonuit, Aen. XII, 102 *totoque ardentis ab ore Scintillae absistunt, oculis micat acribus ignis*.

290. EST ET FRIGIDA MULTA — AURA. *Etiam quod* est in membro tertio, sed in primo et tertio *ille*. hoc in secundo aegre caremus, et pro *etiam* displicet: scribamus ergo potius *Est EA frigida multa*.

291. ET INCONCITAT ARTUS. In utroque codice IN litterae deletae sunt.

292. PECTORE TRANQUILLO FIT QUI VOLTUQUE SERENO. Corrector oblongi PECTORE. tum recte, ni fallor, Marullus QUI FIT: certe nullam inversi vocabulorum ordinis rationem video. in VI, 143 *quod item fit*. 299 431 1017 *Hoc fit*. 670 *Id quoque enim fit*. in IV, 1166 *tum fit*.

298. NEC CAPERE IRARUM FLUCTUS IN PECTORE POSSUNT. Hic versus putide subiectus est ei quo eiusdem rei effectum poeta gravioribus verbis expressit, *Pectora qui fremitu rumpunt plerumque gementes*. sed idem versus egregie convenit superioribus, *quibus acra corda Iracundaque mens facile effervescit in ira*, *Nec capere irarum fluctus in pectore possunt*.

303. NEC MINUS IRA FAX UMQUAM SUBDITA PERCIT FUMIDAS EFFUNDENS CAECAE CALIGINIS UMBRA. Qua-

dratus Fumides . oblongus caliginis umbram . olim impressi irai fax numquam et umbras . Itali perite Nec NIMIS IRAI , tum Fumida suffundens . sed umbram umbrasve accusandi casu scribi non debuit ; ablativum supra firmavimus ad versum 39 , idemque est in libro v , 482 .

305. GELIDIS — TELIS PERFIXA VAPORIS . Marullus PAVORIS . Wakefieldo cum suis placuit *vaporis* ; quod quis credat , nisi qui eos nihil intellegere intellexerit ?

306. INTER UTRASQUE SITAS CERVOS SAEVOSQUE LEONES . Hic iterum illud absurdum *inter utrasque* legimus , quod ad II, 548 vidimus scribendum esse INTERUTRAQUE . hoc vero cum accusativo coniungi non posse apparet : quo fit ut *sita est* scribi non debeat , quod fecit Brixiensis editor cum Marullo et ceteris . est autem legendum *Interutraque , secus cervos saevosque leones .* ut Lucretius *interutraque secus* addito accusativo dixit , ita Cato *utrimque secus* , nisi fallor , de re rustica cap. 21, 3 *Dextrâ sinistrâ foramina , utrimque secus laminas , sublaminas pollulas minutas supponito .* nec dubium est quin *secus* praepositio eam constructionem *admittat* ; quamquam Charisius p. 61 *id quod vulgus usurpet , secus illum sedi , hoc est secundum illum , et novum et sordidum esse* dicit , cum tamen ipse p. 195 Sempronium Asellionem , temporis Gracchani scriptorem , historiarum libro XIV *hoc secus* in temporis significatione posuisse testetur . et haec et cetera de *secus* praepositione Gesnerus in thesaurum suum contulit . *circumsecus* lexicographi consignarunt , neglexerunt *antiseus , longiseus* , quae sunt in glossariis Labbaei , item *postsecus* , quod nihil omnino esse dicit Caper p. 2243 .

308. TAMEN ILLA RELINQUIT NATURA CUIUSQUE ANIMI VESTIGIA PRIMA . Bene Marullus , quamvis Wakefieldus neget , NATURAE , ut paulo post 320 *Usque adeo naturarum vestigia linqui Parvola .* sed idem Marullus nescio qua re deceptus scripsit *animus : animi recte uterque codex* , sed quadratus postremo *i ex e facto prima manu .*

317. TOT NOMINA QUOD SUNT . Corrector oblongi nimis curiose *quot sunt . uterque codex in versu 1090 quod vis , quadratus in VI, 703 aliquod .* ne septimo quidem ab urbe condita saeculo certum scribendi discrimen fuit . in lege Thoria 26 *Quod quisque pecudes in calleis viasve publicas itineris causa induxerit .* vix credibile est hoc vel doctissimos fefellisse in

Varronis de lingua Latina libro ix p. 475 ; ubi haec sunt verba, , *Non sic ex viro et muliere omnis similis partus , quod pueri et puellae ?* quid quod ne in vi quidem p. 219 haec recte intellexerunt , *Quare si etymologos principia verborum postulet mille de quibus ratio ab se non poscatur , et reliqua ostendat quod (hoc est quot) non postulat , tamen inmanem verborum expediat numerum .* in libro viii p. 450 ut Madvicius in opusculis alteris p. 237 id quod manifestum est non videret , negligentia ac temeritate editorum effectum est : in Florentino enim codice scriptum est *sed ea quae dicta , ad iudicandum satis sunt , quod (librarius primo scripserat quorum , sed verum est quot) analogias in collatione verborum sequi non debeamus , illi autem dederunt non debemus .* verum proximum habet Nonius p. 184, 11 .

319. ILLUD IN HIS REBUS VIDEO FORMARE POTESSE. Impressi veteres FIRMARE . tum necessario scribendum est VIDEO ; quam Faber quarundam editionum lectionem esse dicit , eamque se revocavisse : ego in nulla priorum invenio . *vide* Veronensis cum sequace Veneta : *video* Brixiensis , Marullus , Avantius , Pius , Ascensius , Naugerius , Henricus Petri anno 1531 , Gryphius heredesque eius a. 1548 1558 , Lambinus , Gifanius , Pareus , Nardius , et post Fabrum Fayus .

321. QUE NIQUEAT RATIO DEPELLERE NOCTIS . Quadratus *que iniqueat et noctes .* corrector oblongi *quae* NIQUEAT . tum Marullus inepte *depellere dictis* , paulo melius Lambinus *doctis* : sed perspicue verum est NOBIS .

330. EXTRAHERE AUT FACILE EST . In utroque Vossiano factum HAUT . ita quadratus *aut* II, 747 750 III, 1069 v, 552 , idem *aud* III, 330 682 840 .

332. INTER SE CONSORTI FIUNT PRAEDITA VITAE . Marullus FIUNT CONSORTI *praedita* VITA . possis non minore cum specie veri *Inter se consorti effiunt praedita vita .* certe *effiant* hic poëta scripsisse videtur in libro vi, 761 .

332. INTER EOS . Inter corpus et animum . at Lucretius in huius modi relatione neutro genere utitur , non masculino . ergo scribendum est *inter* EAS , quia dixit *Corporis atque animi potestas .*

346. MATERNIS ETIAM MEMBRIS ALVOQUE REPOSTO DISCIDIUM NEQUEAT FIERI . De *alvo reposto* sive *reposita*

nugas agunt Pius et Wakefieldus. Marullus *alvoque repostis Discidium ut nequeat fieri*. sed aptissime Lambinus priorem versum cum superioribus coniungit, ut mutua corporis atque animae contagia vitales motus *discere* dicantur *Maternis etiam membris alvoque* REPOSTA. ita vero necessario scribendum est *Discidium ut nequeat fieri*. et verum est in oblongo *m* litteram in litura esse: fuit autem, quantum contentis oculis videre potui, *Discidiunt*.

357. PERDI ENIM QUOD NON PROPRIUM FUIT EIUS IN AEO, MULTAQUE PRAETEREA PERDIT UM EXPELLITUR AEO QUAM. Corrector oblongi PERDIT *enim*. tum *eius in aeo* uterque codex sine ullo alienae manus vestigio: sed quadratus *ei*, quod quid esset Havercampus, homo imperitus, non didicerat. *quam*, quod in fine versus legitur, ex margine dextro codicis archetypi illuc venit: est enim hic versus tertius paginae huius libri quintae decimae, quae fuit in parte sinistra schedae. debebat autem scribi QUOM, quod erat in ipso versu mutilatum *um*. hoc Itali iam viderunt et Brixiensis editor, qui dederunt *cum*. sed in utroque versu interpretando unus Creechius aliquid ad rem fecit adferendis Epicuri verbis, quae sunt apud Diogenem in libro x, 64 ita concepta. διὸ ἀπαλλαγείσης τῆς ψυχῆς (τὸ λοιπὸν ἄθροισμα) οὐκ ἔχει τὴν αἴσθησιν · οὐ γὰρ αὐτὸ ἐν ἑαυτῷ ταύτην ἐκέκτητο τὴν δύναμιν, ἀλλ' ἐτέρῳ ἅμα συγγεγεννημένῳ αὐτῷ παρεσκευάζεν. sed debebat eorum meminisse quae poeta supra dixit 213, *Nil ibi libatum de toto corpore cernas Ad speciem, nil ad pondus: mors omnia praestat, Vitalem praeter sensum calidumque vaporem*: ita enim intellexisset illud *Multaque praetera* non delendum esse, sed parva opera sic refingendum, NULLAQUE *praetera perdit, quom expellitur aeo*. *Nulla*, id est nullas res; ut in i, 242 *ubi nulla forent aeterno corpore*.

361. DIFFICILEST, CONTRA CUM SENSUS DUCAT EORUM. Quadratus *Difficile est*. Lambinus optime DESIPEREST, *contra cum* DICAT; cui Wakefieldus et Forbiger cum *contra* dicunt, desipiunt.

362. SENSUS ENIM TRAHIT ATQUE ACIES DETRUDIT AD IPSAS. Haec si omittantur, planiorem sententiam fore Lambinus recte dicit: idem quo iure eis rem falsam et a decretis Epicuri abhorrentem inesse iudicet dicere non possum, quia neque ipsum versum neque Turnebi aut Wake-

fieldi interpretationem intellego . itaque mihi haec ferri posse non videntur , nisi post versum proximum posita , qui est *Fulgida praesertim cum cernere saepe nequimus* . ita enim , inquit , *sensus trahit lumina* , hoc est dolor tremere facit oculos , eosque a fulgidis videndis retractos *detrudit ad ipsas acies* et pupulas , quas iam solas vident , *luminibus rerum fulgidarum quia praepediuntur* .

365. NEQUE ENIM , QUA CERNIMUS IPSI , OSTIA SUSCIPUUNT ULLUM RECLUSA LABOREM . Nullam vim habent haec , *qua cernimus ipsi* . debet esse *neque enim* , QUIA *cernimus ipsi* , *Ostia* — .

372. CORPORIS ATQUE ANIMI PRIMORDIA SINGULA PRIMIS ADPOSITA . Rectissime Bentleius ad Horatii *artem poëticam* 60 *singula* *PRIVIS Adposita* . de sententia Democriti quamquam aliunde non constat (certe Mullachius in Democrito p. 397 nihil habet nisi Lucretii versus) , tamen e proximis apparet eum singula animi primordia singulis corporis primordiis alternatim apposita finxisse : *negat enim* Lucretius animae primordia tam parvis intervallis inter se distare .

374. NAM CUM MULTO SUNT ANIMAE ELEMENTA MINORA . Quadratus *anime* , Itali et Marullus *animas* . hoc Aug. Ferd. Näklius , homo in primis acutus , in libello academico , qui in opusculorum eius tomo primo recusatus est , p. 183 speciosum esse dicit ad commendandam elisionem Latinis alioquin insuavem . videor mihi de hac re magis definite praecipere posse : sed horum vocabulorum omnium , quae in vocalem longae vocali vel diphthongo subiectam desinunt , quattuor genera accurate distinguenda sunt , ut in singulis de elisione quaeratur . non est enim eadem sed magna in omnibus difficultas , cum sibi vocales tres quattuorve , atque interdum quinque , succedant , hoc est morae quattuor vel quinque vel sex , in duas syllabas ita coartandae , ut id quod in medio est aliquam sui ponderis partem amittat . primum genus est , cum in fine vocabuli est longa vocalis ante longam vocalem sive diphthongum , quibus in proxima dictione vocalis subicitur . in hoc genere mihi certum videtur syllabas vocabulorum contiguas numquam commisceri . neque hoc de Plauto minus valet quam de ceteris . apud hunc sine elisione inveni haec , *Magnai rei publicai gratia* , tum *comoedai* ,

diei, *fidei*, *fio* : neque dubitandum est quin unum vel alterum praetermiserim. *audaciai* scribendum est in Amphitruone I, 1, 211, *Charmidai* Trinummo II, 2, 78, *stipulai* Persa II, 2, 62, *familiai* Mercatore V, 1, 5, *morai* Sticho IV, 1, 31, et in primis Amphitr. I, 1, 228 *Nam Amphitruonis Sosiai me esse volui dicere*, ubi libri *socium ne me*. non repugnat regulae *Neque quantum aquaist in mari*, quod est in Poenulo I, 3, 23, itemque rectum est *ad hoc quod dieist* in eadem I, 2, 8. ita Terentius habet *diei*, *Cliniai*, sine elisione; item Vergilius *aquai*, *aulai*, *aurai*, *pictai*, *Aenea*, *Phoebea*, *diei*, *Elei*, *Grynei*, *Anchiseo*, *Sophocleo*, *Achilleae*, *Aeneae*, *Ceae*, *Laomedontaeae*, *Phoebeae*, *eheu*, *Io*, *Clio*, *Peridiae*, *Geloi*, *eoo*, *euroo*, *Inoo*; Propertius his etiam plura, sed Graeca; alii poëtae alia. in his Tibullus non scripsit *Eleo est* I, 4, 32, sed *Eleost*, et Lucretius in III, 624 *animaist* (hoc enim Nākius recte vidit) ubi libri *animaest*; idem in IV, 1083, ne *rabiei unde* dicendum esset, semel *rabies* in gignendi casu. itaque *vitai es* in epigrammate vetere, de quo dixi ad librum I, 993, pronuntiandum est *vitai's*. alii hiatum vitiosae elisioni praetulerunt, ut *Panopeae et Inoo*, *eoae Atlantides*, *Hyantea Aganippe*, *Bacchei ululatus*. qui haec singula recte perpenderit, facile credet, siquid usquam regulae repugnare visum fuerit, id librariis potius quam poëtarum neglegentiae adscribendum esse. notissimus est versiculus Ciceronis, qui ita scriptus editur de divinatione I, 22, *Inque Academia umbrifera nitidoque Lyceo*; in quo rationem habere incipit quod Moserus nulla cum ratione scribendum coniecit, *Umbrifera inque Academia*. sed credibilis est Ciceronem, cum alii Graecos imitarentur, linguae Latinae proprietatem aequi maluisse, ut *Academiam* paenultima correpta diceret, quem admodum veteres non pauca diphthongo Graeca extenuata protulerunt, ut *plateam*, *gynaecium*, *Seleuciam*, *Epeum* (ita Plautus in versu quadrato *Epeum fumificum* apud Varonem de lingua Latina VII p. 324, sed idem in Bacchidibus IV, 9, 13 *Epiust Pistoclerus*), item *Ptolemaecratia* in Rudente II, 5, 24, in Captivis *Alios*, *Philippeos* tribus brevibus, et quod maxime mirum est, *Coo* sive *Chio* (quod in Ambrosiano esse Geppertus, vir doctissimus, mihi indicavit) adiectivum dissyllabum priore correpta in Poenulo III, 3, 86. sed *Coo* Statii silvarum I, 2, 252 est a recto *Κόως*, eodemque modo scriptum in Ciceronis ad Atticum epistularum libro IX, 9, 2: neque

Claudianus et recentiores Itali, cum *Academiam* vocali brevi proferunt, tam morem Latinum secuntur quam accentum Graecum. porro in Lucretii carmine nihil est quod in hoc genere reprehendi possit, praeter eum unum versum cui haec adscribo: quem nemo negabit facillimo negotio ad regulam revocari posse scribendo. *Nam cum multo sunt ELEMENTA MINORA ANIMAE.* in Vergilii Aeneïdos vi, 505 Mediceus *Rhoeteo in litore inanem*, sine praepositione Romanus et Vaticanae schedae, ut apud Silium in viii, 621. in x, 179 omnes, quantum scio, *Hos parere iubent Alpheae sive Alpheae ab origine Pisae*, nimis incondite: satis est *Alpheae origine*, ut Aen. i, 286 *pulchra Troianus origine Caesar*. in Lucani libro i, 197 *Phrygiique penates Gentis Iuleae, et rapti secreta Quirini*: nihilo deterius erit *rapti et*. in Statii Achilleïdos i, 84 *Quem tu illic natum Sigeo in pulvere*: potest scribi *in Sigeo*. haec paucissima adhuc inveni, quae regulae supra expositae adyersarentur. est tamen unum vocabulum *fio*, quod tempore quodam a ceterorum lege solutum fuisse non tam ratione quam exemplorum numero victus concedam. in Amphitruone Plauti iii, 1, 6, *Amphitruo fio et vestitum inmuto meum*, scio libris olim impressis abesse copulam, quae quos auctores habeat Ritschelius dicere poterit. in Truculento iv, 2, 51 *fio impudens*; quamquam toti versiculo nec sensus constat nec numeri. sed Lucilius quoque idem vocabulum ante vocalem posuit hoc versu, qui legitur apud Nonium p. 38, 9, *Quicum versipellis fio et quicum commuto omnia*, itemque Horatius epistularum i, 1, 16 *Nunc agilis fio et mersor civilibus undis*. praeterea memorabile est Senecam in ea trimetri iambici parte, ex qua parte tragicus fit, consulto hac elisione usum esse, sorte *Phoebea excitus, turis eoi extrue, spolia Phrixiei arietis, Strophius Elea inclitus, tabe Nessea illitum*, Oed. 287 305 Med. 471 Agam. 918 Herc. 716. neque negabo eodem fere tempore Phaedrum scripsisse in versu iambico *natus in Cya insula*, iv, 21, 8. grammatici vero regulam ignorantes quot in hoc genere vitia veterum poetarum libris intulerint enumerare nihil opus est. Bentleius in Andria Terentii peccavit scribendo ii, 6, 8 *Propter hospitai huiusce consuetudinem*; qui versus servato vulgari vocabulorum ordine ita dicendus est, *Proptér huiusce hospitai consuetudinem*, ut in Eunucho v, 5, 10 *Quidquid huius factumst* et in Heaut. iii, 2, 40 *Siquid huius si-*

nile . ita eius priore correpta in Poenulo iv, 2, 60 , in Eunucho
 , 2, 51 , in Phormione i, 2, 63 4, 8 , Turpilius apud Nonium
 p. 182, 6 . non rectius idem Bentleius in Phormione iv, 2, 7
Ubi Phaedriai ostenderet : promptum est scribere *Ubi Phaedriae*
esse ostenderet nihilo minus Amicum sese quam Antiphoni , cum
 libri habeant *Phaedriae se et Amicum esse* . idem minus vitu-
 perandus est , quod in Adelphis v, 1, 5 maluit hiatus tolerare,
 ita , *Exemplum disciplinae* . ecce autem hic adest : sed arti huius
 poetæ magis convenit *illud , sis , vide Exemplum disciplinae*
eccum . maiorem hiatus excusationem habet in hoc , quod est
 in Plauti Bacchidibus ii, 3, 73 , *Qui illic sacerdos est Dianae*
Ephesiae , scilicet ne diphthongus in vocali brevi delitesceret .
 sed ferendum non est in Persa iii, 3, 5 *Pecuniae accipiter ,*
avide atque invide , neque in Milite iv, 5, 12 *Saltem id volupest*
cum ex virtute formae evenit tibi ; quæ ita refingenda esse
 duco , *Pecuniae avide accipiter atque livide* , et *ex formæ*
virtute . neque in Aulularia ii, 4, 16 *filiae in nuptiis* scribendum
 est *filiai in* , sed *filiai nuptiis* , ut in eadem fabula iii, 6, 4 et iv,
 10, 67, ubi libri habent *filiae nuptiis* . item in Amphitruone iii,
 1, 12, ubi est *Si id Alcumenae innocenti expetat* , verum videtur
Alcumenas innocentiae , *Alcumenai* scribi non debet . neque vi-
 tai hic , quod Bentleius voluit , in Manilii ii, 831 locum habet ,
 neque vitæ hic cum hiatu , sed scribendum existimo *Hic tenet*
arbitrium vitale , *hic regula morum est* . olim peccavi , cum in
 Propertii libro v, 3, 48 scripsi *Arctoo in glaciem* ; sed peius
 qui nimis inproprie *Aprico frigore* : a Propertii manu esse
 puto quod Schneidewinum ante me protulisse nunc intellego,
cum pater altas Tetricus in glaciem frigore nectit aquas . libri
Africus . peccavit Perlcampus , quod in Horatii carminum ii,
 20 putavit scribi posse *Iam Daedaleo audacior Icaro* . ibi *ocior*
 et *notior* numeri pariter admittunt , sententia unice postulat
 Bentleianum *tutior* . Ritschelio Bacchiacum vitiosum invito
 obrepisse puto , *Amorin me an rei opsequi potius par sit* , in
 Trinummo Plauti 230 . sed ad alterum genus transeundum
 est , in quo paenultima vocabuli littera est vocalis longa , ul-
 tima autem brevis . huius modi vocabula non habet lingua
 Latina , si excipias *die* , *dia* , extrito , ut puto , digamma . ita-
 que Graecis comici vix , nisi quod *Medea* est in Pseudulo iii,
 2, 80 , ceteri satis multis usi sunt sine elisione , ut *Galatea* ,
Cytherea , *Pelopea* , *cycnea* , *cichorea* , *Ilionea* , *Chia* , *Lampia* ,

Hippodamia, *Coa*, *eoā*, *heroa*, *Lycie*, *Sperchie*, *Olmie*, *Coë*, *Latoë*, *Cadmeï*, *Perseï*, *Minoi*. nihil tamen causae fuit cur in Graecis Graeca elisione abstinerent; cuius pauca repperi sed certae fidei exempla. Ennius *Medea animo aegra*, *amore saevo saucia*. Accius *Tun, dic, Medea es, cuius aditum expectans pervixi usque adhuc?* tragicus apud Senecam epistula 80 *Quod nisi quieris, Menelaë, hac dextra occides*. Lucilius apud Probum ad Vergilii eclogas p. 18, 19 *Duo habet stoechia. adfuerit anima et corpore*. Vergilius Aeneïdos II, 193 *Pelopea ad moenia*, et in eodem 312 *Sigea igni freta lata relucet*. Seneca in *Medea* 496 *Medea amores obicit*. Lucanus in III, 295 *eoā ad litora*. Columella *glaucea* et in X, 104. in Ciri 131 *Minoa inhiasset* (sic scribendum) et 366 *Minoa auctoribus*. Statius ante vocales *heroa Phoebea Cadmea Bacchea* silv. I, 3, 102 III, 4, 80 Theb. X, 254 XII, 635 791, Silius *Pelopea* XIV, 72, *Galatea* XIV, 226, *Erythia* XVI, 195. ab hoc diversum est tertium genus, quod habet diphthongon cum longa vocali aut diphthongo. in hoc elisionem non admittunt Lucretius, Horatius, Tibullus, Propertius, Gratius, Manilius, Germanicus, Valerius Flaccus, Martialis, Iuvenalis: nam *plebeia in veste* in II Lucretii 36 Itali sine causa scripserunt. maluit Naevius in hoc genere hiare, *Quam numquam vobis Graiei atque barbari*; item Vergilius in *Actaeo Aracyntho*, et Ovidius *Pisaeae Arethusae*; Plautus quoque in *Casina* II, 2, 27 *Clām virum et qude habet partum, eīi harit cōmodist*, item in *Amphitruone* I, 1, 188 *'Aine vero? aiō enimvero*. sed idem in uno eodemque versu et liquefacta vocali et remanente, *'Aio. atque eam manu emisisse? aiō. et postquam eius hīnc pater*, in *Mostellaria* IV, 2, 59; nec raro *ej*, quod est *eīi*, vocali elisa ante vocalem, ut in *Bacch.* IV, 9, 99, in *Curculione* I, 1, 43 et V, 2, 5, in *Casinae* prologo 66, in *Mostell.* I, 3, 129 et IV, 2, 32, in *Pseudulo* II, 4, 29, in *Rudentis* prologo 25 68, eodemque modo positum *aiō* in *Amphitr.* I, 1, 127 167, in *Casinae* prologo 71, in *Mostell.* IV, 2, 63, in *Men.* I, 2, 52, in *Mil.* II, 6, 67, in *Poen.* V, 2, 3, in *Persa* II, 2, 3, in *Trin.* IV, 2, 145. his simillima sunt *quoīae erant* in *Rudente* III, 4, 40, *Graj esse* in *Men.* V, 1, 15, *plebej et pauperes* in *Poen.* III, 1, 12, *Et quidem Alcmaeo atque Orestes* in *Capt.* III, 4, 30. sic Terentius in *Eunucho* II, 2, 59 *Mirōr qui* (libri quid) *ex Piraeo dbierit*, in *Hecyra* V, 2, 32 *ej unaque*, in *Heaut.* IV, 5, 29 *ej ad nuptias*. item tragici hac elisione usi sunt, *Quem adspectabant, cuius*

ob os Graj ora obvertebant sua . O ingraticuli Argivi , immunes Graj inmemores benefici . Namque hic advenio , ut mea ope opes Troiae integrem . Nilne a Troia adportat fando ? Ego p̄erviciam aio , ea me uti volo . Lucilius apud Nonium p. 81, 31 *Cuia opera .* Catullus bis uno versu , *Sed Troia obscena , Troia infelice sepultum ;* Maro , quantum scio , noviens , *Lethaei ad , Idaeo Alcanore , Coeo Enceladoque , Troia antiqua , Troia ex ardente , Troiae et bis , Troiae excidium , Harpyiae et magnis ;* Ovidius semel , si verum est , metam. ix, 183 *Antaeo eripui* (nam in fastorum iv, 264 potest scribi *Idaeost*) ; Persius ii, 19 *vis Statio ? an scilicet haeres ?* Seneca in Hippolyto 147 *Lethaeo abditum ;* Lucanus *Pompej ignava , Pompej et*, vi, 589 vii, 196 ; Statius *Nemeaei ad , Cirrhaei in , Ephyraeo in , Nemeaeo in , Theb.* i, 575 641 vi, 253 x, 499 ; Silius iii, 565 *Troiae extremos*, v, 164 *Tarpeio imponere*, viii, 414 *Therapnaeo a*, xiv, 26 *Hyblaeo accedere* . postremo in quarto genere , ubi vocalis elisionis insuavitas , nihilo minus pauciora hic quam in proximo genere notavi exempla . nulla omnino extant apud Terentium , Lucretium , Horatium , Tibullum , Gratium , Manilium , Germanicum , Senecam , Martialem . unum Latinum vocabulum elisit Plautus , *quoia esset et quoia ea sit* in Mercat. i, 2, 87 et iv, 3, 21 , item *quoia ad auris* in Rudente ii, 3, 2 ; unum Latinum Statius Theb. ii, 609 et Iuvenalis vi, 516 , *Plebeia* ; Silius *Tarpeia* vi, 103 vii, 56 x, 337 xiii, 843 , idem *Graia* xii, 41 xiv, 338 : *Graia* Lucanus quoque v, 419 et Sulpicia in satira 29 . Graeca aut a Graecis deducta sunt apud Plautum *Hymenaeae io* in Casina iv, 3, 3 et 10 , *O Troia o patria* in Bacch. iv. 9, 9 , Lucilii quod habet Nonius p. 360, 28 *aulaea obducite* , apud Catullum item *Hymenaeae io* et *Hymenaeae Hymen* , apud Vergilium *Pangaea et , Troia* quater . item Propertii est v, 7, 91 *Lethaea ad stagna* , Ovidii metam. xiv, 248 xv, 718 *Circaeae ad , Circaeae et* , Valerii Flacci vii, 191 *Aeaea in moenia* . ita Statius *Dircaeae , Nemeaeae , Lethaea bis , Phlegraeae , Euboeae , Troia* , Silius xiv, 180 *Ephyraeae* . restat *heia* interiectio , quam utrum tertiae an quartae classi adscribam valde ambigo . eam Valerium Flaccum corripuisse didici , qui dixerit in viii, 110 *eia per ipsum* . Ausonius cum in ephemeride scripsit *Puer eia surge et calceos* , quid voluerit incertum est , quoniam in eodem carmine hunc versiculum posuit , *Rei divinae copia est* .

neque Ennius in quonam metri genere *Eia machaeras* dixerit ex Servio ad Aen. ix, 38 satis apparet. Probus p. 1421 *item heia constat spondio*. idem p. 1430 *heia constat trochaeo* — : *potest tamen in necessitate pro longa poni*. apud Plautum Ritschellius in parergon tomo i p. 454 *eia* trochaei mensuram aequare scribit; cuius rei ego certum exemplum non repperi: vocalem et elisam et sine elisione productam video in hoc versu, qui est in Persa ii, 2, 30, *Héia . heid . tuo éx ingenio móres aliénós probas*. ceterum frequentat elisionem idem poëta, ut in Amph. iii, 2, 20, in Bacch. i, 1, 43, in Casina iii, 6, 4, in Poen. iii, 1, 69, in Trucul. i, 2, 90 et ii, 6, 40: neque abstinuit ea Terentius in Eun. v, 8, 35, in Adelphis v, 4, 14, in Heaut. v, 5, 19. hos tamen ex ceteris poëtis pauci secuti sunt, nisi quod Vergilius in Aen. ix, 38 vocalem ante interpunctionem elisit et in iv Aen. 569 scripsit *Heia age, rumpe moras*, quod repetierunt Statius Achill. ii, 198 et Martialis in ii, 64: alii maluerunt dicere *En age*, itaque ipse Vergilius georgicon iii, 42. sed et hic in Copa 31 et Columella x, 68 et Statius iterum *Eia age* silv. i, 2, 266, idemque Statius praeterea vocali elisa quater, Theb. x, 210 597 xii, 406 Ach. i, 508, Phaedrus semel in v, 7, 3 *Heia inquit*, Silius semel hoc versu, *Hoc Cannae stravere tibi: eia incute muris*, xii, 514.

375. QUAM QUIBUS E CORPUS. Ita uterque codex: sed in utroque correctores fecerunt *et corpus*, itaque Itali et olim impressi et Marullus. recte restituit praepositionem Lambinus.

378. QUANTULA PRIMA — CORPORA — EXORDIA PRIMA ANIMA, Apertum est hic quoque bis scribendum esse PRIVA, ut versu 372. neque hoc Bentleium latuit. mox 389 uterque liber recte *priva pedum vestigia*. versum proximum 381 Nonius habet p. 73, 7.

383. NEQUE ARANI TENULLA FILA. Itali et impressi TENVIA. in Mediceis Vergilii membranis aliquotiens scriptum est *tennuia*, item *Tennuis* georg. ii, 180. Marullus ARANEL hoc quod *arani* scriptum legimus, nisi forte veteres *aranium* et *araniam* dixerunt, indicio est olim saepius in hoc carmine genetivos per *ei* scriptos fuisse, quod librarii ne ubi necessarium quidem sit tulerint. *unguentei* e vestigiis agnovimus paulo ante, 222. ceterum hic poëta vocalium contractionem ea ratione evitare non potuit, qua Serenus Samonicus 966

(993) scripsit *Ex oleo necti vestis debet Arachnes* : nam huius modi delicias Alexandrinorum in poësin Latinam primi invexerunt illi quos Cicero dicit *cantores Euphorionis* (*νεωτέρον* appellat idem ad Atticum epistularum VII, 2, ubi significat eos versuum mollium et doctorum studiosos : *Flavit ab Epiro*, inquit, *lenissimus Onchesmites*. hunc *σπονδαίζοντα* si cui voles *τῶν νεωτέρων* pro tuo vendita), Cinna et Gallus, nisi fallor, et multo magis postea scholica Vergilii et ceterorum veterum poëtarum recordatio. a Statio alcedo dicitur *Alcyone* in Thebaidos IX, 361 : Vergilianae castitati non satis convenit quod est in georgicon III, 338 *Litoraue Alcyonen resonant*, sed potius *alcyonem*, ut in georgicon I, 399 *Dilectae Thetidi alcyones*. de Sillii versu XIV, 275 non disputabo, in quo scriptum est *Cum sonat Halcyones cantu* : in Valerii Flacci IV, 45 ante Heinsium *alcyonis miserae fetumque laremque*. mire Seneca in Agamemnone 680 *licet alcyones Ceyca suum — sonent*. sed leniora sunt quae pluribus verbis historiam adumbrant, ut in IV georgicon 15 *meropesque aliaeque volucres*, *Et manibus Procne pectus signata cruentis* : durius, quod Marklandus volebat, *maculis cruentis* sine indicio facti. at Ovidius audacissime in IV ex Ponto 10, 55 *Quique duas terras, Asiam Cadmique sororem, Separat et cursus inter utramque facit*. hoc ne Statius quidem superat, cum describit Herculem *Confectum thiasis et multo fratre madentem*, silvarum III, 1, 41. praeter Serenum autem Donatus ad Eunuchum IV, 3, 21 ex his Lucretii versibus hausit *araneae vietam vestem*.

385. SUPERA CAPUD. *Capud oblongus* III, 138, *quadratus* II, 1164 III, 147 654 V, 85.

386. PAPPOSQUE VOLANTIS. Hunc versum Paulus retulit in librum ex Festo XIV p. 119 editionis Lindemanni. sed eundem Lindemannum huc referre miror quae habet Probus p. 1450. subieci ea, ut a doctioribus excuti possent : sunt autem huius modi. *Po syllaba terminata producuntur ; vappo vapponis. animal est volans, quod vulgo animas vocant. lectum est apud Lucretium hos vappones*. mihi quam recte grammaticus *vappones* Lucretio adscripserit non liquet, Franciscus Dousa inter Luciliana ex libris incertis posuit numero 161 : *animas* autem, quas O. Iahnus *ψυχὰς* sive *φαλαίνας* esse suspicatur (*archäologische beiträge* p. 137), aliter scribi video in

glossariis Maii, tomo sexto auctorum classicorum p. 506 et tomo vii p. 551, ubi est *ama* sive *amma*, *avis nocturna*.

391. USQUE ADEO PRIUS EST IN NOBIS MULTA CIENDO, QUAM PRIMORDIA SENTISCANT CONCUSSA ANIMA, SEMINA CORPORIBUS NOSTRIS INMIXTA PER ARTUS. Verum ordinem versuum Marullus restituit: CIENDUM recte dedit Avantius. sed in proximis, quae libri ita scripta habent,

394. ET QUANTIS INTERVALLIS TUDITANTIA POSSINT CONCURSARE, horum uterque edidit *Et quam intervallis tantis*, nec male Wakefieldus *Et tantis intervallis*. sed fortasse verius fuerit *Et QUAM IN HIS intervallis*. ita in II, 106 *dissiliunt longe longeque recursant In magnis intervallis*. Forbigerum enim, qui probat *Et quantis*, seorsum ab humana ratione sentire sinimus. quod autem poëta semina animae *tuditantia* collidi ac dissilire dicit, vocabulo Enniano utitur, quo festinationem, nisi fallor, et crebritatem plagarum significat. de hoc quae Festus habet p. 352 satis recte a Martino Hertzio in libro quem de Cinciis scripsit p. 50 constituta sunt in hunc modum. *Tuditantes tundentes [negotium, id est ag]entes, significare ait Cincius [de verbis priscis. En]nius l. II Haec inter se totum tuditantes. et Lucretius item libro II (1142) Nec [tuditantia] rem cessant extrinsecus ullam.*

396. ET MAGIS EST ANIMUS. Hic versus et qui eum secuntur viginti ex prioribus non satis apti sunt: sed iidem si versui 349 continuo subiciantur, omnia commodissime procedent. qua propter ita sentio, poëtam ea quae his interiecta sunt, quibus aliorum philosophorum sententias refutat, scripsisse quidem, sed neque eodem tempore, neque eo consilio ut hoc loco reponerentur. huius modi aliquid evenisse vidimus in libro II, 165 et 522, item 1013, multoque plura ex eodem genere in quarto et quinto notabimus, item aliqua in sexto.

399. EXIGIAM PARTEM. Corrector oblongi EXIGUAM.

400. FACILE EDISCEDIT. Quadratus *ediscederit*: Marullus ET *discedit*. Wakefieldus inepte ludens *faul et*; quem lusum ferre possem, si occasione oblata versum Afranii correxisset, qui extat apud Nonium p. 111, 22. ei adiciendum est *una post femina*, hoc modo, *Haut fâcul, ut ait Pacuvius*,

femina una inveniatur bona, in Accii versu, quem Nonius illi adiungit, verba traicienda sunt, '*Erat istuc virile, advorsam ferre fortunam facul*.

403. QUAMVIS EST CRETUM CAESIS LACER UNDIQUE MEMBRIS. Quadratus *cecis*: eius corrector *Quamvis excretus*. corrector oblongi miro consilio fecit *lacerandique*. Itali et Marullus CIRCUMCAESIS. in libro IV, 203, ubi exemplaria habent *caelum*, scribi debet *circum*.

404. ADEMPTA ANIMA CIRCUM MEMBRISQUE REMOT. Ita quadratus: in oblongo *remotus*, olim impressi et Marullus cum Italis *remotis*. unus verum vidit corrector quadrati, qui fecit REMOTA.

405. ET AETHERIAS VITALIS SUSCIPIT AURAS. Neque *aetheris* Lucretiani ullae sunt *aurae*, neque qui *auras Vitalis carpit*, ut dicit Vergilius Aen. I, 387, is aliud quam *tenuem aëra carpit*, quae sunt eiusdem verba in georgicon IV, 311. itaque et hic *aërias auras* dixit Aen. V, 520 et Lucretius aliquotiens, e quo Isidorus rettulit in originum XIII, 11, 17. quo fit ut hic quoque scribendum putem AERIAS *vitalis auras*, quae ipsa verba leguntur in libro VI, 1227, nisi quod ibi *aëris* est. in V, 501 quadratus *aetherias auras*: eodemque modo bis in Aeneide erratum esse mihi certissimum videtur, neque credere possum poëtam cultissimum tam improprie locutum esse quam nobis librarii persuadere voluerunt, cum in I, 547 scripserunt *si vescitur aura Aetheria*, in VI, 761 *primus ad auras Aetherias Italo conmixtus sanguine surget*. itaque his locis *aëriae auras* conveniunt, ut apud Ovidium metam. XIV, 127 *aërias evectus ad auras*, scilicet ex inferis, et in X, 178 *discus aërias libratus in auras*. in georgicon II, 291 et Aen. IV, 445 aptius esse iudico *quantum vertice ad oras Aetherias, tantum radice in Tartara tendit*; item in VII, 557 *Te super aetherias errare licentius oras*, in caelum evectam, non *auras*, quod habent libri. in Ovidii metamorph. IV, 700 codex antiquus Berneggeri *et alis Aërias ausus iactatis ire per auras*: neque aliter scribendum est in II artis amatoriae 59; at metam. V, 511 *curribus oras Exit in aetherias: ibi — Ante Iovem stetit*. Statio licuit improprie loqui: Iuppiter est qui de Oedipo dicit *Proiecitque diem nec iam amplius aethere nostro Vescitur*, Theb. I, 237. sed apud Manilium in I, 149 cum Bentleio neces-

sario scribendum est *Ignis in aetherias volucer se sustulit oras*, a quibus in proximis *tenuis auras Aëraque* distinguit.

412. ID QUOQUE ENIM SINE PERNICIE NON FIET EORUM. *Eorum* quo referendum sit vix apparet. concedamus tamen eo et omnem orbem sive circuitum pupulae et pupulam ipsam indicari. nihilo minus haec sibi repugnant: nam qui cernendi potestatem stare dicit, dum modo ne totus orbis corrumpatur, ita quidem si pupula relinquatur sola, idem hoc sine pernicie visus fieri negat. itaque poeta, si illud dixit, hoc adicere non potuit. sed adiecit, nisi fallor, aliquis, qui poetam reprehendere vellet, quod is exemplo non satis apto usus esset: id ipsum enim quod ille posuerit nullo modo fieri posse. ergo hic versus eodem consilio in Lucretii carmen illatus est, quo vidimus in libro primo post versum 43 sex versus additos esse, scilicet ut poetam peccasse appareret. hoc cum paene intellexisset Lambinus, qui multos versus optimos delevit, hunc inepte temptare maluit scribendo *Id quoque enim sine pernicie confiet eorum*.

415. INCOLUMIS QUAMVIS ALIOQUI SPLENDIDUS ORBIS. Hic versus ex eadem fabrica venit, et constructione laborans et vocabulo non satis antiquo insignis, quo ante Livium neminem usum esse recte observavit Handius in Tursellini tomo I p. 236. poterat addere poetas eo prorsus abstinuisse, nec debebat Lucretio adscribere: certe praeter duos Horatii in sermonibus versus nunc alios nullos commemini, in quibus *alioqui* scriptum legerim. ceterum *atqui* ante vocales posuerunt Plautus ac Terentius, non Horatius in sermonum I, 10, 31, *atquin* et Statius Theb. VI, 161, *quod sin ea* Valerius Flaccus in V, 668.

417. ANIMANTIBUS ET MORTALIBUS. Olim impressi et ante eos Itali et MORTALES.

420. DIGNA TUA PERGAM DISPONERE CARMINA VITA. Haec intellegi non possunt: nullo enim iudicio Faber *tua vita* interpretatur *te*, Wakefieldus *moribus tuis ac virtutibus*. nimis eleganter Creechius temptat *tuo vate*. vix dubitandum est quin tam antiquus poeta hic allitteratione usus sit: nec rara est in huius poematis exemplaribus litterae unius praetermissio. dico igitur scribendum esse *Digna tua disponere carmina CURA*. Vergilius *illi mea carmina curae*.

421. TU FAC UTRUMQUE UNO SUBIUNGAS NOME EO-

RUM. Tota fere huius versus littera fuit N, quae excidit, quota in superiore C: recte enim Itali et olim impressi NOMEN. imperite corrector quadrati et Wakefieldus nomine. neque Lambinus dubitare debuit quin UNI subiungas legendum sit, quomodo dandi casu scriptum est in libro IV, 447. ullae libro I, 687 intulit editorum temeritas: exemplaria vetera ulli, neque usquam aliter; quamquam aliae est in III, 918, sed genetivo casu, ali dativo.

428. NAM LONGE MOBILITATE PRESTATATA ET A TENU CAUSA MAGIS ICTA MOVETUR. Recte Itali et impressi Praestat sive PRAESTAT. sed argumentum non recte concluditur hoc modo, 'Anima quoniam, ut pote mobilior, minoribus elementis constat quam aqua et nebula et fumus, debet etiam illis facilius dissolvi.' immo dicendum fuit sic 'Anima quoniam ex minoribus facta est, facilius movetur ideoque facilius dissolvitur.' accedit quod Lucretius parenthesi non utitur, nisi ita ut ad illud ipsum unde orationem devertit redeat; hoc modo, *Principio quoniam mittunt Corpora res multae*, —: nam saepe videmus —: *Quae quoniam fiunt*, in libro IV, 54. at hic post interiectam sententiam ad novam rem progreditur, *Principio quoniam tenuem constare minutis Corporibus docui*, —: nam longe mobilitate Praestat —: Nunc igitur quoniam — discedere cernis. itaque ut una opera duo vitia eluamus, diiungenda oratio est et apodosis facienda ita, *Principio quoniam tenuem constare minutis Corporibus docui*, — iam longe mobilitate Praestat.

430. QUIPPE UBI IMAGINIBUS FUMI NEBULAEQUE MOVENTUR. 433. NAM PROCUL HAEC DUBIO NOBIS SIMULACRA GERUNTUR. In priori versu recte Marullus movetur: nam moventur absurdum est. in altero Lambinus et Bentleius *Nam procul hinc dubio*, scilicet ex his rebus tenuissimis, nobis simulacra genuntur; quod Lucretius, si eum recte novi, potius hoc modo dixisset, *Nam dubio procul haec ita per simulacra geruntur*. sed mihi satis constat utrumque verum, cum neuter argumento quicquam addat ponderis, ab illo studioso lectore adiectum esse, cuius iam fraudes aliquotprehendimus, ut paulo ante versu 412 et 415. is cum sciret in hac re εἰδῶλοις illis Epicuri locum esse, poetici suae eruditionis floribus carmina per se satis illustria exornare studuit, cum poetae moderationem parum animad-

vertisset, qui ante librum quartum, quo de simulacris disputavit, horum ne nomine quidem uti voluerit. nam quamvis Lucilius, doctus homo, quasi de re nota dixisset *Eidola atque atomus vincere Epicuri volam* (apud Nonium p. 478), tamen hoc idem physica docentem non decebat. ceterum ex eodem Lucilii libro xxviii Nonius alia quaedam ad philosophos pertinentia rettulit. p. 237, 6 *Socratem Quidam tyranno misse Aristippum autumant*. de Xenocrate p. 410, 7 *Adde eodem, tristis ac severus philosophus*. de eodem p. 414 *Polemona amavit, morte huic transmisit suam Scholen quam dicunt*. adde Nonium p. 280, 10 318, 18 289, 26, Probum ad ecl. p. 18, 16.

431. QUOD GENUS IN SOMNIS, SOPITI UBI CERNIMUS ALTA EXALARE VAPORE ALTARIA FERREQUE FUMUM. Ad librum II, 194 docui Latine non dici *Quod genus ubi*, sed *Quod genus est ubi*. praeterea Lucretius alibi dixit *sopitum quiete, leto, castoreo*. ergo hic scribendum est *Quod genus est, somnis sopiti ubi cernimus*. sed porro *alta altaria* nimiae simplicitatis speciem praebent, neque intellego quomodo *altaria ferant fumum*. itaque, ut dematur quod superest, et quod deest reprehendatur, faciemus ALTE ubi est *alta*, *alte exhalare ferreque*. postremo in libro V, 253 est *Pulveris exhalat nebulam*, item 463 *Exalare lacus nebulam*, alibi similia; quis ergo non credat poetam hic scripsisse *Exalare VAPOREM altaria*? praesertim cum eodem modo omnes locutos esse constet, nisi quod ex Statii Thebaidos x, 108 notatur *exhalant vestes* absolute positum. neque in Ovidii metamorph. xv, 528 mihi satis proprium videtur *fessamque videres Exhalare animam*, quod Hauptius in observationibus criticis p. 23 fortasse defendi posse dicit: ibi ex antiquissimis codicibus Heinssii Neapolitanus habet *Exhalare*, *Exhalari* Urbinas et Berneggeranus. ceterum *h* litteram in consensu codicum non infero. *exalare* oblongus solus II, 417 v, 253 VI, 811, quadratus *alantis* VI, 221 et *exaltantur* IV, 864.

437. CREDEO ANIMAM. Itali et impressi CREDE.

438. OPIUS, ET CITIUS DISSOLVI CORPORA PRIMA. OCIUS corrector quadrati et impressi. tum *ac* impressi, male. porro corrector quadrati *dissolvi in corpora prima*, perite: ceterorum nullus vidit, sed Wakefieldus eum recte secutus est.

441. CUM COHIBERE NEQUIT. Bene Marullus QUAM.

443. COHIBERIE ULLO . Ita oblongus , sed *eri* in litura . quadratus *cohibere erullo* . idem male *qui credis* .

444. CORPORE QUI NOSTRO RARUS MAGIS INCOHIBESCIT ? Wakefieldus *incohíbessit* : *incohíbere* enim dicit esse in se cohibere . at illae duae praepositiones verbis praemitti non possunt , nisi cum altera substantivi pars est : idque factum est in duobus simillimis inter se vocabulis , quae sunt *incomitiare* et *inconciliare* . ea significant , nisi fallor , in publicum proicere . Lambinus et Gifanius *am cohíbessit* ; quod cum grammaticos veteres pro *eam* dictum testari referunt , id narrant quod ego numquam didici : *sam* ita veteres dixisse non ignoro . sed facillimum fuit id invenire quo oratio aptissime iungitur : id est autem *Corpore qui nostro rarus magis* IS COHIBESSIT ? *is* , scilicet aër , cum rarior sit quam corpus . Madvicum enim non intellego , cum in opusculis alteris p. 66 *cohibendi* verbum neque ad sententiam ferri posse neque tempus aptum esse dicit .

449. RUBUSTIS . Corrector oblongi ROBUSTIS .

450. AUCTOR EST . Corrector quadrati et Itali AUCTIOR .

453. CLAUDICAT INGENIUM , DELIRAT LINGUA MENS . Itali , item olim impressi et Marullus , *linguaque mensque* . corrector quadrati *delirat lingua* , *madet mens* ; quod e versu 479 petítum est , idque , ut alii observarunt , ebrio magis convenit quam seni . aptissime scribemus LABAT *mens* .

456. IN ALTASACRIS AURAS . Quadratus *in altasacris alta* . impressi *in altas* AERIS *auras* .

458. CRESCERE ET DOCUI SIMUL AEVO FESSA FAETIS . *Et ut docui* corrector quadrati , item Brixiensis et Itali . idem corrector et Marullus *fatiscit* : sed recte Itali et olim impressi FATISCI , ut in v , 308 .

462. PARTICIDEM . Corrector oblongi PARTICIPEM .

470. FATERE NECESSEST . Itali et Brixiensis editio FATEARE . versu proximo Nonius utitur p. 199 , 4 .

472. NAM POLOR AC MORBUS . Itali et impressi DOLOR .

474. 475. ET QUONIAM MENTEM SANARI CORPUS UT AEGRUM ET PARITER MENTEM SANARI CORPUS INANI . Haec Marullus interpolavit ad exemplum versus 511 , Naugerius recte delevit .

476. DENIQUE COR HOMINEM . Corrector quadrati et

Marullus *cur*, verrissime: sed ab eo non differt *cor*, hoc est *quor*, quem admodum *com* pro *quom* scribi vidimus libro I, 1077. *cor* in Martialis libro XI, 46, 8 e codice Leidensi Schneidewinus protulit. Wakefieldi perversitatem, cum probat *cor hominum*, et Forbigeri mendacium, quo Havercampum *cur hominis* dedisse dicit, praeteribimus.

479. CRURA VACILIAANTI. Corrector oblongi VACILANTI.

482. CURBA SUNT. Sic uterque Vossianus sine ulla correctione, nequis Havercampo credat in utroque esse *Curbae* impressi recte, ut Itali *Cur ea sunt*.

492. NI MIRUM QUA VIS MORBI DISTRACTA PER ARTUS TURBAT, AGENS ANIMAM SPUMANS IN AEQUORE SALSO VENTORUM VALIDIS FERVESCUNT VIRIBUS UNDAE. His et proximis versibus poeta eorum quae modo dixerat causas explicat. ergo ante omnia scribendum est QUIA *vis morbi Turbat*, quod habent Antonius Marii et libri olim impressi. quae autem praecesserant, erant haec, *Concidit et spumas agit, ingemit et tremit artus, Desipit*. horum pars cum in proximis ita repetatur, *Exprimitur porro gemitus, quia — et Desipientia fit, quia —*, apertum est hic dicendum fuisse *agens animam SPUMAT*, non *spumans*: nam prorsus inepte a Marullo inducti omnes coniungunt haec, *vis morbi Turbat agens animam* (*animum* Creechius primus, et quidem tacite), quasi morbus posset animam agere. porro corrector quadrati non inepte, et ut ostenderet se unum omnium partem sententiae recte percepisse, *velut aequore salso*. sed potius est ut utamur litteris quae post SPUMAT servatae sunt, VSIN: itaque scribendum est QUASI IN *aequore salso Ventorum validis fervescunt viribus undae*.

496. ET OMNINO QUOD SEMINA VOCIS ELICIUNTUR. Nihil est extra corpus aegroti quod semina vocis *eliciat*, sed ipsa vi morbi *ELICIUNTUR*. ita Lambino teste doctissimi viri legendum praeceperunt, quibus ipse rectissime obtemperavit. vide quae dixi ad versum 58 et ad librum IV, 944.

522. UTI DEOCUI. Corrector quadrati, item Itali et Marullus, *uti* DEOCUI.

523. FALSAE RATIONIS. 525. REFUTATUR. Marullus RATIONI et REFUTATU. mox versu 527 quadratus *disperdere*.

531. SCINDITUR ATQUE ANIMO HAEC QUONIAM NATURA. Fallitur Handius, cum hoc uno versu satis probari dicit licuisse poëtis *atque* coniunctionem traicere, in Tursellini tomo I p. 512. nam neque coniunctio ipsa neque *animo* quicquam confert ad sententiam, quae nulla est nisi scribimus *Scinditur* USQUE ADEO *haec quoniam natura*. de *atque* traiecto curiosius quam Handius egit Hauptius in observationibus p. 45 46 47 48 52.

535. SENSUM DIDUCERE MEMBRIS. Recte Veronensis editio et Marullus DEDUCERE.

538. NIMIRUM UT DIXIMUS. In impressis additum ANTE. ita iam Antonius Marii filius.

544. PEREAT DISPERSE PER AURAS. Corrector quadrati et Itali DISPERSA.

545. OBRUTESCAT. Apud Nonium p. 77, 32 *obrutiscat*. alterum B primus addidit Marullus. hinc Lactantius inst. VII, 24 *Non enim anima corpore deficiente sed corpus anima decedente brutescit*.

548. LOCOQUE FIXA MANET. Turpi negligentia omnes *locoque*, cum apertum sit *ita* scribendum esse, *Et quoniam mens est hominis pars una, loco quae Fixa manet certo, velut aures atque oculi sunt*. in IV, 231 membranae eademq.; quod Avantius correxit.

551. MANUS ATQUE OCVLVS NARESVE SEORSUM. Immo AUT *oculus*. sic infra 616 *in capite aut pedibus manibusve*.

553. SED TAMEN IN PARVO LINGUNTUR TEMPORE TALI. In his qui *Sed tamen* ferre nolunt imperiti sunt: nam *tamen in parvo tempore* est fere *in tempore quamvis parvo*. sed in fine Isaacus Vossius rectissime *tabi*, quod sententia sibi postulat. ita mox 581 *quin in taetro tabescat odore*, et supra 343 *Sed penitus pereunt convulsi conque putrescunt*. de verbo tamen anceps iudicium est. Vossius voluit *liquuntur*, quem admodum Ovidius dixit de Aglauro invida *lentaque miserrima tabe Liquitur*, idemque de Hercule *caecaque medullis Tabe liquefactis*. ita vero id quod libri scripti exhibent valde immutandum est: debet enim scribi *in parvo licuntur* sive *liquuntur tempore tabe*, cum codices habeant *linguntur* et *tali*. nam *tabi* ablativo casu nemo dixit, neque id usquam legitur nisi in futilibus quibusdam Lucretii editionibus libro I, 806. quare

mihi rectius videtur duabus tantum litterulis mutatis scribere in parvo LINCUNTUR tempore TABI. ita Vergilius *Alibi* *linguere feris*, et Ovidius *leto poenaeque relictus*. nec tabi dandi casu Lucretium usum esse incredibile est, cum non multo post eius obitum Helvius Cinna genetivo *tabis* dixerit et Messalla Corvinus *tabem* accusativo. nam Cinnae Zmyrna novem annis perfecta Catullo vivente edita est, hoc est ante annum ab urbe condita Varronianum 708: vide Hauptium in Catullianis quaestionibus p. 15: et Messallam circa annum 675 natum esse docui in diurnis litterariis Halensibus, mense Iunio anni 1836 p. 255. ceterum non dissimile est quod Terentius quantum scio solus dixit *preci* in Andria III, 4, 22 et in Phormione III, 3, 14. sed *sponsi* Varronem non scripsisse ostendi in museo Rhenano VI, p. 115.

555. ESSE HOMINEM, ILLIUS QUASI QUOD VASSE VIDETUR. Quadratus *vase videtur*. Itali veteres et Brixienis editio HOMINE et VAS ESSE.

563. AVOLVUS RADICIBUS. Lactantius libro VII, 12, 20 e Lucretio *Sicut oculus, inquit, evulsus ac separatus a corpore nihil potest videre*. ubi maior pars librorum habet *evulsus a corpore ac separatus*.

564. DISPICERE OCULUS IPSE. Oblongus *oculos* prima manu. Marullus *IPSE OCULUS*, itaque ante eum Itali.

566. QUIA VENAS ET VISCERA MIXTI. Quadratus *mixta*, sed prima manu factum *mixti*. Itali *quia PER venas: per venas* et MIXTIM olim impressi.

571. AERIS HAUT POSSUNT POST MORTEM EIECTA MOVERE. *Heris* oblongus prima manu. tunc idem *haut*, quadratus *ut*. MOVERI Lambinus recte, sed, si Forbigero credimus, contra 'constantem fere Lucretii consuetudinem.'

573. CORPUS ENIM ATQUE ANIMAM SERIT AER, SI COHIBERE SESE ANIMA ATQUE IN EOS POTERIT CONCLUDERE MOTUS. Oblongus *sic cohibere*, quadratus *Esse anima*. in priore membro futurum tempus requiri Naugerius vidit, qui scripsit ERIT, ceterorum autem nihil intellexit. Lambinus bene *Corpus enim atque ANIMANS erit aër*. alterum membrum, quamquam res aperta est, Wakefieldus correxit primus hoc modo, *si cohibere IN se ANIMAM atque in eos poterit concludere motus*, Quos ante in nervis et in ipso corpore agebat: mox ipse mira iudicii debilitate hanc verissimam

correctionem reiecit , quam Forbiger ne commemoravit quidem .

576. QUAE ETIAM ATQUE ETIAM . Quadratus *Que* : eius corrector et Itali *QUARE* .

578. FATIARE NECESSEST . Corrector oblongi *FATEARE* .

580. NEQUE APER FERRE ANIMA . Corrector quadrati et Itali *NEQUEAT perferre animai* .

582. QUIN EA IMO . Itali *quin* EX *imo* .

583. DIFFUSA ANIMA EIUS . Itali *animae* VIS .

585. QUIA MOTA LOCO SUNT FUNDAMENTA FORAS MANANT ANIMAEQUE PER ARTUS . Quadratus *quia moto* , idem *Tundamenta* et *animeque* . Eichstadius et Forbiger , quibus miserrima quaeque placent , *foras manant animaeque* , scilicet uni corpori multas animas tribuentes , quod exagitat tamquam absurdissimum poëta versu 666 . Marullus *foras animae manantque* ; in quo aequae absurda sunt *Fundamenta foras loco mota* et eadem *fundamenta per artus manantia* . Wakefieldus non inepte *foras anima emanante per artus* . sed malo , quod et fortius est et librorum scripturae propius , *foras MANANTE anima USQUE , per artus Perque viarum omnis flexus , in corpore qui sunt , Atque foramina* .

593. VIDETUR IRE ANIMA AC TOTO SOLUI DE CORPORE OMNIA MEMBRA , ET QUASI SUPREMO LANGUESCERE TEMPORE VOLTUS , MOLLIAQUE EASANGUI CADERE OMNIA MEMBRA . In his EXSANGUI scribendum esse corrector quadrati et Itali viderunt : cetera nemo expedit , cum tamen et vitiorum sedes pateret nec sententia obscura esset . hiatus optime sic supplebimus , *videtur Ire anima ac toto solui de corpore VELLE , et Molliaque exsanguì TRUNCO cadere omnia membra* . nondum *ire* videtur anima , quod erat versu 526 , sed *ire velle* , ut in IV, 518 *Iam ruere ut quaedam videantur velle ruantque* . *exsanguì* autem *trunco* ut paulo post 654 *Et caput abscisum calido viventeque trunco* . at plerique omnes Marullum secuti sunt in versu tertio scribentem *exsanguì cadere omnia corpore membra* : sed ille primum deleverat , Lambinus tertium exclusit et in primo scripsit *solui de corpore membra* , quod corrector quadrati praeferat . Creechius , ut Itali , haec prorsus inepte coniunxit , *solui de corpore membra et cadere omnia corpore membra* . Wakefieldus

dixit celeriter se illos, ut scrofa porcos, disiecturum. Vitruvius in IV, 7, 3 habeant spirae earum plinthum ad circinum altam suae crassitudinis dimidia parte, torum insuper cum apophysi crassum quantum plinthus. Frontinus de controversiis agrorum p. 39, 19 cum ergo possessor invenerit terminum in possessione sua aliter formatum aut aliter positum quam ceteri qui in ea possessione sunt, aut non inscriptum ut adsolet. ceterum in quadrato versus proximus 616, qui debuit primus laterculi esse, scriptus non extat: eundem ignorant schedae.

616. SED UNIS SEDIBUS ET CERTIS REGIONIBUS OMNIBUS HAERET. Hic Wakefieldus '*Omnibus: i. e. hominibus: quo quid planius, aut scriptoris menti convenientius?*' haud vidi magis. Lambinus *omnis inhaeret*, non bene, quoniam praecessit *animi mens consiliumque*. mihi maxime probabile videtur postea scripsisse *et certis regionibus* PECTORIS haeret. ita versu 140 *Idque situm media regione in pectoris haeret.* item in II, 279 *tamen esse in pectore nostro Quiddam quod contra pugnare obstareque possit.*

618. REDITA CUIQUE. Corrector oblongi REDDITA.

620. ATQUE TA MULTIMODIS PERTOTIS ARTUBUS ESSE. Itali et olim impressi *Atque* ITA. tum Itali et Marullus *prototus artubus*, quod quid esset adhuc nemo explicare potuit praeter Wakefieldum, cui nihil durum est. rei convenit *ita multimodis PERFECTIS artubus, Membrorum ut numquam existat praeposterus ordo.* in posteriore versu quadratus non habet ut coniunctionem.

623. FLUMINIBUS SOLITA NEQUE INSIGNI GIGNIER. ALGOR. Hic s littera alieno loco posita est eo modo quem attingi ad librum II, 275: T, quod illi addi debuit, periit: debet enim esse *solitast neque in igni*. corrector quadrati et olim impressi *in igni, solita est* Marullus, utrumque iam Itali.

624. SI MORTALIS NATURA ANIMAEST. Corrector quadrati et ceteri *si* IMMORTALIS. Brixiensis editio *animai est*, Veronensis ANIMAIST, quorum hoc altero verius esse ostendi ad versum 374.

626. SENSIBUS AUCTUM. Corrector quadrati et ceteri AUCTAM.

628. ANIMAS ACHERUNTE VACARE. Corrector quadrati *vagare*, itaque in IV, 127 quadratus, ubi oblongus *vagari*. hoc uterque in I, 1061 IV, 129 724, item quadratus IV, 53,

oblongus *vacari*: praeterea Lucretius alibi dixit *vagaris*, *vagatur*, *vagantur*, *vagetur*: cur ergo credam eum semel aut bis sine causa *vagare* scribere maluisse quam *VAGARI*? ceterum eodem fere tempore Varro in versu dixit *per maritimas oras vagat*, idemque in Sotadeis, quos inscius iam paene restituit Iosias Mercerus, *Cum sex pueri et puellulae pariter item sex Aut septem in utroque cum choro pari vagarunt*, apud Nonium p. 468. et Catullus quoque paulo post in Phaselo, ut ventum incertum significaret, *laeva sive dextera Vagaret aura, sive utrumque Iuppiter Simul secundus incidisset in pedem: nam Vocaret*, quod libri exhibent, non intellego.

632. ESSE POTEST ANIMA. Iohannes Baptista Pius 'Scribendum *Esse potest ANIMAE*'. scilicet *ulli animae*, dandi casu, quem res et oratio requirit, ut supra 43 *animae naturam sanguinis esse*, et 288 *Est etenim calor ille animo*. ita Creechius quoque: ceteri optimam emendationem fastidiose reiecerunt.

632. NEQ. AURES AUDITUM PER SE POSSUNT SENTIRE NEQUE ESSE. Mire se hic torquent grammatici, neque tamen quicquam proficiunt. *neque aures* (sic enim libri, non *auris*) cum superioribus coniungi debet: tum scribendum est HAUD IGITUR *per se possunt sentire neque esse*, scilicet *animae*. *Aud* aliquotiens in quadrato codice scriptum legi ad versum 330 rettuli.

639. ET DISCISSA. Quadratus *discisa*, male, cum subiatur *At quod scinditur*. est tamen observandum *discisa* et *discissa* origine quidem et vi distare, non sono: nam utrumque *i* vocali producta efferri ad librum I, 805 dixi.

644. AD ARTUBUS ID QUOD DICIDIT ABCISUM. Corrector oblongi *AB artubus*. Itali et Brixienensis editio DECIDIT, Veronensis et Veneta *Occidit*.

647. ET SIMUL IN PUGNE STUDIO QUOD DEDITA MENS EST. *Simul* intellegi non potest, nisi in huius versus fine distinguimus. id vero quia propter ea quae sine ullo orationis vinculo subiciuntur fieri non potest, scribi debet *Et SEMEL*.

650. ABSTRAXE ROTE. Olim impressi cum Italis *ROTAS*.

651. CUM SCANDIT ET ISTAT. *Iidem* INSTAT.

657. QUIN ETIAM TIBI SI LINGUA VIBRANTE MINANTI SERPENTIS CAUDE PROCERO CORPORE UTRUMQUE SIT LIBITUM IN MULTAS PARTIS DISCIDERE FERRO.

Quadratus *minanti* omittit : idem in versu tertio *discedere*. corrector oblongi et Itali *Serpentis cauda*. Avantius dedit *caudam* : inde Pius *minantis Serpentis caudam*. hoc quamquam multi probarunt, aperte falsum est : nam totam serpentem discidi, non tantum caudam, e proximis apparet, ubi est *Ipsam seque retro partem petere ore priorem*. recte igitur Marullus scripsit SERPENTEM. tum idem *lingua vibrante minacem* — et *caudae procero corpore* : paulo elegantius, nisi quod *Serpentis* retinet, Wakefieldus *lingua vibrante, minanti* — *cauda et procero corpore*. alter duas serpentis partes facit, alter tres. nihilo minus is qui tres facit, nescio quomodo *utrumque serpentis*, id est, ut ipsi videtur, utramque serpentis partem discidi vult : prudentius is qui duas, serpentem *utrumque* in multas partes discidit, vel, quem admodum ipse non recte scripsit, *discindit*. sed neque hoc *utrumque* satis ponderis habet, et iners atque ineptum dicendi genus hoc est, quo ex procera cauda fit *corpus procerum caudae*. quanto rectius erat illud *caudae*, ex quo *caude* factum esse patet, diiunctis litteris legere *cauda e* ! scripsit poëta *lingua vibrante* MICANTI *Serpentem* CAUDA E *procero corpore* UTRIMQUE. nam *utrumque* Marulli sane probandum est : utrumque e procero corpore, id est ex utraque proceri corporis parte, lingua vibrat, micat cauda. *micat*, inquam, non *minatur* : hoc enim lingua multo magis facit quam cauda, *micandi* autem verbum linguae et caudae serpentis pariter convenit.

662. IPSAM SEQUERE RETRO. Impressi cum Italis *seque retro*.

663. VOLNERIS ARDENTI, UT MORSU PREMAT, ICTA DOLORE. Ita haec Wakefieldus distinxit, ego neque distincta neque indistincta intellego : quaero enim, quid illud sit quod *premat*. scribendum est DOLOREM, ita, ut *vulneris dolorem premat ardenti morsu*.

665. PARTICULIS ANIMAS ANIMAS. Oblongus prima manu *Particulas*. eiusdem corrector vocem male repetitam delevit.

674. TANTO OPERE ANIMIST. 680. SOLITA ANIMIST. Marullus *tantopere* EST *animi*, et *solita* EST *animi*.

676. ID AB LETO IAM LONGIUS ERRAT. Charisius p. 183 et Nonius p. 515, 15 *a leto iam longiter*. hinc primus Lambinus

LONGITER . sed a leto quoque asciscendum erat , ut in VI, 1042 *a lapide hoc* . quare in v, 485 malo *a limini* parte quam *ab* .

685. UT SENSU CORPUS TAMEN AFFLUAT OMNE . Quadratus *affluat* . sed contrarium res postulat : debuit enim hic id dici quod verum non esset , cum ex diverso verum sit in proximis , *ita conexast* — *uti dentes quoque sensu participentur* . perspexit vitium Lambinus , sed rationem non exposuit , neque eam aut Creechius aut Wakefieldus per se intellegere potuit . Forbiger ingenua simplicitate 'Lamb. Gassend. et Creech. spurium censent , nescio , qua de causa . ' Lucretius videtur scripsisse *ut sensu corpus tamen ARCEAT omne* . malet tamen *afuat* qui huius modi composita in usu veterum fuisse demonstrare poterit : nam *defuat* in Plauti Bacchidum initio sine auctore fertur .

690. QUOD FIERI TOTUM . Lambinus cum probe intellexisset cum illis versibus , quorum principium est *Nam neque tanto opere* , coniunctum esse quod his quinque carminibus interiectis sequitur , *Nec tam contextae cum sint* , tamen homo levissimus verum versuum et orationis ordinem non vidit . ceteros ultra Lambinum non sapuisse minus miror .

691. CONEXA EST VISCERA PER VENAS NERVOS . Corrector quadrati et ceteri PER VENAS *viscera nervos* , ut versu 217 .

693. MORBUS UT INDICAT ET GELIDA STRINGOR AQUE . Quadratus *aquae* . eius corrector *gelidae stringor* AQUAI . Itali GELIDAI . in morbo frustra argutantur : manifesto scribendum est MORSUS .

694. ET LAPIS OPPRESSUS SUBITIS E FRUGIBUS ASPER . Creechius recte EXPRESSUS : sed praeterea scribendum SUBIENS . Forbigero Wakefieldi barbaries valde placet , qui dicit *subitas fruges esse subeuntes* .

702. DISPERTITUR ERGO PER CAULAS . Brixienensis editio *Dispertitur enim* , Itali et Marullus *Dispertita ergo* . horum neutrum verum est : de *anima* enim hoc dicetur infra , *Dum quasi per caulās* ; quo fit ut hoc ad *cibum* referri debeat , ita , DISPERTITUS ENIM *per caulās* .

705. QUAMVIS EST INTEGRA RECENS CORPUS EUNT . Quadratus *reces* . Marullus *quanvis* INTEGRA *recens* IN Cor-

pus eunt ; quod mihi videtur verum . ita supra 667 *simul cum Corpore* .

710. QUAE TUNC PERIIT . Sic Vossiani et Marullus . Antonius Marii filius *tunc peritat* . olim impressi *tum peritat* , bene alterum , alterum secus .

718. ET NULLAS PARTIS . Impressi *UT* .

719. VICERE . Itali VISCERE . ex proximis Nonius p. 103, 9 utitur illo versu , *Exos et exsanguis* .

723. ET PRIVASI CORPORA POSSE VENIRE . Oblongus *corpore* . corrector quadrati et Itali *privas in corpora* . apud Nonium p. 159, 28 *et privas in eorum posse venire* . apud eundem est *invadi* pro *insinuari* ; quo exemplo Lucilii versus in eiusdem Nonii libro p. 125, 10 relatus emendandus est , *suam enim insinuare innubere censent* : exemplaria enim habent *suam enim invadere atque innubere censent* .

725. HOC TAMEN EST 726. UT QUÆRENDUM VIDEATUR . Ita uterque codex et Brixiensis editio versibus male distinctis . similiter Mediceus Vergilii codex ecloga ix, 27 a prima manu in fine versus *superent modo Mantua* , ac tum in alterius principio *Nobis Mantua ve misere* . hinc praesidium petere possum emendationi meae , qua olim in Propertii iii, 34, 39 scripsi , quod ne nunc quidem muto , *Non magna Amphiaræae prosunt tibi fata Quadrigae aut Capanei grata ruina Iovi* : libri enim habent *Non Amphiareae prosunt (pro-sint) tibi fata quadrigae Aut Capanei [magno] grata ruina Iovi* . hoc ideo hic repetendum duxi , quod Hertzbergius lectorem fallit , cum *tibi* a correctoribus additum dicit , quod libri omnes exhibent .

732. SOLLICITE VOLITANT MORBIS ALGOQUE FAMEQUE . Oblongus *Sollicitatae* . ALGUQUE primus Lambinus , quod ipsum codices Nonii p. 72, 13 habere postea ex Iunio Merceroque apparuit .

733. VITIIS ADFINE . Sic prima manu oblongus , nisi fallor ; a correctore *et fine* : quadratus *afine* .

734. CONTAGE FUNGITUR EIUS . Ita scripsisse Lucretium non est veri simile , quoniam eundem ablativum corripuit in iv, 311 . rectius scribemus CONTAGIBUS , quo bis usus est in vi, 280 1242 : id librariis displicebat , ut multa ex eo genere , in quibus *s* littera eliditur ,

735. ESTO QUAMVIS FACERE UTILE CORPUS , CUM SUBEANT : AT QUE POSSINT VIA NULLA VIDETUR . Recte *Cum subeant* : cum res ita comparata sit ut subeant corpus, esto iis sane utile sibi tum facere corpus . frustra corrector quadrati adscripsit *vel Cur* (non *lege cur* , ut refert Havercampus) , frustra amicus Fabri (secum Forbiger a Fabro communicatum scribit) *Quod subeant* . sed recte Marullus at *QUA possint* .

738. NEC TAMEN EST UT QUICUM PERFECTIS INSI-NUENTUR CORPORIBUS . Lambinus *ut iam perfectis* , quod sententiae satis facit . malo hoc , quod a litteris nimium recedere fateor , quam inepta Marulli et Wakefieldi commenta , *est quasi cur perfectis , est qui cum perfectis* .

740. NEQUE CONSENSU CONTAGIA FIENT . Immo CONSENSUS *contagia* : recte enim Creechius interpretatur 'neque ita corpus et anima consentirent et motus vitales sibi invicem mutuo impertirent.'

743. A PATRIBUS DATUR ET APATRIUS PAVOR INCITAT ARTUS . In oblongo recte factum radendo *et patrius* . grammatici , quantum possunt , dativos ingerunt ei versui qui hunc praecedit , ut certe oratio aliquo cohaereat vinculo . sed non est in ea sententia Lucretius , ut animalibus *dari* , hoc est monstrari , *a patribus* violentiam dolum fugam existimet , quasi imitando et adsuetudine mores parentum exprimant . itaque rectissime 'doctus quidam' , cuius nomen cur Lambinus dissimulet nescio , hunc versum alienum esse suspicatus est . apparet enim eum qui haec scripsit Lucretii sententiam irridere : nullo modo , inquit , animi semina cum corpore simul crescunt , sed leonibus violentia et dolus vulpibus *a patribus datur* , et cervorum *patrius pavor* ad fugam *incitat artus* pullorum .

747. CUM CORPORE TOTO . Ita quadratus : oblongus et Italici *cum corpore quoque* . toto praetuli , quia non possum ullam artem agnoscere in simili hoc trium versiculorum exitu , *ingenioque , seminioque , corpore quoque* . non potest autem dubitari quin utraque scriptura fuerit in archetypo .

759. DENIQUE UT . Hunc versum rubrica et litteris uncialibus scriptum habet oblongus , quadratus omittit spatio magno relicto in quo rubricator hoc quasi capitulum scriberet . idem in hoc libro deinceps saepius factum est , scilicet

versu 805 *Iunctum in concilio*, 905 *Quod super est*, 949 *Atque etiam*, nisi quod versus 905 in oblongo litteris currentibus scriptus est, 949 uncialibus et currentibus permixtis. in libro quarto quinto sextoque huius modi nihil invenitur: de primo et secundo dixi ad II, 42.

760. SIC ANIMAS HOMINUM DICENT IN CORPORE SEMPER. *In corpora* corrector quadrati et Itali ante Marullum. SIN idem Marullus.

763. SI NON CERTA SUO QUIA SEMINE SEMINIOQUE. Huic versui, quem delendum esse res ipsa clamat, Marullus eum subicere maluit qui hunc, ubi suo loco positus est, sequitur 747, tum utrumque collocavit post eum quem libri ab hoc proximum faciunt, cuius principium est *Nec tam doctus. tam caecum ducem ceteros sequi indignor.*

764. NEC TAM DOCTUS EQUE PAULUS. *Ne* prima manu oblongus. *tamen* quadratus. PULLUS Itali et impressi.

765. MENTEM. Hoc confirmat Diomedes p. 334: Nonius p. 181, 5 *mentes*. mox quadratus *Confugiant*.

775. AT NON SUNT IAMMORTALI ULLA PERICLA. In oblongo correctum, et fortasse manu prima, *sunt IMMORTALI*. in Ovidii metamorph. xv, 139 recte agunt qui scribendum iudicant *Audetis vesci genus immortale*, ubi codices *o mortale*.

784. NON AEQUORE IN ALTO NUBE ESSE QUEUNT. Infra in libro v, ubi hi versus iterantur, 129 *non aequore* SALSO NUBES *esse queunt*. hoc praefarendum est, quia poeta *aequor salsum* aliquotiens dixit, *altum* numquam.

789. LONGIUS ESSE. Non aliter scriptum in v, 133. sed recte 'quidam docti' apud Lambinum LONGITER, ut versu 676.

790. QUOD SI POSSET, ENIM MULTO PRIUS. Wakefieldus cum suis soloece *Quod si posset enim, multo prius*. priores cum Marullo *Hoc si posset enim*, quod certe Latinum est. si quis ita ut supra feci distinguat, *enim* adversativum, de quo non satis distincte egit Handius in Tursellini tomo II p. 397, in apodosi locum habere non videtur. miror autem eundem Handium Gifanio eiusque similibus credere in libro VI Lucretii 1277 sic distinguentibus, *enim praesens dolor exuperabat*, praesertim cum Plauti Nervolariae ex Varrone

de lingua Latina in VII p. 350 sine ulla suspitione adscribat haec, *Scobinam ego illum actutum adrasi enim*, quae manifesto in hunc modum scribenda sunt, *Scobina ni ego illum actutum adraso senem*. itaque in Lucretii versu aut scribendum est *Hoc*, aut, quod mihi verius videtur, *Quid si posset enim?* dixit ita Quintilianus in II, 13, 3 *quid si enim praecipias imperatori*—? erit haec quidem rectissima fortasse ratio. idem in III, 6, 6 *quid si enim dicat quis 'sonus est duorum inter se corporum conflictio'*? erret, ut opinor. in quibus Handius ibidem p. 395 quo consilio post *quid* distinguendum praeceperit, ita, *quid? si enim dicat quis* — : erret, intellegere non possum.

796. TANTO MAGIS INFITIANDUM. Sic in quinto quoque membranae: in tertio quadratus codex prava temporum recentiorum consuetudine *inficiandum*. apud Priscianum p. 898, si ea quae Krehlius propria sibi negligentia scripsit tomo I p. 499 et II p. 535 recte interpretor, libri veteres habent *in tertio et infitiandum est*. nec tamen opus esse ut addatur est, dixi ad librum I, 111.

798. CORPUS UBI INTERIIT, PERISSE. Quadratus *corpus sub interiit*. Itali PERIISSE.

800. MORTALEM AETerno IUNGERE. Marullus MORTALE.

804. ATQUE PERANNI. Itali PERENNI.

805. SALVAS TOLERARE PROCELLAS. Ita oblongus, Antonius Marii, olim impressi: nam quadratum hoc versu carere supra dixi. Marullus SAEVAS.

806—818. PRAETEREA QUAE CUMQUE MANENT AETERNA NECESSEST AUT, QUIA SUNT SOLIDO CUM CORPORE, RESPUERE ICTUS NEC PENETRARE PATI SIBI QUICQUAM QUOD QUEAD ARTAS DISSOCIARE INTUS PARTIIS, ET MATERIA CORPORA SUNT, QUORUM NATURAM OSTENDIMUS ANTE, AUT IDEO DURARE AETATEM POSSE PER OMNEM, PLAGARUM QUIA SUNT EXPERITIA, SICUT INANEST, QUOD MANET INTACTUM NEQUE AC ICTU FUNGITUR HILUM, AUT ETIAM QUIA NULLA LOCI SIT COPIA CIRCUM, QUO QUASI RES POSSINT DISCEDERE DISSOLUIQUE, SIC UTI SUMMARUM SUMMAST AETERNA, NEQUE EXIRA QUIS LOCUS EST QUO DIFFUGIANT, NEQUE CORPORA SUNTQ. POSSINT INCIDERE ET VALIDA DISSOLVERE PLAGA. In horum versuum secundo

quadratus prima manu, itemque a correctore oblongus, *respuere iectus*. in tertio quadratus *queat artus*. in undecimo oblongus *neque exire*. omne autem argumentum et imperfectum est et cetera interrumpit, ipsique versus infra suo loco recurrunt in libro v, 351—363. haec igitur omnia a Lucretio hic scripta non esse manifestum est, sed a lectore philosopho, qui hoc quoque argumento ex alio loco desumpto rem commodè illustrari posse existimaret. hic tamen cum ceteros versus, quibus de caelo ageretur, non tam facile ad animum transferri posse intellexeret, a coepto transcribendi labore mox destitit. at Michael Marullus illo audacior nihil veritus est ceteris transferendis immanes ineptias inferre; quos versus cum omnes libris veteribus sine exceptione omnibus abesse aut scirent aut certe deberent scire, plerique sine admonitione susceperunt, Wakefieldus, cui Forbiger adensus est, 'poëtae' (id est Marulli) miratur 'consideratam severitatem diligitque, per tam dilucidam ratiocinationem simpliciter mentem suam exponentis'. mihi Marulli male sedula simplicitas non nimis exagitanda esse videtur: subiciam tamen eius versiculos, ut appareat quae Lambinis et Wakefieldis (ceteros nunc omitto) Lucretio dignissima visa fuerint. *At neque, uti docui, solido cum corpore mentis Natura est, quoniam admistum est in rebus inane, [Nec tamen est ut inane: neque autem corpora desunt Ex infinito, quae possint forte coorta Corruere hanc mentis violento turbine molem Aut aliam quamvis cladem importare pericli: Nec porro natura loci spaciumque profundi Deficit, expargi quo possit vis animai Aut alia quavis possit vi pulsa perire. Haud igitur leti praeclusa est ianua menti.*

820. QUOD VITALIBUS AB REBUS. Lambinus LETALIBUS, recte: nam alterum plane absurdum est. idem Lambinus, cum Marullus orationem pendentem versu post hunc addito fulsisset, verius sensit post versum quartum perisse apodosin: sed Marulli versum, qui erat hic, *Scilicet a vera longe ratione remotum est*, non recte probavit illuc traiectum. est autem perspicuum ea quae exciderint in huius fere modi concepta fuisse sententiam, *Multa tamen tangunt animam mala, multa pericla*.

824. PRAETER ENIM QUAM QUOD MORBIST CUM CORPORIS AEGRIT. Recte Itali et Turnebus MORBIS *cum cor-*

poris, et Gifanius AEGRET. in ceterorum commentis nihil sani est. sed in Turnebi adversariorum xxii, 9 male scriptum video *cum*, rectius sine accentu in libro xxx, 10: est enim *cum* praepositio, non coniunctio.

826. MACERET. Itali MACERAT.

829. ADDI QUOD. Corrector oblongi ADDE.

835. SUB ALTIS AETHERIS AURIS. *Quadratus altis* (non *altas*) et *auras*. recte Gifanius *aetheris* ORIS. ita scriptum est in v, 143 ii, 1000 iv, 215 v, 656 683. de poetarum veterum usu exposui ad versum 405. concedendum est tamen non omnes idem secutos esse. Varro in corpore Putschii p. 2264 *Aureis*, quas modo *aetheris* scribimus, modo *quibus* audimus; nisi tamen legendum est *aëris*. sunt autem illae tres Putschii paginae excerptae e libro Varronis, sed interpolatae iis quae alio modo concepta leguntur in grammaticis Eichenfeldii p. 452.

844. DISTRACTAS ANIMI NATURA. Sic uterque. quadrati corrector et ceteri *Distracta* EST. quae Lucretius habet versu 838, ea acutius dixit Epicurus apud Laërtium x, 125 τὸ φοικωδέστατον οὖν τῶν κακῶν ὁ θάνατος οὐδὲν πρὸς ἡμᾶς, ἐπειδὴ περ ὅταν μὲν ἡμεῖς ὤμεν, ὁ θάνατος οὐ πάρεστιν, ὅταν δὲ ὁ θάνατος παρῇ, τόθ' ἡμεῖς οὐκ ἐσμέν. de eodem Sextus empiricus p. 175, 5 (apparet enim non recte scriptum esse φασί) φησὶ δὲ καὶ ὥς εἴπερ συνεστήκαμεν ἐκ ψυχῆς καὶ σώματος, ὁ δὲ θάνατος διάλυσις ἐστὶ ψυχῆς καὶ σώματος, ὅτε μὲν ἡμεῖς ἐσμέν, οὐκ ἔστιν ὁ θάνατος (οὐ γὰρ διαλυόμεθα), ὅτε δὲ ὁ θάνατος ἔστιν, οὐκ ἐσμέν ἡμεῖς. τῷ γὰρ μηκέτι τὴν σύστασιν εἶναι τῆς ψυχῆς καὶ τοῦ σώματος οὐδὲ ἡμεῖς ἐσμέν.

847. MATERIAM. Ita quadratus: *materiam* oblongus et Italici.

851. INTERRUPTA SEMEL CUM SIT REPENTIA NOSTRIS. Ita oblongus et olim impressi; itaque Antonius Marii filius et Marullus, nisi quod scripserunt *nostra*. quadratus *repentia*. Avantius *retinentia* nobis. Ioh. Bapt. Pius 'prisci codices' inquit 'habent *nostri*.' rectissime egerunt qui ita, RETINENTIA NOSTRI. nam nec *retinentia* nec *repentia* quid sit intellegi potest, nisi adiciatur cuius rei sit. *repentiam* autem *priorum* Arnobius dixit, Lucretius supra 675 *actarum rerum retinentiam*. quarum hanc alteram homo vivus habet, eaque potest non modo amitti atque *excidere*, sed etiam

interrumpi. huic similis est *nostri retinentia*, per quam retinemus nos tam diu quam non amiserimus nos, ut et *interrumpi* et recipi possit. at *repetentiam nostri* non habemus, nisi nos et naturam nostram ante amiserimus: ergo quam olim non habuimus, ea ne *interrumpi* quidem potuit.

853. QUI FUMUS, IAM DE ILLIS NOS ADFIGIT ANGOR. Olim impressi *Qui* FUMUS, itaque Antonius. idem AFFICIT, sed inepte *iamiam*: Marullus primus addidit *nec* ante *iam*. debuit NEQUE *iam*, in pede secundo versus hexametri. nam in primo et secundo pede tanta est codicum Lucretianorum constantia, ut ne ante vocales quidem scriptum sit *nec*, nisi in iv, 357 *Plaga nec ad nostras* et ter *nec opinanti* iii, 959 v, 1320 vi, 408, in v, 777 autem *neque opinantis*. contra in tertio et quarto pede is liber e quo nostri ducti sunt tam mire variat, ut ne quaeri quidem possit utrum poëta quibus condicionibus praetulerit. qua propter in hac re per totum poëma codices antiquos secutus sum, quorum neuter ullo in loco ab altero dissentit, nisi quod in libro i, 23 *neque amabile* est in oblongo, in quadrato et schedis *nec amabile*.

856. MULTIMODI QUAM SINT. Unus Wakefieldi codex, scilicet ex emendatione docti Itali, MULTIMODIS, recte: nam *multimodus* adiectivum lingua Latina non agnoscit, quamquam *totmoda* Catullum scripsisse multi crediderunt 115, 4. ita in iv, 1155 *multimodis* — *Esse in deliciis*. sed quae proxime secuntur, *facile hoc adcredere possis*, *Semina saepe in eodem*, *ut nunc sunt*, *ordine posta*, neque plenam sententiam efficiunt neque orationem: nam et *nostri corporis semina* intellegenda sunt, et credibile est hoc, ea saepe in eodem ordine posita olim fuisse. ea vero omnibus litteris scripta sunt eo versu qui octo aliis interiectis sequitur,

865. HAEC EADEM, QUIBUS ENUNC NOS SUMUS, ANTE FUISSE: hunc igitur ad superiora revocandum esse apparet. quis autem hoc mihi, ut primus dicerem, a tot tractatoribus relictum esse credat?

861. MISEREST FORTE AEGREQUE FUTURUMST. Ne hoc quidem quomodo procurandum esset quisquam priorum vidit. scribendum est *misere si forte*.

863. ID QUONIAM MOX EXIMIT, ESSEQUE PROHIBE ILLUM. Oblongus *mox*, quadratus *mos*: corrector quadrati et Antonius MORS. Turnebus *essequet prohibet*. scribendum

est *PROBET*, quem admodum in libro i, 977 membranae omnes habent *probeat*; quibus *praebere* et *debere* sunt simillima. *proiciet* tribus syllabis dixisse videtur Seneca hoc versu, *Et inter acies proiciet raptam duas* in *Phoenissis* 426. Plautus, qui *reicio* semper dixit per diphthongon, nihilo minus primam longam constanter retinet in *ejci dejci projci*: neque huius esse credo *coicitis* per diphthongon, in *Mercatore* v, 2, 91, sed *conicitis*, quem admodum dixit in *Asinaria* iv, 2, 5 *obicias*, quamvis alias maluerit *conjce objcitur* (*Merc.* ii, 3, 5) *injce adjceret* (*Poen.* v, 4, 1) *dissicit*. variat in uno eodemque *Medeae* versu 527 Seneca, *His adice Colchos, adjce Aeeten ducem*. Lucillii quidem versiculos, qui leguntur apud Nonium p. 296, 24, in hunc modum disponi malo, *ego animam Próiciam, ut me amore expediam?* quam ut in fine septenarii sit *ego animam próiciam*: verba ipsa quomodo constituenda sint dubium esse non potest, cum libri habeant *ego enim an per eiciam ut me amare expediam*; quamvis Nonius his praescripsisse feratur *Expedire, utile esse*, quasi legisset *ut mi amare expediat*.

867. NEQUE HILUM DIFFERRE ANNULO ANULLO FUERIT IAM TEMPORE NATUS. Quadratus *anullo anullo*. oblongus prima manu *tempora*. huius corrector delevit *annullo*, idemque fecerunt eo non prudentiores Wakefieldus et Forbiger; quorum alter scripsit *a nullo*, quod sententiam nullam facit, alter *an ullo* nec Latine nec iusto syllabarum modulo. cum Marullo plerique *an nullo*, quod nihilo melius est: dicit enim contrarium eius quod requiritur. *anne ullo fuerit* quam recte dicatur ignoro: scribendum puto ANTE ULLO *fuerit iam tempore natus*, ut supra 852 *ante Qui fuimus*. porro poeta hic sine dubitandi particula dixit *nihil differt iam natus fuerit*, et similiter in iv, 1259 *magni refert Crasaeque convenient liquidis et liquida crassis*.

871. UT AUT PUTES CORPORE POSTO. Antonius Marri filius, item Marullus et Avantius, *putrescat*: Pius (nam Forbiger se editionem Pii non habere sciens falsum dicit) *PUTESCAT*. horum neutrum ab hoc loco alienum est. in libro Lucretii v, 307 *putrescere saxa* et 832 *Namque aliud putrescūt et aevo debile languet*, de iis rebus in quas malus odor non cadit, sed mador et per eum corruptio. minus recte, nisi fallor, *putrescere semina* in Varronis rerum rusticarum libro

i, 34, 1. nam *putria* dicuntur resoluta, plerumque per umorem, u correpto ut in *putei* vocabulo, quod huic adiectivo affine est. contra *putidus putere putescere* u producto ad odorem pertinent, quem, cum foedus est, non nulli *putorem* dixerunt. at apud Lucretium ter iisdem fere verbis repetitis ii, 872 929 vi, 1101 *putor* legitur ita de terra, ut putredo intellegi debeat, non fetor sive *putidus odor*, quomodo interpretatur Varro de lingua Latina v p. 42. his locis Naugerius fecit *putrorem*, quod Forcellinus Arnobio adscribit, qui dixerit libro v p. 166 *ne putrore corpus dissolveretur ullo*; ubi in Parisino codice videtur esse *putore*, itemque in ii p. 46 *tellus uliginis alicuius conversa putore tamquam vermes animaverit*. itaque difficile est de his vocabulis aliquid certi pronuntiare, neque mihi Madvicus videtur rem absolvisse ad Ciceronem de finibus p. 683.

873. NOSINCERUM. *Quadratus nos sincerum*: eiusdem corrector et Itali *non sincerum*.

877. NEC RADICITIUS. Brixienſis editio cum Italis *RADICITUS*.

880. VOLUCRES IACERENT. Impressi cum Italis *LACERENT*. mox oblongus *se dividit illum*, quadratus *se vidit illum*. ante vocalem maior pars poetarum dixerunt *illinc*: sed Plautus in Poenulo v, 2, 98 *Subreptus sum illum*: hic me *Antidamas hospes tuus Emi*; et in Captivis iii, 4, 125 *Ite istim atque ecferte lora*; item Terentius in Hecyra iii, 1, 17 *Vix me illum abstraxi*, ubi Bembinus verum subindicat, qui habet *illi*; Cicero paulo saepius ante vocales, ut *puto*, quam consonantes. in Aeneidos libro vi, 389 de distinctione ne P. Wagnerum quidem satis recte iudicare miror. id quod unice verum est, *Fare age, quid venias, iam istinc, et comprime gressum*, imitando probarunt Statius in Thebaidos iii, 347 *iam illinc a postibus aulae Vociferans*, et Dantes divine in Purgatorio 9, 85 *Ditel costinci*. in Tusculanis Tullii, libro iii, 26, item de oratore iii, 165, inepte non nulli fecerunt *illico istim* in versibus Ennii; quibus rectius inseremus *stetis*, hoc modo. *Nolite, hospites, ad me adire. ilico istic, Ne contagio mea bonis umbrave obsit, Stetis. tanta vis sceleris in corpore haeret*.

886. CUI POSSIT VIBUS SIBI SE LUGERE PEREMP-
TUM, STANSQUE IACENTEM LACERARI URIVE DOLORE.
Quadratus dolorem. haec Wakefieldus omnium primus recte

scripta edidit. QUI Itali et Marullus et Avantius, secundum eosdem Italos Avantius *iacentem se*, Lambinus *DOLERE*.

890. TORRERESECCERE FLAMMIS. Itali et Brixienensis editio TORRESCERE.

893. SUPERNE OBRUTUM. Marullus OBTRITUM. scholiastes Statii ad Thebaidos III, 98 ut *Lucretius*, *Iusta hominis sepultura nihil prodest*.

894. AMIAM NON DOMUS ACCIPIET. Ita oblongus. quadratus *Vimiam*: nam eum habere *Nam iam* mendacium est. olim impressi *Atnuam* vel *Atviam*, unde Marullus *At iam*. aptissimum est *IAM iam*, quod habet Antonius Marii.

897. FACTI FLORENTIBUS ESSE. Corrector quadrati et idem Antonius FACTIS.

902. QUO BENE SI BIDEANT. Olim impressi, item Antonius et Marullus, QUOD *bene*.

906. AT NOS HORRIFICO CINEM FACTUM TE PROPE BUSTO. Nonius p. 93, 33 *Cinefactum*, in *cinerem dissolutum*. *figuratio ut tepefactum et labefactum*. *Lucretius lib. III Ad nos horritico CINEFACTUM te prope cohui*. pessime interpretatur Nonius, huius modi verborum rationis ignarus: nam *cinefactus* non est is qui cinis factus est, quem Latine licebat dicere *cinificatum* vel rustico vocabulo *cinu' factum* (nam hoc *cinus* habent glossaria Labbaei et Siculus Flaccus de condicionibus agrorum p. 140, 17, item alii mensores p. 308, 35), sed *prope cinefactus* est qui iam prope cineris colorem et adspectum nactus est; ex quo apparet versu proximo membranas recte habere *Insatiabiliter deflevimus*, libros impressos inepte *deflebimus*. scilicet haec verba ante omnia ab aliis segreganda sunt, cum quibus nihil commune habent, ut *bene facere*, *fabrefacere*, *magni vel lucri vel compendi vel sumpti facere*, *ludos facere*, *vale facere*, quo Afri usi sunt pro *vale dicere*. nam ea de quibus agimus a verbis neutris descendunt, ut *tume facere*, *rube facere*, *putre facere*, *excande facere*, *pallefactus* (apud Diomedem p. 334), cetera. ergo *cinefactus* est a *cinendo* vel *cinescendo*, quod non minus recte dici potuit quam *cinelescere*, quo Tertullianum usum esse in lexica relatum est: simile enim est quod Horatius dixit *ciniflones*. memorabile est autem non omnia a verbis secundae declinationis formari, sed *vace fieri* et *labe fieri* a *vacare* et *labare*, *treme facere* a *tremere*, *expergefactum* vero ne ab *expergere* quidem, sed ab

expergi, et *domefactam tellurem* apud Petronium 99 a *domari*, ut *perterre facere* a *terreri*, *condoce facere* a *doceri*, *commone facere* a *moneri*, *allicefactus* ab *alliceri* sive *allici*, id est a *passivis*, non a *neutris*. sed *valle feci* Varronis apud Nonium p. 217, 24 magis convenit cum *vallessit*, *perierit* (nam vitiose apud Paulum diaconum p. 161 scriptum est *vallescit*), quam cum *evallaro*, quod Nonius rettulit p. 102, 1 : et diversa secutus est Varro, cum dixit *ferve facito* et tamen in versu *Fervere piratis vastarique omnia circum*. porro ad explicandum *vace fit* quod Wagnerus in tomo v Vergilii p. xxv ex Vaticanis schedis tamquam antiquum enotat, *Hoste vacere domos* pro *vacare*, mihi fide non dignius videtur quam *cum evacuerit*, quod pro *evacuaverit* scriptum legi in epistula priore ad Corinthios xv, 24. sed quoniam mihi ad has grammaticas quaestiones excurrendum fuit, non inutile duco de horum verborum accentu indicare, non posse ea magis barbare proferri quam siquis *calēfis* dicat aut *calēfis* aut *caléfācis*, quod nostri homines regulam satis ancipitem caeco impetu perditae sequentes facere solent. hoc modo qui veros vocabulorum sonos pervertunt, Priscianum aut contemnunt aut ignorant de his verbis curiose praecipientem p. 803. *Si vero facio vel fio integris manentibus*, inquit, *aliud verbum infinitum ante ea componatur, non solum significationes et coniugationes integras eis servamus, sed etiam accentus, ut calefācio calefācis calefācit, tepefācio tepefācis tepefācit: in secunda enim et tertia persona paenultimas acuius, quamvis sunt breves. similiter calefio calefis calefit, tepefio tepefis tepefit, finales servant accentus in secunda et tertia persona, quos habent in simplicibus*. hunc igitur auctorem qui sequetur, is certe meram et propriam barbariem deponet: sed veteres ita dixisse, *calefis* et *calefit*, non credet qui linguae Latinae vicissitudines consideraverit. itaque cum ad Prisciani aetatem partem tamen veri pervenisse probabile sit, mihi satis certum videtur veteres huius generis verbis bis accinuisse, ut dicerent *calē fis* et *calē fācit*. in participiis tamen hunc duplicem accentum locum habuisse non puto: nam neque usquam legi *mansuēque factum*, *ferve bene factum*, *factum are*, et ea quae distractis vocabulis scribi non possunt, qualia sunt, *inlabefactus*, *labefactare*, *frigefactare*, quo Plautus bis usus est, *calefactare*, item *patefactio*,

satis ostendunt veteres sub uno accentu protulisse *labefáctum frige fáctum cale fáctum pate fáctum*.

908. MEROREM ET PECTORE DEMET. Corrector quadrati et ceteri e *pectore*. versum Aristophanum Varronis, quem Mercerus rectissime ita scriptum edidit, *Demitis acris pectore curas* (vel *luctus*) *cantu castaque poësi*, in Nonii p. 241, 1 et 267, 13, Wakefieldus ad Lucretium III, 65 corripit, et turpius Olearius, qui ne versum quidem esse vidit, in Varro nis saturis p. 185.

910. AD SOMNUM SE RES REDIT. Corrector oblongi *SI res*.

914. FLUCTUS. Itali et Marullus FRUCTUS.

917. QUOD SITIS EXURAT MISEROS ATQUE ARIDA TORRAT. Ita cum olim impressis quadratus et a correctore oblongus: hic prima manu *torret*; ut in archetypo videatur fuisse *TORRÊT*. vellem tueri *torrat*, si et possem neque tam absurde collocatum esset epitheton. itaque cum nomen substantivum requiratur, scribendum puto *atque arida TORRES*. id vocabulum est in glossario Cyrilli, ἀρόανμα, *ustilacio, torres*. similia sunt *labes tabes pubes torques saepes moles nubes sedes ambages compages contages rupes*. certum est autem non esse legendum cum Gifanio *torreat*. nam duas vocales breves, quibus consonans adiecta sit, in unam syllabam coalescere posse praeter quam in compositis, qualia ad librum II, 1061 tractavimus, non didici. sunt autem huius modi res observando discendae, non a grammaticis, quorum negligentia fit ut omnia licita esse videantur. itaque *eodem eadem* binis syllabis dixit Lucretius, sed *eandem* tribus. in Ovidii metamorphoseon VI, 113 Heinsius secundum duos codices verum esse iudicavit hoc, *Aureus ut Danaën, Asopida luserit igneus*; ubi satis eleganter ceteri *ignis*. neque apud Catullum 64, 178 scribi debet *Idomeneosne petam montis* (nam hi generativi o brevi efferuntur a poetis Latinis), sed *Idomeneusne* ad exemplum Homerici illius, quod multis placebat in Iliados 7, 424, Ἰδομενεὺς δ' οὐ λῆγες μένος μέγα. hoc tantum sciò, si illarum vocalium prior *i* vel *u* sit, eam posse aliquando consonantis potestatem adipisci. ita *tenvior* duabus syllabis dixit Statius in Thebaidos IV, 697, ita Persius II, 10 *Ebulliat patruus*, et Iuvenalis, ut puto, *qui pulmentaria condiat* VII, 185. Ennius apud Ciceronem de divinatione I, 108 et apud Cha-

risium p. 114, item in Hercule 1095 Seneca, *quattuor littera u* aut praetermissa aut in consonantem durata. neque tamen ullo modo credibile est Germanicum Caesarem in Arato dixisse *Graecia praecurram potius quam triangula dicam*, quod ei adfingunt codices Prisciani p. 1358: verissimum fuerit *cur divite lingua Graeca parum curem, potiusque triangula dicam*. Sulpicia quoque indignum est quod legitur in satira eius, *Nec trimetro iambo nec qui pede fractus eodem*; quae mihi videtur scripsisse *Nec trimetro, nec qui fractus pede iambo eodem Fortiter irasci didicit duce Clazomenio*. scaenica licentia, per diphthongum, nisi fallor, Lucilius apud Nonium p. 19, 1 *In terra fuit lucifugus*, et p. 26, 5 *Conpernem aut varam fuisse*, idem apud Ciceronem de finibus 1, 9 *Maluisti dici et Id quod maluisti*. his paulo laudatiora sunt quae in *m* litteram exeunt: neque ea ad hoc genus pertinent, si verum est quod ad librum 11, 991 dixi, in his esse syllabam natura longam. itaque *avium* duabus longis syllabis Ennius dixit, *Avium praepetibus*, apud Ciceronem de divinatione 1, 108, item Catullus similiter *Camerium mihi pessimae puellae*, et Horatius *Vos lene consilium et datis et dato, Hinc omne principium huc refer exitum*. in his *i* litteram pinguescere perspicuum est. quare in Graecis huius modi nihil admittitur: nam *Pharsaliām* coëunt Catullo imperite non nulli adscripserunt: sed in Latinis *conubium* Lucretius v, 1013 et Catullus 62, 57 dixerunt tribus syllabis, Ovidius *et spissi litoris Antium* metamorphoseon xv, 718, Iuvenalis satira vi, 82 *comitata est Eppia ludium*, Lucilius *Inde Dicæarchium populos Delumque minorem*. hoc in Pauli codicibus p. 122 scriptum est *diciarchicum*: veram generativi formam confirmabo ad librum v, 85. *Dicarcheos* Silio aut Statio placere potuit, non Lucilio: *Dicæarcheum*, quod Müllerus fecit, Latinum esse nego, neque *deum* monosyllabum, quod ille a se saepissime observatum scribit, extra versus scaenicos quisquam dixit. posuerunt tamen *balteum* et *alveum* per diphthongon disyllaba epitomator Iliados 632 et Statius Thebaidos v, 1, sed soli, neque ita quisquam *Theseum* aut *Orpheum* dixit, in quibus *e* vocalis Graeca cum *u* Latina non coit.

919. VITAMQUE REQUIRET. Recte Naugerius REQUIRIT.

922. NEC DESIDERIUM NOSTRI NOS ADIGIT ULLUM.

Marullus *addigit* : Antonius , Avantius , Naugerius , *attigit* , quod Lambinus praesenti tempore accipit . eidem Lambino Gifanius adscribit *ADFCIT* , quod et hic unice verum est et in versu 853 . proxime ante haec oblongus *esse soporem* , quadratus *esse praemo* : mox idem quadratus *tunc illa per artu* , tum *motibus serrant* , deinde *turbæ dislectus* et *Consequitur lecto* ; omnia vitiose , et omnino librarius , sive ipse sive is quem sequitur , negligentissimus fuit , ut non debeat nos morari ubicumque oblongus recta et aperta praebet .

935. NAM GRATIS FUIT TIBI VITA ANTE ACTA PRIORQUE . In his nihil reprehendi debet nisi defectus syllabæ , quam facillime ita supplebimus , *Nam gratis fuit HAEC tibi vita* . olim impressi *Nam gratum fuit* ; unde exorsi plerique vanissima protulerunt . sed Marullus idem quod nos in suo codice scriptum invenit (nam ne ab Antonio quidem Marii filio aliud exhibitum est) , ex quo fecit *Num gratis fluxit* ; melius certe quam Wakefieldus *Nam gratum fuerit* , quod Eichstadius et Forbiger ament licet . Naugerius non inepte *Nam si grata fuit* .

941. VITAQUE IN OFFENSOST , CUR AMPLIUS ADDERE QUAERIS RURSUS QUOD PEREAT MALE ET INGRATUM OCCIDAT OMNE . In *offensost* quadratus et in litura oblongus , in quo videtur prima manu fuisse *in offenst* . recte Lambinus *in OFFENSUST* . tum oblongus et olim impressi *addere queres* et in versu altero *mali et* . hoc vero ipsum *mali et* , cum Wakefieldo elegantius visum esset , arti poëtae adversari M. Hauptius docuit in observationibus criticis p. 17 . possum instare vitiosum plane esse et sine exemplo . nam cur credam Senecam in Phoenissis 394 dedisse *Vide ut atra ? cum posset scribere Viden ? atra nubes pulvere abscondit diem* . in Lucilii autem versibus qui sunt apud Nonium p. 260, 28 et 308, 18 (ii versus hoc modo scribendi sunt , *Dum poclo bibo eodem , amplexor , labra labellis Ficta eius compono , hoc est cum psolocopumae* : Nonii exemplaria *Fictrices* , Nonius ipse *ficta a fingendo* duxit , cum sit *a figendo*) , in his *bibo* littera *o* aut correpta aut potius non elisa dicendum est . nullus enim poëtarum praeter veteres scaenicos vocabulorum iambicorum vocalem extremam cum brevi syllaba copulavit . argumento esse potest hiatus in hoc genere non infrequens , ut *Hyla Hyla ; iustosque pati hymenaeos ; Maeonia generose domo , ubi pinguis*

culta. quin ipse Plautus hoc modo hiare amat. in *Aulularia* prol. 5 *Patrī avoque iam huius qui nunc hic habet*. in *Pseudulo* IV, 7, 105 *'Eri imagine obsignatam epistulam hic ante ostium*. in *Rudente* I, 2, 93 *Sī apūd me esuru's, mihi dari operam volo*. IV, 3, 80 *Quémne ego excepi in mari? at ego inspectavi e litore*. in *Poenulo* I, 3, 23, *Neque quāntum aquaist in mari. abiturun es?* II, 49 *Certūm. tum tu igitur die bono Aphrodisiis*. IV, 2, 81 *Qui eum surripuit huc devexit, meoque ero eum hic vendidit*. in *Mercatore* IV, 4, 9 *Abi. quid abeam? st, abi. abeamne? abi*. in eadem V, 2, 5 *Dōmi erat quod quaeribam*. in *Trinummo* II, 4, 159 *Lepide hērcle agrō ego hoc hunc senem deterrui: sic Ambrosianus*.

943. VITAE FINEM IACIS. *Finis*, quoniam suum quaeque ars loquendi usum habet, non *iacitur*. recte Lambinus FACIS, ne indicio quidem facto emendationis. Sallustius in *Iugurtha* 10, 3 *quoniam mihi natura finem vitae facit*. Cicero in epistularum ad Atticum libro XVI, 16, 16 *ut nostrae sollicitudinis finem quam primum facere possimus*.

945. QUOD PLACET. Recte omnes praeter veteres membranas *Quod PLACEAT*.

947. CONFECTI LANGUENTE, EADEM TAMEN OMNIA RESTAT. Corrector quadrati et ceteri LANGUENT et RESTANT.

948. SI PERGES. Hic quoque recte Lambinus, sed tace, *si PERGAS*: nam in versu proximo, qui quadrato abest, ut dixi ad 759, legitur *si numquam sis moriturus*.

950. QUID RESPONDEMUS, SI IUSTAM. Marullus NISI. supra 771 oblongus *si erit consors*.

952. ATQUE OBITUM LAMENTETUR. Idem Marullus *At qui obitum*; non recte: debet enim ante hunc versum is collocari, qui orationis laxat vincula, dum naturae verba interrumpit, *Grandior hic vero si iam seniorque queratur*.

954. AUFER ABHINC LACRIMAS, BARATRE. Βάραθρος, convicium hominis barathro digni a compluribus grammaticis Graecis ex scriptore hodie ignoto relatum, quomodo poetam Latinum decere possit non video. Marullus *barde*: rectius ii quorum nomina Turnebus in adversariorum XX, 26 reticet, qui volebant BALATRO. hoc idem post illos Nicolaus Heinsius invenit, qui exposuit ad Ovidii amorum III, 3, 1, probante Bentleio ad Horatii sermonum II, 3, 166.

neque enim credibilia sunt quae habent ad Horatii sermonum I, 2, 2 Acro et commentator Cruquianus p. 317, *legitur et barathrones, qui bona sua devorando quasi in barathrum mittunt*. sed idem Heinsius *Aufer, abi, hinc lacrimas*; quod ne cui blandiatur, vitiosum esse paulo post curiosius ostendam. *abhinc* utrum *in posterum* significare posset docti disputarunt, Pacuvium in Armorum iudicio ita posuisse negare non potuerunt, *seque ad ludos iam inde abhinc exerceant*, quae verba sunt apud Charisium p. 175. ergo eodem modo hic quoque accipiendum est; quod cur Handius improbet in Tursellino I p. 66 non intellego. *abi hinc* alius fortasse poeta scribere potuit, Lucretius certe non potuit, qui vocabula iambi pedis mensura comprehensa, quale est *abi*, non modo cum brevi, ut dixi paulo ante, 941, sed ne cum longa quidem syllaba collidit. facillime enim evitari potest quod unum habet huius collisionis exemplum, *equi atque hominis* in IV, 741: nam *suo in* libro IV, 472 aperte vitiosum est, neque mentione digna sunt *vel uti in viridi* et *uti in quadrato* quae leguntur in II, 322 et 780. communis poetarum tantum non omnium regula est, ne post vocabulum iambicum in vocalem desinens syllaba acuta ponatur, nisi cum hiato, velut *Hyla omne sonaret; vale inquit Iolla; novo ductus Hymenaeo; Posthabita coluisse Samo: hic illius arma. ita liquere ferae, o quantus in armis Gratius* 528. ita Catullus 114, 6 *Saltum laudemus, dum domo ipse egeat*; ubi male libri *dum modo*. Seneca et Phaedrus soli vetere iambeorum licentia carere noluerunt. tragicus in Thyeste 1065 *et aggressi manu Mea ipse flammis*, in Troasin 973 *meae ignota est*, in Medea 150 *Sile obsecro*, in Hercule 262 *hoc sinu immenso exeat*, ibidem 813 *hac manu, hac*. Phaedrus III, 7, 15 *Veni ergo*, V, 10, 4 *Tace inquit*, in Perottinis 22, 10 *Ave usque*: neque in IV, 22, 8 improbarem *in Ceo insula*, nisi librorum scripturae propius esset *Cia*, de quo dixi supra ad versum 374: horum similia habet in satiris comico metro scriptis Lucilius, item in versu Sotadeo Varro *equi hinniunt* apud Nonium p. 156, 25. sed Vergilio in Aeneidos VII, 464 imperite quidam apud Servium adscripserunt *aquae dmnis*, et imperiti fuere qui geminarunt *ite* in versu Sillii X, 599 hoc, *Et gliscunt adversa metu. ite, ocius arma*. idem Vergilius *ago* et producta *o* et ante *et* vel *aut* *elisa* posuit: versus eclogae I, 13 non recte procedet, nisi vocali

correpta efferemus, *Protinus aeger ago: hanc etiam vix, Tityre, duco*; nisi forte scribendum est *ago*, et *iam hanc vix*. Catullus in carmine 61, 98, ubi in libris est *viden ut faces*, non scripsit *vide ut faces Splendidas quatiunt comas*, sed *viden? faces: nam ut*, quotiens valeat id quod *quomodo*, acuto accentu efferri testantur Charisius p. 202, Diomedes p. 388, Servius ad Aeneidos I, 667. neque Horatius in epistularum II, 2, 163 dixit *nempe modo isto*, sed *modo sto*. sic in Aeneidos VI, 389 Medicus prima manu *iam stinc*, in M. Tullii Accusationis libro I, 47, 123 Vaticanus *quem ammodum ste*, in eiusdem epistularum XV, 19, 4 Cassius *utrum sta*, ipse in IV, 3, 2 *quid me sta res*, Nonius p. 428, 4 ex Ciceronis de oratore I, 87 *quae sti rhetores*, idemque p. 448, 30 et 536, 33 e Varronis Modio *quam storum*. *iam stoc dicto* p. 476, 20 e Plauti Bacchisin IV, 4, 28, *ingenio si sto* e Caecilio comico p. 127, 16, e Patruo Pomponii p. 474, 25 *Mirum facies, fatue, si stud nimium* (libri *si studium*) *mirabis diu, nimium stuc* ex Adelphis Terentii II, 1, 15 p. 367, 23, in consonante vera *at stuc* ex Andria III, 3, 34 p. 219, 20 et apud Ciceronem pro Tullio cap. 8 *quid vobis, inquit, stic negoti immeo est?* idem hoc Priapeo 69 restituendum puto, ubi est *nisi*, sic, *Smerdaleon certe sti res non munda vocatur*, scilicet Homero, cuius sunt *Σμερδαλέ' εὐρώεντα* et *Σμερδαλέος δ' ἀντήσι φάνη κεκακωμένος ἄλμυ*. atque ea pronominis forma non videtur tam rustica fuisse quam putavi cum de ea scriberem ad Ulpiani regularum librum 2, 7 et ad Gatum p. 128. nam *isto* disyllabon in Horatii versu totum gravari potuisse credibile non est; quamquam Lucilius et Catullus hoc modo minoris ponderis vocabulo usi sunt *atque*, Silius quibusdam praepositionibus. Lucilii est *tute vide atque disyllabon* apud Nonium p. 26, 7, eiusdem *fimo atque sucérdis* apud eundem p. 175, 13, Catulli in *idco atque vino* 12, 2 et *frater ave atque vale* 101, 10 (quamquam Quintilianus I, 6, 21 suo tempore *have* secunda correpta dici testatur, quod tamen poëtarum usus non confirmat), Silli II, 227 *Inter dumque manu, inter dūm clamore minisque*, VIII, 75 *mitique manu intra lūmina ducit*, X, 309 *misitque vtri inter sidera nomen*. praemisi rariora et prope vitiosa: maior pars poëtarum post vocabula iambica nullis aliis locum concessit nisi quae aut monosyllaba essent et gravia aut hyperdisyllaba post primam syllabam acuta. haec non modo ii quos ultra progressos esse dixi admise-

runt, Lucilius, Catullus, Seneca, Silius, sed Cicero, Vergilius, Horatius, Propertius, Ovidius in metamorphoseon libris, Petronius, Lucanus, Valerius Flaccus, Statius, Iuvenalis. sunt qui hoc collisionis genere rarissime utantur; Cicero in Arateis bis, *retro ad* 152, *Magnu' leo et claro* 263, idem de consulatu in II, 67 *modo ac virtute*, in Homericis de divin. II, 63 *virī et duos*; Petronius bis, *cīe ac, tubae ac*, 120, 94 124, 270; Sulpicia Caleni semel *domi et* 22; Iuvenalis bis, *pati his epulis* V, 173, *morae impatiens* VI, 327, cum ter hiare maluerit, *Samo, hic* III, 70, *gula? ergo omnia* V, 158, *sua atque* VI, 274. semel in Ciri 94 *meo inficiunt*, semel Germanicus 439 *loco et*. Lucilii in hexametris haec notavi. *bono et* (Cic. ad Att. XIII, 52), *Et virtute tua et claris* (Non. p. 274, 21), *Tempestate sua atque eodem* (Gell. III, 14), *cito atque anquīna* (Non. p. 536, 8). in Moreto 95 *Spargit humi atque abicit*. Vergilius in hoc genere et saepissime posuit, *manu et creta, diu et, ferae et, fere et, iugo et, veni et, solo et, pati et, nova et, cīe et, fame et, draco et*, ut ea tantum enumerem quae sunt in georgicis; multo parcius atque elisa vocali, ut *cavae atque obiecta* georg. III, 253 434 Aen. X, 31 XI, 401, neque saepius aut georg. III, 466 X, 66 IX, 408, semel *in primis* Aen. I, 303, semel *ad* XII, 739, semel *id* georg. II, 263, semel *hunc* XII, 532; idem plurimum syllabarum haec, *invddunt* Aen. III, 240, *involvens* VI, 336, *eloquio* XI, 383, omnia in secunda syllaba acuta. in Sabino idem Vergilius *Tua in palude*. Ovidius quidem in metamorphosesin sola et coniunctione ita usus est, et in secunda acutis; Lucanus et I, 578 IV, 238 471 V, 733 VI, 709, hyperdisyllabo nullo; praeter et monosyllabis, aut Horatius Propertius Silius, atque eliso et ac Silius, Valerius Flaccus, Statius, ad Catullus et Silius, ex Catullus, in Propertius, deo inque aliis Valerius Flaccus VIII, 102, *quod Iovi hoc regi* Seneca in Hercule furente 489, *non suo at vacuo* idem in Hippolyto 1268, *humo haud umquam* Silius V, 298, *hic* adverbio Statius Theb. V, 577, *equi ut videre* idem in VI, 486. quae in tertia quartave accentum habent paucissimi cum iambicis colliserunt, Varius in versu senario iam fero infandissima apud Quintilianum III, 8, 45, Seneca *Diu expetitos* in Thyeste 1022, Silius noto advertēre I, 288, *loci explorare* VI, 168, *loci aspernatus* VI, 460, *sinu indefensa* VI, 652, *equo adventare* XV, 439, *morae increpūdare* VIII, 265, *freto imposuere* XVII, 255. hoc genus Catullo valde placuit,

Tuo imbuisset, e foro otiosum, sua occupati, Novi umbilici, die otiosi: Horatio in carminum III, 21 non ausim adscribere *mero incaluisse*, et Ovidius hiare maluit amorum II, 13, 21, *precibusque meis fave Ilithya*. sed quod maxime memorabile est, non exigua pars poetarum ab elisione vocabulorum iambicorum omnino abstinerunt: primum quidem quicumque praeter Catullum et Propertium Undenis pedibusque syllabisque scripserunt, Tibullus cum Lygdamo et Sulpicia, Ovidius, Priapeorum poetae, Martialis, sed multi quoque alii, Ennius in hexametris, Varro extra Sotadeos, Lucretius, Valerius Cato, Gratius, Manilius, Iliados interpres, Columella, Persius. in hendecasyllabo tamen, ut puto, Bibaculus *duplici toga involutus* apud Charisium p. 102. in Priapeo 64 male contra codicum fidem scribitur *sustinens diu aestatem*: debet esse *Parum est quod, hic ut fiximus semel sedem, Agente terra per caniculam rimas Siticulosam sustinemus aestatem*. ex elegiacorum numero excerpendus est qui composuit ad Messallam carmen, in quo est *rubro Eleis* 32, item qui scripsit in epistula Helenae 97 *Disce meo exemplo*. sed in Priapeo 84 scribendum est *Vere rosa, pomis autumno, non rosa autumno pomis*: atque in Ovidio amorum II, 19, 20 et in Martiale VII, 20, 20 Heinsius peccavit, cum fecit *time insidias* et *domo intulit*. quod autem in operum Ovidianorum corruptissimo (tristitia dico) legitur distichon ab omni parte absurdum, libro II, 295, *Venerit in magni templum, tua munera, Martis, Stat Venus Ultori iuncta viro ante fores* (nam neque in templum intrat qui ea quae ante fores sunt videre vult, neque Mars Veneris vir est, sed Vulcanus), id quamquam emendare non poteram, non tamen propterea credebam Ovidium *viro ante* scribere potuisse, quippe qui in tanto carminum numero nihil usquam simile ausus esset: nunc Maur. Hauptius manum poetae emendatione pulcherrima restituit ita, *Stat Venus Ultori iuncta, vir ante fores*. idem tamen Ovidius locis non paucis est cum vocabulis iambicis collisit; in quo dubitari non potest quin e litteram suppresserit, *tuost, meaest, locist, solost, rogost, diust, necist*. atque eadem haec, ex iis poetis quos cautissime in hoc genere versatos esse dixi, habent Lucretius, Tibullus IV, 4, 7 *malist* et in Priapeo *novist*, Gratius 412 *malost*, Manilius II, 427 491 *parist* et *Iovist*, Priapeum 16 *virost* et 41 *suost*, Persius IV, 17 *bonist*, Martialis III, 97 *meost*, IV, 16

domist, viii, 6 *virost*. ceteri qui hanc elisionem non solam, sed ea quoque quae supra commemoravi admiserunt, ut Vergilius (Aen. iii, 629 iv, 691), Horatius, Catullus (*mea est* 87, 4, *nothoes* 34, 15), Propertius (in huius libro i, 2, 7 Neapolitanus *tuaest*), Seneca, Phaedrus (i, 27, 8), Lucanus (i, 139 ix, 639 x, 358), Silius (xiii, 439 xv, 151), Valerius Flaccus (iii, 555 viii, 341), utrum vocales coniunxerint an *est* sua truncaverint, hac quidem ratione, nisi accesserint aliae, velut quae dixi ad librum i, 993, ad iii, 374, ad iv, 1169, satis certo dici non potest: sed qui *est* post iambica numquam usi sunt, Cicero, qui scripserunt Diras et Cirin, Germanicus, epitomator Iliados, Columella, Statius, Iuvenalis, horum pars dubitasse videtur an illud *est* sui parte privatum poësi non satis conveniret. ceterum rationem artis in disyllabis iambicis positae (est autem horum synaloephe synizesi similior quam ecthlipsi) ex parte perspicere poterunt qui versus Italorum cognoverunt; in quibus ut regulas easdem observari ostenderem, aliquot Petrarchae carmina subieci. *Ma me, che così a dentro non discerno. Così in tutto mi spoglia. Con la lingua possente legò il sóle. Così avéss' io i prim'anni. I' son prigion, ma se pietà ancór serba. Or dimmi, se colú'i'n páce vi guide. Sard' ancór meco, se'l desir non erra. Così mi vivo, e così avvólge e spiega. Me legò innánzi, e te prima disciolse. Tu vedrà Itàlia e l'onorata riva.* nec raro in hoc genere hiatus admittitur aut necessario aut ex poëtarum arbitrio. *Veramente a così álto sospetto. Che farà ór, che son più presso a dio? Pensando pur, che sarò io? che fui? Però al mio parer non gli fu onore. Vedi colà un ángel che s'appresta. O signor mio, quando sarò io liétto?* superest ut hic quoque Plautum elisionem minus suavam interdum hiando evitasse dicam. in Asinaria v, 2, 45 *Díc amabo, an fetet anima túae uxori?* (sic recte Nonius p. 233, 6) *nauteam.* in Amphitruone v, 1, 54 *Nón metuo quin méae uxori latae suppetiae sient.* in Bacchidibus i, 1, 19 *Dúae unum expetitis palumbem.* ibidem iii, 1, 14 *Túa infamia fecisti.* in Milite iii, 3, 58 *A túa uxore mihi datum.* in Stichó i, 2, 95 *Sí quae forte ex Asia navis héri aut hodie venerit.* in Persa ii, 2, 44 *Ubi illa álterast furtifica laeva? dómi. eccam húc nullam attuli.* in eadem iv, 3, 14 *Dí dent quae velis. ého an iam mánu emisti mulierem?* in Poenulo i, 1, 88 *Bóno ingenio me ésse ornatam.* et iv, 2, 51 *Vólucres tibi erunt túae hirquinæ.*

958. IMPERFECTE TIBI . Antonius Marii et Marullus IMPERFECTA .

960. DISCERE RERUM . Oblongus prima manu *dicere* . Itali et impressi DISCEDERE .

962. AEQUO ANIMOQUE AGENDUM MAGNIS CONCEDE : NECESSEST . Itali et impressi AGEDUM . tum Marullus *iam aliis concede* . debuit paulo vehementius dici , et propius ad litteras , DIGNIS *concede* . Horatius *Absumet heres Caecuba dignior* .

964. CEDI ENIM . Itali et impressi CEDIT .

966. NEC QUISQUAM IN BARATRUM NEC TARTARA DEDITUR ATRA . Quadratus *dedit* , eiusdem corrector *decidit* . hoc arrepto Lambinus *Nec quicquam decidit* . Bernaysius p. 547 cum in Leidensibus *quicquam* esse scribit , mihi videtur falli : certe ego in utroque me non *quidquam* sed *quisquam* scriptum legisse annotavi .

978. ATQUE EA NI MIRUM . Ita membranae , ita Antonius Marii , ita apud Priscianum p. 554 , ubi et hoc versu utitur et 984 , omnes Krehlii codices . at olim impressi *Atque animarum etiam* , errore mirabili , quem auxerunt scribendo *Atqui* Marullus Avantius Naugerius et in Prisciano Putschius . Lambinus id quod verum est restituit : Wakefieldus Eichstadius Forbiger quid optaverint iam sciet qui eos cognorit .

983. QUEM CUIQUE . Sic oblongus , Itali , olim impressi , Marullus . *quemcumque* quadratus , itaque ex suis Lambinus ; qui quod ita legi debere dicit fallitur . infra 1086 *Quidve ferat nobis casus* . Lucilius apud Nonium p. 425 *Cui parilem fortuna locum fatumque tulit fors* .

985. NEC QUID SUB MAGNO . Ne prima manu oblongus . QUOD Marullus .

987. PROIECTU . Apud Macrobius Sat. VI, 4 *proiectum* .

988. NOVEN DISPERSIS IUGERA MEMBRIS OPTINEAT . *Dispersa* Apsyrti vel Orphei *membra* ad Tityon non pertinent . recte Turnebus in adversariis XXII, 19 *DISPERSIS* . sic ille , memor Gellii XV, 15 , non *dispensis* , quod ei adscribit Lambinus ; cuius errorem , ab Havercampo frustra admoniti , fortiter repetierunt et Wakefieldus et Forbiger . habent tamen *dispanse* libri in I, 306 , ubi Nonius *candenti* .

992. SED TYTIOS NOBIS HIC ES . Quadratus *Titios* .

supra uterque *Tityon*. quadrati corrector et Itali hic EST: olim impressi hic et.

994. SCINDUNT CURPEDINE CURE. Corrector oblongi *turpedine*, quadrati CUPEDINE, itaque primus post eum Lambinus cum Turnebo in adversariorum x, 8. libro v, 45 *Quantae tum scindunt hominem cuppedinis acres Sollicitum curae*. in versu proximo *quoque* omittit quadratus.

997. TRISTIQUE RECEDIT. Corrector quadrati et ceteri TRISTISQUE. Horatius *pono tristisque recedo*.

999. DURUM LABOREM SUFFERE. Idem corrector et impressi SUFFERE LABOREM.

1001. QUOD TAMEN SUMMO IAM VERTICE RUSUM VOLVITUR. Marullus *a summo*, Avantius *e summo*. in v, 1125 *Et tamen e summo*. in iv, 86 *ex summo*. in iii, 197 *Cogere ut ab summo*.

1005. QUOD FACIUNT NOBIS ANNORUM TEMPORA, CIRCUM CUM REDEUNT. Nonius quae ante haec proxime posita sunt attulit p. 298, 9 et 424, 6: hic, ubi interpretes tacent, nos non adiuvat. quaero enim quid illud sit *quod faciant nobis* anni tempora: nam certe anni non faciunt, sed cupiditas nostra, ut animus numquam expleatur atque satietur. pascere quidem anni tempora animum, non corpus tantum, facilius concedam, sed non *circum redeuntia*: nam *circum redire* quid sit non intellego. scilicet *quod* coniunctio est, ita, *Quod faciunt nobis annorum tempora* VICTUM, *Cum redeunt, fetusque ferunt variosque lepores, Nec tamen explemur vitae fructibus umquam*. ceterum oblongus hic habet de more *vita fructibus*, sed quadratus *vita eruntibus*. haec autem quae ad Danai filias pertinent omnia 1003—1010 Servius in vi Aeneidos 596 praetermittit, ubi cetera e Lucretio exponit hoc modo. *Sane de his omnibus rebus mire reddit rationem Lucretius, et confirmat in nostra vita esse omnia quae finguntur de inferis. dicit namque Tityon amorem esse, hoc est libidinem. — ipse etiam Lucretius dicit per eos, quibus iam iam casurus imminet lapis, superstitiosos significari, qui inaniter semper verentur et de diis et caelo et locis superioribus male opinantur. — per eos autem qui saxum volvunt, ambitum vult et repulsam significari, quia semel repulsi petitores ambire non desinunt. scilicet grammaticus ordinem et verba Vergilii sequitur, a quo Danaides non commemorantur. sed idem Servius quae his*

subicit, *Per rotam autem ostendit negotiatores, qui semper tempestatibus turbinibusque volvuntur*, ea a mythographis Maii p. 123^b et 190^a ita accepta sunt quasi auctor ea e Lucretio rettulisset, cum is ita illa Vergiliana interpretetur, 616, *radiisque rotarum Districti pendent*. perspexit hoc Iacobus Bernaysius, qui rem exposuit p. 584.

1009. COGERE IN VAS. Corrector quadrati et ceteri CONGERERE.

1010. EXPLERI ULLA RATIONE POTESTUR. Itali et impressi NULLA Pompeius grammaticus p. 446 sine auctore *magna fieri ratione potestor*.

1011. CERBERUS ET FUNAE IAM VERO, ET LUCIS AEGESTAS, TARTARUS HORRIFEROS ERUCTANS FAUCIBUS AESTUS; QUI NEQUE SUNT USQUAM NEC POSSUNT ESSE PROFACTO. Corrector quadrati et alii *Cerberus et FURIAE*. tum, quia *lucis egestatem* sub terra esse negari non debet, Marullus eximie et *lucis EGENUS Tartarus*: hoc enim melius est quam *lucis egestas Tartarea*, cui minus proprie adscribentur fauces et ructus. in Aeneide Medicea v, 751 prima manu *egestes* scriptum est pro *egentes*. sed orationi verbum deest ante pronomen relativum, neque ipsum *Qui* genere masculino positum prioribus convenit. itaque Marullus scripsit *Haec neque sunt*, quod praeter Wakefieldum eiusque imitatores omnibus placuit. poterit tamen leniore cura oratio magis erigi, hoc modo. *Cerberus et furiae iam vero et Tartarus* QUID? *neque sunt usquam nec possunt esse profecto*. ita saepe hic poëta. in iv, 119 *Quid cordis globus aut oculi? quid membra? quid artus? Quantula sunt! quid praeterea primordia quaeque? Nonne vides quam sint subtilia quamque minuta?* in ii, 975 *Quid, genus humanum proprium de quibus factumst?*

1014. PAENARUM. 1015. SCCLERISQUE LUELA. *Penae* parum diligenter scripsit librarius Gaii iii, 223, quod ferendum non esse dixi ad eius librum ii, 66. paulo post membranae *nec que sūt* POENARUM, 1021. LUELLA rectius scribitur quam *luela*, neque peccat in hoc genere oblongus nisi hic et in v, 71 230, ubi in utroque *loquela*, quadratus paulo saepius, iii, 954 iv, 546 584 1182 v, 1384 vi, 15 16 1244. habemus autem hic auctores non grammaticos verae rationis ignaros, sed eos libros e quibus orthographia vulgaris optime disci potest, Vergilium Mediceum, institutiones Gai,

novum testamentum Fuldense a me editum, digesta Florentina. itaque *l* simplici scribuntur in quibus *e* litteram longa syllaba praecedit, ut *custodela clientela suadela candela sutela cautela tutela corruptela mandatela* (Gaius II, 104, Priscianus p. 622) *acutela* (Priscianus ibidem). *l* geminatur ubi prima brevis est: eaque a tertia ac simplici forma fecerunt veteres, ut *loquellam querellam sequellam*; ergo *luellam*, quem admodum *fugella* bene scriptum est apud Priscianum p. 601, male *confugela* apud Paulum diaconum p. 31 Lindemanni, item male *obsequela* p. 114, *obsequella* recte in Asinaria Plauti I, 1, 50. a secunda nemo ante Gellium *medellam* (sic recte codex Minucii Felicis, ut testatur Hildebrandus ad Arnobium p. 633, item sic scholia Bobiensia ad Ciceronis orationes p. 251, 8 Orellii), itaque *monellam*, puto, non *monelam*, Terullianus, *nitellam* *καλλυντρον* recte glossarium, quae *nitela* apud Terentianum Maurum 316 et Solinum. non veniunt in hunc censum *turbellae*, quod mihi deminutivum videtur, neque ulla causa est cur *e* producat. sunt tamen deminutiva quaedam vocali producta, sed ea contracta; qualia sunt, eliso vel *c* vel *n* vel *r* (nam *x* omisso non duplicatur liquida), *paullus*, *villa*, *vervella* (grammaticus Vindobonensis p. 106); *corolla*, *catella*, *pistrilla*, *catillus*, *salillum*, *villum*, *ullus*, *nullus* (ad quorum exemplum formarunt *ellum*), *Messalla*, *Hispullus*; *stilla*, *ralla tunica*, item *Sulla* ut quibusdam placet, *olla* rectius quam *aula* (nisi quod eodem errore vulgo dicebant *Messalam* et *paulum*), hoc est parva *horia* sive *oria*, *σκάφη*, ab hauriendo. ex eodem deminutivorum numero est *nitella* (ita recte in Martiale v, 37 Schneidewinus) et *ficella*, quo Iuvenalem puto usum esse in satira xiv, 9: nam *Mergere ficedulas* non potuit scribere. *nitedulam* in Sestiana Tullii 72 agnoscunt non modo codices, sed scholia Bobiensia p. 303, 11 16 Or. et Priscianus p. 613. idem vocabulum Horatio in epistularum I, 7, 29 a Benteleio restitutum qui non accipiunt, rationem et genera fabellarum ignorant. Servii negligentia est, cum Ciceroni adscribit *nitelam* ad georgicon I, 181; Hildebrandi plus quam negligentia, qui ad Arnobium p. 197 *nitedulam* Latine dici neget, e codice Arnobii in II p. 75 *nitelulam* recipiat, muremque agrestem ita non a pedum nisu sed a nitore dictum opinetur. potuit tamen esse aliqua eius consonantis, quae est ante deminutionem, mutabilitas: nam in

glossariis *ficculam* et *fecetulam* invenio, apud Nonium *ficetulam* et *querquetulam* p. 48, 20 274, 11 91, 4, apud Plautum in *Asinaria* III, 3, 104 et in *Captivis* V, 4, 5 *monerulam*. Lucili apud Nonium versiculi sic legendi sunt, et circum volitant *ficetula*, *turdi Curati* scite: libri *ficetulae* et *curatis soci*. de *cunela*, quae *cunebula* dicitur in glossariis Labbaei (ea Graecis est *κονίλη* media syllaba producta), expectabo iudicium doctiorum. ac video Ritschelio ad Trinumnum p. CCLXXIX probari *cunilam* media correpta.

1016. DE SAXO IACTUS EORUM, Prorsus egregie *Lambinus iactu'* DEORSUM.

1017. VERBERA, CARNIFICES, ROBUR, PIX, IAM MINA, TAEDE. *Quadratus carnificis*. tum eiusdem corrector *lamina*, itaque Venetus editor et Marullus. hoc rectius scribitur *LAMMINA*; cui cur brevior formam, quae est *lamna*, Ph. Wagnerus adversari dicat in orthographia Vergiliana p. 444 non assequor. *lamminae* apud Frontonem p. 240, *lammina* Prudentius Heinsii peri steph. 5, 62, sic vetus Plauti in *Asinaria* III, 2, 4, codex Arnobii libro VI p. 201, Tacitus Medicus historiarum I, 79, nec debuit sperni in Ovidii fastorum I, 208.

1119. TORRETQUE FLAGELLIS. Potest aliquis *uri flagellis*, *torreri* non potest. N. Heinsius in adversariis p. 177 *torquetque*. sed hoc quoque nimium: satis est *adhibet stimulos TERRETQUE flagellis*.

1031. SUPER IRE LUCUNAS. Ita oblongus: in quadrato ipsa prima manus ex *u* fecit *a*. in VI, 538 uterque *lucunas*. in eodem 552 *lucunas* prima manu oblongus, quadratus *lacunas*. in georgicon III, 365 Mediceus prima manu *lucunae*. hoc quo confirmem praeter exempla in praesentia nihil habeo: sed malui observare et posteris illustrandum relinquere quam, quod adhuc factum est, celare. ceterum libri olim impressi et Marullus habent *superare lacunas*; quo admissio tamen non tollitur molesta ac prorsus intolerabilis orationis abundantia. quare verius esse censeo Lucretium hos versus primo aliter scriptos dedisse, nunc autem ceteris ita ut sunt constitutis hunc versum a correctore, quem saepe negligentissimum fuisse videbimus, iniuria servatum esse, cum deberet circumscribi.

1032. ET CONTEMPSIT EQUIS INSUITANS. Corrector quadrati et ceteri INSULTANS.

1033. MORIBUNDO CORPORE FUGIT. Marullus FUDIT.

1034. SCIPIADAS, BELLI FULMEN. Correctores antiquissimi et recentiores universi, item Macrobius Saturn. vi, 1, *Scipiades*. sane hanc recti casus formam Priscianus statuit p. 729; recte quidem: sed ea qui usus sit nullum poetam novi. et in vocabulo quod Ennium primum invenisse probabile est, iure quaeri potest quamnam ille Graecam formam eligendam putaverit; quamquam eundem hiatus admissio, cuius causam ad librum vi, 743 exponam, *Scipio invictae* scripsisse Cicero testatur in Oratore 152. quod ab eo in prohoemio annalium positum fuisse suspicor, paulo ante hos versus, qui apud Trebellium Pollionem in Claudio non satis emendate scripti extant, *Quam tantam statuam statuet populus Romanus, Quamve columnam, quae te res gestasque loquatur?* Lucilium certe *Scipiadas* casu recto dixisse invenio in his versibus, qui apud Festum leguntur p. 294, 27 tam foede corrupti ut de verbis desperandum sit: sententiam et orationis formam mihi recte eruisse videor. *Cornelii' Publii' noster Scipiadas, dicta Apulu' dum usque intorquet in ipsum, Oti a deliciis, Luci, effeto atque cinaedo et Sectatori adeo ipse tuo quae rectiu' dicas, Ibat forte domum: sequimur multi atque frequentes.* de *Apulo* in his versibus nihil affirmo: sed in alio Lucilii versu, qui est apud Priscianum p. 902, hoc nomen librarii penitus obliterare non potuerunt, *Num vetus ille Catoni' lacessisse Apulus iram Consciu' non erat ipse sibi? Apuli* sunt huic pro importunis ac petulantibus, ut Horatio pro simplice *Sabellus*, cum dicit *renuit negitatque Sabellus*. versu proximo Lucretii an Ennii Marius Victorinus utitur p. 2499, ita, ac (Parisiensis liber a) *famul infimus esset*.

1037. QUORUM UNUS HOMERUS SCEPTRA POTIUS. Apud Nonium p. 481, 27 *Esceptra potitur*. POTITUS Antonius Marii et Brixiensis editio. quod paulo post sequitur 1041 *Sponte sua leto* Lactantius habet in iii institutionum 18, 6.

1042. IPSE EPICURUS OBIIT DECURSO LUMINE VITAE. Antonius Marii et Marullus *obit*, quod ceteri sine dubitatione acceperunt, ego si falsum esse dixero, non facile in veniam qui mihi credat: adeo grammatici nostri ea quae quivis puer Romanus sciebat neglegunt, nos autem senes

ea operose quaerere cogimur quae nobis magistri nostri olim tradere debebant. itaque ante omnia sciendum est haec verba *iiit* et *petiit* cum compositis i altera extenta proferenda esse. cuius rei firmissimum argumentum est quod et in tabula votiva L. Mummii, in Arvalibus Marini p. 30, legitur *Romam redieit triumphans*, et in lege Thoria *venieit* quinquies scriptum extat, 58 *quei ager publice non vinieit*, 65 67 *quod eius publice non venieit*, 75 *quei Romae publice venieit venieritve*, 91 *publice venieit*; in eadem semel 65 *veniet*, cui similia sunt *adiese adiesent adieset* in s. c. de Bacchanalibus. alterum argumentum ex Ovidio duci potest, qui non modo *subiit abiit* cetera produxit, sed etiam *petiit*, et quidem aliis condicionibus quam quibus eum caesurae aliquid concedere anno 1848 in libello academico subtilius ostendi. *subiit argentea proles* metam. i, 114. *Me petiit: ipsa licet hoc* iii, 567. *Interiit: at vos* iii, 546. *Elususque abiit: illi sua reddit forma est* viii, 870. *Non adiit apte, non legit idonea, credo, Tempora, nec petiit horamque animumque vacantem* ix, 610. *in iuvenem rediit, et anilia demit* xiv, 766. *Ut rediit animus* epist. vi, 31 et in arte iii, 707 item fast. iii, 333 v, 515. *Et petiit herbae amor.* iii, 5, 30. *Qua periit aliquis amor.* iii, 8, 17. *Et longo periit arida facta situ tristium* libro iii, 14, 36. *Ille abiit: eadem crimina Bacchus habet* fastorum iii, 474. item Seneca et Phaedrus haec perfecta cum ante vocales ponunt, ultimam aperte producunt. Phaedrus iv, 4, 5 *Rediit ad hostem*, Seneca *Petiit ab ipsis*, *Abiit arenas*, *Rediit Achilles*, Herc. fur. 244 321 Tro. 806. itaque hi poëtae quo minus consonante littera insequente haec, ubi ternis syllabis opus est, ut in Agamemnone 944, in Hippolyto 135, similiter extulisse putentur nulla causa est. deinde tertium est argumentum cur plerique ita dixerint, quod nullus poëtarum haec verba corripuit. nam apud Silium xiii, 166 Coloniensis libri auctoritas tantum valere non debuit ut scriberetur *mediam tunc transiit ictu Parmam*, pro *transigit*. neque apud Tibullum in i, 4, 27 probari potest quod plerisque placuit, *transiit aetas Quam cito*, quoniam *Quam cito* in duobus proximis versibus ab initio sententiarum positum recurrit. recte libri omnes *transiet*: ita *exient* Iulius Modestus apud Charisium p. 100: *At si tardus eris (immo tardueris), errabis: transiet aetas. Quam cito non segnis stat remeatque dies! quam cito, inquit, dies non stat,*

hoc est qui modo stare videbatur (Stat. Th. v, 86, Horat. c. iii, 28, 5) inclinat ac deficit, et remeat, cum post noctem reddit! ac ne in Sulpiciae quidem satira 23 virtus Romana satis apte *exiisse* dicitur in mare Siculum et Carthaginem, sed *Romam ipsam virtus agitata domi et socialibus armis In freta Sicaniae et Carthaginis exiit arces, Ceteraque imperia et totum simul abstulit orbem*. hoc tamen facile concedo, tam miram prosodiam, cuius rationem non intellexerent, quibusdam non valde placuisse. nam quae quartae declinationis sunt breviantur, ut *ambiit audiit leniit emuniit acciit*, item *quaesiit*, nisi ubi productio excusationem habet, velut ante vocabulum Graecum aut in penthemimeri sequente et copulativo, ut in Valerii Flaccii viii, 259 *inpediit Hymenaeos*, in Ovidii metam. xii, 392 *inpediit et inani: siit* in Terentii Adelphis i, 2, 24 agnoscere videtur Diomedes p. 371, *desiit* in versu non inveni, sed dixerunt *desit* Manilius v, 563, Martialis vi, 26 vii, 39 x, 86 90 xi, 25. itaque multi sunt qui *petiit* numquam dixerint, non nulli autem ne *subiit* quidem; pars aut utrumque genus, aut ea tantum quae eundi significationem habent, non nisi ante consonantes, ut Lucretius, Catullus, Tibullus, Gratius, Germanicus, Silius. alii, qui his ante vocales usi sunt, ita semper posuerunt ut possint imperitis videri propter caesuram producta esse: sic *petiit* Vergilius Aen. x, 67, Propertius i, 10, 23, Martialis x, 60, sic cetera Vergilius, Horatius, Persius, Valerius Flaccus, Statius, Martialis, Iuvenalis. neque Plautus aut Terentius ita in versibus collocarunt ut ultimae syllabae quantitas certo intellegi possit, sed hoc modo, *Dum haec loquitur, abiit hora*, in Eunuchio ii, 3, 50, aut *Satin abiit ille?* in Milite ii, 6, 1; nisi quod in Cistellaria iv, 2, 35 versus Bacchiacus optime sic incedit, *Contemplabor. hinc huc it. hinc nusquam abiit*. tantum de his perfectorum formis, in quibus *i* duplex est, dixi, ut appareret qua condicione his singuli usi essent. in formis contractis triplex est poetarum consuetudo: sunt enim qui has tantum modo ante consonantes vel in exitu versuum ponant, Phaedrus, Seneca, Silius, cum plerique eas non nisi ante vocales admittant, comici autem veteres utroque modo. Phaedrus in fine versuum *proximam villam petit, vos quod rapuistis perit, secretum petit*, ii, 8, 3 iv, 22, 27 25, 6. sic Seneca Herc. f. 826 Phoen. 210 Hipp. 728 Oed. 803 Tro. 50 348 460

493 597 631 Méd. 984 994 Herc. 1062 1089 1421 1616 1681 1760 1911 1977 *petit perit abít adít redít obít*, idemque in mediis versibus *quonam abít tegimen* Herc. fur. 1151, *cum perít nescít* Agam. 113, et similia in Hercule altero 1865 1867. Silius in III, 228 *Saevior út trucibus*, IV, 344 *Ensis obít laudemque*, XI, 78 *numquamne per aures It vestras?* huius modi nihil audent Vergilius, Ovidius, Gratius, Germanicus, Lucanus, Petronius, Statius, Martialis, Iuvenalis. sed dixit *petit Euandri* Vergilius Aen. IX, 9, Ovidius trist. I, 10, 25 *Dardaniamque petit auctoris*, fastorum I, 109 *Flamma petit altum*, metam. V, 460 *latebramque petit aptumque colori*, Lucanus *Tecta petit aut V*, 522 et similia IX, 32 X, 64. porro Ovidius in VIII, 349 *Longius út*, *auctor*, et Vergilius Aen. IX, 418 *Dum trepidant, út hasta Tago*, cui versui Wagnerus Creticum intulit contra exemplarium veterum auctoritatem, Germanicus 128 *cuius abít usus*, Lucanus ante vocales *adít* IX, 347, *abít* VII, 75 VIII, 321 (*Nomen abít, aut unde redít*), *perít hoc* (sic recte Heinsius) VIII, 86 422 IX, 129, *obít* IX, 190, Petronius 128 *redít animus*, Statius ante vocales *subít obít coít perít inít* Silv. I, 6, 93 IV, 3, 130 V, 1, 258 Theb. II, 474 III, 209 544 VIII, 332 X, 150 323 XI, 124 Ach. I, 458, Martialis *abít Helene* I, 62, Iuvenalis *redít abít obít perít* III, 174 VI, 128 295 559 X, 118. cum prima longa est, solet fere *transít* et *exít* scribi, sed falso, cum Creticus pes fiat pro dactylo vel anapaesto: dixit Vergilius *Exít ad caelum* georg. II, 81, *Exít opposítasque* Aen. II, 497, *Aerea quem oblicum rota transít aut gravis ictu* V, 274, *Transít intextum* (*Transiet Mediceus*) X, 785, *Transít et parmam* 817, Gratius 139 *Exít inque ipsa*, Statius *Transít hasta duos* Theb. XII, 750, denique Martialis II, 64 *transít et Nestoris aetas*. iam vero Lucretius (tandem enim ad hunc veniendum est) cum dixerit *Ater inít oculos* et *prima perít alioque* IV, 314 771, credibile non est eum dixisse *obít decurso*, nisi hunc unum ex omnibus licentiam comicorum imitatum esse existimamus. nam Terentius sane et ante vocales his formis usus est et ante consonantes litteras. in Hecyra III, 2, 12 *Hem istóc verbo animus míhi redít et cura ex corde excessít*. in Phormione IV, 4, 25 *Intro út in aedis ater alienus canis*. in Eunucho III, 5, 45 *It, lávit, redíit, deinde eam*. V, 2, 53 *Nutricem adcersítum út, quae illam alúit parvolam*. item in versus fine *abít* in Adelphis V, 2, 7, *adeo res redít* in Phormione I, 2, 5. in Plauto nobis otium facit

Alfredi Fleckeisenii diligentia, qui in exercitationibus Plautinis Gottingae anno 1842 editis omnes horum perfectorum formas magno cum studio contulit. itaque ex eius libelli p. 8 et 29 quae huc pertinent peti possunt; nisi quod mihi Plautus paulo saepius quam viro doctissimo placuit *it* ante vocalem posuisse videtur. in Pseudulo II, 4, 40 *Qui d patre advenit Carylto, nec dum exit ex aedibus*. in Poenulo I, 1, 75 *Sed Adélphasium eccam exit atque Anterastylis*. in eadem III, 3, 70 *Bondm dedistis mihi operam. it ad me lucrum*. in Casina III, 5, 54 *Quid úxor mea? edm* (hoc addidi) *non adit atque adémít?* in Milite II, 2, 96 *Nón domist, it* (libri *abii*) *ambulatúm, dormit, ornatur, lavat*. in Curculione IV, 2, 3 *Nemo it infitias. at tamen meliusculum est monere*. sed in Lucretii versu iam, nisi fallor, apertum est *obit decurso* ferri non posse. hunc igitur scripsisse censeo *Ipse Epicurus* III. sic idem *contagibus ibant* VI, 1242, *hominem paulatim cernimus ire* III, 526, *vis nulla refrenet Res neque ab exitio possit reprehendere euntis* VI, 569. nam siquis *obit* retinere volet, scribendum erit *Ipse Epicurus obit excurso lumine vitae*. ita Terentius in Adelphis V, 4, 6 *Prope iam excurso spatio*, quod Bentleius sine causa reicit: nam et simillimum huic est quod Paulus ex Festo libro I p. 23 refert, *ad exitam aetatem*, et apud Vitruvium in X, 9, 3 hoc, *quantum diurni itineris miliariorum numero in reda possit exiri*, nec Prisciani ratio habenda est, qui in scholicis auctorum exemplis adferendis magna utitur erroris quoque constantia; ubi secum dissentit, doctiores sequitur. ceterum interpretes *vitae lumen* quomodo *decurratur excurraturve* non recte explicant, scilicet obliti se in libro II, 79 legisse *Et quasi cursores vitae lampada tradunt*.

1044. RESTINXIT, STELLAS EXORTUS UT AERIUS SOL. Quadratus *Restinxit*, apud Lactantium inst. III, 17, 23 *Exinxit*. idem Lactantius AETHERIUS *sol*, quomodo semper Lucretius, Maro, Ovidius. *haerius* prima manu oblongus.

1050. NEC REPERIRE POTEST IBI QUOD SIT SAEPE MALI. Oblongus *repperire*: ita idem in I, 488 III, 317 986. sic saepe libri antiquissimi: sed aliter poëtae veteres. in Phormione Terentii I, 4, 1 scribendum est *Nullu's, Geta, nisi ali-quod iam consilium celere reperies*, non *repperis*, non *repereris*. in eadem II, 1, 5 *atqui reperiam* Phaedriae verba sunt, non

atqui reperi iam Getae . in Rudente Plauti iv, 3, 87 Mane , iam reperiam quo pacto nec fur nec socius sis ; ubi libri habent repperi rem . tum Itali recte POTES et TIBI et QUID , sed ordine perperam mutato , potes quid sit tibi .

1052. ATQUE ANIMO INCERTO FLUITANS ERRORE VAGARIS . Haec ut sunt horrida Wakefieldo placent . Lambinus ANIMI .

1061. ESSE DOMI PER QUEM PERTAESUMST SUBITOQUE . Quadratus *pertesum sit* , quasi ad complendam versus mensuram . PER praeter veteres membranas omittunt omnes . addit in fine Antonius Marii *reventat* , quod Latinum non est : Marullus optime REVERTIT . sic in v, 1153 *Atque unde exortast , ad eum plerumque revertit .*

1063. AD VILLAM PRAECIPITER . Quadratus *praecepiter* . Itali et impressi PRAECIPITANTER .

1064. INSTAS . Corrector quadrati et ceteri INSTANS . mox quadratus non habet illa , *atque oblivia querit Aut etiam properans urbem petit .*

1068. AT QUEM SCILICET , UT FIT , EFFUGERE HAUT POTIS EST , INGRATIUS HAERET ET OBIT . Lambinus recte INGRATIS . sed subest alterum vitium ab interpretibus neglectum . his enim opposita sunt quae praecesserunt , a Seneca de tranquillitate animi II p. 346 minus curiose ita relata , *Hoc se quisque modo semper fugit . sequitur at quem scilicet Effugere haut potis est* , hoc est se ipsum . in hoc locum non habet *ut fit* , quod interiectum est : nam sese homo aut semper effugere potest aut numquam , quoniam hoc totum figurate dicitur . ergo scribendum est *Hoc se quisque modo fugit* , scilicet loco commutando : *at quom scilicet , ut fit , Effugere haut potis est* , cum in loco manere cogitur , *ingratis haeret et obit* . iam haec quoque aperta sunt , *haeret et obit* , quae Marullus et Wakefieldus miris modis vexarunt .

1073. AETERNI TEMPORIS QUONIAM . Oblongus *Aeternitatem corporis quoniam* , litteris *ta* et *cor* subnotatis . Marullus TEMPORIS AETERNI . ita recte scriptum supra versu 973 .

1075. QUAE RESTAT CUMQUE MANENDO . Wakefieldus se haec intellegere ait , *aetas sit manendo* , Eichstadius interpretatur *manendum sit aetate* . hos miror supra in versu 391 non probare quod habent libri , *est in nobis multa ciendo*

semina. multum differt ab his Lucilianum *habendo*, quod Philargyrius ad georgicon III, 159 dicit esse *id quod habetur*; non satis recte, cum haec sint verba Lucillii, *Non numquam dabit ipsa aetas quod prosit habendo*: sic enim debet esse, ut in Lucretii I, 312 *subter tenuatur habendo*: libri *quod possit*. recte Lambinus MANENDA, nisi quod haec male coniunxit, *in quo sit mortalibus omnis aetas manenda*. hoc multo peius Orellius *in quo sit omnis aetas manendum*. scilicet hoc ei tam Latinum videtur quam quod in V, 44 libri habent, *pericula sunt insinuandum*.

1078. CERTE EQUIDEM FINIS. Lambinus CERTA QUIDEM *finis*.

1084. VITA SEMPER HIENTIS. Quadratus *vitae*. Itali et impressi VITAI, deinde HIENTIS.

1085. FORTUNA. Itali FORTUNAM.

1088. NEC DELIBERARE VALEMUS. Marullus DELIBARE. Avantius *delibrare*, hoc est decorticare, quod probant Havercampus, Wakefieldus, Eichstadius. 'iure', inquit Forbiger; hoc est iure probandi quidquid valde ineptum est. Lambinum hic non rectius iudicasse miror: sed obfuit illi quod probavit *delibare* Gifanius.

1089. QUO MINUS ESSE DIU POSSUMUS FORTE FEREMPTI. POSSIMUS corrector quadrati cum Italis et impressis. tum Itali *morte*, Marullus et Avantius *sorte*, non recte: nam *forte* convenit irridenti. versu proximo quadratus *ducere saecula*.

1093. LUMINE QUI FINEM VITA FECIT. Hic quoque, ut supra, quadratus *vitae*. VITAI Plotius grammaticus scriptum legit, quamvis Putschius p. 2629 ediderit *vitae*. *Pentascematisti dactylici*, inquit (notabimus autem eum non dicere hexametros), *fiunt modis quinque. si primus sit dactylus, ceteri quattuor spondei, ut Lucretius libro tertio Limine qui finem vitae fecit; et ille Vergilii* (scilicet si duas vocales elidimus), *Nereïdum matri et Neptuno Aegeo*.

IV, 1. AVIA PIERIDUM. De huius libri prohoemio disputavi ad I, 922; quo loco eos scriptores dixi qui horum versuum partem numero libri sive primi sive quarti appposito attulerint. qui numerum non addunt, libro quarto potius usi sunt, certe ii qui ipsum primum versum referunt, ut Quintilianus in institutionum VIII, 6, 45 et qui de disciplinis

scripsit ea quae cum Censorini libro confusa sunt p. 93, 12. item haec imitatur, non ea quae in primo his praemittuntur, Nemesianus in cynegeticis 8 ita, *ducitque per avia, qua sola numquam Trita rotis. iuvat aurato procedere curru Et parere deo. virides en ire per herbas Imperat. intacto premimus vestigia musco*. Horatium quoque ad initium libri potius respexisse putaverim, cum illa verba quae sunt *iuvat integros accedere fontis* in id carmen, quo primo *fidibus novis Lesbique plectro* Alcaeum exprimere ausus est, sic transtulit, o quae fontibus integris Gaudes, I, 26.

7. RELIGIONUM ANIMUM NODIS. Lactantius institutionum I, 16 *libet tamen proseguere cetera et redarguere plenius inveteratam persuasionem, ut tandem homines suorum pudeat ac paeniteat errorum. magnum hoc opus et homine dignum: Religionum animos nodis exsolvere pergo, ut ait Lucretius*. idem in IV, 28, 13 *qui ait religionum se nodosolvere*. Pius ad librum primum 'Modulatus animos leges'. hunc in libro primo Lambinus secutus est, in utroque Creechius; quem Eichstadius imitatur, Wakefieldum recte monentem non curans: at Forbiger, nequid intemptatum maneret, in primo *animum*, in quarto *animos*.

8. TAM LUCIDA PANDO CARMINA. Hoc Wakefieldus et Forbiger probant, Lambinus sciebat Latinum non esse. in primo membranae PANGO.

11. NAM VELUTI PUERIS ABSINTHIA. *Ac veluti* Quintilianus III, 1, 4, item Nonius p. 413, 16 et Hieronymus tomo II p. 1024 editionis Veronensis; fortasse errore memoriae, quoniam illae particulae fere coniungi solent. oblongus *apsinthia* et versu 16 *Apsinthii. absenti* quadratus in II, 400. quadratus in VI, 1217 *apsiliebat*.

13. CONTINGUNT MELLIS DULCI. Hieronymus *Contingunt dulci mellis*. Quintilianus *Inspirant* (ita Ambrosianus, alii *Aspirant*) *mellis dulci*, quod Latine dici posse non credo. Hauptio Quintilianus videtur scripsisse *Aspergunt* vel *Inspargunt*.

14. ET PUERORUM. Corrector quadrati Ut. ita in I, 939.

16. ABSINTHII LATICEM, DECEPTAEQUE NON CAPIATUR. Hoc versu utitur Marius Plotius p. 2630. Donatus

ad Terentii Eunuchum III, 3, 9 de dolo bono, *quo a medentibus falli aegros, non tamen decipi, Lucretius poeta testatur.*

17. TALI ATACTO. *Tali pacto* legendum esse ostendi ad librum I, 942.

21. CARMINE PLERI ORATIONEM. In primo PIERIO *rationem.*

32. DEREPTAE. Oblongus *Direptae.* mox illa, *cum saepe figuras — luce carentum,* confert cum Vergilianis Macrobius libro VI, 1.

36. QUAE NOS HORRIFICE LANGUENTIS SAEPE SOPORE EXCIERUNT. *Horrifico* antiquus corrector quadrati. *Excierunt* video defendi posse, sed malo *Exciunt*, quod est simplicius. ceterum *cio* verbi formas puras non nisi rarissime in versu positas inveni, easque quantitate syllabae differente. in Curculione Plauti II, 3, 16 *ergo eos si offendero, 'Ex uno quoque eorum exciam crépitum ego polentdrium.* in eiusdem Asinaria IV, 2, 15 *Tu ergo fac ut illi turbas lites concias.* in futuro tempore in Amphitr. I, 2, 14 *Nam Amphitruo actutum uxori turbas conciet,* Seneca in Thyeste 982 *Sed accientur. poculum infuso pete.* quoniam accentu *suffiunt* dicendum sit nescio, nisi quod Priscianus *suffiri* infinitivi simplex *feri* esse scribit p. 905.

40. CUM CORPUS SIMUL ATQUE ANIMI NATURA PEREMPTA IN SUA DISCESSUM DEDERINT PRIMORDIA QUAEQUE. Quadratus *anima* et a correctore *animam.* priorem versum adfert Festus p. 217, 9, cui vellem adiunxisset alterum. in quo Eichstadius et Forbiger ex inepta Gifanii emendatione *discessum dederunt.* sed *quaeque* ibi ita interpretantur quasi *utraque* natura indicetur, et *discessum* ita *dari* volunt ut *ruinas, insidias, impetum, obiectum parmai.* quorum cum neutrum recte habere videatur, alterum fortasse ita aut defendi potest ut in libro III, 333 similiter esse dicamus *quaeque* pro *utra,* aut evitari ut corpus et animum in *sua quaeque* *primordia* discedere intellegamus; de quo dicendi genere Madvicus disputavit ad Ciceronis de finibus librum V, 46, neque eo Lucretium non usum esse observavi ad librum II, 371: sed *dicessus* non aliter *dari* potest quam quomodo *fugam dari* Vergilius dixit, id est concedi, Aeneïdos VII, 24, *Neptunus ventis implevit vela secundis Atque fugam dedü et praeter vada fervida vexit,* (vide Munckerum ad fabulam

Hygini 119) et Tibullus de ominibus 1, 3, 13 *Cuncta dabant reditus*, idemque Vergilius *cursum dari* vel *naviganti* vel equo, Aen. III, 337 x, 870. ad quod exemplum Lucretio reddendum duco *In sua dicessum dederint primordia* QUOIQUE, scilicet singulis animae et corporis partibus.

42. EFFUGIAS. Marullus *effigies*, in hoc errore sibi constans, Lambinus EFFIGIAS. versu 105 ex *Effigiae* deletum *a* in oblongo, additum *s* in quadrato, utrumque a correctoribus. versu 85 uterque *effigias*.

43. MITTIER AB REBUS, SUMMO DE CORTICE EORUM. Recte Lambinus CORPORE, ex codice Vaticano, inquit, ut cuinam homini docto et acuto hoc debeatur ignoremus. sed idem Lambinus male cum Italis et Marullo *earum. rerum* scribendum esse apparet e versu 64, *Ab rebus mitti, summo de corpore rerum*. sic infra 130 *Quae cumque ab rebus rerum simulacra recedunt*. 163 *Sic ab rebus item — rerum simulacra ferantur*. 695 *Ex alto primum quia vix emittitur ex re*.

45—48. SED QUONIAM DOCUI, CUNCTARUM EXORDIA RERUM QUALIA SINT ET QUAM VARIIS DISTANTIA FORMIS SPONTE SUA VOLITENT ALTERNO PERCITA MOTU, QUOQUE MODO POSSIT RES EX HIS QUAEEQUE CREARI. Haec Marullus ad eum locum quem sibi postulant traiecit, hoc est ante versum 26. sed his versibus exponitur argumentum libri secundi, nec solet Lucretius ita ad res iam peractas redire. quare dubitandum non est quin haec ille lector philosophus, cuius novimus intemperantiam, ex libro tertio 31—34 in hunc transtulerit. id quoque manifestum est, eum qui huic libro prohoemium praefixit ceterorum dissimillimum, hos versus ante 26 scriptos non habuisse, quippe qui Lucretii verba quae erant in libro primo 950, *dum percipis qua constet compta figura*, in quarto servare noluerit, sed fecerit *dum percipis Naturam rerum ac persentis utilitatem*, scilicet ne illis uno versu interiecto statim succederet eodem vocabulo iterato *compta vigeret*; non facturus, ut puto, si quinque versuum discrimen intervenisset. ceterum Forbiger hos versus ante me in suspicionem vocavit, sed nulla de causa: 'leco alienissimo inserti' inquit 'iam adfuerunt'.

51. QUI QUASI MEMBRANE VEL CORTEX NOMINITANDAST. Quadratus *Quas si membrane*, priore *s* prima manu supra scripto: tum idem nomina dandast. apud Nonium

p. 199, 33 *Quae quasi membrana* . recte Antonius Marii et Brixiensis editio *QUAE quasi membranae* . sed Marullus hic eximia laude dignus est, qui acumine non vulgari verum ordinem versuum intellexerit; quod ei in hac summa rerum perturbatione, cum 29 et 30 iidem essent atque 49 et 50, 31 autem et 32 maximam haberent in sententia cum 51 et proximis similitudinem, neque 44 suo loco legeretur, tam feliciter cedere, nisi animum valde attendisset, non potuit.

53. CUIUS CUMQUE CIUET . Brixiensis editio *CLUET*, Veronensis *cluet* . harum neutram hic a Marullo inspectam esse patet, qui fecit *queat* : Antonius Florentinus *tui et . cluet* omnibus litteris plane exaratum homines doctissimos parum advertit in epigrammate Ardeatium, quod refert Plinius in naturalis historiae xxxv, 10, 37, *scriptum antiquis litteris Latinis* (scilicet sexto a condita urbe Roma saeculo), ita, nisi fallor, scribendum . *Dignis digna loces . picturis condecoravit Reginae Iunoni' supremi coniugi' templum Plautiu' Marcu', cluet qui Asia lata esse oriundus ; Quem nunc et post semper ob artem hanc Ardea laudat* . nihil in his mutavi nisi *loces*, ubi erat *loco*, et *qui* pronomen, ut orationem et versum fulcirem, addidi .

54. MITTUNTUR IN REBUS APERTIS . Antonius et impressi MITTUNT .

62. AUCTAS . Quadratus *auctos* . oblongi scripturam confirmat Nonius p. 231, 15 et 458, 15, item Philargyrius ad georgicon III, 444 .

63. DEBE IMAGO . In quadrato prima manus fecit *t supra* addito *DEBET*, in oblongo corrector .

66. HISCENDIS NULLA POTESTAS . Ita quadratus : oblongus *HISCENDIST*, sed *st* in litura a correctore, qui idem erasit *h* . infra 103 *hiscendist* uterque, *h* eraso a correctore oblongi .

68. ORDINE EORUM . Marullus *EODEM* . alterum tueri desipientis est . in proximis oblongus *et forma*, olim impressi *et formae*, Isaacus Vossius *et formai* : in quadrato post *et*, ante *forma*, supra adscriptum est *cum*, et quidem vel prima vel antiquissima manu .

70. QUANTO MINUS INDUPEDIRI PAUCA QUEUNT ET SUNT PRIMA FRONTE LOCATA . Ita oblongus et Veronensis editio : Brixiensis *prima in*, Antonius *prima sub* . quadratus habet *in* ante *prima* additum antiquissima, si non prima

nanu : neque; aliter Marullus, quem omnes secuntur. sed non solet tam neglegenter membra orationis coniungere Lucretius, qui haud dubie scripsisse censendus est *et quae nunt prima fronte locata*. neque enim praepositione opus est. n I, 978 *finique locet se*. item 1022 *Ordine se suo quaeque locarunt*. in IV, 204 *iam prima fronte parata*.

72. NAM CERTE IACERE ACIERGIRI MULTA VIDEMUS. Oblongus *iacecere aciergiri*. in quadrato antiquissima manus post *iacere a* adscripsit *c.in*, ex *ci* fecit *u*, *ri* subduxit; quo efficitur *iacere ac invergi*. hoc ipsum Gronovius, cum emendatoris manum non prorsus adsequeretur, coniectura inventum posuit in observationibus p. 259; quo nihil infelicius aut tam egregio viro minus dignum excogitari potuit. quanto melius Itali et Marullus *iacere ac iaculari*! sed verum est *iacere ac LARGIRI multa videmus*.

75. RUSSAQUE VELA. Sic quadratus: oblongus *rusaque*. Heinsius in Prudentii peri steph. x, 908 *russo* dedit, itaque vetera exemplaria Martialis xiv, 176, codices Catulli 39, 19 *rusam*, *rusata* in Orellii inscriptionibus 2593—2599. *russum* dicendum esse, non *russeum*, Charisius docet p. 55.

77. TREMENTIA FLUCTUS. Ita quadratus, *fluctus*; quod Havercampus non potuit legere: oblongus vocem omittit. recte Turnebus FLUTANT. ita III, 189 *tantillo momine flutat*. quid enim causae sit cur *flutare* reiciatur, *nutare* ab omnibus probetur? Varro *flutent* an *flutentur* dixerit incertum putatur, quia nemo adhuc vetera Macrobiani exemplaria excussit, qui Varronis verba exhibuit in II Saturnalium 11.

78. ET OMNEM SCAENAL SPECIEM PATRUM MATRUMQUE DEORUM INFICIUNT. Corrector oblongi *Scaenalem*: quadratus *Scaenali speciem* (non *specimen*: Havercampus, ut solet, fallit) subducta *m* littera, quasi delenda, omnia manu prima aut certe antiqua. vere Lambinus SCAENAI, sive *Scaenai*: nam in huius modi rebus qui constantiam postulant, inepte curiosi sunt, obliti vix quemquam esse qui ex diversis alterutrum certo consilio sequatur ac non potius eo quod ei vel in os vel sub calamum veniat utatur. an Ciceronem uno certo temporis momento *pulcros Cetegos triumphos Cartaginem* dicere desiisse existimabimus? itaque Lucretius in hoc vocabulo usum alias, alias rationem sequi potuit. nam *scaena* cur argenteae potissimum aetati adscribatur non video, cum

et a Prisciano agnoscatur solum p. 561 et in tabula Heraeleensi sit et in cenotaphio Pisano, neque suo tempore, quamquam Accius dissenserit, aliter quemquam dicere testetur Varro de lingua Latina vii p. 372, si eius verba recte emendavi in hunc modum. *Obscenum dictum a scena. E, ut Graeci aut Accius scribit scaenam.* sic Florentinus liber, nisi quod habet *ea ut*, et scribit *scaena*, idque correctum, ut Lagomarsino visum est, *serena*. ad quem Matii versum Varro haec scripsit, *Obsceni interpretes funestique ominis* (Florentinus om̄s, id est omnes) auctor, eum miror a doctis alio referri quam ad Homericum *Μάρτι κακῶν*. postea Florentinus *Quare turpe ideo obserroum, quod nisi in scaenam palam dici non debet.* id est *Quare turpe ideo obscenum, quod nisi ob scaenam palam dici non debet*: nam ob scaenam hic scribi res exigit, quamquam vulgo actor in scaena pronuntiare dicitur, sed qui hoc idem subtilius vult dicere (Varronis ipsius verba sunt in corpore Putschii p. 2264), *non in scaena sed pro scaena dicit*, a quo non differt *ob scaenam*. sed redeundum est ad Lucretii versum, qui cum interpretibus nihil negotii fecerit, mihi a furioso profectus videtur, *Scaenai speciem, patrum matrumque deorum*; nec profecto sanior, si cum Italis et Marullo, quos omnes secuntur, hypermetrum faciamus, *patrum matrumque deorumque*: nam etsi deorum signa in scaena sunt, nulla tamen sunt *patrum matrumque*. turpis est in hoc loco interpretum levitas, qui primum per se non viderint *decorem* scribendum esse ubi est *deorum*, deinde Lucretium haec eadem prope per singula verba repetisse non animadverterint hoc ipso libro 982, et consessum cernere eundem *Scenaique simul varios splendere decores*. quibus consideratis non potest obscurum esse hic scribi debere *Scaenai speciem* FULCRAM VARIUMQUE DECOREM.

81. ET QUANTO CIRCUM MAGE SUNT INCLAUSTRAE THEATRI MOENIA. Oblongus et Itali *inclaustra*, quadratus *inclusa*; unde apparet in archetypo non puram et inlibatam fuisse scripturam, sed prima manu vitiosam, mox a correctoribus temptatam. neque, si Accius in Alpheisiboea dixit *Sei* (*Sed exemplaria Nonii p. 73, 27 angustitatem inclusam et saxis squalidam*, eodem iure *moenia inclusa* dici possunt. rei convenientissimum est *ANGUSTA*: nam spatium angustis moenibus inclusum facilius in se corripit et colligit lucem,

ne dispergatur. Vitruvius de theatro v, 3 *Sol enim cum implet eius rotunditatem, aër, conclusus curvatura neque habens potestatem vagandi, versando confervescit.*

90. ODOR, FUMUS, VAPOR, ATQUE ALIA RES CONSIMILES, IDEO DIFFUSAE REBUS ABUNDANT, EX ALTO QUIA DUM VENIUNT, EXTRINSECUS ORTAE SCINDUNTUR PER ITER FLEXUM. Corrector quadrati, Itali, Brixienſis editor, *atque ALIAE res.* tum Lambinus ad *diffusae* recte addidit *e*: mihi aptius videtur seiunctis vocabulis scribi *diffusa e*. porro Lambinus et Gifanius furtim sic, *Ex alto quia dum veniunt intrinsecus ortae*, quod simillimum est versui in libro vi, 1141, *Nam penitus veniens Aegypti finibus ortus*; pari in utroque nec ferenda in simplici sententia orationis abundantia. *ex alto* et *extrinsecus* sibi invicem opposita esse solus Wakefieldus (nam eius assecclas nihil moror) non vidit: huic enim *extrinsecus* valet id quod *foras*. ergo, quia de interpunctione dubitari non potest, *ortae* vitiosum est. periit hic vocabulum vere Lucretianum, quod recurrit infra versu 329, *extrinsecu' TORTE Scinduntur per iter flexum*, id est oblique.

94. QUA CONTENDANT EXIRE COORTA. Impressi male *contendunt*. oblongus prima manu *exiere*, quod potest esse *exeire*. quadratus *coorte*: sed id quod oblongus et Itali habent concinit cum *diffusa* in versu 91.

98. POSTREMO SPECULIS — QUAE CUMQUE APPARENT. Ita versu 331 *Pluribus haec speculis videantur in aedibus esse. Usque adeo speculo in speculum translucet imago.* Ovidius in artis amatoriae iii, 681 *Praecipue si cultus erit speculoque placebit, Posse suo tangi credet amore deas.* Martialis ii, 66 *Hoc facinus Lalage speculo quod viderat.* Horatius utrum in carminum iv, 10 cum praepositione *quotiens te in speculo videris alterum an te speculo sine praepositione scripserit* cum non satis constet, Orellius alterum probat, 'ne elidatur *te*' inquit, idem in libro iii, 29 non offendens ad illud *Virtute me involvo*, neque in epodo quinto ubi est *Quid ut noverca me intueris.* poterat scire in quarto carminum libro vocales longas non elidi, neque aut in carmine tertio *tui* est ferendum esse aut in nono *Voltu et per*, quorum reliquit alterum, alterum correxit.

100. QUANDOQUIDEM SIMILI SPECIE SUNT PRAE-

DITA RERUM, EX IMAGINIBUS MISSIS CONSISTERE EORUM. Marullus *Esse et*, Avantius *Esse in*, uterque sine sensu. rei convenit ut simulacra dicantur EXCITA, id est iacta. in fine versus earum Marullus: debet esse RERUM, ut versu 43.

102. 103. NAM CUR ILLA CADANT MAGIS AB REBUS-QUE RECEDANT NAM QUAE TENVIA SUNT HISCENDIST NULLA POTESTAS. Haec suo loco posita legimus supra 65: hic prorsus absurda sunt; ut ridiculus sit Forbiger, qui dicat ea in suspicionem aliquam occurrere.

104. SUNT IGITUR TENUES FORMARUM DISSIMILESQUE EFFIGIAE. Lambinus *consimilesque*, prudentior Wakefieldo, qui alterum explicare conatur. sed uterque videre debebat haec non de simulacris in universum dici, sed de speculorum imaginibus. scribendum ergo *Sunt igitur tenues formarum illis similesque Effigiae*.

116. PRIMUM ANIMALIA SUNT IAM PARTIM TANTULA, EORUM TERTIA PARS NULLA POSSIT RATIONE VIDERI. Itali et Marullus *eorum ut*, Lambinus *nulla ut possit*, Naugerius *ut horum*. satis est unam litterulam mutare, CORUM. vidit hoc Hugo Purmannus in Lucretianarum quaestionum specimine p. 27, nisi quod scripsit *quorum*. sed ita oblongus co v, 692 et *condam* vi, 109, quadratus co ii, 549 iv, 522 vi, 1263, idem *cam* iii, 100 et *alico* iii, 223, schedae *corum* i, 135 467, co vi, 796. in Ciceronis de natura deorum libro i, 111, ubi est *earundem*, scribi debet *carundam*, *Non arbitror te, Vellei, similem esse Epicureorum reliquiorum, quos pudeat carundam Epicuri vocum*. in eiusdem epistularum libro ix, 6, 5, ubi est *vacationem habent eandem publici muneris*, recte docti *quandam*; de quo dubitarunt qui nescierunt hoc scribi *candam*.

118. HARUM INTESTINUM QUODVIS QUALE ESSE PUTANDUMST? Apud Nonium p. 209, 18 HORUM. quadratus *quo quis quale* (prima manu factum *valet*) *esse putandum*, non male omisso *est*, ut ad librum i, 111 docui, quod tamen Nonius quoque exhibet.

126. QUORUM UNUM QUIDVIS LEVITER SI FORTE DOCTUS. Hic Havercampus, quod mireris, ceteris aliquanto plus vidit, cum hic aliquid deesse suspicatus est: sed quod idem uno versu addito rem putavit confici posse, id a solito eius stupore alienum non est. perierunt autem versus Lu-

cretii xxv et capituli titulus. ac primum quidem hoc fuit, *Quorum unum quidvis leviter si forte duobus Attingas digitis*, in eam sententiam quam Homerus in infinitum auxit de unguento Iunonis dicens *Τοῦ καὶ κινυμένοιο Διὸς κατὰ χαλκοβατέες δῶ' Ἐμπης ἐς γαῖάν τε καὶ οὐρανὸν ἔκετ' ἀντμή*. horum igitur elementa subtilissima esse dicebat, et omnino *τὰ εἰδῶλα ταῖς λεπτότησιν ἀνυπερβλήτοις κερχῆσθαι*, ut est apud Laërtium x, 47. videtur tamen his adiecisse *esse item maiora* simulacra, scilicet e multis atque innumeris inter se coniunctis effecta, ut fulgorem ignis aetherii, quo inter tonitruum sonitus omnia occupentur et contineantur, QUI FULMINE CLARO OMNIA PER SONITUS ARCEAT, TERRAM, MARE, CAELUM. postremum erat hoc, cum tanta sit simulacrorum subtilitas, fieri non posse ut singula sensibus nostris percipiantur, quippe *cassa sensu*, quod est in versu 128. haec ita fere a poeta exposita fuisse certis indicibus sine ulla dubitatione cognoscamus licet. prima huius libri pagina in codice eo ex quo nostri descripti sunt indicem capitulorum tenuit, quem codex oblongus in versus xxvi dispositum exhibet: nam haec quae subiecturus sum singula singuli versus sunt,

7 De celeritate tactu videri

11 De turbis de umbra hominis

15 De auditis corpoream esse vocem

24 De ambulando De somno.

in aversa pagina fuit primum titulus, *Sibi iucundissimum esse*, cetera, quae quasi primum huius libri versum exhibet oblongus, quadratus minio scripta uncialibus litteris; deinde versus xxv primi. in scheda secunda versus LII, a 26 usque ad 76, cum titulo ante 29. in priore schedae tertiae pagina versus poetae xxv, 77—101, titulus ante 98; in aversa item xxv cum titulo, 102—126. potuit igitur hic, ubi sensus imperfectus est, aliquid periisse; non nimis multa tamen, quia poeta se rem *paucis* docere dicit 115; ergo non tres paginae, sed una: nam duas deesse non posse concedet qui ea perceperit quae dicam ad versum 144. neque ea pagina xxvi carminibus constitit, sed fuit in ea praeter carmina titulus, quem indices libro praepositi exhibent, cum intus inter versus non compareat, *Esse item maiora*. eos autem versus quos huic paginae supra attribui, Probus et Servius rettulerunt. Probi verba sunt haec in commentario ad eclogam vi Ver-

gili 31, p. 20, 20. *Plane trinam esse mundi originem et Lucretius confitetur dicens (v, 92) Principio maria ac terras caelumque tuere; Quorum naturam triplicem, tria corpora, Memmi, Tres species tam dissimiles, tria talia texta. et alio loco Omnia per sonitus arcet, terram, mare, caelum. eadem Iacobus Bernaysius Servium ad Aeneidos 1, 30 Ennio adscribere observavit. Arcebat, inquit, prohibebat. significat autem et continet. Ennius Qui fulmine claro Omnia per sonitus arcet. sed et in Lucretianis Servius plerumque peccat, et potest Lucretius ab Ennio haec sumpsisse, ut libri III versum 1025 et 1035, item IV 409 et VI 195.*

129. SED NE FORTE PUTES. In his XIV versibus, 129—142, Lambinus operam eximiam praestitit: hic enim primus eos foedissime confusos in verum ordinem restituit, quem Forbiger, cui omnia bona sordent, nulla Lambini mentione facta *vulgarem rationem* dicit. sed insuper observandum est novem alios versiculos, qui notati sunt numeris 168—175 et 179, eos ipsos cum his quattuordecim coniungendos esse. agitur enim utrobique res eadem, scilicet *ουστάσεις* quas Epicurus dicebat, et quidem non tam earum *originis celeritas* quam potius *tenuitas*: nam quibus verbis earum descriptio finitur 174, *Quorum (nimborum) quantula pars sū imago dicere nemost Qui possit, neque eam rationem reddere dictis*, In quem quaeque locum *diverso nomine* tendat, ea accurate respondent his quae praecesserunt, 110 *quam tenui natura constet imago, et rerum simulacra vagari* Multa modis multis, *nulla vi, cassaque sensu*. nec tamen fieri potest ut hi XXXIII versus ante 143 ponantur, *Nunc ea quam facili et celeri ratione genantur*: is enim ad *simulacra* pertinet, quorum significatio facta erat versu 127, cum e contrario in his de *ουστάσει* fuisset *imago* 174, neque ibi de his agitur, sed de altero *εἰδώλων* genere, quae dicuntur *ἀπόρροισι*. itaque manifestum est Lucretium, cum alterum genus a se praetermissum esse intellexeret (et utrumque infra enumerat in hoc libro 736 737), haec in chartas ita coniecisse ut ea nullo certo loco reponeret, correctorem autem poematis ne id quidem curasse ut partes dispersae coniungerentur.

132. IN HOC CAELO, QUI DICITUR AER. His utitur Servius ad georgicon I, 51, ad Aen. I, 58 v, 18 ix, 20 x, 899, item Probus ad ecl. VI, 31 p. 16, 16. at Isidorus orig. XIII, 4, 3

Lucretius Caelum quod dicitur aër, contra consuetudinem huius poëtae, de qua egi ad librum III, 94.

142. ET CUIUSQUE MODI FORMARUM VERTERE IN HORAS. Oblongus cuiusce. eiusdem corrector ORAS; rectissime. *orae* enim et hic et in versu 166 sunt extremitates, quae rerum superficiem ac speciem efficiunt. ita Ennius et Vergilius *ingentes belli oras* dixerunt summa belli discrimina. neque aliter Varro de lingua Latina libro VIII p. 392 *De huiusce multiplici natura discriminum*, hoc est discriminum e multiplici declinationum natura prodeuntium, *orae sunt hae*, scilicet extrema et summa, in quae omnia inter se diversissima exeunt, *cur et quo et quem admodum in loquendo declinata sunt verba*. nos ad eum modum figurate dicimus *eine sache bei den zipfeln fassen*, idem Varro de re rustica I, 6, 256 et 20, 5 *tria formae fastigia* pro tribus generibus definitis. ad nostratum illud proxime Caecilius Statius apud Festum p. 182, 22 *Oram reperire nullam, quam expediam, quoque*; quae docti male temptarunt, cum Ennius quoque et Vergilius *belli oras evolvi* dixerint.

133. FACILE. Librarius quadrati primum scripserat *facere*, mox errore animadverso ipse correxit. hoc si aut tacuisset aut ita ut est rettulisset Havercampus (dixit autem '*facere* Z. sed superscrib. *facile*'), Wakefieldum eiusque pedisequos in gravem errorem non induxisset.

143. QUAM FACILI ET CELERI RATIONE GERANTUR. Oblongus *quam facile*, quadratus *quae facili*. tum Lambinus GENANTUR, ut sanae mentis hominem decuit, quidquid Wakefieldus et Forbiger blaterant: hic enim poëta docet *quam facile et celeriter gignantur*, mox 176 *quam celeri motu ferantur*.

144. LAPSAQUE CEDANT. Post haec verba deest primum *Percipe* vel *Expediam*, tum paucula a quibus illud enim quod subicitur pendeat. neque tamen ullum hic in codice archetypo defectus indicium fuisse existimandum est, quamvis a versu 127 usque ad 298 sint versus tantum modo CLXXII et tituli tres, cum septem paginae versibus constant CLXXXII: septem autem paginae esse debent, quia proximos versus LI 299—347 in unius eiusdemque schedae paginis scriptos fuisse suo loco ad versum 323 declarabo. nam in pagina aversa schedae huius libri quartae fuerunt versus poëtae

xxv 127—151 cum titulo; in scheda quinta LI 152—202 et titulus in fine prioris paginae; in sextae priore facie xxv, 203—228: sed in altera pagina septem versus postremi repetiti fuerunt 222—228 (ii enim in quadrato codice post 228 iterum scripti sunt), qui coniuncti cum proximis 229—247 efficiunt xxvi: scheda septima tenuit versus LI, 248—298, et titulum unum ante 269.

150. OPPOSITA FUERUNT. Itali OPPOSTA.

152. NAM NEQUE, UTI VESTEM, POSSUNT TRANSIRE, NEQUE AUTEM SCINDI. Sic veteres et Itali, *neque autem*: impressi omnes *neque ante*, cum intellectum non esset in proximis *quam* pronomen esse, non coniunctionem. sed *possunt* ferri non debet: poëta enim nondum de *simulacris* loquitur, sed de eo quod *summum* de rebus abundat et iacitur. ergo scribendum est POTIS EST, non *possit*, quod tacite suffecit Creechius.

159. SIMULACRA GERUNTUR. Hic quoque necessario legendum GENUNTUR, cum Lambino.

166. SPECULUM QUO CUMQUE OBVERTIMUS ORIS, RES SIBI RESPONDENT. *Oris* in oblongo omissum. idem *Res ibi*: quadratus *sibi respondent*, quod mihi unice verum videtur. nam *res* verae *sibi* respondent e speculo vel in speculo: at conspicienti non ipsae *res* sed rerum imagines *ibi* in speculo respondent. porro *quo cumque* I. F. Gronovius in observationum libro III, 19 p. 609 cur ferre nolit et scribat *qua cumque*, me non intellegere fateor: videor enim mihi recte dicturus esse *si speculum huc* (id est in *hanc* partem, velut in dextram meam et paulo post in sinistram) *verto ob superficiem rei, hic* (id est modo in dextra, post in sinistra) *species illi similis respondet*.

170. REARIS. In libro VI, 251 *reamur*. nihil interest: sed vix credo poëtam hanc inaequalitatem relicturum fuisse, si carmen suum ipse edidisset.

175. NEQUE EAM RATIONE REDDERE DICTIS. Itali et impressi *eam* RATIONEM. sed quam, quaeso, rationem? eamne iterum, quam modo dixit neminem scire posse, id est quantula nimborum pars imago sit? non magni acuminis res erat, sed supra levitatem editorum Lucretii, et hic damnum esse intellegere et ex proxima vicinia auxilium *arcescere*. nam quartus ab hoc versus ubi sic scriptus legitur,

179. IN QUEM QUAEQUE LOCUM DIVERSO NUMINE TENDIT, nec sensum facit nec ceterae orationi innexus est, quae in *simulacris* vertitur, cum hic *imaginem* loquatur. at omnia plana fient, ut nullo interprete indigeant, si haec coniunxerimus, *Quorum quantula pars sit imago dicere nemo* Qui possit, neque eam rationem reddere dictis, *In quem quaeque locum diverso* MOMINE TENDAT. nam coniunctivo opus esse patet, et *momine* scribendum esse Marullus vidit.

178. UT BREVIS HORA FERATUR. Idem Marullus vere et Latine *hora* TERATUR.

182. AETHERIIS. Quadratus *aetherii*: sed idem *aetheriis* versu 911.

190. ET QUASI PROTELO STIMULATUR FULGERE FULGUR. Impressi *stimulatur fulgure fulgur*; quod uti non improbo, ita alterum elegantius esse duco, quo suaviter variatur orationis forma: nam si scribimus *fulgure*, hic versus a superiore nihil differt.

203. PERQUE VOLARE MARE AC TERRAS CAELUMQUE RIGARE. Habemus hic illas tres mundi partes quas facere Lucretius solet, *mare, terras, caelum*. quid igitur is versus qui hunc praecedat efficit, quo corpuscula dicuntur *Per totum caeli spatium diffundere sese*? foedum vitium nec ferendum delebimus scribendo CIRCUMQUE *rigare*, id est undique. ceterum non satis memorabile est quadratum habere *defundere sese*, et oblongum prima manu, si litteras erasas recte perspexi, *diffunderes esse*.

195. QUOD SUPER EST, UBI TAM VOLUCRI LEVITATE FERANTUR. Hunc versum cum loco alieno positum Marullus recte vidisset, nescio quo errore traiecit post ea quae modo tractavimus, *caelumque rigare*, ita scriptum, *Quod superest, ubi tam volucris haec levitate feruntur*. Lambinus errorem auxit scribendo *Quod superast*. Marullus videtur id voluisse quod verum est. *Quid quae sunt igitur iam prima fronte parata? Cum iaciuntur et emissum res nulla moratur, Quod super est, ubi tam volucris levitate ferantur, Quone vides citius debere et longius ire?* solet ita poeta quod *super est* in apodosis ponere, ut in II, 39 491 v, 64 VI, 1000; cui par est ergo post *quoniam* in I, 526 et v, 260, ergo post *cum* apud Vitruvium VIII, 3, 26. ita *quod super est* Propertius IV, 21, 21 *Deinde per Ionium vectus cum fessa Lechaeo Sedarit placida*

vela phaselus aqua, Quod super est, sufferre pedes properate laborem. ubi ferantur autem coniunctivum in membro ab interrogatione pendente locum habere quis neget? et simillimi sunt ii coniunctivi quos habemus in libri iii versu 507 et in vi 855. postremo Quone citius eunt rectissime dictum est, ut nihil opus sit Nonne scribere cum correctore quadrati et Marullo; quod in oblongo solo, ante quam is corrigeretur, fuit Quo neque. Quintilianus in i, 10, 3 aut quo melius vel defendet reum vel reget consilia qui citharae sonos nominibus et spatiis distinxerit? hoc dicendi genus Propertium decere existimabam in disticho ad imitationem orationis Lucretii composito, i, 2, 9, ubi quo melius scripsi, cum libri habeant quos, Aspice quo summittit (potius summittat) humus formosa colores Et veniant hederæ sponte sua melius; quod Hertzbergius se intellegere negavit. at ego vicissim viri doctissimi sententiam miror, qui Propertii verba ita interpretetur ut hederam et arbutum inter colores, id est inter flores coloratos, numerasse videatur: dicit enim 'Aspice colores quos terra submittit: iam videbis ut sponte sua melius veniant.'

210. QUAM CELERI MOTUM. Correctores antiquissimi MOTU.

211. SUB DIU SPLENDOR AQUA. Corrector quadrati sub divo et aquai. sub diu scribitur apud Plautum, qui eo semel usus est, in versu mutilato Mostellariae iii, 2, 78, in Vitruvii libro v, 9, 5 et 6, item vi, 3, 9 vii, 1, 5, in Plinio Chiffletiano semper (hoc Dalecampum testari Siligius refert ad librum xxxv p. xxviii), apud Paulum epitomatores Festi p. 54. Asconius qui falso dicitur ad librum in Verrem i, 51 sed ita declinatur, hoc dium, huius dii etc. Festus p. 185, 27 Dialis, quia universi mundi sacerdos, qui apellatur dium. sed dio sive divo et diu, sicut freto et fretu, dicuntur a duobus rectis, quae sunt dius et divum. utrumque rectum a Varrone indicatum puto de lingua Latina libro v p. 72, ubi sic Florentinus codex. Hoc idem magis ostendit antiquius Iovis nomen: nam olim Diovis et Dispiter dictus, id est dies pater. a quo dei dicti qui inde, et dies et divum. unde sub divo dius Fidius: itaque inde eius perforatum tectum, ut ea videatur divum, id est caelum. scribendum aio et dius et divum, eaque ita intellegenda ut dixi: nam neque in dius adiectivo notio apparet diei sive caeli, neque dius Fidius simpliciter dius dici potest. sine u

consonante versus Horatii labat, *Vitamque sub divo et trepidis agat*: nam in versu *divo et* vel *diu et* vitiosum esse vidimus ad librum III, 374. in Afranii senario (est enim inter plures apud Nonium p. 207, 33) miror esse *Soleatus intempesta noctu sub divo*, magis miror doctos facere *sub divo*, quod ab altero non differt: sed quid Afranium posuisse dicam non habeo, nisi forte *sub nive*. perturbatum Phaedri Perottini versum 31, 11 non curo, qui ita scriptus editur, *Non sum in campo par tibi, sed sum sub divo. subdiale*, quoniam *subdial* quoque esse fertur, producte dicendum existimo, quamvis in flamine *Diali* tam brevis sit syllaba quam in *consulibus dialibus*, qui sunt in ioco, atque in *novendiali* pulvere. *dius* adiectivum semper producitur. itaque *fulgur dium*, de quo nuperrime dixit Theodorus Mommsenius in annalibus societatis Lipsiensis 1849 p. 292, quamquam diurnum est, tamen etiam *divom* scribitur, scilicet Iovium, neque eadem quantitate sunt adverbia, ut *dius* (quo Titinium usum esse Charisius refert p. 185), *interdus*, *nudius* tribreve. *perdius* his adnumerandum puto: adiective *perdia* quam recte quove accentu Appuleius dixerit, ignoro. *prodius* Varronis (apud Nonium p. 47) differt: nam *accedit prodius* est *illuc prodcedit amplius*. denique *deus Fidius* (in Varronis de lingua Latina v p. 58 Florentinus *apud aedem de i de fidi*) cum *dius Fidius* dicitur, *i* producte effertur, in Asinaria Plauti I, 1, 8 *Per dium Fidium quaeris*. scio quidem non nullos eorum qui Ciceronis de oratore libros ediderunt in II, 274 versus quosdam mimicos tam perverse distinxisse, ut *medius fidius* pro anapaesto et dactylo esset: sed editores Ciceronis plerique sibi metra ignorare turpe non putant, qui in I de officiis 18, 60, ut hoc uno exemplo utar, ex optimo septenario, qui est huius modi, *Vós enim iuvenes dnum geritis mthiebrem, illa virgo viri*, heroicos pingui pede palimbacchio distinctos, ita, *Illā virago viri*, sua arte effingere non erubescant. isti versiculi mimici sic distinguendi sunt, *quid est tibi ista mulier? uxor. Similis me dius Fidius*: dicuntur autem a M. Tullio *subabsurdi*, quia similitudo oris, quae in sorore locum habet, ridicule in uxore agnoscitur.

212. CAELO STELLANTE SERENA SIDERA RESPONDENT IN AQUA RADIANTIA MUNDI. Durum dicendi genus neque Lucretianum, *sidera in aqua respondent mundi*, omisso *sideribus* dativo: nam *sidera mundi* ut coniungamus

nec verborum ordo patitur nec rei ratio, quam exposui ad versum 166. poëta dignum est *Sidera respondent in aqua radiantia* MUNDO.

216. MIRA FATEARE. In libro sexto, ubi hi versus recurrunt, 922 MITTI aut certe *miti*.

218. PERPETUOQUE FLUANT. In sexto FLUUNT. ver-
sum proximum Nonius e *libro quarto* profert p. 247, 11, sine
libri numero p. 310, 33.

220. EXESOR MEORORUM. In sexto MOERORUM.

223. DILUTAQUE CONTRA. Haec una cum versu proximo
ex iv Lucretii Gellius proposuit in libro I, 21. Servius ad
georgicon II, 247 *Amaror. amaritudo. et est sermo Lucretii*.

228. 229. PERPETUO QUONIAM SENTIMUS, ET OMNIA
SEMPER CERNERE ODORARI LICET ET SENTIRE SONARE.
Horum versuum prior et ad rem demonstrandam sufficit et
verissimam praestat sententiam: perpetuo enim sensibus
utimur, neque quicquam est quod aliquo tempore non sen-
tiatur. sed versus alter omnia pervertit. nam cum verum
sit omnia semper sentiri, falsissimum est *omnia semper* li-
cere cernere odorari et sentire sonare, quasi omnes res
omnibus sensibus percipi possint. deinde cum in superiori-
bus sensus singulos commemorasset, visum, auditum, olfac-
tum, tactum, gustum, cuius iudicii est, ubi omnia complec-
tenda sunt, gustum omittere! quam puerile autem, postquam
sentire de tactu dictum est (in hunc sensum enim *sentimus*
iam coartari debet), de auditu iterum eodem vocabulo uti,
sentire sonare! hoc cum durum loquendi genus Marullo vi-
deretur (duritiae causam exponam mox ad versum 244),
scripsit *et sentire sonorem*, Lambinus autem, ne bis idem
verbum esset, *exaudire sonorem*. sed quoniam neque his
multum proficimus et in libro sexto 933 omnia ad litteram
eadem sunt, rectius dicemus hunc versum ab eo interpolatore
adiectum esse, quem iam aliquotiens artem poëtae non ad-
secutum vidimus.

235. COMMOMET ET IN TENEBRIS. In utroque codice
erasum ET.

237. QUIA PROPTER. In oblongo factum *QUA propter*.

240. DEDITA. Marullus DIDITA.

244. IMAGO EFFICIT UT VIDEAMUS ET INTERNOS-
CERE CURAT. Infinitivo Lucretius saepe utitur pro casu

recto substantivi . in iv, 765 *Praeterea meminisse iacet languetque sopore* . 836 *Nec fuit ante videre oculorum lumina natum , Nec dictis orare prius quam lingua creatast* . 843 *At contra conferre manu certamina pugnae Et lacerare artus foedareque membra cruore Ante fuit multo . ubi secuntur similia* . in v, 979 *Non erat ut fieri posset mirarier umquam , Nec diffidere* . 1118 *Divitiae grandes homini sunt vivere parce* . in iii, 67 *Turpis enim ferme contemptus et acris egestas — videntur — quasi iam leti portas cunctarier ante* . in v, 1297 *Et prius est armatum in equi conscendere costas , Et moderarier hunc frenis , dextraque vigere , Quam biugo curru belli temptare pericla : Et biugos prius est quam bis coniungere binos Et quam falciferos armatum escendere currus* . sed infinitivus ubi pro accusativo est , alium accusativum sibi adiunctum habet : neque hic poeta ita dixit ut Ennius *Aut occasus ubi tempusve audere repressit* , apud Festum p. 178, 17 , sed potius hoc modo . in v, 1186 *Ergo perfugium sibi habebant omnia divis Tradere et illorum nutu facere omnia flecti* . in iii, 239 *Nil horum quoniam recipit quem posse creare* . in vi, 69 *longeque remittis Dis indigna putare* . et 711 *item in multis hoc rebus dicere habemus* . huius accusativi defectum in causa esse puto , cur hic versus mihi durissime compositus esse videatur : multo enim facilius ferrem haec , *imago spatia internoscere curat* . cur autem dicam Lucretium hic oratione tam inculta usum esse , cum in promptu esset scribere *Efficit ut videamus et internoscere* COGIT ? nihil profecto aliud hic locum habet , nec attinet dicere quotiens ita hic poeta cogendi verbum posuerit .

246. EXTEMPO PROTUDIT AGITQUE AERA . Ita oblongus : quadratus *prodit* . versu 280 oblongus item *protudit* , quadratus *protrudit agitque Aëra* . recte iudicant qui probant PROTRUDIT . nam *protrudere* est sensim promovere , *fort schieben* . ita corporis moles quomodo , cum imus , paulatim *protrudatur* poeta docet in hoc libro infra 879—891 . ita Sisyphus *trudit* saxum iii, 1000 . ita ventus *trudit* res ante i, 292 , idemque *trudit* navem iv, 902 vi, 1032 . *procludere* autem non potest in propellendi significationem deflecti : nam *cludere* est batuere vel tundere , quem admodum interpretatur Donatus ad Eunuchum ii, 3, 90 .

249. QUASI PERTEGET . Ita hic Leidenses : mox 252 oblongus *PERTERGET* , quadratus *perteget* : versu 277 *perteget*

uterque, corrector oblongi *pertinet*. verum ordinem versuum Marullus monstravit et hic et paulo post, 261.

253. REVOTA VIDETUR. Ita quadratus: eius corrector REMOTA. hoc ipsum oblongus habet, sed tres primas litteras manu Saxonica in litura.

261. NON PRIMAM QUAMQUE. Recte Gifanius (sed de *vetere codice* ipse viderit) PRIVAM. hoc enim agitur, *singula* 258.

262. SED MAGIS UNORSUM. Pius 'Sunt qui scribunt *unversum* pro universum.' idem Pacuvianum *unose* attulit ex Nonio p. 183, 20. haec Wakefieldus *unvorsum* et *unvorse* scribenda iudicavit; qui debebat addere in senatus consulto de Bacchanalibus facto re vera ita scriptum esse *homines plous* v *oinvorsei*. ex quo intellegi potest quam inepte propter *versum* i vocalis extrita esse statuatur, cum in *undecim* et in *unde octoginta* nemo umquam eam litteram scriptam viderit, et *unanimitas* atque *unoculus* antiquissimos auctores habeant, item *unanimus* satis antiquos. quamquam non nego Plautum semper *unvorsus* quattuor syllabis dixisse, neque Claudium *Unimanum* ignoro, neque *unigenam* Catulli. nihilo minus cum duobus saeculi ab urbe condita septimi scriptoribus *unorsum* et *unorse*, vel quod idem est *unose*, tribui videam, malo eos ita dixisse credere, o producto ut in *prorsum deorsum seorsum*, quam formas illis fortasse duriores visas inferre. ceterum corrector quadrati iam adscripsit *vel unvorsum*: Marullus *introrsum*, Avantius *invorsum*, Lambinus *unversum*.

267. IPSA DURITIEM. Quadratus *Duriciem* et 294 *Planicem*. eius corrector et ceteri *IPSAM*.

270. PENITUS REMOTA VIDETUR. Quadratus *remmota*. sed versu 288 utrumque exemplar SEMOTA, quomodo recte hic quoque scripsit Marullus. idque eo magis faciendum est, quod versus ab hoc vicensimus huc retrahi debet,

290. ILLIS QUE REDDUNT SPECULORUM EX AEQUORE VISUM; qui illic sententiam ita pervertit, ut Wakefieldus, qui eum solus interpretari aggressus est, nihil nisi quod insanienti conveniret efficere potuerit. 'Quâ re etiam atque etiam minime est par illis mirarier (ea), quae reddunt visum ex aequore speculorum binis aëribus: i. e. Illi igitur, qui phaenomenon imaginis in speculo per medium duplicis aëris explicant, minime mirari debent rationes nostras, quae simili

prorsus argumento subnituntur. Videtur autem praestringere Pythagoreos, quasi scilicet hanc Epicureorum solutionem sannis exceperint, quamvis ipsi parem visûs retro conversionem finxerint.' haec ideo ex vastis illis commentariis excerpta duxi, ut lectores viderent quam recto consilio pleraque Wakefieldi deliramenta ne verbo quidem commemoravissem.

271. QUOD GENUS ILLA, FORIS QUE VERE TRANSPICIUNTUR. 277. POST EXTRARIA LUX OCULOS PERTEGET ET AER ALTER, ET ILLA, FORIS QUE VERE TRANSPICIUNTUR. Hi versus, qui interpretibus facillimi videntur, una considerandi sunt. primum in his *vere* non modo supervacaneum est, sed caret sensu. deinde neque *quod genus illa* ita intellegi potest ut addamus *ultra speculum videntur* aut *penitus semota speculi aequore videntur*, qualia mente addenda docui ad librum II, 194: neque illa quae foris transpiciuntur, sed lux et aër, *pertergent* oculos (sic enim scribendum esse dixi ad versum 249), illa autem ipsa quae foris sunt transpiciuntur. quae cum ita sint, certissima res est in neutro membro *transpiciuntur* a relativo suspensum esse debere: itaque ubi *quae vere* legitur, in utroque versu debet esse *quae sunt*. formemus ergo lenissime sic, *illa, foris quae sunt, bene transpiciuntur*. nam *vere* factum est ex *vene*, quod habent libri in III, 1071 IV, 572 1129 V, 82.

275. CITRA POSTES TUM CERNITUR. Sic plane oblongus: quadratus *citra post aestum*. Antonius Marii et Brixien-sis editio *cum cernitur*, Veronensis *qum cernitur*.

283. SED UBI INSPECULUM QUOQUE SENSIMUS IPSUM. Marullus *ubi speculum*. eodem modo in Mercatore Plauti III, 2, 4 scriptum est *Decurso inspatio breve quod vitae reliquomst*. Charisius p. 181 e Plauto *insta ilico*. apud Cicero-nem in Tusc. II, 36 *Militia instudio est*. in apocalypsi Iohannis XX, 14 *est instagnum*. apud Agennium Urbicum de controversiis agrorum p. 61, 12 *ut Instoici decernunt*. Cicero *inscripsit* pro *scripsit* in scholiis Bobiensibus in Plancianam p. 268, 22 Or. apud Charisium p. 85 *ex Hissibullinis libris*. in Ciceronis de finibus libro III, 36 *maxime tamen Histoicis, qui nihil aliud in bonorum numero nisi honestum esse voluerunt*. in hiscarifo, quod est in gromaticis p. 244, 4 et 8, commemoravi ad Gaium I, 190, ubi scriptum est *magis hispeciosa, et isscevas* ad Ulpianum II, 7.

in Amphitruone Plauti I, 1, 249 *nunc hicsto*, ubi vetus paulo rectius *Nónne ego nunc isto ante dedis nostras?* in Aeneide Medicea *Quid istruis* prima manu in XII, 796. apud Nonium p. 137, 33 *Quód si ut decuit istáres mecum*, p. 468, 21 *idem Isticho*, 486, 23 *istuc Istasime*, 522, 25 *adistas*. in contrariam partem in Nonii libro numquam peccatum est; quo valde firmatur auctoritas pronominis decurtati de quo dixi ad librum III, 954 p. 197. sed eo modo eadem Bobiensia scholia in orationem pro Sylla p. 368, 21 *ad strumentum fidei*, in Varronis de lingua Latina libro VII p. 351 *qui scribitur* pro *inscribitur*, in Arnobii libro V, p. 174 *atque striculi pusionis*, id est *hystriculi*. ita vulgo *stera* pro *hystera*. in Iuvenalis VII, 231 Pithoeanus *Ut legat storias*. in Columellae libro XI, 1, 5 et 15, item in XII, 2, 6 et 3, 5 *Schomachus* sive *Scomachus* pro *Ischomacho*. multo minus frequentatur *e* ante *s* impurum. *espátium* in corpore gromaticorum p. 402, 2. apud Nonium p. 169, 8 *escrape*, *estetid* 367, 2917, *escepra* 481, 27, *Essenona* 99, 31. *quod Exerses* in Varronis de lingua Latina VII p. 307. *exerampelinas* in schol. Iuvenalis VI, 519. *expectare* pro *spectare* frequentissimum, rarius *spergisceretur*, quod habet Nonius p. 473, 3, et *scaria* p. 108, 28. *scruciatibus* pro *ex cruciatibus* in Arnobii II p. 77.

284. CONTINUO A NOBIS IN EUM QUE FERTUR IMAGO PERVENIT. Wakefieldus, Latinitatis auctor mirificus, veteres in *eum* dixisse, cum neutrum genus significandum esset, suspicatur, idque Forbigero, homini minime suspicaci, non improbabile videtur. nihilo minus hoc egregio artificio infra in libro VI, 1064 uti obliviscuntur. ni mirum multis post Lucretium saeculis hoc pronomen faciebat *aliquibus dubietatem*, ut dicit Palaemon grammaticus p. 1378, *praecipue in accusativo casu*, et Augustinus p. 1995 Putschii curiose docet non esse dicendum *per eum iter*. Lambinus in *id haec*. adeone difficile fuit ITERUM scribere? hoc sententiae convenit, et *pervenire* absolute positum ad librum VI, 324 illustrabimus.

288. DISTARE A SPECULO. Corrector oblongi et quadratus a speculo. sed praestat sequi manum primam oblongi: videnda sunt quae observo ad VI, 105 925.

323. SERVET ET LISAM. In quadrato correctum *et ELISAM*, neque aliter Antonius Marii et Veronensis editio. sed unus ex correctoribus quadrati in hoc loco ingeniosissime

ordinem versuum perturbatum, quem numeris adscriptis ostendi, ad ipsam veritatem revocavit. hoc ut ita esse intellexeretur, eius verba secundum singulas litteras ipsasque distinctiones descripta proposui. 'Atque ea continuo. Que sequuntur / praepostere scripta sunt. Continuetur ergo. Seruet et elisam in (deletum) sequenti pagina. et consequenter usque ibi. Ac resilire ab rebus. tertia pagina. Post haec redeatur huc. Splendida porro. et continue usque ibi. A tenebris. (ita corrector quadrati hoc antiquior 312: prima manu ..t tenebris.) ac consequenter usque ibi. Que sita sunt. Inde saltetur illuc. Quod contra iacere. (ita quadratus, iacere.) Ac demum continuetur;' hunc ante Lambinum nemo secutus est: Marullus enim hunc fecerat versuum ordinem, 298 323—325 299—322 348—352 326—341 353—363 342—347 364, Avantius autem prorsus absurde 298 323—325 299—322 326—347 348. at Lambinus in codice Bertiniano, quem ipse non viderat, sed habebat a Turnebo excerptum, eos sex versus qui notantur 342—347 eo loco legi refert quo ipse eos excudendos curaverit, hoc est inter 341 et 299, cetera tacite ad mentem correctoris disposuit. ceteri editores Lucretii, quasi res factu facillima fuisset, neque Lambinum neque alium tam eximiae restitutionis auctorem ulla laude dignum existimarunt. erroris origo lectoribus nostris non potest obscura esse: apparet enim, si titulos carminibus addas, versus xxvi, qui priores esse debebant, post alios item xxvi collocatos esse; quod fieri non potuit nisi per schedam codicis archetypi a ceteris solutam et inversam, quae fuit octava huius libri, codicis totius LXVIII.

324. FIET UT, ANTE OCVLVS FVERIT QVI DEXTER, UT IDEM. Qui priora recte distinxerit, non dubitabit quin scribendum sit *Fiēt* ITA. corrector quadrati inepte *ante oculos*; quo temere arreto Wakefieldus fecit *Fiēt*, et *ante oculos fuerit qui dexter*, ut *idem*. Marullus item male *hic idem*.

327. QVINQVE ETIAM SEX UT FIERI SIMVLACRA SUE- RINT. Nullius iudicii est hic *quinque sex* ita capere ut apud Horatium *sex septem milia*. et peius Wakefieldus *simulacra quinque, etiam sex*. scribendum est *Quinque etiam* AUT. *sex*, ut versu 577 *Sex etiam aut septem*. Marullus *sexve*.

328. LATEBIT. Marullus LATEBUNT.

334. INDE RETRO RVRSUM REDIT ET CONVERTIT

EODEM. *Retro rursum oblongus, retrorsum quadratus et corrector oblongi. in fine scribendum CONVERTITUR eodem, ut in versu 295 convertitur et 341 convertier: cur enim hic semel aliter dixerit?*

341. FLEXEA FIGURA. Quadratus *Flex*: corrector oblongi FLEXA.

342. PORRO PARITER. Quadratus *pariter porro*. mox oblongus 345 *nequeant*.

304. QUI CUMQUE EST TACER ARDURIT. Correctores veteres ACER ADURIT.

309. SEMINA MAULT FLUUNT. Quadratus *mavult*: eius corrector MULTA, itaque Antonius Marii et Marullus.

313. PROPRIOR. Itali et Brixiensis editio PROPRIOR.

317. AERIS ULLIUS. Itali et impressi ILLIUS.

321. CONTINUO RERUM SIMULACRA SECUNTUR. Antonius Marii et Marullus *simulacra adaperta*, Avantius *rerum quaedam*. scribendum sine dubio AERA continuo.

351. OBSIDIT QUIA OCULORUM. Egregie corrector quadrati *Obseditque vias*: sed rectius Itali et Marullus *Obseditque*.

351. NE SIMULACRA POSSINT ULLARUM RERUM CONTECTA MOVERI. Marullus CONIECTA. sed praeterea recte Bentleius MOVERE, scilicet oculos, et lacessere ut videant.

355. ANGULUS OPTUTUS. Quadratus *obtus*: eius corrector et ceteri OBUTUS.

357. PLAGAS, NEC AD NOSTRAS ATES DERIABITUR ICTUS. Corrector quadrati et ceteri PLAGA et ACIES: PERLABITUR primus Gifanius.

361. FIT QUASI UT AD TURNUM SAXORUM STRUCTA TUANTUR. Itali et Brixiensis editio *ad tornum*. *torno* est in Mediceo Vergilii georg. II, 449. sed *tuantur* non habet quo referatur: debet esse TUAMUR.

368. ESSE POTEST ALI NISI. Ita prima manu oblongus *ali nisi*, a correctore ALIUD *nisi*: quadratus *alii ni*. Servius ad Aen. IV, 654 *umbra, quam Lucretius sic definivit, spoliatus lumine aër*. scilicet e versu 377; ne quem fallant Eichstadii somnia, quae exponit in praefatione p. LXXVII.

378. SIBI ADLUIT UMBRAS. Impressi ABLUIT.

382. UMBRA QUAEQUE FUIT HIC EADEM NUNC TRANS-

EAT ILLUC. Quadratus non habet nunc : Marullus male num : Itali *Umbraque quae et eadem nunc*.

393. REVISUNT. Oblongus *revisent*, u super scripto : *revisant quadratus*.

395. MANERE ET LUNA VIDETUR. Quadratus *maneret et lumine videtur. videtur* interpretum levitas patienter tolerat : debet esse videntur, cum sequatur *ea quae ferri res indicat ipsa*.

397. EXSTANTISQUE PROCUL MEDIO DE GURGITE MONTIS. Nominativi pendentes Wakefieldo et Forbigero placent, scilicet grammaticae imperitis. Marullus suae fabricae verum, eumque et immodulatum et sensu cassum, infersit. simpliciter scribendum est *Exstant usque procul*.

406. QUOS UBI TUM SUPRA. Marullus *ibi tum*, quod non est Lucretiani usus. Naugerius *tibi*.

409. VIX ETIAM CURSUS QUINGENTOS SAEPE VERUTI. Festus p. 375, 27 *Veruta pila dicuntur, quod.. (veluti verua Paulus) habeant praefixa. Ennius li. x... cursus quingentos saepe veruti*.

414. AT CONIECTUS AQUE. Verissime Lambinus *conlectus aquae*. recte Frontinum auctorem ferunt lexica, qui dixit in libro primo de controversiis agrorum p. 23, 8 *si collectus pluvialis aquae transversum secans finem in alterius fundum influit*. adde libri III versum 198, ubi est *lapidum coniectus*, qui debet esse *conlectus*. fit enim *coniectus oculolorum, bracchi, animae, elementorum sive materiae, teli*, cum eae res in locum aliquem coniciuntur. itaque recte dixit Sallustius in historiarum libro III *solita a fugitivis convicia et in castra coniectus lapidum*.

417. CAELI PATET ALIUS HIATUS. In quadrato factum ALTUS a correctore. sic Itali et impressi.

418. 419. NUBILA DESPICERE ET CAELUM VIDEARE VIDERE, CORPORA MIRANDE SUB TERRAS ABDITA CAELO. Oblongus habet *ut ante videare*, quod in codice archetypo superscriptum fuisse puto, ut certe prior horum versuum intellegi posset. hoc *ut* de Marulli coniectura (nam Antonius Marii et primae editiones non habent) receperunt omnes, cetera variis modis temptarunt alius alio infelicius. Marullus ipse *Nubila despicere et caelum* (hoc scilicet *praebet coniectus aquae*), *ut videare videre Corpora mirando sub terris*

addita caelo. Lambinus *caelum ut videre videre et Corpora mirandi sub terras abdita caeli*. cetera his peiora praetermitto. *mirande* adverbium, quod in quadrato scriptum est *mirandae*, ut *mendosae* 503, *supernae* 173, et in utroque 949 prima manu *altae*, (mox 462 *mirande* in utroque), non est verae et antiquae Latinitatis: et mirabiliter peccat Nonius, cum Claudio Quadrigario adscribit *hinnibunde pro hinnienter* p. 122, 13, qui dixerat *equae hinnibundae*. quamquam scio *horrende* in lexica relatum esse ex libro Sapientiae VI, 6 XVIII, 3, quo eodem utuntur Priscianus p. 1041 et Sergius p. 1851, ita, *Horrendum clamat pro horrende*; cui simillimum est quod Servius in georgicon III, 28 *magnumque fluentem* exponit *magne*, idemque ad Aen. I, 251 *Infandum*, inquit, *pro infande posuit*. nec minores hic turbas faciunt *Corpora*, sive ad nubila et caelum referimus sive ad sidera. quod si quis cetera considerabit, inveniet ea mutato versuum ordine tam apte inter se cohaerere ut vix possint aliter a poeta scripta existimari, *sub terras abdita CAELI Nubila despicere et caelum videre videre*. iam vero ad complendam sententiam ex *Corpora mirande* nemo dubitare potest quin faciendum sit UT PROPE MIRACLO. unum tamen corrigendum restat: nam *despicere* cum accusandi casu non coniungitur nisi in significatione contemptus: neque ulla in Caesaris verbis ambiguitas est, cum scripsit de bello Gallico comm. VII, 20 *quod et paucitatem eorum ex loco superiore cognoscere et virtutem despicere potuerint, qui dimicare non ausi turpiter se in castra receperint*. itaque DISPICERE scribendum est, ut recte codices in libro II, 26 *quin omnia dispiciantur, Sub pedibus quaecumque infra per inane geruntur*. sic Manilius II, 837 de occidentali cardine *Occasumque tenens submersum dispicit orbem*, non *despicit*: versu 849 *imumque sub orbem Descendit*. scio quidem in lexicis adferri haec verba Columellae I, 6, 23, *Area, si competit, ita constituenda est ut vel a domino vel certe a procuratore despici possit*: sed ibi quoque legendum est *dispici*, quod recte scriptum extat libro IV, 24, 19. neque in Aeneidos I, 224 ferendum est *aethere summo Despiciens mare velivolum* et cetera, sed probandum *Dispiciens*, quod in arbitrio ponit Servius. utor arbitrio in georgicon II, 186 et Nonii auctoritatem rescindo, qui exhibet p. 288 *Qualem saepe cava montis convalle solemus Despicere*. *despicere* scribendum est in Ovidii metam. II, 178 III, 44 VII, 223

fast. iv, 569. *dispiciuntur* autem quae per partes videntur a *dispiciente*, hoc est non confuse sed singula vidente.

421. DISPEXIMUS. Impressi DESPEXIMUS.

423. FULMEN. Corrector oblongi FLUMEN. tum quadratus *contundere*.

429. FASTIGIA COGNI. Quadratus *festigia*. corrector oblongi CONI. quadratus mox 431 *doni*, ubi oblongus *coni*.

436. AMARIS IGNARIS IN PORTU CLAUDA VIDENTUR NAVIGIA APLUSTRIS FACTAS OBNIITIER UNDAE. Quadratus *āplustris*. eiusdem corrector et ceteri At *maris*. Itali et Marullus *aplustris* FRACTIS, egregie et rei convenienter: Wakefieldus absurde *fractas undas*. porro Itali et Marullus non satis eleganter *obniitier undis*, cum posset melius scribi UNDAE.

440. QUAE DEMERSA LIQUORE OBEUNT. Non poterit dici quid obeant, nisi LIQUOREM. ergo ita scribendum est.

446. LONGE ALIAM IN PARTEM AQUE RATIONE FERUNTUR. Quadratus *atque ratione*. syllaba geminata scribendum est AC VERA *ratione*. Marullus sine sensu *quam quo ratione feruntur*, et Wakefieldus multo peius *ac quā, ratione, feruntur*.

448. FIT UT VIDEANTUR. Marullus UTI. versu 450 et 452 utuntur Porphyrio ad Horatii sermonum II, 1, 25 et commentator Cruquianus p. 408^a, ubi est *flagrantia*.

453. CUM SUA VIDET VINXIT. Quadratus *ininxit*. huius corrector et ceteri *cum* SUAVI DEVINXIT.

456. NOSTRA VIDEATUR. Marullus VIDEMUR. Antonius *moveri* — *videntur*, olim impressi *movere* — *videntur*. horum quod pessimum est Wakefieldo placuit: cur ferri non possit perspicuum erit perpendenti ea quae dicam ad librum VI, 1190.

460. SEVERA SILENTIA MONTIS. Corrector quadrati et Antonius NOCTIS.

462. CETERA DE GENERE HOC MIRANDE MULTA VIDEMUS. Non bene Itali et Marullus *mirando*. scribendum est MIRACLI, ut versu 419.

468. ANIMUS QUAS AB SE PROTINUS ADDIT. Quadratus *addit*, quod absurde interpretatur Wakefieldus, *repellit*, *reiciit*, *ab se dubia*, ut certa teneat. recte *addit* tuetur Creechius,

προσδοξάξει Epicuro, cui haec dicitur ἡ φανταστική ἐπιβολὴ τῆς διανοίας.

470. QUONIAM NIHIL SCIRE FATETUR. Quadratus *quoniam*. oblongus *quo*: Antonius Marii *quo nihil se*, olim editi *quo se nihil*. hoc *quo se*, quia sensu caret neque certum auctorem habet, Eichstadio et Forbigero placuit. *quoniam* recte probat Gronovius in observationum II, 7 p. 259.

471. MITUAM CONTENDERE CAUSAM. Optime Marullus MITTAM.

472. QUI CAPITE IPSE SUO IN STATUIT VESTIGIA SESE. Quadratus *esse*: sed factum *sese*, non 'iuxta veteri manu', ut dicit I. F. Gronovius in observationum III, 19 p. 603, sed eadem. Havercampus peccat, et multo magis Wakefieldus: hunc Forbiger sequitur. Gronovius recte interpretatur, 'qui sibi non constat, qui se ipse evertit, qui cernuat et se ipse capite suo in vestigia statuit'. sed qui sistit capite, suo sistit videlicet, neque id dicere necesse est: at si *ipse* SUA in statuit vestigia sese, hoc est in ea quae suis pedibus fecit vestigia, non aliena, tum pronomen apte additur, ut continuo sentiat lector. accedit durissima in his iunctura verborum, in statuit vestigia, cum multo lenius sit *sua in statuit vestigia*. denique si quis se id quod aptum et verum sit sentire posse negat (video enim adhuc quosdam in Horatii epistularum I, 17, 43 haec ineptissima probare, *Coram rege suo de paupertate tacentes*), hortandus est ut artis legem ediscat quam exposui ad librum III, 954:

475. VICESSEM. Itali et impressi VICISSIM.

479. NOTITIEM VERI, NEQUE SENSU POSSE REFELLI. *Notitiam* quadratus. *neque* SENSUS Marullus rectissime.

485. QUI NISI SUNT VERI. Quadratus *sunt*, oblongus *son*.

486. AN POTERIT OCULOS. *Poterit* Brixienensis quoque editio. Veronensis *poterint*. Antonius Marii et Marullus *POTERUNT*. de *poterim poterint erint* dixi ad Gaïum I, 146 n. 15. *poterint* in fastis Ovidii, libro VI, 366, aliquot exemplaria, item in Vitruvii libro VI, 8, 8.

490. IDEOQUE NECESSE EST ET QUOD MOLLE SIT ET GELIDUM FERVENSVÉ VIDERI, ET SEORSUM VARIOS RERUM SENTIRE COLORES ET QUAE CUMQUE COLORI-

BUS SINT CONIUNCTA NECESSEST. Quadratus *Et quod mollessit gelidum* : oblongus *coloribus sine coniuncta*. in re aperta (clarum est enim hic id dici quod ex Epicuri canone habet Laërtius Diogenes x, 32 οὐ γὰρ τῶν αὐτῶν εἰσὶ κριταὶ αἱ ἀνομοιογενεῖς αἰσθήσεις) unus Bentleius vidit ad primum membrum deesse SEORSUM, idque eo loco ponendum esse quo legitur *videri*. sed eundem miror non intellexisse illud alterum *necessest* perquam inepte ex superioribus repetitum esse; in cuius locum substituendum est *VIDERE*, non *videri*, quia praecessit *sentire*. colores autem rerum hic superficies dicuntur, *coloribus coniuncta* hic ut in libro II, 743 colore obducta et visibilia.

494. SEORSUS ODORES NASCANTUR, SORSUM SONITUS. *Nascantur sine causa a necesse est*, quod sequitur, suspensum est. Veronensis editio et Marullus NASCUNTUR. ceterum oblongus paulo ante habet *Seorsum item*, quadratus hic *seorsum sonitus*.

496. NON POSSUNT. Itali POSSINT. mox quadratus *Nec porro potest ipsi*.

498. AEQUE FIDES. Itali AEQUA.

500. NON POTERIS. Itali et impressi POTERIT.

501. IUSTIM QUADRATAM. *Iniustim* quadratus. IUXTIM QUADRATA Itali.

502. RATIONI EGENTIM. Quadratus *rationes egenitim*. RATIONIS corrector oblongi. Itali et impressi EGENTEM.

511. CASSA. Oblongus *casa*, quadratus ante quam raderetur *cassam*. eum versum qui hunc praecedit a Leiden-sibus abesse Havercampus scribit. adest: in utroque legitur *contrariae quae sint*. in superiore 509 oblongus *quae sint*, quadratus *quae sint*.

514. NORMAQUE SIBI FALLAX. Corrector quadrati et Itali SI.

516. OBSTIPA NECESSE EST. Ita quadratus: oblongus *obstipa necessu est*, apud Festum p. 193, 30 Müll. *obstita necesse est*.

517. PARVA. Marullus PRAVA.

526. CORPOREA QUOQUE ENIM CONSTARE FATENDUMST. Itali et impressi *Corpoream quoque enim vocem*. immo CORPOREAM VOCEM quoque enim.

528. PRAETEREA RADIT. Sic oblongus et Gellius x, 26:

apud Nonium p. 453, 7 *Praeterea pavit*, quadratus *Propterea radit*, Veronensis editio *Praeter radit*, Itali et Brixienſis *Praeter radit enim*, Marullus *Praeter enim radit*. *Propterea* probant Wakefieldus et Forbiger, qui ſibi turpe non putant ignorare quae Gronovius ſcripſit in obſervationum III, 19 p. 606.

532. SCILICET EXPLETIS QUOQUE IANUA RADITUR ORIS. Ita quadratus: oblongus *reditur*, Italici *redditur*. hic idem Gronovius 'Putarunt *expletas oras* dici: ſed quid eſt *expletis oris ianuam radi*? immo vacuum et ſpiramentum ipſum expletur, orae autem raduntur.' itaque probat deſperationis plenum Marulli auxilium, qui ſcripſit toto verſu adiecto *Scilicet expletis quoque ianua redditur oris Rauca viis*, et iter *laedit qua vox it in auras*. ſatis erat una littera ſublata rem eandem efficere hoc modo, *Scilicet EXPLETI quoque ianua raditur oris*. os autem *expletum* eſt aut totum plenum voce eiusque primordiis, aut ſi grammaticos ſequimur, exinanitum. eadem ambiguitas eſt in VI, 1203, *Corruptus ſanguis expletis naribus ibat*. Donatus ad Terentii Hecyram V, 1, 29 *Explere pro exinanire Terentianum eſt*. ex Capro Servius ad Aen. VI, 545 et Nonius p. 298, 11 *Explere, minuere*. Serenus Samonicus tamen ad Lucretium reſpiciens *plenum* voce iter *radi* dixit, 260 *Aegreſcunt tenerae fauces — Vel rabidus clamor fracto cum forte ſonore Plenum radit iter*: certe *Plenum*, quod ibi vulgo legitur, non intellego.

552. ET ITEM LEVO LETIORE CREATUR. Marullus LEVORE. ſed Lambinus primus et LEVOR legendum vidit et hos verſus ſuo loco poſuit, de utroque, ut dicit, a librorum parte admonitus; qui quales fuerint ignoramus. Wakefieldus re non perpenſa veterem verſuum ordinem reſtituit.

543. GRAVITER SUB MURMURA MUGIT. Quadratus *ſummurmura*. Brixienſis editio et Marullus *ſub* MURMURE.

544. ET REVORAT RAUCUM RETRO CITA BARBARA BOMBUM. Itali et Brixienſis editio *revocat*, Veronensis *reversa*: ſed corrector quadrati *vel reboat*, quod unum habet aliquam probabilitatis ſpeciem, niſi quod *tuba* non magis videtur *reboare* poſſe quam *cithara* in libro II, 28. *tuba* autem *barbara* recte dicitur, ſcilicet *κώλον Τυρσηνική*, ut in altero membro ſunt *Heliconis* cynci. porro *ciere* quomodo *tuba* poſſit nemo dixerit, nedum *retro*. Isaacus Voſſius ad Catullum p. 228 *Berecynthia barbara*, quam dicit eſſe. *tibiam*

Berecynthiam. hoc non minus ineptum est (tuba enim repente fit tibia) quam quod Catullus LXIII, 9 *tympanum* fertur appellatione *tubam Cybebes*, qui scripsit (neque enim dubito) *Tympanum tuom, Cybebe, tua, mater, initia*. iam vero si quaeremus quid *cieri* et *citum reboare* possit, inveniemus haec de locis commode dici et ab omnibus poëtis dicta esse. ita ipse Lucretius *Nec citharae reboant laqueata aurataque tecta, et Ergo replentur loca vocibus — sonituque cientur*. itaque manifestum est eum hic scripsisse *Et reboat raucum regio cita barbara bombum*. neque *barbara regio* minus proprie dicitur quam *tuba*.

545. ET VALIDIS NECTI TORTIS EX HELICONIS. Quadratus et a correctore oblongus *nete tortis*, olim impressi *nece tortis*. Antonius Marii *Et validi surgunt nece tortis ex Heliconis*, Marullus *Et gelida cyn inece torti ex antro Heliconis*, Avantius Vallibus et *cyni nece detorti ex Heliconis*, 'codices emendati' Iohannis Bapt. Pii Vallibus et *cyni detorti ex Heliconis*, Lambinus Vallibus et *cyni gelidis orti ex Heliconis*, Gifanius Vallibus et *cyni nece torti ex Heliconis*, Faber Vallibus et *gelidis-cyni cōrti ex Heliconis*, Vossius *Et validis cyni torrentibus ex Heliconis*, Havercampus Vallibus et *cyni melicis forte ex Heliconis*, Wakefieldus *Et valli cynis nece tortis ex Heliconis* (scilicet *primordia cynis*), Forbiger omissa Gifanii mentione ('nos' inquit 'Eichst. sequuti') propter diphthongos scilicet, Vallibus et *cycnei, nece tortei, ex Heliconis*. in his nihil boni inest nisi *cyni* et *vallibus*, quae ad rem necessario pertinent. his igitur susceptis verba corrupta ita refingemus, *Et vallibus cyni tortis ex Heliconis*. quae vocabulis traiectionis (nullum enim in hoc poemate traiectione frequentius vitium) ita in versum formabimus, *Et cyni tortis convalibus ex Heliconis*. nam *tortas convalles*, id est curvas et tortuosas, cur omnes repudiaverint non video. certe dixit ita de flumine Ovidius libro ex Ponto IV, 10, 48 *et crebro vortice tortus Halys*, et de *torta* Apuliae ora Lucanus V, 378 *Ausoniam qua torquens frugifer oram — Apulus Hadriacas exit Garganus in undas*. *convallis* autem Lucretius scripsit in V, 1375, *valles* nusquam, idemque Manilius secutus est; contra Catullus Horatius Tibullus Ovidius Gratius Martialis *valles* tantum, non *convalles*; Vergilius, Lucanus, Valerius Flaccus, Iuvenalis utrumque: neutrum Plautus Terentius Propertius,

mire Caesar de bello Gallico v, 32 *et cum se maior pars agminis in magnam convallem demisisset, ex utraque parte eius vallis subito se ostenderunt.*

548. FORAS MITTIMUS. Corrector oblongi EMITTIMUS.

549. NERVORUM DEDALA. Lambinus dedit primus VERBORUM.

553. UNDE ILLA PROPECTA PERVENIAT VOX QUEQUE. Hoc ne Latinum quidem est. recte ex emendatione Bentleii Wakefieldus *unde UNA propecta quaeque.* sed versu 560 recte libri veteres *sentire neque illam Internoscere*, ubi Lambinus *audire neque hilum.*

561. QUE SIT. Ita oblongus et Nonius p. 173, 16: *quadratus que fit.*

567. OBSIGNANS FORMAM VERBIS. Immo VERBI, quia praecesserat *verbum*, *Praeterea verbum saepe unum*, ubi miro errore *Praeterea peditum* Antonius Florentinus et olim impressi, quod Marullus fecit *edictum.*

568. NON AURIS INCIDIT IPSAS. Recte, ut puto, Lambinus *accidit*: hoc enim cum accusativo non modo Plautus sed Lucretius ipse, ut videtur, iunxit in v, 608 *segetes stipulasque videmus Accidere ex una scintilla incendia passim*, quamvis alibi cum praepositione dixerit ii, 1024 *nova res molitur ad auris Accidere.* at *incidere* accusativum vix admittit: nam N. Heinsius erravit, cum adscripsit Ovidio metam. vii, 524 et Vergilio Aen. ix, 721. de Livio tamen ac Tacito dubitatur: Apuleium ita praepositione omitta dixisse constat, vide Drakenborchium ad Livii librum ii, 30, 13. Paulus in l. 34 pr. D. de o. et a. XLIV, 7 *Qui servum alienum iniuriose verberat, ex uno facto incidit et Aquiliam et actionem iniuriarum.* neque aliter sane Lucretius *mare quae inpendent*, de quo dicam ad librum vi, 489. Gratius 244 *Rusum opus incubuit.* scholiastes Statii ad Theb. viii, 1 *Vetus elocutio est per dativum casum, incidit umbris pallentibus. Claudius 'Herius recedens vesperi Numantinis incidit'. ac (immo at) Terentius per accusativum protulit* (Phorm. i, 3, 23), *'ergo in eum incidit (immo ego — incidi locum)'*, *tamquam in rem periculosam.* apud Servium ad Aen. xi, 699 Claudii Quadrigarii verba hodie non leguntur, neque ea inter *fragmenta historicorum* quae dicuntur *relata* invenio.

• 570. PARS SOLIDIS ADLISA LOPIS REIECTA SONOREM REDDIT. Recte corrector quadrati et Marullus LOCIS reiecta, ut paulo post 578 *collibus verba repulsantes*: eo modo replentur loca vocibus 607; nequis forte coniungat *solidis locis*, quod debebat esse *solidis solis*. loca enim sunt *naturae locorum*, quas breviter dicit *naturas* Cicero de natura deorum II, 144, *quod his naturis relatus amplificatur sonus*. Wakefieldus Eichstadius Forbiger *lapis reiecta*, quod ridicule interpretantur *quasi lapis reiectus*.

576. ET MAGNAS DISPERSOS VOCE CIEMUS. Quadratus *magnus dispersus*. eius corrector MAGNA *dispersos*. sic Itali et impressi.

577. LOCA VIDERE ODORE VOCIS. Itali et impressi VIDI REDDERE voces.

578. ITA COLLES COLLIBUS IPSI VERBA REPULSANTES ITERABANT DICTA REFERRI. In his neque *verba dicta* ferri possunt, neque *iterabant referri*. *ipsis* Veronensis editio, Marullus, ceteri ante Wakefieldum: sed Marullus *referre*, Benteleus *iterabant icta referre*, non recte. nam neque *iterare* infinitivum sibi adiungi patitur, quantum scio; quamquam orationem obliquam subiunxit Attius, *itera in quibus partibus* — et quo capti modo, fortunane an forte repertus, apud Nonium p. 425, et Propertius (neque enim mutavi sententiam) *Cui procul Alcides iterat responsa det*, I, 20, 49: neque *icta collibus verba* Latine dici is poeta quem Benteleus auctorem dedit persuadet. est enim is scriptor elegiae in mortem Drusi, quam scio Hauptium meum saeculo xv natam esse suspicari: neque mihi eius versus 220, qui est huius modi, *At vox adversis collibus icta redit*, antiquitatis colorem ostendere videtur, cui conveniunt potius *colles voce icti* et *clamore montes icti*, qui sunt in libro II, 328. nunc de his Hauptius ipse dixit in programme eleganter scripto, quod editum est pridie K. Novembr. 1849, p. 26. neque ego *saxa icta* quae sint in Ovidii tristium II, 16 intellego, sed puto poetam scripsisse *Tecta memor refero rursus ad icta pedem*, quomodo dixit in v, 4, 34 *Nec vellent ictae limen adire domus*. nihilo minus vitii sedem Benteleus tum recte perspexit (postea ad Horatii sermonum librum I, 3, 7 probavit Marullianum): scribendum est enim DOCTA *referri*. ita apud Horatium *amnis Doctus iter*

melius, itemque *amnis Multa mole docendus aprico parcere prato*.

581. FINITIMI FINGUNT ET FAUNES. *Quadratus Finitime*. Itali et impressi FAUNOS. cantum hunc silvarum ingeniose Attius in pastoris persona tribuit vocali illi in Minyarum nave tigno, in Ciceronis de natura deorum II, 89, *Silvani melo Consimilem ad auris cantum, et auditum, refert*.

582. LUDOQUE LOCANTI. Corrector oblongi IOCANTI. *mox quadratus Chordarumque sonus*, ut 576 *dispersus*, 465 *opinatos*, 459 *campus*.

587. PINEA SEMIFERI CAPITIS ULLAMINA QUASSANS. *Quadratus semiferi*. Brixienensis editio *volamina*, Itali et editio Veronensis et Marullus *VELAMINA*, ut in I, 930 *Unde prius nulli velarint tempora musae*. Vossius et Heinsius cur littera addita *vallamina* maluerint ignoro: Wakefieldi rationes ineptae sunt.

590. PETERE DE GENERE HOC. Brixienensis editio, non Veronensis, *Praeterea genere hoc*. Itali et Marullus CETERA, satis bene, itaque prorsus in V, 845 *Cetera de genere hoc monstra ac portentosa creabat*.

594. HUMANUM GENUS EST AVIDUM NIMIS AURICULARUM. Hoc Wakefieldo elegantissimum videtur, mihi in proprium et ambiguum. maluit aliter dicere Plautus in Sticho I, 2, 45 *Numquis hic alienust nostris dictis auceps auribus?* optime Bentleius *avidum nimirum* MIRACLORUM.

598. CONLOQUIUM CLAUSIS FORIBUS QUOQUE SAEPE VIDEMUS. Haec quoque, quae ceteris sordent, uni Wakefieldo pulchra sunt. una littera addenda est, ita, *Conloquium clausis foribus quoque saepe ubi demus*. Propertius V, 10, 32 *Colloquiumque sua fretus ab urbe dedit*.

600. SIMULACRA RENUNTANT. *Quadratus reruntant*. Itali RENUTANT.

602. QUALIA SUNT VITREI, SPECIES QUA TRAVOLAT OMNIS. *Quadratus vitre* (*i* super *e*) *speciis* (*e* super altero *i*) *qua transvolat omnis*. ut hic *vitrei* genetivo, ita plurali in I, 230 *ingenuei* et in III, 97 *oculei*, neque saepius nostri codices hunc antiquum scribendi morem integrum conservarunt. de genetivo notum est quid Lucilius et Nigidius praeceperint; quare Schneidewinus apud Martialem XI, 90 in Lucilii ipsius versu non debuit scribere *Luceilei*. horum

sententiam, ne eam arbitrio grammatico tribuamus, senatus consultum quod est de Bacchanalibus mire confirmat, in quo recti casus hi sunt, *quei, foideratei, oinvorsei, virei*, obliqui autem *Latini, urbani, sacri*, sed maior testium pars non consentit. in lege Thoria *populi Romanei* et *populei Romanei*, *quodve agri locei publiciei, eius agrei locei, ceivis Romanei, in colonei numero, in eo numero agrei, vinei oleive, modum agri locei*. in Servilia *parentisve sui, regis populeive ceivisve sui nomine, quouis regis populeive nomine, tribuendei causa, populei fiet*. in lege pagi Herculanei *magistrei pagei*. in lege de Termensis *leiberi amicei socieique populei Romani sunt*. in lege Rubria *praefectusve eius municpei, damnei infectei et damni infectei*. in aere Heracleensi *operisve publice faciumdei causa, stercoris ex portandei caussa, habitande utendei caussa, in demortuei damnateive locum, furtei et iudicio mandatei condemnatus, depucnandei caussa auctoratus*. atque de dandi vocandique casu aliter Lucilium ac vulgo putatur praecepisse versiculi eius ostendunt, qui sunt huius modi. *Hoc illi factum est uni, tenue hoc facies i. Mendaci furique. addes e, cum 'dato Furei' Iusseris*. sic enim haec scribenda sunt: nam cum *dare furei Iusseris*, quod est apud Quintilianum, intellegi non potest, *dato* autem Plautus corripuit in Bacchisin 1, 1, 51 *Dato qui bene sit*. sed in dativis quoque sive ablativis, si s. c. de Bacchanalibus factum excipimus, in quo est *in coventionid*, instrumenta publica videmus valde variare. epitaphium L. Corneli Cn. f. Cn. n. Scipionis *Quoiei vita defecit, non honos, honore (-em), Is hic situs, quei nunquam victus est virtutei. Anos gnatus xx is leto est mandatus, Ne quairatis honore quei minus sit mactus*. lex Thoria *quoieique*, sed *quoi*, 17 *ab eorum quei*, 62 68 *ei heredeive eius*, 98 *eique opere*. in Servilia *eiei* p. 15 18 72 80 93 97, *ei* 36 57 89, 14 *quoiei*, 91 *alterei*, 72 *iudicei*, 72 90 *maiorei parti*. in lege pagi Herculanei *Iovei compagei*. in lege Cornelia de xx quaestoribus 11, 34 *praecone*. in tabulae Bantinae tergo *hoice leegei*. in Heracleensi 25 27 *in partei*, 49 *redemtorei* — *heredeive eius*, 64 *urbei Romae*, 98 *aleive quoi*. in lege Rubria 1, 45 *captionei*, 11, 28 *omnei*, 50 *iei*, quod scriptum est *ii* in tabula Heracleensi 43. *iei* ex Terentio apud Nonium p. 278, 23. e Varrone Charisius p. 97 *annalei*. in Catulli codicibus unum pluralis exemplum intemperatum remansit 61, 213 *bonei coniuges*, vocativi item unum 23, 1

Furei, contra Lucilii regulam autem dativi duo, *Herculei* 55, 13, *mei* 77, 3 (ita *mei misero* in Novii versu apud Nonium p. 336, 13, *meique* in Ciceronis ad Atticum epistularum xii, 13, 2, *mei auctor es* xiii, 40, 2; quamquam haud scio an pronomina personalia Lucilius exceperit: certe *sibeï* in s. c. de Bacchanalibus legitur, nec Nigidius discrepat, qui scripsisse videtur *meï* genetivo, *miei* dativo), genetivi apud Catullum complura, 28, 5 *Romulei Remique*, 61, 206 *pulveris Africei*, 63, 91 *domina Dindymeï*, 64, 278 *e vertice Pelei*, 65, 14 *fata gemens Itylei*. quamquam haec ex uno antiquissimo codice, qui ante finem saeculi quarti decimi in alios transcriptus non fuerit, derivata esse doctis aegre persuadeo: certe vel C. F. Hermannus nuper versum quendam Catulli 64, 109 ita tractavit ut editionem meam numquam vidisse videatur. in Lucretii versu Marullus scripsit *species quae transvolat omnis*, neque quisquam post eum *qua*, quod libri exhibent, restituit. mihi nihil obstare videtur quo minus *illac travolare* dicatur species. ita in vi, 349 *foraminibus liquidus quia transvolat ignis*, ubi male libri *transviat*.

603. PARTIS IN CUNCTA. Corrector quadrati, Antonius, Brixienſis, CUNCTAS.

604. GIGNUNTUR, UBINA DISSILUIT SEMEL. Quadratus *Dissuluit*. huius corrector *ubi una*, quod idem post eum Lambino placuit. minus bene Marullus *ubi iam*. Itali et olim impressi *ubi nam*. ne hoc quidem Wakefeldo nimis insanum visum est, quamvis constructionem pervertat, neque ante Catullum Vergilium Horatium *nam* coniunctionem quamquam alibi quam in ipso sententiae initio posuerit. nam de Plauti versu qui est in Milite iv, 9, 2 Handio in Tursellini tomo iv p. 3 codicum scripturae adhaerenti credere per metrum non licet: potest scribi *Ego iam iam conveniam illunc, ubi ubi est gentium*. de Dirarum autem scriptore, cuius est 115 *Dulci namque tumet*, Merkelio et Hauptio assentior, qui eum Vergilio parem aetate faciunt, alter ad Ibin p. 364, alter in observationibus criticis p. 47. praeterea observandum est Tibullo hoc probatum non fuisse, in cuius libro ii, 4, 12 in excerptis Parisiensibus est *Omnia nunc*, non *Omnia nam*. Lygdamus vero in hoc ut in aliis a Tibullo differt: dixit enim 4, 43 *casto nam rite poetae*.

607. ERGO REPLENTUR LOCA VOCIBUS, ABDITA RETRO OMNIA QUAE CIRCUM FUERUNT. *Fuerunt* quia caret sensu, Marullus scripsit *fuerint*, quod est fere *erunt* vel *sunt*, vel potius *esse possunt*. sed hoc *quae fuerint* mihi iners et molestum videtur. melius est ut de *vocibus* haec accipiantur, *abdita retro Omnia quae circum* FERIUNT.

609. VIS DERECTIS: Impressi VIIS. sed imperiti est scribere *directis*, Wakefieldo solo dignum *de rectis*. *derige* *derigit* *derecere* *derecebat* *dereceaeque* Medicus Vergilii codex sexiens, nec saepius idem *dirige* *dirigite* *dirigere* *derexit* *directi*.

610. CERNERE NEMO SAEPE SUPRA POTIS EST, AT VOCES ACCIPERE EXTRA. Marullus nullo sensu *Se supra*, neque sufficit *Saepta supra* Wakefieldi. poeta alibi *per saepta* dixit, semel *inter saepta*: hic videtur scripsisse SAEPEM INTRA, quia sequebatur *extra* et male sonabat *Saepta intra*.

612. DUM TRANSIT CLAUSA. Versum in fine mutilum supplere facile possumus ex libro I, 354, ubi est *Inter saepta meant voces et clausa domorum Transvolitant*. pessime Itali *clausa* (Marullus *claustra*) *viarum*.

615. HOC QUI SENTIMUS SUCUM, LINGUA ATQUE PALATUM PLUSCULUM HABENT IN SE RATIONIS PLUS OPERE. Hoc falsissimum est et aperte repugnat versui 522, quamvis probet Wakefieldus cum familia sua. laudandus ergo Marullus, qui scripsit *Nec quis sentimus*. nam *nec plusculum* est nec minimo plus. Varro de re rustica II, 7, 10 *Cum conceperunt equae, videndum ne laborent plusculum*. nihil tamen causae est cur *quis* potius scribatur quam *qui*: neque in fine Marullus debuit scribere *plus operai*, sed *plus operaeve*. Antonius Marii *plus operae quid*, olim impressi *plus opereque*, Lambinus *plusque operai*.

619. SIQUIS FORTE MANU PREMERE AC SICCARE COEPIT. Quadratus *praemere ac siccare*. Antonius Marii et Marullus *ac siccare recepit*: Avantius multo melius *exsiccareque coepit*, et potuit propius ad litteras *adsiccareque*, vocabulo a Columella frequentato. Wakefieldo tamen *tutius* videtur *coepit* scribere quam aliquid temptare; *'quamvis'* inquit *'non adhuc in exemplum quidpiam, rem propius, uti valde vellemus, attingens, inciderimus.'* mihi exemplum huius perfecti praesto est, sed, ut mihi videtur, fallax.

Claudius Sacerdos in libro primo p. 44, ubi de synecdoche agit, haec habet, *Per id quod dicitur illud quod sequitur. Rex ambas ultra fossam retinere coëpit: subauditur enim manus.* in hoc versu, quem Ennii esse puto, Vindobonenses recte fecerunt *ambas*, cum in codice esset *amus*: sed *retinere* mihi obscurum est, quod vix potuit aliud esse quam *protendere*: hoc autem admisso evanescit trisyllabon. Plautina quaedam huius trisyllabi exempla Ritschelius ad Trinumum p. LXXVI vana specie fallere statuit. idem tamen quod hanc formam rationem habere negat, mihi non persuadet: nam ab *apiendo* ut fit *copula*, ita *coïpere coëpisse coëptum*, e quibus *coepisse* non minus recte quam cetera contrahi potuit eo modo quem in *coemisse* notavimus libro II, 1061. ab eo autem quod est *aptare* Afri fecerunt *coaptare*, non veteres.

622. MANANTES CORPORA SUCI. Marullus MANANTIS. paulo ante *rare oblongus, raro quadratus.*

624. UMIDAI LINGUA CIRCUM SUDANTIA TEMPLA. Itali UMIDA LINGUAI. sed hoc satis est: *umida* linguae templa eadem *sudantia* in uno eodemque orationis membro nimis moleste dicuntur. longe aptius haec ad suci corpuscula referemus, *Umida linguai circum sidentia templa.* Arnobius in II, p. 46 *radiorum et lucis intentione videamus, an rerum imagines advolent et nostris in pupulis sidant; utrum sapor in rebus sit an palati contagionibus fiat.* infra 1092 de cibo et umore *Quae quoniam certas possunt obsidere partis.* Lucilius apud Nonium p. 458, 8 *Quod si nulla potest mulier tam corpore duro Esse, tamen tenero maneat quin (libri que) sucu' lacerto Et manans uber (libri munus uberi) lactanti in sumine sidat.*

631. DIDERE POSSES. Itali POSSIS.

632. ET STOMACHI UMIDUM SERVARE TENOKEM. Marullus *humectum*, satis bene, nisi melius esset UMIDULUM.

633. NUNC ALIIS ALIUS QUI SIT CIBUS UT VIDEAMUS, EXPEDIAM. Primum hic aut *Expediam* super est, aut *ut videamus*, et molestis ambagibus vix explicatur oratio. deinde verendum est ne haec nimis breviter enuntiata sint, *qui aliis alius cibus sit*: certe in VI, 773, ubi nos ad hunc locum remittit, multo plenius dixit *Et magis esse aliis alias animantibus aptas Res ad vitae rationem ostendimus ante.* manifestum est utrique vitio unam eandemque medicinam abhibendam esse: nec mihi videtur quicquam inveniri posse, quod

Lucretio dignum sit neque a veri similitudine alienum, nisi hoc, *Nunc aliis alius qui sit cibus* UNICUS APTUS *Expediam*.

636. TANTAQUE HIS REBUS DISTANTIA DIFFERITASQUE EST. Rectissime apud Nonium p. 95, 30 non modo in *his rebus* scriptum est, sed etiam in fine omissum EST: ita enim melior fit compositio. est autem ad hunc versum e superiore iterandum *sit*, quod latet in *possit*.

637. UT QUOD ALIIS CIBUS EST ALIIS FRUAT ACRE VENENUM. Quadratus *Ut quod alius cybus est aliis fiat*, in oblongo recte factum FUAT. Marullus *Ut qui aliis cibus est*, multo certe peritius quam ceteri, qui aut *alis* scripserunt aut *aliis* disyllabon esse posse existimarunt. scribendum est ALI, quod habent membranae in VI, 1227, *Nam quod ali dederat*. in tabula Heracleensi 98 *aleive quoi mag. royando sub rogandove*. Priscianus p. 1014 *Aliter quoque, ab eo quod est hic alis, huius alis, huic ali, pro alius alius alii*. in aliorum poeta- rum versibus trisyllabum solum invenio, quo tamen ipso utuntur pauci. Naevius apud Paulum libro I ex Festo, in *adnictat*, *Alii adnutat, alii adnictat, alium amat, alium tenet*; quibus quae Isidorus addit orig. I, 25, ea non tangere tutius est. Terentius in Hecyra II, 2, 28 *Aliud fortasse alii viti est*. III, 5, 59 *ut alii, si huic non est, siet*. Horatius bis *Nunc mihi nunc alii*: idem *Tu, mihi qui imperitas, alii servis miser*. Ovidius *alii rediture* epistula V, 59. *alii* Manilius III, 80, Lucanus VIII, 642 IX, 1053. Plautus in Milite IV, 8, 47 *Et ita si sententia esset, tibi servire malui Multo quam alii libertus esse. habeto animum bonum*. quamquam haec utrum ita ut scripsi legenda sint non satis constare puto: nam vetus Camerarii habet *libertatis*, quod ita accipiendum est ut dicat se militi servire maluisse quam alios Libertati deae.

638. EST ITAQUE UT SERPENS, HOMINIS QUE TACTA SALIVIS DISPERIT. Wakefeldo iudice his nihil facilius est, *Est itaque, ut (ubi, vel quando) serpens, quae tacta est salivis hominis, disperit*. nobis, qui deorum sermonem ne si Forbiger quidem *ὑποφῆτης* fiat intellegimus, aut *itaque* aut *ut* supervacaneum esse, utrumque autem coniunctum orationem videtur perturbare; pro quibus si scribemus *Est ALIQUAE ut serpens*, nihil supererit in quo haereamus. *aliquae*, inquam, non *aliqua*, ex usu Lucretii. supra 263 codices *tamquam aliquae res Verberet*. Festus p. 254, 28 *Quispiam quin significet*

aliquis, et quaequam aliquae, — dubium non est. Marullus dedit Est utique ut serpens, id est (nam Lambinus non cepit) Ut extat utique serpentis species. sed ego utique particulam ut a nullo poetarum in versu positam repperi (nam in Caecilii versu qui est apud Festum p. 339, 32 recte Bentleius ad Adelphos iv, 2, 52 usque: in libro xi Silii 163 utique est correctoris imperiti figmentum: in Lucretii ii, 569 pro itaque, quod est veterum, Antonius Marii et Marullus utique), ita vereor ne media syllaba producta dicenda sit, quem admodum idem Bentleius mihi in Terentii Hecyra ii, 1, 2 et in Phormione v, 6, 34 utin correptum recte videtur improbasse, quamquam Reizius toleravit in Rudente iv, 4, 19. utique autem antiquissimi non dixerunt, ne Caesar quidem, nedum Cato, cui tribuit librarius Festi p. 305, 14; Varro in rerum rusticarum libris aliquotiens, ii, 4, 3 21 10, 11 iii, 7, 6 12, 7, Vitruvius, si satis attendi, bis v, 10, 14, Cornelius Nepos semel, Sallustius in Iugurtha 3, 1. atque id vocabulum, nisi fallor, quo tempore primum in sermonem vulgarem venit, hoc est Ciceronis aetate, qui eo, quantum scio, praeter quam in epistulis et de divinatione ii, 120 non utitur, non sine ioco quodam dicebatur, cum significaret haec mirabiliter contracta, et ita quidem uti oportet: derivatum est enim ex formulis sollemnibus instrumentorum publicorum, quales sunt quae utique vel quibus utique, atque utique, was oder wem und wasmassen, als und wasmassen. ita legimus in Heracleensi tabula i, 14 eademque omnia quae uteique in tabulas rettulerit, ita in tabulam in album referunda (curato); item i, 72 neve eorum quod (immo quid) saeptum clausumve habeto, quo minus eis locis porticibusque populus utatur pateantve, nisi quibus uteique legibus plebeive scitis senatusve consultis concessum permisumve est; et in lege Thoria 71 72 neve — propiore die exigito atque uteique in hac lege scriptum est. — quod pecuniae ob eam rem propiore die exactum erit atque uteique in hac lege scriptum est. — quo ea pecunia — aliter exsigatur atque uteique in hac lege scriptum est. hoc ipsum atque utique in Milite Plauti iv, 3, 37 sententia admittit, numeri recusant; ubi cum libri habeant Numquid videtur demutare aut utique Dixi esse vobis dudum hunc moechum militem? scribendum existimo Numquid videtur demutare alio atque uti Dixi? ut ibidem est iv, 7, 8 Oratione alio mihi demutandast mea. sed plane similem originem

habet *ubique*, non antiquius illo vocabulum, quod ante Vergilium et Livium non sine pronomine relativo posuerunt, ut *omnes mortales qui ubique sunt*, quasi dicas *wer und wo sie sind*; ut Sallustius in Catilina 37,5 *qui ubique probro atque petulantia magis praestabant*, — ii *Romam confluxerunt*, idemque in interrogatione ibidem 21, 1 *quid, ubique, opis aut spei haberent*, quomodo M. Tullius de divinatione 11,94 *qui ventus, qui imber, quae tempestas ubique sit*. ceterum ineptissime agunt qui haec vocabula nova, hoc est quorum aetas litteras nobis servatas non superat, eodem loco habent cum antiquissimis, qualia sunt *usque undique plerumque uterque*.

641. ET COCTURNICIBUS. In oblongo a correctore factum COTURNICIBUS: *quadratus et quod turnicibus*. recte scribitur apud Plautum, eadem primae syllabae quantitate, in Asinaria III, 3, 76 *Dic me igitur tuum passerculum, gallinam, coturnicem*, et in Captivis v, 4, 6 *Aut anites aut coturnices danitur, quicum lusitent*. Caper grammaticus p. 2248 *Coturnices, non cocturnices*.

642. ID QUIBUS UT FIAT REBUS. Lambinus, nihil memorans, sed recte, *Ut quibus id fiat rebus cognoscere possis*.

648. PROINDE ET SEMINIBUS CONSTANT VARIANTQUE FIGURA. Ita libri. sed *et* ad sententiam nihil addit et Lucretii consuetudini repugnat. nulla demonstratione opus est ut intellegatur scribendum esse *Proinde ex seminibus constant* VARIANTE *figura*: nam eo prorsus modo eadem res dicitur libro II, 722, *ita quamque necessest Dissimili constare figura principiorum; ita, non ita et, neque constant principis et figura dissimilia sunt*, quod absurdum foret, sed *Dissimili principiorum figura* sive *seminibus figura variante*.

655. RATIO UT. Ita oblongus et Antonius Florentinus: *quadratus et olim impressi non habent ut*.

659. LEVISSIMA CORPORE. Itali CORPORA.

660. CAUDAS. Corrector quadrati et ceteri CAULAS.

662. ASPER ANIMORUM. Itali et Brixienensis editio ASPERA NIMIRUM.

671. 672. UTRAQUE ENIM SUNT IN MELLIS COMMIXTA SAPORE; ID QUOD IAM SUPERA TIBI SAEPE OSTENDIMUS ANTE. Ad haec Lambinus confidenter adscribit ID QUOD IAM SUPERA) lib. 2. hunc ita mentientem secuntur Gifanius et Pareus. Wakefieldus inepte interpreta-

tur, sed verrissime concedit de *melle* poëtam nihil eius modi dixisse. ceteri tacent, Pius, Nardius, Faber, Creechius, Havercampus: solus Forbiger, difficultatem fraude celans, hunc versum paululum mutatum iam adfuisse dicit I, 430. sed velim scire quanam illa sint quae *utraque* poëta in melle commixta dicat: nam *et amara et dulcia* unde sumat Lambinus non video. praecesserant enim haec, 668—670, ea corpuscula quae sani hominis sensui convenerint aegroto non convenire, sed cetera asperiora ei magis apta esse. haec igitur *utraque* si mellis natura commixta in se continebit, aegroto pariter ac sano conveniet, ideoque tota res, praeter quam quod nec vera est neque prius a poëta exposita, huc non pertinebit. iam vero de melle et lacte dixerat in II, 402 horum elementa, quae sensus iucunde tangant, levia et rotunda esse minusque hamata; deinde in III, 193 mellis materiam magis quam aquae inter se cohaerere, *quia non tam levibus extet Corporibus neque tam subtilibus atque rutundis*. ex his apparet mel ex levibus asperioribusque elementis compositum sensus magis minusve suaviter afficere pro texturarum varietate. itaque hoc poëta in exemplum rei paulo ante traditae recte uti potuit; ut manifestum sit hos versus post 662 collocandos esse; qui cum ibi casu praetermissi essent, repositi sunt in fine capituli.

668. FIT PRIUS AD SENSUM. His addiderunt *ut* Antonius Marii et Marullus; quod Wakefieldus respuit, Forbiger ne commemoravit quidem: adeo hi infantem poëtam malunt quam more hominum loquentem. sed sententiae aptius inter se iunguntur, si *UT* scribimus eo loco ubi libri habent *Fit*.

677. ALIUS ET MAGIS EST. Quadratus *alius est magis et*. Brixienensis editor omisit *ET*, itaque Antonius Marii.

680. VOLTURIQUE. Marullus VOLTURIQUE. in Heraclensi tabula 80 *scribae librarei*, in decreto Pisano I, 56 *sive qui ali magistratus erunt*. sed haec vitiosa sunt, neque poëtae his utuntur. quaerendum est quo iure *Gabi* Propertius dixerit v, 1, 34: praeter hunc enim qui casu recto usus sit nulum novi, neque constare adhuc puto quomodo *Crustumeri* dicere potuerit Vergilius in VII, 631. in Manilii I, 787 *Bentleius* recte, nisi fallor, improbavit *Certantesque Deci votis*. neque credendum Eutychio, cum dicit p. 2147 Terentium in Eunuchio per apocopam posuisse *lani*. illud certissimum est,

neque Propertium in III, 24, 51 scripsisse *Iti tibi nos erimus*, neque Ovidium in metamorphoseon VIII, 726 *Cura deum pii sunt*, quod ei homines imperiti adscribunt, cum in bonis exemplaribus recte legatur *Cura deum di sint*, id est Sint nobis deorum loco quos ipsi dei sua cura dignati sunt, et qui coluere colantur.

681. UNGULA QUO TULERIT GRESSUM PROMISSA CANUM VIS DUCIT. Sic uterque codex. PERMISSA Iohannes Fredericus Gronovius, qui id optime tuetur in observationum II, 13 p. 317. pro altero pugnat Heinsius in adversariis p. 374 ad Silium III, 534: sed animata et agentia non videntur promitti aut se promittere. praeterea huic sententiae quo tetulit gressum convenit, non quo cumque tulerit; quare rectius scribemus quo tulerit gressum DICIT.

696. REDOLORE VIDENTUR. Corrector oblongi REDOLERE.

698. ESSE CREATAM. Itali CREATUM.

706—721. NEC TAMEN HOC SOLIS. Hic idem observare licet quod versu 129 vidimus. nam hi versus neque apto loco positi sunt, neque possunt in suum, hoc est post 686, traici. cuius rei quae causa sit iam satis patere existimo.

710. QUM ETIAM GALLUM NOCTEM EXPLONDENTIBUS ALIS. Quadratus *Qur etiam et explendentibus*. corrector oblongi *QUIN etiam* et EXPLAUDENTIBUS. *displudentur* lectum est apud Varronem de re rustica II, 5, 8, *displordantur* cap. 9, 4.

712. RAPIDI — LEONES. Recte RABIDI Wakefieldus. 'cui assentiri non possum,' inquit Forbiger. debebat scire *leones rapidos* Latine dici non posse: nam vix credibile est etiam nunc magistros esse qui ut olim pueros doceant *rapidum* et *trepidum* non esse celerem et commotum, sed rapacem et tremibundum.

719. PENETRANTIBUS ILUS. Corrector quadrati et codices impressi ILLIS.

721. NE POSSINT EX ULLA. Correctores veteres ex ULLA. quadratus *non possint*.

727. BRATTEAEQUE AURI. Quadratus *bratieaque*. in Aeneidos VI, 209 Mediceus et Romanus *brattea*, quos Wagnerus non curavit, neque aliter exemplaria Martialis VIII, 33,

6 IX, 61, 4, item in Prudentii peri stephanon hymno x, 1025 *brattealis*, in XII, 49 *bratteolas*, Bambergense Plinii XXXIII §. 51 XXXVII, 105 106 *brattias brattea bratteis*, in Iuvenalis satira XIII, 152 *Pithoeanum bratteolam*. grammaticus Eichenfeldii p. 444 *brattea*, non *brattia*. *bratteum* in corpore Putschii p. 2301. itaque videndum est ne barbaram consuetudinem sequantur qui scribunt *bractea*, ut *mactea blacta Actius Actis auctumnus arctus farctus mulcta*, quae ante quadringentos vel quingentos annos nata sunt. quamquam non ignoro in alteram quoque partem peccari. oblongus in VI, 88 *quo patto* et in II, 202 *cunta*, quadratus in IV, 88 *suttili*, idem in V, 622 *santa*. nec nimis rara sunt talia in saeculi sexti libris, cuius modi sunt *vettigal sudditus cintus autor amidola*: sed in primis memorabile est in epistula Pauli ad Corinthios prima XV, 54 omnia exemplaria Latina vetera habere *absorta est mors*, nullum *absorpta*.

730. PENETRANT PERARA. Marullus PER RARA.

733. CERBEREASQUE CANUM FACIES. Quadratus *canum eacies*. Marullus cur *fauces* scripserit nescio. ceterum hic Lucretio placuit *simulacraque eorum Quorum morte obita*, at in I, 135 *audireque coram Morte obita quorum*; ut appareat eum haec paria ac simplicissima, *eorum quorum*, non improbasse, noluisse autem quae dissimilia essent, sed non satis, coniungere, *coram quorum*.

735. OMNIGENUS. Olim impressi *Omnigenum*. Marullus OMNE GENUS.

736. QUE FLUNT. Quadratus et corrector oblongi *flunt*. Marullus FIUNT.

740. NULLA FUIT QUONIAM TALIS NATURA ANIMA. Impressi *animai* sine sensu. recte Lambinus ANIMALIS.

741. VERUM UBI EQUI ATQUE HOMINES CASU CONVENIT IMAGO. Corrector quadrati et ceteri HOMINIS. sed alterum in hoc versu vitium esse dixi ad librum III, 942; quod corrigemus aptissime ita, *Verum ubi equi casu atque hominis convenit imago*.

743. ET TENUA TEXTA. Corrector oblongi TENVIA.

752. NUNC IGITUR DOCUI QUONIAM ME FORTE LEONUM CERNERE PER SIMULACRA. Lambinus recte dedit QUONIAM DOCUI, ut in III, 203 *Nunc igitur quoniamst animi natura reperta*. tum Marullus *leones*, quod Wakefieldus cogi-

tando addendum censet. nos neutrum sequemur, sed scribemus quod unice ad rem facit, *forte* LEONEM.

754. MENTEM SIMILI RATIONE MOVERI PER SIMULACRA LEONUM, CETERA, QUE VIDET AEQUE, NEC MINUS, OCULI ATQUE. Ita haec Forbiger distinxit, mente mota, ut suspicor, per leonum simulacra. versum autem suo loco incisum non esse idem ne animadvertit quidem, mirificus magister, Qui solus legit ac facit poëtas, qui ad librum I, 54 sibi 'breviter commemorandum' duxit 'in Lucretio, ut omnino plurimos versus male compositos, sic etiam permultos inveniri, nec tertio, nec quarto pede legitimam caesuram referentes,' ad hoc exemplis usus huius modi, *Reddunda in ratione | vocare | et semina rerum, Quid nequeat finita | potestas denique cuique*, cum posset paulo maiore cum specie aut libri II versum 1059 adferre aut ea de quibus dicam ad VI, 1067. saniore iudicio Marullus scripsit *ET cetera*, quod Lambinus et Wakefieldus, omnia perverse interpretati, reiecerunt. non libet eorum commenta excutere, cum ne dubitandum quidem sit quin haec ita concipienda sint. *Scire licet mentem simili ratione moveri, Per simulacra LEONEM et cetera quae videt aequae Nec minus ATQUE OCULI*. nam verba postrema hoc ordine scribenda esse Itali iam viderunt.

760. UT VIDEAMUR CERNERE EUM QUE REDDITA VITA IAM MORS ET TERRA POTITAST. Itali et Marullus *eum* QUEM. iidem male *vitali*. Havercampum et Wakefieldum cum suis non puduit ex *reddibo* Plautino, quod media brevi est, portentum verbi fingere, unde fieret *reddita* media producta. Gronovius ad Senecae Oedipum 271 *Reddita vitali iam sors potita est*, contorte et inproprie. scribendum est *Reddita pro vita iam mors*.

765. PRAETEREA. Quadratus *Propterea*.

766. MORTIS LITIQUE POTITUM. LETIQUE Itali et impressi.

777—817. MULTAQUE IN HIS REBUS QUAERUNTUR. Haec quoque, ut ea quae paulo ante consideravimus 706, Lucretio dignissima sunt, non interpolatore quem fingit Forbiger: sed eadem neque eo consilio scripta sunt, ut ceteris ita ut factum est insererentur, neque ullo alio huius poëmatibus loco reponi possunt. nam primum haec coeptam disputationem interrumpunt, ut lector a versu 776 ad 818

transire debeat . deinde in his ex parte eadem tractantur quae in prioribus . quis enim ferat ita bis de simulacris dici , quomodo membra moveant et iactent brachia , ut factum est versu 768 et 788 ? et cum versu 775 in uno quoque tempore sensibili magna particularum copia adesse dicitur , id ni mirum idem est quod versu 794 exponitur , in uno quoque tempore , in quo re vera multa tempora lateant , in loco quoque simulacra quaeque praesto esse .

795. CONSENTIMUS , IDEST , CUM VOX EMITTITUR UNA . Hunc versum corrumpere ea quibus ingestus est , Lambinus recte vidit . ea sunt haec , *quia tempore in uno Tempora multa latent , ratio quae comperit esse* , in quibus sententia perfecta et absoluta concluditur . quaerendum est ergo , siquid forte in vicinia positum sit , quod hoc versu interiecto adiuvari possit . atquin ipsa haec verba , *cum vox emittitur una* , remittunt nos ad versum 785 , ubi est *Omnia sub verbone creat natura paratque* ? nam eadem sunt *vox* et *verbum* et *libido* versu 779 : *sub verbo* est sub iussu , docte illustratum a Bünnemannio ad Lactantii institutionum librum iv , 15 , 22 . sed in illis ipsis versibus difficillima sunt haec , *Si mare , si terram cordist , si denique caelum* ; ubi ad *si cordist* infinitivus supplendus est , qui nusquam legitur : nam neque Creechius sanum interpretem egit , cum haec ita expressit , *si placuit cogitare* , neque Marullus , qui hic solus attendit , bonum artificem , cum scripsit *Si mare , si terra est , si cordi denique caelum* . quid igitur si hunc versum illuc transferimus , et quidem , quia aperte corruptus est , leniter emendatum ? *Et simul ac volumus nobis occurrit imago ?* QUOD SENTIMUS , ID EST ? *cum vox emittitur una ; Si mare , si terram cordist , si denique caelum* . ita enim apparet esse addendum esse , cum *id est* praecesserit : *si cordi est esse mare , si terram , si caelum* .

790. MOBILITER CUM ALTERNIS BRACHIA MITTUNT ET REPETUNT OCULIS GESTUM PEDE CONVENIENTI . Horum ea integra non sunt quae ad pedes pertinent : neque enim *repetitur* nisi quod eodem modo factum est , neque *repetitur oculis* quod ante eos iterum agitur , sed quod ipsi iterum contemplantur . ita Silius iii , 533 *tanta formidine plana Exterrent repetita oculis* . quare necessario scribendum est *Et REFERUNT oculis gestum* . Ovidius in epistula vii , 26 *Aenean animo noxae diesque refert* .

798. PRESTO SIN SIMULACRA LOCOS IN QUISQUE PARATA. Oblongus *Presto in simulacra*. recte Antonius Marii et Marullus SINT. sed idem Marullus male, quamvis plaudente Wakefieldo, *locos in quosque*: neque enim id nunc agitur, in quaenam loca eant simulacra. recte Antonius. LOCIS *in quisque*.

799—801. TANTA MOBILITASST ET RERUM COPIA TANTA. HOC UBI PRIMA PERIT ALIOQUE EST ALTERA NATA INDE STATU, PRIOR HIC GESTUM MUTASSE VIDETUR. Haec et emendatius scripta et suo loco posita supra legimus 774 771 772; quae hic frustra adscripsit lector, quem iam novimus, ille philosophus. horum versuum duos Lambinus delevit, primum ceteris non aptiorem reliquit.

802. NISI QUE CONTENDIT. Recte Lambinus *nisi se contendit*. in proximis est *Ipse parat sese porro*, item *contendere se atque parare*, denique *quibus est in rebus deditus ipse*. ex quibus perspicuum est non modo hic Lambinum recte sensisse, Wakefieldum autem turpiter labi, qui coniungat *quae cernere contendit*, sed etiam in versu proximo, quem libri bis exhibent, sed quadratus ubi alieno loco legitur adrasum, verba aperte corrupta, quae sunt huius modi,

804. 808. PEREUNT, NISI QUE EX SE IPSE PARAVIT, ita corrigenda esse ut faciamus *nisi si quae ad se ipse paravit*. nam non sufficit inventum Lambini, *nisi sic sese ipse paravit*; quod cur Forbigero in codicibus suis invenisse videatur, non quaero, quoniam scio eum hoc ut cetera sine ratione dicere. qui *ex* praepositionem probant, rem non perceperunt. infra 1046 *quo se contendit dira libido. si quae corpuscula* legimus supra 199 (ita enim recte Marullus: postea Lambinum secuti distinxerunt cum summo orationis dispendio *si, quae*), neque usquam *qua* posuit Lucretius, ut in VI, 841 dubium non sit quin *si quae* scribere oporteat.

805. SPERATQUE FUTURAM. Optime Marullus FUTURUM.

811. NOCERE POSSIS. Itali et impressi NOSCERE.

815. PRAETEREA QUAM QUIBUS EST. Avantius PRAETER *quam. praeterea quam*, quod Bentleius probabat in Terentii Andria IV, 4, 13, Latinum esse negat Handius in Turbellini tomo IV p. 548. certe Latina sunt *postea quam* et *ar-*

vorsum ead quam in senatus consulto de Bacchanalibus, sed sine relativo.

818. NOS SUPPEDITETUR. Brixiensis editio NON.

820. IN MANIBUS VIRTUTI FACTUS. In quadrato VIR UTI factum radendo, neque aliter Itali et Marullus. olim editi *vir tun* et *vir tunc*, quos Avantius secutus est.

826. QUOD NE MIREMUR. Huius versus vera sedes quae esset corrector quadrati annotavit. Marullus quoque vidit.

822. ILLUD IN HIS REBUS VITIUM VEHEMENTER IN-ESSE EFFUGERE, ERRORE MULTAREQUE PREMETUENTER. Quadratus *Illud in his rebus vitium*, oblongus *praemetuenter*. Antonius Marii *errore multas que praemeditentur*. ERROREM VITAREQUE EXIMIE CORRECTOR QUADRATI ET AVANTIUS. *praemetuenter* recte tuetur Gronovius in observationum III, 5 p. 463: sed idem, quod orationi membra sua nondum constant (quis enim cum Wakefieldo dicat *inesse ab interest non differre?*), probavit *vehementer inesto*, id est, inquit, hoc tibi inculcatum, hoc infixum sit. sed hoc *inesto tibi effugere* vereor ut Latine dici possit, et Gronovius id Marulli inventum esse ignorabat, qui ipse quid sentiens ita scripserit non possum certo dicere: fecit enim *Effugere errore illorum qui haec praemeditantur*. iam si quaerimus id quod omnium simplicissimum est, ad complendam sententiam nihil accommodatius inveniatur quam *oportet*. hoc tamen verum esse non potest, quia Lucretium ab hoc verbo non sine causa abstinuisse demonstravimus ad librum I, 778. nunc *necesset*, quo poeta uti solet, ab *inesse* tam paucis litteris distat, ut vix credibile sit aliud quicquam hic latere. at id versus non patitur. sed patietur, si illud *rebus* in finem versus reiciamus, cum librariorum formulae Lucretianae iam nimis adsuetae hic quoque *Illud in his rebus* continuasse non sit mirandum. scribemus igitur *Illud in his vitium vehementer REBU' NECESSEST Effugere*. his simillimum est in II, 581 *Illud in his ob-signatum quoque rebus habere Convenit*, neque haec dissimilia, in eodem 216 *Illud in his quoque te rebus cognoscere avemus*, et 891 *Illud in his igitur rebus meminisse decebit*. sed in hoc loco verba restituere non sufficit: longe enim hic difficilius est rerum ordinem et tractationis universae rationem perspicere. nam poeta primum simulacris sensus mo-

veri docuit, inde 722 ad motus animi explicandos transiit. his 826 absolutis nemo profecto miraretur, si statim ea quae ab animo initium capere docet, gressum, somnum, Venerem, subiceret. nunc vero ante quam ad haec 877 accedatur, alia ex diverso genere interiecta sunt, quae non ad animum sed ad sensus et ad corpus pertinent: nam primum 822—857 sensus non esse utilitatis causa creatos docet, deinde 858—876 animantes ideo sponte cibum quaerere ostendit, quod corpus multis partibus effluentibus debilitatum vires recipere debeat. horum priora quam similia aliis sint cum contextu carminis non aptius coniunctis, ad librum II, 165 significavi: alterum poëtae tum in mentem venisse manifestum est, cum ea scripsisset quibus quomodo cibus animam adficeret exposuit 954—961. utraque ab argumento libri quarti aliena non sunt, sed nec suo loco posita, neque ita scripta ut ulli carminis parti recte inseri possint. itaque haec quoque alio tempore composita sunt, cum poëta ea quae iam perscripta essent non haberet in manibus.

825. PROSPICERE UT POSSIMUS, ET UT PROFERRE VIA PROCEROS PASSUS. Immo *lumina oculorum creata, Prospicere ut possemus*: ita enim semper Lucretius, ut in proximis *Braccia tum porro validis ex apta lacertis Esse manusque datas, Ut facere ad vitam possemus quae foret usus*, ubi Marullus soloece *possimus*; et *Nil ideo quoniam natumst in corpore, ut uti Possemus*. sed in hoc de quo agitur versu ut priora praeteritum tempus, ita quae secuntur praesens *possimus* exigunt, et ut *proferre viai Proceros passus, ideo fastigia posse Surarum ac feminum pedibus fundata plicari*. ergo his proprium verbum attribuendum est hoc modo, et ut *proferre QUEAMUS Proceros passus*; idque eo magis quod *proceri passus viae* nulli sunt, neque ullus interpretum explicare ausus est, praeter Pium, qui dicit esse *magnum gradum et spacia viae*. versu 877 *Nunc qui fiat uti passus proferre queamus*.

830. DATAS UTRAQUE PARTE MINISTRAS. Marullus *a parte*. verius est *utraque ex parte*, ut in v, 511 *Ex utraque polum parti premere aëra. ex parte*, non *e*, ut dixi ad librum I, 843. neque saepius quam ter, nisi fallor, hic poëta dixit *a parte*, in iv, 428 *Longa tamen parte ab summa cum tota videtur*, et in v, 685 *Et quod ab alterutra detraxit parte*, item in

vi, 1111 *Quattuor a ventis et caeli partibus esse; quarto ex emendatione nostra in v, 485 extrema a limini' parte propulsa.*

836. NEC FUIT ANTE VIDERE OCULORUM LUMINA NATA. Corrector quadrati solus, sed optime, NATUM. hoc et suavius est et simplicius et illis quae secuntur 850 similis, *Et sedare sitim prius est quam pocula natum. Marulus non bene oculi quam lumina nata.*

843. CONSERRE MANU CERTAMINA PUGNAE. Corrector oblongi CONFERRE. Vergilius similiter *Sive Getis inferre manu lacrimabile bellum, idemque duri certamina belli Contulerant. mox oblongus foedereq: prima manu, foedare omisso que quadratus.*

847. OBIECTUM PARMAT. Itali et impressi PARMAT.

856. POCUL EST. Iidem PROCUL.

861. SED PLURIMA DEBENT EX ANIMALIBUS, QUIA SUNT EXERCITA MOTU, MULTAQUE PER SUDOREM EX ALTO PRESSA FERUNTUR, MULTA PER OS EXHALANTUR, CUM LANGUIDA ANHELANT. Wakefieldus scripsit *haec quia sunt, non satis concinna oratione, multa corpora effluunt ex animalibus, quia haec motu exercita sunt et multa effluunt. rectius Brixiensis editor et quia: sed rectissime faciemus quae quia et ordinem versuum mutabimus, hoc modo. quae quia sunt exercita motu, multa per os exhalantur, cum languida anhelant, multa per sudorem ex alto pressa feruntur.* ceterum Havercampus, ut solet ea quae nullam utilitatem habent adferre, hic ex quadrato notavit *per os exaltantur*, et in versu proximo *His igitur rarescit rebus corpus*, ubi, si legere didicisset, videre poterat librarium ipsum animadverso errore verum ordinem restituisse, *rebus rarescit.*

869. AMOREM OPTURET. Sic prima manu oblongus, a correctore *obduret: quadratus optur re:*

876. IELUNA CUPIDO. Quadratus *teluna: impressi cum Italis IELUNA.*

877. QUI FLAT UTI PASSUS PROFERRE QUEMUS. Corrector quadrati, Itali, Brixiensis editio, *qui FIAT. quadratus quemus: Itali et impressi QUEAMUS.*

878. VAREQUE DATUM SIT MEMBRA MOVERE. Impressi VARIEQUE. versu 1007 quadratus *Ad varae fugiunt volucres exhibet; quod si scivisset Wakefieldus, probasset ut hic vare probavit; bene, si Forbigerum audimus. super-*

ut ut in libro II, 95 scribatur *adsiduo varoque exercita motu*, in V, 228 *At vanae crescunt pecudes*.

879. TANTUM HOC ONUS. Quadratus honoris: ONUS corrector oblongi.

884. REM QUIS QUAM MENS. Brixienis titio QUIS-
UAM quam.

885. CONSTARE IMAGO. Marullus CONSTAT.

886. EGO ANIMUS. Corrector oblongi ERGO.

889. ET FACILEST FACTUM. In quadrato erasa lineola
ACTU, itaque Antonius Marii.

890. CORPUS PERIT. Marullus FERIT.

897. CORPORIS UTAC NAVIS VELIS VENTOQUE FERA-
RE. Muretus *Corporis ut navis*, quod verissimum puto.
Icero in Sestiana 46 *Cum vero in hanc rei publicae navem*
cetera.

899. TANTUIA. Corrector quadrati et ceteri TAN-
JLA.

905. MULTAQUE PER TROCLEAS ET TYMPANA PON-
ERE MAGNO COMMovET — MACHINA. Immo PONDERA
AGNA: nam neque tympana magno pondere sunt nec ma-
ina, et durissimum est multa magno pondere.

907. MODI SOMNUS PER MEMBRA QUIETE INRIGET.
Quadratus *ter membra*. correctores veteres et Macrobius
sturn. VI, 1 MODIS. MOX QUIETEM Macrobius. *Inrigit ob-*
ngus, Irrigit quadratus, Irrigat apud Macrobius.

909. SUAUTDICIS. Corrector quadrati et ceteri SUA-
DICIS.

915. TUTIMET. Corrector quadrati et Itali TUTEMET,
comodo scriptum est in libro I, 102. video tamen *tutin* pro-
ri a Ritschelio in Milite Plauti 290. recte autem Priscianus
947 *tete* accusandi vel auferendi casu utraque producta
cendum praecipit. in Hygini fabula 221 *Nosce inquit tete*
nilon Lacedaemone cretus.

928. POSSIT, UT EX IGNI CAECO. Itali fecerunt *et ex*,
surde: id probat Wakefieldus cum suis. debebant potius
tellegere Posset scribendum esse, non *Possit*.

929. SED QUIBUS HAEC REBUS NOVITAS CONFLAT ET
IDE. Perspicuum est CONFIAT scribendum esse. sed im-
essi *conflatur* et recentiores cum Lambino *conflatur*.

933. AERIIS QUONIAM VICINUM TANGITUR AURIS,

TUNDIER ATQUE EIUS CREBRO PULSARIER ICTU. *Lu eius*, scilicet *aëris*. sed praecesserant *aëriae* ~~mae~~, neque ulla est Lucretii in hoc genere ~~neol-entia~~: nam quod est in I, 352, *Crescunt arbust-* —, *Quod cibus in totas diffunditur*, id vix aliter ~~potuit~~ potuit, nec facile sentitur, cum non sit ~~ad-~~ *in eas*. ergo scribendum hic est *atque AB IBUS*, vel, si hoc mavis, *aque ibus*. *eis* vel *iis* duabus syllabis Lucretius nusquam utitur: *iis* monosyllabon libri aliquotiens exhibent, saepius *his*; *iis* uterque VI, 1212, quadratus III, 34 267 IV, 238 V, 1091 1312; in IV, 1154 oblongus prima manu *iis*, quadratus *is* (ita in Aeneidos IX, 274 Mediceus *Insuper is*, in Ennii versu *Is pernas* apud Festum p. 305, 19 ubi apud Paulum est *His*), in I, 80 quadratus *in hs rebus*. sed *isdem* ne semel quidem membranae; quare non ausim doctis hominibus adsentiri, quibus ita scribere placuit in II, 693 et in V, 349. *ibus* in II, 88 primus recte dedit Havercampus, idemque scribendum est in libro VI, 755. apud Plautum *iis* vel *eis* raro disyllabum est priore brevi, ut in Poenulo I, 1, 39 *Sati sunt trecenti. quid iis facturi's? tace*. in Rudentis prologo 73 *Sedent eieci, navis confractast iis*. in Curculione III, 3 *Dives sum, si non reddo eis quibu' debeo*. sed quaerendum puto utrum aliquando *eieis* dixerit. certe in Menaechmis V, 6, 7 Bacchiaci optime procedunt, *Recordetur id, nili qui sunt, quid eieis Preti detur ab suis eris*. in Captivis II, 2, 30 legendum puto *Tum igitur ei, quom in eieis tanta gratiast ut praedicas*, ubi vetus codex habet *in aleis*. ibidem III, 4, 23, ubi Pareus in veteri *liis* vel *his* esse dicit, credibile est fuisse *Quibus insputari saluti fuit atque eiis profuit*. denique *ibus* priore correpta est in versu Titinii apud Nonium p. 486, 17 *Eu ecdstor si mordtae sitis dmbae ibu' pro ut ego moribus*; ubi codices *ut pro ego, pro ut ego* Hermannus in opusculis, tomo V p. 270. *ibus* ambigua quantitate ex Pomponio ibidem, *Nunc quando voluisti facere, fac voluptati sis Ibus* vel *sis ibus*, et in argumento Captivorum, *Et in ibus emit olim amissum filium*. priore producta in Curculione IV, 2, 20 *Eodem hercle vos pono et paro: parisumi estis hibus*, in Milite I, 1, 74 *Latronis, ibus denumerem stipendium*, in Truculento I, 2, 17 *Ibist ibus pignae et virtuti de praedonibus praedam capere*. in glossis Placidi, in classicis auctoribus Maii, tomo III p. 475 et in VI p. 565, *Ibulsis, id est illis*: legendum est *Ibus, his*; *id est illis*.

936. AUT GALLO . Corrector quadrati et Antonius Florentinus CALLO .

944. FIT UTI PARS INDE ANIMA ELICIATUR . Rectissime libri , item Antonius Marii , *fit uti* , de quo dicam ad librum VI, 1007 : impressi *sicuti* vel *sic ut* . ANIMAI corrector quadrati et ceteri . sed praeterea scribendum est cum Lambino EICIATUR , ut 917 *foras eiecta* , 923 *Eiectamque foras* , 960 *foras eiectus* .

952. POPLITESQUE CUBANTI SAEPE TAMEN SUMMITTUNTUR VIRISQUE RESOLVUNT . *Poplitisque cavanti* apud Nonium p. 218, 21 . *submittuntur* oblongus . hic Isaacus Vossius insigne perversitatis suae , sed Wakefieldo iudice eximiae sagacitatis , specimen edidit , cum legendum dixit *Saepe tama summittuntur* . *tama* enim dicitur (Festi verba sunt) *cum labore viae sanguis in crura descendit et tumorem facit* , neque intellegi potest cur propter tamam aliquis *poplites summittat* . nam poplites summitti non possunt nisi flexo genu . supra libro I, 92 *terram genibus summissa petebat* . Ovidius metam. IV, 340 *flexumque genu summisit* , vel potius *flexuque* : nam libri veteres habent *flexoque* . idem in VII, 191 *in dura summisso poplite terra* . ergo cubantes tamen (hic ad versum 988 et 991 respice : frustra Marullus *etiam*) saepe movemus genua et crura summittimus , quo ipso vires magis resolvuntur . haec satis aperta sunt , nec Forbigeri ratio habenda est , qui cubanti poplites *cadere* opinatur et cetera (*Saepe—resolvunt*) interpolatori adscribit .

959. FIT RATIONE EADEM CONIECTUS PARTE ANIMA ALTIOR , ATQUE FORAS EIECTUS LARGIOR EIUS ET DIVISIOR INTER SE AC DISTRACTIOR INTUS . Hic cum duo membra sint , tria esse debere perspicuum est . primum est 918 *vis animae cum partim contrusa magis concessit in altum* , sive cum *introrsum pars abdita cedit* 945 . in altero membro est ille *foras eiectus* , qui erat versu 917 923 944 . tertium est *ubi est distracta per artus vis animae* 916 , quae dicitur 946 *pars distracta per artus* , quae non queat esse coniuncta inter se neque motu mutua fungi . itaque in primo membro hic quoque scribendum est *coniectus* PARTIM animai *Altior* , ut versu 918 : in tertio non potest *eiectus* esse , sed *divisior inter se ac distractior* ACTUS . hoc enim proprium esse in hac re vocabulum ex libro III apparet , ubi est 192 *At contra mellis constantior est*

natura Et pigri latices magis et cunctantior actus. Vitruvius in v, 3, 6 *Vox autem est spiritus fluens aëris et actus sensibilis auditu*; ubi et actu habent libri.

962. ET QUO QUISQUE FERE STUDIO DEVINCTUS ADHAERET. Sic oblongus et Antonius Florentinus. quadratus prima manu .*et quod*, a correctore *at quo*. olim impressi et Marullus *Et quo defunctus*. Lambinus facit *Et quoi devinctus*. id quod verum est Fronto confirmat de feriis Alsiansibus p. 214 (143 Nieb.), cuius verba hoc modo scribenda sunt. *ad hoc, quo iucundior hominibus somnus esset, donat ei* (scilicet somno Iuppiter: Maii codex *et*) *multa somnia amoena, ut, quo studio quisque devinctus esset, aut* (codex *ut*) *histrionem in somniis fautor spectaret aut* (codex *ut*) *tibicinem audiret, ut aurigae agitandi monstra darent* (codex *monstraret*), *militēs somnio vincerent, imperatores somnio triumpharent, peregrinantes somnio domum redirent*.

968. NAUTAE CONTRACTUM CUM VENTIS DEGERE VELUM. Quadratus *degerere velum*. *degere* BELLUM corrector oblongi. vellem hoc tam apertum esset quam est in superioribus *componere leges*, quod de emptionum venditionum legibus accipiendum esse interpretes non viderunt. *bellum agere*, quod lexica vix attingunt, post Gronovium in observationibus p. 227 firmavit exemplis Drakenborchius ad Livii libri XLIX epitomen, item nuperrime ad Cornelium Nepotem in Spicilegio p. 69 Nipperdeius. porro *deactionem* Paulus libro IV ex Festo p. 74 *peractionem* esse dicit; quare *contracta* sive *lis* sive bellum fortasse non *peragi* tantum potest (*peraguntur bella* in panegyrico Calpurnii 181), sed etiam *degi*. praeterea in Culice 72 est *Otiique invidia degentem ac fraude remota*. certe desperantis est scribere cum Lambino *cernere*, cum possit formari lenius *ducere bellum*. multo autem magis mire Fronto p. 99 *potest aestus per vestis intervalla depelli, potest degi, potest demeare, potest circumduci, potest interverti, potest eventilari*; ubi scribendum puto *postest degredi*.

982. CONSENSUM CERNERE EUNDEM SCENATQUE SIMUL. Marullus CONSESSUM et SCENAIQUE. supra 78 *consensum quadratus*.

984. STUDIUM ATQUE VOLUNTAS. Immo VOLUPTAS: nam voluntatis nulla est in hac re potestas, ne minimae quidem illius quam voto similem esse dicit Charisius p. 172, ubi

exponit adverbium optandi, qualia sunt *utinam* et *velim*. huius verba subieci, quae Lindemannus uncis includere quam emendare maluit. *Optandi, utinam veniat, velim currat. quam voluntatem dubio* (legitur *gaudio*) *proximam esse cum dicimus, ut* (Aen. I, 626) *'Seque ortum antiqua Teucrorum a stirpe volebat', votis esse comparem credimus. itaque nec fidei commissorum voluntas* (hoc est illud *VOLO*) *sequius accessit, ut nos* (legitur *non*) *in ea parere* (legitur *praeter*) *iudicium, quamvis tacitum nec adscriptum, votorum solis nisibus et indicibus* (legitur *et beneficiis*) *crederemus.*

989. DE PALMAS. Corrector oblongi *de palmis*, itaque Antonius Marii, item olim impressi et Marullus. rectius Lambinus *de PALMA*.

990. AUT QUASI CARCERIBUS PATEFACTIS SAEPE QUIETE. Hic Wakefieldum miror, qui Bentleium solum ad hunc versum offendisse dicat, cum praeter Avantium et Pium post Marullum omnes offenderint. est autem manifestum *saepe quiete* in hunc versum e proximo (verum enim ordinem Marullus restituit) per librariorum errorem venisse. Lucretii verba, quae ex libro II, 263 petere Lambinus frustra temptavit, perierunt nec possunt certa coniectura reprimi. rei conveniet *colligere aestum* vel aliquid eius modi.

993. ET, 1002. UT. Ita codex uterque.

995. FUGA QUASIDITA CERNANT. Corrector quadrati *quasi didita*. Itali FUGAE *quasi* DEDITA.

996. DISCUSSIS REDEANT TERRORIBUS AD SE. Turnebus ERRORIBUS.

997. AD CONSUETA DOMI. Wakefieldus *consueta domu*, dandi casu, quem huic verbo adiunctum ante Columellam non invenio. ablativum, si credibile est, Terentius addidit in Adelphis IV, 5, 32, *qui illa consuevit prior*, id est qui cum illa suevit. certe *adsuefactum sermone* dixerunt veteres, inferior aetas *sermoni*. sed *consuetus* est qui vixit cum aliis (*consuetos una* Varro dicit rerum rust. II, 3, 2) et paulatim mansuefactus, scilicet ad convictum et familiaritatem perductus, ac *domi domitus*, ut dicit poeta in V, 1334. ita Plautus in Asinaria I, 3, 69 *Itidem hic apud nos. aedis* (id est *aedes* plurali recto casu) *nobis areast, auceps sum ego, Esca est meretrix, lectus inlex est, amatores aves. Bene salutando consuescunt, compellando blande, Osculando, oratione vinnula venustula.* ubi est paulo ante

Aues adsuescunt. Caesar de bello Gallico VI, 28 adsuescere ad homines et mansuè fieri.

1009. PROELIA PUGNAS EDERE. Apud Nonium p. 192, 26 *pugnas Sedere vel Sed re. cetera dixi ad librum II, 118.*

1011. PORRO HOMINUM MENTES MAGNIS QUE MONTIBUS EDUNT, MAGNA ITIDEM SAEPE IN SOMNIS FACIUNTQUE GERUNTQUE. Marullus *magnis quae motibus edunt? Magna etenim saepe* — quae non intellego. neque omnino video quid hic illi magni animorum motus velint. puto scribendum esse *Porro hominum mentes, magnis qui mentibus edunt Magna, itidem saepe in somnis faciuntque geruntque* scilicet magna.

1013. REGES EXIPUGNANT. Corrector oblongi EXPUGNANT.

1020. MULTI, DE MONTIBUS ALTIS UT QUI PRAECIPITENT AD TERRAM CORPORE TOTO, EXTERRUNTUR. Quadratus et corrector oblongi, item Antonius Florentinus et olim impressi, *Ut quasi praecipitent. Wakefieldus recte probavit qui: sed idem inepte corpore toto Exterruntur.* rei unice aptum est EXTERNANTUR, scilicet in somnis. idem vocabulum Iacobsius optima et necessaria emendatione Horatio reddidit in epistularum I, 6, 11, *Inprovisa simul species externat utrumque.*

1026. PURI SAEPE IACUM PROPTER SE AC DOLIA CURTA SOMNO DEVINCTI CREDUNT SE EXTOLLERE VESTEM. Itali et impressi LACUM. ita *spurcos lacus Iuvenalis VI, 603. quadratus propter secula dolia.* perspicuum est scribi oportere *lacum propter sei ac dolia curta*, sicut in versu 1009. *puros* autem interpretes cur *pueros* intellegant non video.

1032. CONVENIUNT SIMULACRA FORIS E CORPORE QUOQUE. Non ex quoque corpore, neque ex quocumque, ut versu 1065, sed ex uno QUODAM certo corpore. versu 1048 *Idque petit corpus, mens unde est saucia amore.*

1033. PULCHRIQUE COLORES. Corrector oblongi COLORIS. sic versu 1094 *ex hominis facie pulchroque colore.*

1034. QUAE CIET, 1047. INCITAT. Versus in ordinem redegit Naugerius. QUI CIET Lambinus dedit.

1035. ET — 1036. CRUENTET. Naugerius UT — CRUENTENT.

1037. SOLLICITATUR ID NOBIS. Idem *id in nobis*. rectius est E.

1038. ADUITA AETAS. Corrector quadrati et post eum primus Marullus ADULTA.

1052. ACCIPIT ICTUS. Oblongus *ictis*.

1055. UNDE FERITUR. Sic a correctore oblongus, prima manu *ferit*. quadratus *territur*.

1057. MUTA CUPIDO. Id est caeca, supra 1046 *dira lubido*. sic oblongus, Antonius, olim impressi, Marullus. contra quadratus *multa*, itaque Avantius Naugerius Lambinus et inde certatim omnes.

1058. HAEC VENUS EST NOBIS, HINC AUTEMST NOMEN AMORIS: HINC ILLE PRIMUM VENERIS DULCEDINIS IN COR STILLAVIT GUTTA, ET SUCCESSIT FRIGIDA CURA. Oblongus prima manu *hic autemst*, quadratus *hinc autem est*. tum oblongus *Hinc ille*, a correctore *Hinc illaec*: quadratus *Hinc illa*, olim impressi *illata*, Antonius *illa et*. unice verum est *Hinc ILLAEC*, et infra 1083 *illaec germina*. hoc locum habet ubi *illa* versum non explet, ut apud Tibullum *istaec* pro *ista*, I, 9, 68 *Ista haec persuadet facies*. Catullus 67, 73 *qui tu isthaec, ianua, nosti?* interpretes hic in ipsa luce caecutiunt, cum deberent intellegere repetito *hinc* eam oppositionem indicari, quae hic perpetua est amoris et Veneris. Haec, inquit, quae ad corpus et seminis eiciendi voluntatem pertinent, *Haec Venus est nobis*. ea ab altera parte est, alterum momentum amor facit: *hinc autemst MOMEN amoris*, *Hinc illaec*. ita haec leniter adiuvanda sunt: nihil facit ad sententiam *nomen amoris*, et absurdum est Crechii *numen*; praesertim cum Epicureorum sententia sit οὐ θεόπεμπτον εἶναι τὸν ἔρωτα, apud Diogenem Laërtium in x, 118. quae restant, nullam difficultatem habent: *primum Veneris dulcedinis in cor Stillavit gutta*, cum cupido voluptatem praesagit, et tum amoris vi *successit frigida cura* et quasi medella, *ἡσπασία ψυχρά*, cupiditatis, quae luditur, non expletur, corporum absentium simulacris. ita perspicuum est ut a vero longe aberrarit Marullus scribendo *fervida cura*. curas frigiditas dixit *curarum frigus* Ovidius ex Ponto libro III, 9, 25, *Corrigere — animum lento curarum frigore laedit*. idem in IV, 2, 45 *Quid nisi Pierides, solacia frigida, restat?*

1061. NAMST ABEST QUOD AMES, PRESTO SIMULACRA

TAMEN SUNT ILLIUS. Corrector quadrati et Itali *Nam si.* sed si adsunt simulacra, *quod ames* non abest, sed id quo fruaris: itaque scribendum est *quod AVES.* in III, 1082 *Sed dum abest quod avemus*, et 957 *Sed quia semper aves quod abest.* scholiastes Lucani IV, 265 *Avet*, i. *avide cupit.* sic Lucretius saepe ponit.

1065. ET IACERE UMOREM CONIECTUM. Marullus COLLECTUM. pravitatis patronis, Wakefieldo, Eichstadio, Forbigero hoc placet, *iacere coniectum.*

1068. VICUS ENIM. Corrector oblongi ULCUS.

1081. OSCULAQUE ADFLIGUNT. Quadratus *adfigunt.*

1083. RABIES UNDE ILLAE GERMINA SURGUNT. Sic, nisi fallor, oblongus prima manu: corrector Saxo fecit *illa haec germina*, itaque Antonius Florentinus. quadratus *ille germina.* recte amicus Lambini *ILLAEC GERMINA*, ut dixi ad versum 1058.

1085. BLANDAQUE FRENAT. Impressi cum Italis REFRENAT.

1089. CUIUS QUAM PLURIMA HABEMUS. Marullus *quo pluria*; quam vocabuli declinationem utrum Lucretius probaverit scire non possumus. mihi certum videtur hic illud *cuius* monosyllabum, de quo dixi libro I, 149, correctoribus displicuisse: poetam enim scripsisse existimo *cuius QUOMAGE plurima habemus*, *Tam magis ardescit dira cuppedine peccatus.* neque enim probari debet *quam*, ut dixi libro II, 586.

1096. TENVIA, QUE VENTO SPES RAPAT SAEPE MISSELLA. Inepte Itali nescio qui, quos Wakefieldus sequitur, *vento spes rapta est.* fefellit hos error typographi Veronensis, qui vulgatissimo peccandi genere fecit *raptas*, cum deberet *raptat*, ut Brixiensis et Antonius Marii et Marullus. vere Bentleius *MENTEM* pro *vento*, sed idem sine causa *spe captant*: nam satis rectum est hoc, *quae mentem spes raptat saepe misella*, id est misera inanium simulacrorum adipiscendorum spes. Lucilius apud Nonium p. 289 *Illo oculi deducunt ipsi atque animum spes illuc rapit.*

1098. ARDOREM QUI MEMBRI STINGUERE POSSIT. Recte Avantius *MEMBRIS stinguere.* mox quadratus *torrentis flumina*, quod ipsum e Bertiniano Lambinus adfert: Havercampus fallit.

1115. CONIECTA CUPIDO. Lambinus CONLECTA.

1118. CUM SIBI QUOD CUPiant IPSI CONTINGERE QUERUNT. Neque *ipsi* intellegi potest, neque *cupiant* coniunctivo modo poni debuit. sed poëta hic illud *volnus caecum* describit, *Cum sibi* QUID *cupiant ipsi contingere quaerunt*. ipsi quid cupiant nesciunt, *Nec reperire malum id possunt quae machina vincat*.

1121. ABSUMUNT UTRIS. Marullus VIRES.

1123. LABITUR INTEREA RES ET BABYLONIA FIUNT. Pius 'alibi codicum BABYLONICA scribitur'. hoc perspicue verum est, ut res familiaris Babylonicae vestes fieri dicantur. inepte Marullus *vadimonia*; quod ne commemorarem quidem, nisi a Naugerio inducti omnes probassent.

1124. FAMA VIGILLANS. In oblongo *g* littera est in litura a correctore: sed non fuit *c*. Marullus VACILLANS.

1125. UNGUENTA ET PULCHRA IN PEDIBUS SICYONIA RIDENT. Quadratus *sicronia*. sed *Unguenta*, quae mox 1132 recurrunt, huc non pertinere Tan. Faber recte monuit. Wakefieldus et Forbiger tacent. scribendum est ARGENTUM.

1129. ET VENE PARTA PATRUM FLUNT ANADEMATA, MITRAE. Corrector quadrati et Marullus FIUNT. mirabile est quod habet Isidorus originum IX, 5, 3, *Pater autem dictus eo quod patrutione peracta filium creat: patratio enim est rei Veneriae consummatio. Lucretius Et bene parta patrant*. ceterum recte facere qui et hic seiungant *anademata*, *mitrae*, et in Aristophanis Thesmophoriazasis secundis (6, 2 Bergk.) *μίτρας, ἀναδήματα*, ex l. 26 D. de auro argento XXXIV, 2 apparet, ubi Paulus dicit *sic uti mitrae et anademata*.

1150. INTER DUM IN PALLAM ATQUE ALIDENSIA CHIAQ. VERTUNT. Hic Wakefieldum cum caricis suis (nam vestes in Cariae oppidis Alinda Cioque confectas comminiscitur) *οὐ συκοφαντήσομεν*. sed quis eo Gulielmum Pellisserium, episcopum Mompessulanum, longe prudentius egisse infitiabitur? qui cum legendum iudicaret, ut Lambinus refert, *ac Melitensia Ceaque*, alterum hoc, quod est *Cea*, plane vere restituit; quamquam nihil causae esse intellego, cur mutata vocali illud potius scribamus quam CIAQUE. et Caeae quidem vestis non fieri mentionem apud veteres excepto Plinio, sed Coae tantum, Salmasius in exercitationi-

bus p. 101 observat, sed Lucretii inmemor nec rei rationem veram reddens. scilicet nulla umquam fuerunt nisi Coa: sed ea ante quam in frequentem usum venissent, Varro per errorem ab insula Ceo venire opinatus est, quem Lucretius et Plinius temere secuti sunt. res aperta fiet, si Varroniana cum Aristotele, ex quo ducta sunt, contuleris. sic igitur Plinius nat. hist. iv, 20 de Ceo, *Ex hac profectam delictiorem feminis vestem auctor est Varro*. idem in xi, 26 *Prima eas, bombycum telas, redordiri rursusque texere invenit in Ceo mulier, Pamphila Latoi filia*. at Aristoteles in historia animalium v, 19 p. 551, 16 *Πρώτη δὲ λέγεται ὑφῆναι (τὰ βομβύκια) ἐν Κῷ Παμφίλῃ Πλάτῳ (sive Λατίων) θυγάτηρ*. sed in altero coniectura Pellisserium fefellit: nam in Lucretio tantum a litterarum ductibus recedere non licet in propriis vel Graecis, ut *atque alidensia* mutetur in *ac Melitensia*. itaque quoniam neque *Alidensia* neque *Midensia* noti cuiusquam oppidi similitudinem referunt (nam *Milesia* pedum lex respuit), tempus lenissime *atque ALIDEUSIA*; quamquam fatendum est hic idem nobis quod paulo ante 1127 in *thalassina veste* usu venire, ut vocabulorum originem et formam ostendere possimus, ipsa vero vocabula, et eae res quibus imposita sint, in cognitionem nostram non cadant. nam *ἀλιπόρφυρα ἀλιβαπτα ἀλουργῇ* novimus, item *δευσοποιὸν* et *δευσοποιάν· ἀλιδεύσια* tinctoribus et delicatulis quam scriptoribus tritiora, fuisse mirandum non est. ceterum *thalassicum colorem* pallioli, forma vocabuli a Graecis, quantum scio, non magis usurpata, ferrugineum dixit Plautus in Milite iv, 4, 43.

1131. EXIMIA VESTE ET VICTU CONVIVIA, LUIDI, POCULA CREBRA, UNGUENTA, CORONAE, SERTA, PARANTUR. Corrector oblongi *convivia, ludi*, itaque et Itali et libri impressi, absurde in apparatu convivii. scribendum est LYCHNI. hoc in v, 295 scriptum est *lyclini*.

1137. IN AMBIGUO. Ita, nisi fallor, prima manu oblongus, a correctore *in AMBIGUO*: quadratus *in ambico*.

1141. MALE HAEC. Marullus MALA haec.

1145. CAVEREQVE NE INLIGNIARIS. Quadratus *neque pro ne*. Marullus *ne* ILLICIARIS, verissime.

1151. ET PRAETER MITTAS ANIMI VITIA OMNIA PRIMUM, UT QUE CORPORIS SUNT EIUS QUAM P̄PETIS AC VIS. In *primum* adverbio, quo primus cavendi gradus

designatur, male haesit et Marullus, qui fecit *omnia pravi Et quae*, quod Avantius stulte corrupit *pravi Ut*, et Nau-gerius, a quo est *Tum quae*, per multos libros propagatum. scribendum est *AUT quae corpori sunt eius*. hinc Horatius *ne corporis optima Lyncei Contemplere oculis*, *Hypsaea caecior illa Quae mala sunt spectes*. tum oblongus *ppetis*, quod est *praepetis*: sed quadratus *precis*. in archetypo puto fuisse QUAM PPETIS deleta P; ut scribendum sit *SI QUAM PETIS ac vis*, usitatis et propriis vocabulis. Vergilius *Multi illam e magno Latio totaque petebant Italia*. Propertius *Cum te tam multi peterent, tu me una petisti*. Plautus in *Asinaria* III, 1, 38 *Sine me amare unum Argyrippum, animi causa, quem volo*. Ovidius *amorum* I, 10, 60 *quam volui, nota fit arte mea*. idem in II, 19, 2 *Si tibi non opus est servata, stulte, puella, At mihi fac serves, quo magis ipse velim*. Propertius in I, 13, 36 *Et quotcumque voles, una sit ista tibi*. olim impressi *quam per-petis*, inaudito et perverso vocabulo, Lambinus *percupis*: Antonius Marii et Marullus servaverant *praepetis*.

1156. ESSE IN DELICTIS. Itali et Marullus in DELICTIS.

1160. ET FOETIDA. Ita codices veteres, quem admodum oblongus fere ubique *foetus* exhibet a manu correctoris. in archetypo exemplari certum est FETIDA fuisse sive *faetida*. scilicet saeculo nono ita peccari coeptum est: antiquiores in quibus vocibus et *oe* et *e* vel *ae* scripserint dixi ad Gaïum II, 66 n. 4 p. 117. in euangelio Iohannis XI, 39 liber Fuldensis et ceteri Latini quos vidi *Domine, iam fetet*, Laurentianus *faetet*. vetus Plauti in *Casina* III, 6, 7 *fetet*. apud Nonium Basilienses p. 394, 16 *fetidum*, p. 413, 8 *faetidum*, p. 536, 20 *fetidos*: apud eundem p. 233, 5 6 7 *Mercerus fetida* (Basilienses *foetida*) *fetet fetida*, et p. 63, 26 *Guelferbytanus* et *Lei-densis fetutina*, ubi Basilienses habent *oe*.

1168. ATIAMINA ET MAMMOSA CERES EST IPSA AB IACCHO. Oblongus *cerest ipsa ab iaccho*. Arnobius libro III p. 105 *Havet animus atque ardet in chalcidicis illis magnis atque in palatiis caeli deos deasque conspiceret intectis corporibus atque nudis, ab Iaccho Cererem, musa ut praedicat Lucretia, mammosam*. idem in VI p. 209 *Ceres mammis cum grandibus*. qui si in versus initio *At gemina scriptum invenisset, quae Turnebi emendatio est ab omnibus probata, hoc quoque cognomine*

Cererem ornasset; quo facto constaret, quod nunc prorsus incredibile duco, Latine *geminam* dici posse (ita enim Turnebus interpretatur advers. xxvii, 34) plenam, amplam, obesam. est autem hic versus ex eo genere, qui vix possunt certa emendatione restitui. mihi maxime probatur quod Avantius in ceteris valde peccans dedit, *At LAMIA*. *Lamiam* autem non tam *saevam* et *ferocem* dici existimo, ut exponitur in glossario Maii in auctorum classicorum tomo vi p. 531, quam vastam manducam voracem: et ab ingluvie ac voracitate *Lamiam* appellatam esse Lobeckius statuit in *ῥημاتيῶ* p. 326. altero tamen illo modo potius uxorem suam *Λάμια* dicit senex apud Menandrum in comicis Meinekii p. 945 (iv, p. 191).

1169. SIMULA SILENA AC SATURAST, LABEO SA PHILEMA. Oblongus prima manu *Simulena silena*. ceterum hic codex Graeca vocabula emendatissime scripta exhibet, sed litteris Latinis; quas editores, perditii scilicet litteratores Graecae linguae, cum tolerare non possent, nomina propria quoque, quae Lucretius omnia Latina dedit, *Palladium*, *Lampadium*, *Silena*, *Satura*, nulla cum fide Graecis litteris exornarunt. nam veteres illi quae nimis Graeca viderentur ita solebant inflectere; ut Lucilius apud Nonium p. 359, 14 *Siquod verbum inusitatum aut zetematium offenderam*, idemque in versibus ab Hauptio in Philologo Schneidewini i p. 163 eximie restitutis *Tyro eupatereiam aliquam rem insignem habuisse*, item alio loco *ne rhetoricotero' tu sis*. ceterum neque Graecis neque Latinis litteris scribi debebat *Silene ac Satyra* est: nam vocales Graecas productas poetae Latini post Plauti aetatem non eliserunt, nisi pauci iique raro. Plautus in *Captivis* iv, 2, 110 *ne ton Apollo. et servolum*, in *Epidico* v, 2, 17 *Apolactizo inimicos omnis*. Lucilius Nonii p. 540, 28 *amfitapoe et*. tragicus in *Tuscul.* ii, 36 *Quibu' magi' palaestra Eurota*. Propertius *Ino etiam*, *Callisto Arcadios*, in iii, 28, 19 23. Vergilius *Circe in*, *Allecto infecta*, *Allecto in Teucros*, *Aen.* vii, 20 341 476. Germanicus 262 *Electra Alcyoneque*. Silius *Parthenope ac*, *Melite et*, *Drepane atque*, viii, 536 xiv, 251 269. Statius *Tisiphone et Theb.* viii, 66. nam Vergilius non scripsit *Beroë Ismarii* v, 620, neque *Cinyra* et x, 186, nec Cicero in *Arateis* (de natura deorum ii, 111) *Andromeda aufugiens* aut 436 *Andromeda et*. sed Terentius recte *Hecyrast* huic nomen

fabulae, item Ovidius *Cyllenest* et *Halcyonest* metam. vii, 386 xi, 545, et qui scripsit epistulam Leandri 141 *ab Hellest*. at inauditum et pudendum est quod quidam adfinxit epistulae Hypermnestrae 123, *At tu, siqua piaae, Lynceu, est tibi cura sororis*. mox partim *labiosa* scribunt, alii cum Antonio Marii et Marullo *labrosa*: sed et *labeas* fere scribi video, et *labeones*, quod agnoscit Phocas p. 1691, quamquam *labium* saepius invenitur quam *labeum*, et *labiones* apud Charisium p. 79.

1170. LONGUM EST DICERE CONER. Ita quadratus: sed si post *est* additum manu antiquissima. oblongus *esti dicere*, post *i* littera erasa, *d* a correctore inserto, *est id dicere*. sic olim impressi et Itali *est id dicere*. Marullus *si*.

1174. NEMPE EADEM FACIT ET SCIMUS FACERE OMNIA TURPIS. Rectissime Naugerius *Nempe eadem facit omnia* TURPI. versum proximum mire perverterunt interpretes. hoc dicit, eam sese, postquam cum alio consueverit, sufficientis purgare, ne amator sentiat. simile est illud apud Propertium v, 8, 83, *Dein quemcumque locum externae tetigere puellae Suffit et a pura limina tergit aqua*.

1176. QUAM FAMULE LONGI FUGITAN. Brixiensis editio LONGE. eadem et corrector quadrati FUGITANT. utrumque Antonius quoque exhibet.

1180. QUEM SI IAM MISSUM VENIENTEM OFFENDERIT AURA UNA MODO. Antonius Marii *iam miserum venientem*, Marullus *iam immisum veniens*, Lambinus *iam admissum venientem*. Wakefieldus cum probat *immisum*, sese rem non percepisse ostendit: Forbiger eam falso 'antiquorum librorum lectionem' dicit sciens dolo malo. Lambino obest oratio hians neque apte nexa: nam haec diversi generis participia, qualia sunt *admissus veniens*, coniunctionem desiderant. quare rectius scribemus *iam AMMISSU venientem*, quomodo *missu venire* dixit et Caesar et alii optimi scriptores. Pacuvius *nunc regnum potitur transmissu patris* apud Nonium p. 481, 32. ceterum modo vocali producta libro ii, 1135 probavimus: hic *et* coniunctione addita oratio firmiore vinculo iungetur.

1182. CADET. Lambinus CADAT.

1183. STULTITIAQUE IBI SE DAMNET. Marullus STULTITIAEQUE, recte: *damnatur* enim aliquis crimine vel iudi-

cio, sed *sceleris*, *parricidii*, *furti*, *iniuriae*. in Ciri 188 quod habent exemplaria, *quam tanto scelere damnare puellam*, neque modulatum est (vide quae dixi libro II, 27) neque Latinum.

1186. VITAE POSTCAENIA. Lambinus *postscenia*. in archetypo fuerit POS^TCAENIA, T littera a correctore sine causa addita: nam ante multas consonantes scribitur *pos*.

1188. TAMEN OMNIA POSSES PROTRAHERE. Recte Marullus POSSIS, scilicet quamquam illae haec *celant*.

1191. PRAETER MITTERE HUMANIS CONCEDERE REBUS. Hic qui poëtae sententiam recte sequetur intellet scribendum esse ET *humanis*. interpretes haec miro modo perturbarunt; quorum commenta excutere longum est.

1198. MARIBUS SUBSIDERE POSSENT. Immo POSSUNT, quoniam sequitur indicativo modo *Si non ipsa ardet abundans Natura*. nam haec inter se coniungenda esse apparet, et *subare* poëtam contra vulgarem consuetudinem de maribus dixisse. sic *subidus* in epigrammate Valerii Aeditui apud Gellium XIX, 9.

1200. ET VENEREM SALLENTUM LETA RETRACTANT. Corrector oblongi *fallentum*: recte SALIENTUM Marullus. sed *laeta* RETRACTAT primus Lambinus.

1201. NONNE VIDES ETIAM. *Etiam* omissum ab Antonio Marii et in olim impressis: hinc Marullus *subito*, alii Itali apud Wakefieldum *Memmi*. *etiam* Avantius iam restituerat: sed Wakefieldo placuit *Memmi*, quod est ineptissimum.

1202. VIXIT, UT IN VINCIIS COMMUNIBUS EXCRUCIENTUR. Corrector oblongi VINXIT. *quadratus communis*. VINCLIS Marullus. in Ovidii amorum I, 13, 19 *sponsu vinctos* legendum est, ubi Puteaneus *sponsum cultos*; *Atque eadem sponsu vinctos ante atria mittis, Unius ut verbi grandia damna ferant*. in Taciti Germania 21 cum Massmannum docuissem unice vera haec esse, *gaudent muneribus*, sed *nec data imputant nec acceptis obligantur: vinculum inter hospites comitas*, ille mihi p. 84 ea adscripsit quae ne legere quidem didici, nedum agnoscam a me profecta. libri habent *victus inter hospites comis*.

1203. IN TRIVIIS CUM SAEPE CANES. Male iuncta oratio. Marullus *quin*, contra consuetudinem Lucretii, de

qua dixi ad librum I, 588. Lambinus parum suaviter *non saepe*. scribendum est *In triviis QUAM saepe*. in VI, 801 *Quam facile in medio fit uti des saepe ruinas!* in II, 1038 *Quam tibi iam nemo — Susplicere in caeli dignatur lucida templa!* in I, 104 *Quippe etenim quam multa tibi iam fingere possunt Somnia!* in VI, 1080 *Cetera iam quam multa licet reperire!* ceterum versum 1210 huc referendum esse primus Naugerius vidit.

1207. UT DICO. *Ut* omissum apud Marium Victorinum p. 2472.

1208. ET COMMISCENDO QUOM SEMINE FORTE VIRILI FEMINA VI MULCIT SUBITA VI CORRIPUITQUE. Oblongus *quom*, quadratus *quo in*: factum in utroque *cum*. tum *forte vir illi oblongus*. in versu altero Salmasius *Femina vim vicit subita vi*, quod recte probat Wakefieldus: at Eichstadius et Forbiger turpe inventum Turnebi maluerunt.

1212. UT PARTIBUS PATRIO. Corrector quadrati et ceteri PATRIBUS. apud Nonium p. 230, 13 *Ut patribus patri*.

1220. QUIA MULTIMODIS. Lambinus *MULTA modis*.

1222. A STIRPE. Rectius AB *stirpe*, ut dicam ad librum VI, 925.

1224. REFER VOLTUS. Antiqui correctores REFERT.

1225. QUANDOQUIDEM NIHILO MAGIS HAEC SEMINE CERTO FIUNT. Antonius Marii et Marullus DE *semine certo*, hoc est aut virili aut muliebri; nequis cum Lambino sententiam perturbare velit scribendo *nihiilo minus*.

1230. QUO CUMQUE CREATUR. Oblongus et Antonius Marii *creator*. idem Antonius et Marullus QUODCUNQUE.

1232. SIVEST. *Sive est* apud Festum p. 309, 22, ubi adscribitur libro V.

1234. ABSTERRENT, PRAETER AGNATIS. Quadratus *praeter ac natis*. Itali et impressi PATER a *gnatis*. Serenus Samonicus versu 613 *Irrita coniugii sterilis si munera languent, Nec subolis spes est, multos iam vana per annos, Femineo fiat vitio res necne silebo: Hoc poterit quartus magni monstrare Lucreti*.

1242. POTIS EST. Sic oblongus et Nonius p. 73, 8: *quadratus potest*.

1243. REVOCATUM CREDIT ABORTU. Corrector quadrati *redit*. Marullus CEDIT.

1244. CRASSIUS HIC PORRO. Non *hic*, id est in hac re, sed in diverso hominum genere. *partim* erat versu 1240, hoc est alii. ergo *his*, non *hoc* cum Marullo.

1247. MULIERI SEMINE. Impressi cum *Italis* MULIEBRI.

1250. SUCCÏPIUNT. Ita hic oblongus, quadratus *Sus-*
ciunt. item in v, 402 *suscepit* oblongus, *suscepit* quadratus.

1252. ET NACTAE POS SUNT TAMEN UNDE PUELLOS. Non *possunt* intellegendum esse, sed *post sunt*, nemo ante Lambinum vidit. Lucillii versus est, quo Nonius utitur p. 370, 28, *Parcat illis magi, qui pos sint, cui fidem esse existimem*; ubi libri habent *Parcat illi maius cui possint cui fidem esse eximent*. apud eundem Nonium p. 158, 18 *sunt* omisso legitur *nos tamen unde puellum* et e versu proximo *partus posset ditiscere dulci*.

1259. CONVENIUNT. Marullus CONVENIANT.

1262. ATQUE ALII EXTENVANTUR TABENQUE. Anti-
quissimi correctores TABENTQUE. impressi ALIIS.

1267. LUMBRIS. In utroque Leidensi factum LUMBIS. ita *glebris* in v, 142.

1268. NE MOLLES OPUS SUNT. Oblongus *opes sunt*. NEC Marullus.

1270. SI LAETA RETRACTAT. Oblongus *retractet* cum *Italis* et impressis.

1275. GRAVIDAEQUE IACERENT. Brixien-
sis editio GRAVIDAEQUE. huc referam Varronis versum, quem Priscianus p. 697 protulit ex satira quae inscribebatur ἄλλος οὔτος Ἡρακλῆς. is debet ita scribi, *Gravidaque mater alvo peperit Iovi puellum*, addito *alvo*, quod libri non habent: est enim metrum Ionicum, vel ut Varro appellabat *iambionicum carmen*, quod apud Diomedem p. 517 male scribitur *iambico novum*. eiusdem metri est hic in γνῶθι σεαυτόν, *Candens corpore taurus trivio lumine lunae*, apud Nonium p. 267, 2; item in Testamento sic ille puellus Veneris repente Adonis cecidit cruentus olim, in quibus exemplaria Nonii habent p. 158, 15 *repente vadon*. ceterum horum versuum 1269 1274—1276 sententia Donatus utitur ad Eunuchum Terentii III, 1, 31: sed eum obscenum *crissandi* vocabulum a Lucretio sumpsisse vanissima T. Fabri coniectura est, verbis foedissimis ab eo exornata. lexicis addendum est *crisat illi* e Charisio p. 260 (apud

Diomedem p. 293 *crescit illi*), *Crisabit tibi* e Priapeo 19, et altero *s* deleto scribendum *crisare*.

1281. MORIGERISQUE MORIS. Marullus MODIS.

1282. UT FACILE INSUESCAT SECUM DEGERE VITAM. Quadratus *degerere*, ut supra versu 968. Brixienſis editor *secum quoque*, quod ſententiam non explet: Antonius Marii et Marullus *secum vir*, Italice magis quam Latine. potius eſt ut adiciatur NOS. hoc dicendi genus nemo nescit a Bentleio illuſtratum eſſe ad illud Horatii, *insuevit pater optimus hoc me*, ſerm. I, 4, 105. ſic *desuevi eum* Titinius in Gemina, *Nam parasitos amovi, lenonum aedibus eum absterrui, Desuevi ne quo ad caenam exiret extra consilium meum*, apud Nonium p. 94, 33, ubi *Nam et eum* omissis scriptum eſt *lenonem*, cum numeros Iambicos ostendant quae fuerunt in eodem loco, a Nonio conſignata p. 406, 20, *Si rus cum scorto constituerit ire, clavis ilico Abstrudi iubeo, rusticae togae ne sit copia*. ſatis notum eſt *mansuescere* eo modo dixiſſe Varro- nem de re rustica II, 1, 4, *silvestria deprehenderent ac concluderent et mansuescerent*. idque ipſum Lucretio reddam in V, 1368.

V, 2. PRO RERUM MAIESTATIS ATQUE REPERTIS. Antonius Marii, item olim impreſſi et Marullus, *maiestatisque repertis*. Lambinus cum ſe in manu ſcriptis partim ita ſcriptum repperiſſe dicit, *maiestate hisque repertis*, partim ita, *maiestate atque repertis*, haud dubie fallitur: ſed veriſſimum puto quod ipſe mihi videtur ſua coniectura inveniſſe, *pro rerum MAIESTATE HISQUE repertis*. mox oblongus *quia talia nobis*.

5. QUESITA PREMIA LIQUIT. In oblongo recentior manus, non antiqui illius correctoris, *QUAESITAQUE*, itaque omnes praeter veteres membranas. in verſibus proximis, quos Lactantius recitat inſtit. III, 14, 2, quadratus *deus ipſe fuit*.

12. LUCE VOCAVIT. Itali et impreſſi *LOC*AVIT.

14. NAMQUE GERES. Iidem CERES. tum oblongus *frugesque liberque*. verſu 21 quadratus *animum*.

30. 31. TANTO OPERE OFFICERENT NOBIS TYMPHALA COLENTES THRACIA, BISTONIASQUE PLAGAS ATQUE ISMARA PROPTER. Itali et impreſſi STYMPHALA.

ordinem versuum invertendum esse Marullus vidit, idemque optime scripsit *Thracen*, nisi quod rectius est *THRACAM*. Forbiger *Thraciam* vitio duplici, quia nec synizesis in Graeco nomine ferenda est, ut observavi ad librum III, 917, neque *Thraciam* ullus poeta dixit praeter Lucanum, qui quomodo hoc in II, 162 audere potuerit non intellego, nisi quod ante eum Vergilius fecit *Samothraciam* Aeneidos VII, 208. nam in Ovidii metam. VI, 435 exemplaria vetera tanti non facio ut eum *Thracia* maluisse credam quam *Thrace*. Ciceronem de re publica *Thracam* dixisse, non *Thraciam*, Servius refert ad Aeneidos XII, 335: nihilo minus in Vaticano exemplari Maius libro II, 4 scriptum invenit *Thraciam*. sed Marullus, cui *Stymphala colentes* quinam dicerentur non tam clarum videretur quam Wakefieldo et Forbiger, fecit satis audacter *Tantopere officerent nobis, uncisque timendae Unguibus Arcadiae volucres Stymphala colentes*. mihi, quoniam nobis satis recte abesse potest, simplicissimo remedio uti placet, ut scribatur *Tanto opere officerent*, ET AVES *Stymphala colentes*. infra 560 oblongus *Quis potis est nobis nisi vis*, ubi corrector delevit *nobis*. adde quod inter se simillima sunt *ETABIS* et *NOBIS*.

33. ACERBAN TUENS. ACERBA tuens Vergilius Aen. IX, 794, Macrobius Saturn. VI, 1.

34. ARBORIS AMPLEXUS STIRPES. Marullus STIRPEM.

35. PROPTER ATIANEUM LITUS PELAGIQUE SEVERA. Turnebus ATLANTEUM, Lambinus PELAGEQUE, SONORA Marullus.

38. SED NON VINCTA FORENT. Itali Si non VICTA.

43. QUE PROELIA NOBIS ATQUE PERICULA SUNT INGRATIS INSINUANDUM. Hanc syntaxin Lambinus recte repudiavit, qui scripsit *pericula tunc*. sed verbum substantivum omittere non est usus Lucretiani: ergo scribemus TUMST, ut dixi ad librum I, 111.

45. CUPPEDINES ACRES. Itali cupidinis, Marullus cupidinis, Lambinus CUPPEDINIS. in IV, 1090 oblongus *cuppedine*: sed Florentinus Varronis de lingua Latina v p. 148 *forum cuppedinis, cuppes et cuppedia* codices Pauli diaconi p. 37, Plautini in Stichus v, 4, 32 et in Trinummus II, 1, 13 *cuppedia et cuppes*, glossarium vetus in Maii auctorum tomo VI p. 530 *kappadinarius*.

51. NUMERO DIVOM. *Divum numero* apud Lactantium inst. III, 14, 4.

53. IAMMORTALIBUS E DIVIS. *Quadratus Immortalibus*. Marullus IMMORTALIBUS. eodem modo peccatum est in III, 775. DE *divis* Lambinus.

61. NEC POSSE INCOLUMĒ. Ita cum nota erroris liber archetypus: certe oblongus et olim impressi *incolumen* (*Avantius incolomem*), *quadratus vinculum est*. Marullus INCOLUMIS.

67. CONGRESSUS MATERIAM. Itali et impressi MATERIALI.

70. ET QUE NULLOS IN TEMPORE NATE. Corrector quadrati et ceteri *nullo* SINT.

71. QUOVE MODO. *Quoque* Nonius p. 415, 31. idem *loquelam*: *membranae loquela*, ut dixi ad librum III, 1015.

85. AETHERIS. Corrector quadrati *aethereis*. rectius AETHERIIS in VI, 61. neque *aetheris*, si versus mensura admitteret, pro *aetheriis* dici posset; quod in Latinis non est sine exemplo. versus Ennii truncatus capite est apud Ciceronem de re publica I, 16 *nonis Iunis soli luna obstitit et nox*. Plautus in Menaechmis IV, 2, 23 *Apud aedilis proelis factis plurimisque pessimisque*. in Casina V, 2, 2 *Scio: tantum erus atque ego flagitio superavimu' nuptis nostris*. Turpilius apud Nonium p. 306, 3 *Detegere despoliare opplereque adeo fama ac flagitis*. Lucretius *ingratis*, Lucanus et Martialis *gratis*. in lege Rubria II, 13 *ex iudiceis dateis*. in lege Iulia municipali 68 *ineis municipieis coloneis praefectureis*, 83 *pluribus inmunicipieis coloneis praefectureis*. Propertius in III, 34, 64 *Iactaque Lavinis moenia litoribus*: Vergilius in V Aeneidos 269 *Puniceis ibant evincti tempora taenis*. Seneca in Phoenissis 625 *Sunt exilis graviora*. idem in Medea 743 *Supplicis, animae, remissis currite ad thalamos novos*, et 1015 *Moramque saltem supplicis dona meis*. Martialis in I, 117 *Denaris tibi quinque Martialem*. idem in IX, 100 *Denaris tribus invitas, Denaris tamen hanc non emo Basse tribus*. idem in IV, 18 *Qua vicina pluit Vipsanis porta columnis*. ad hoc exemplum putet aliquis veteres tribus syllabis dixisse *conubis*: sed in exemplaribus nostris ubique *i* geminum est, et grammatici *conubiis* per systolen efferri volunt, cuius systoles exemplum, quod quidem certum sit, invenio nullum. hoc quoque mirabile est, quod Vergilius gignendi

casu uti noluit, quo *conubi* dicendum erat, quod habent per *i* duo scriptum Lucanus II, 330 343 et Statius Theb. VII, 300 x, 62, sed maluit dicere Aen. IV, 168 et *consciis aether Conubiis* sive, ut mihi videtur, *Conubis*. hoc certum est, *i* pingue et in consonantem duratum non habere locum in *flagitis exilis supplicis* media correpta. in Graecis autem nihil eius modi admiserunt: neque enim, quod Graeci in suo sermone sibi aliquando licere voluerunt, item peregrinis licet, cum utuntur nominibus Graecis. itaque tribus syllabis *Paeniis* dixisse Vergilium in VII, 769 et epitomatores Iliados 351, *Paenia* Ovidium in metam. XV, 535, *Silium* in XIV, 27 *Paenios*, homines doctissimi non persuadent, sed potius causam aliquam omnibus communem tam constantem errorem effecisse suspicor: nullus enim poëtarum in hac voce veram rationem secutus est. quam ob rem Mauricius Hauptius mihi recte iudicare videtur Catullum non scripsisse *Doris celebranda choreis* pro *Doriis* aut *Dorisin*. qui cum verissime dicit in observationibus p. 69, si qui *Dori* fuissent, potuisse etiam *Doris choreis* locum esse, tamen idem cum vulgo errat, quod sibi notos esse scribit qui appellantur *Dores*. *Dores* enim et *Aeoles* dicuntur sane a Prisciano, *Dores* in Aquilae Romani capitulo 47, sed *Aeolis* sive *Aeoleis* Varro in rerum rusticarum III, 1, 6 et 12, 6, *Eolis* de lingua Latina in V p. 41 104 secundum exemplar Florentinum, in Ciceronis de re publica II, 4 *Doris*, hoc est *Doriis*. in eiusdem pro Flacco oratione 27, 64 Zumptius, vir clarissimus, me docuit Lagomarsinum in undecim codicibus *Eolis* scriptum invenisse, in duobus *Aeoles*, *Doris* in octo, in uno *Doriis*. apud Festum p. 317, 33 *Graeci Doriis*, quod sprexit Müllerus. Terentianus Maurus 659 *Plura Sappho comprobavit* (immo *comprobabit*), *Aeolis et ceteri*. optima exemplaria Quintiliani *Aeolis* in I, 4, 16. *Awqis̃s* et *Aio-ls̃s* apud Macrobius de verbi differentiis p. 253 Iani. ex his apparet neque apud Velleium I, 4, 4 *Aeoli* ferri posse, neque apud Gellium II, 26 *Dorici*. *Aeoli* appellati sunt a Cornuto in excerptis Cassiodori apud Putschium p. 2282, item a Servio ad Aeneidos III, 445, *Dori* apud eundem ad Aen. II, 27, itaque Festus p. 206, 3 et Isidorus originum IX, 2, 80, *Dorenses* Iustino II, 6, 16, *Aeolenses* Sergio grammatico p. 1827. in lege notissima sunt *Termeses* sive *Termenses maiores Peisidae*, *Termenses* Livio XXXVIII, 15, *Telmesses* in Ciceronis de di-

atione i, 94, *Mylasis* et *Alabandis* in eiusdem epistularum i, 56, *Alabandi* vitiose de natura deorum iii, 39, apud Varnem de lingua Latina libro v p. 59 *Pallantes*, in viii p. 418 *athenais*. casuum obliquorum non multa exempla inveni. ac imum quidem *Termesium Termensium Termesum*, item *Di-earchium*, ut dixi ad librum iii, 917, *Mideaesum* (*Midaeium*, to) in Ciceronis epistularum iii, 8, 3, sed in Vitruvii iv, 1, 5 *orieon* et apud Macrobius in eodem libro p. 242 Graecis teris *Αιολέων*. tum *Termensis maioribus Pisideis*, in summa bula l. de *Termesi. Pisid. mai.*, quod est *lex de Termesibus*:

Charisius p. 26 nomen *Achillis* pluralem dativum et ablatum tam ex tertio quam ex secundo ordine facere dicit. cte igitur *Aeolis* dativo Marius Victorinus p. 2468, non cte apud Pomponium Melam in i, 18 *ab Aeolis*. postremo s *Termenses*, *Alabandis* Cicero epistularum xiii, 56, Vitruvius in vii, 5, 6 *Alabandas* (immo *Alabandeas*) sive *Alabans*, apud Priscianum hos *Dores* et *Aeoles*, item *Dores* Velis Longus p. 2217, hos *Dorenses* Iustinus.

88. QUID QUEAD ESSE. *Quead* uterque codex hic et rsu 353, item oblongus in vi, 664 857, quadratus in v, 639 *uiq. ad estivis*), *quiad* oblongus in vi, 1022, *nequead* quadratus in iii, 347. apud Nonium p. 362, 12 ex Cicerone *quead dicere*.

92. PRINCIPIO MARIA. His versibus utitur Probus ad logam Vergilii vi, 31, ut dixi ad librum iv, 126, proximo 94 onius p. 227, 25. eum qui hos sequitur 96 *libro sexto* adscribit Probus in institutionibus grammaticis p. 1394.

100. UT FIT UBI INSOLITUM REM, Oblongus *ibi*. corrector quadrati INSOLITAM: ita Antonius Florentinus et ixiensis editio.

114. RELIGIONE. Ita hoc uno loco uterque codex. in 7 quadratus *Relligionum*. *Relliquias* oblongus in vi, 825 eiusdem corrector iii, 656.

116. AETERNA MEARE. Marullus MANERE.

117. PARS ESSE. Marullus PAR *esse*.

121. SERMONI NOTANTES. Ita uterque codex, quadratus *i* ex e facto prima manu. Itali SERMONE.

122. DIVINO ANIMINBISTENT. Itali *divino a* NUMINE STENT.

131. UBI QUICQUIT CRESCET ET INESIT. In tertio, *i* iidem versus sunt, 787 CRESCAT et INSIT.

133. NEQUE ARVIS ET SANGUINE LONGIUS ESSE. In III, 789 *neque a nervis*. ibi adnotatum est scribendum esse LONGITER.

134. QUOD SI POSSET ENIM. Dixi ibidem 790 mihi scribendum videri QUID *si*.

142. PUTRIBUS IN GLEBRIS TERRARUM AUT SOLIS IGNI. Itali GLEBIS (quod Lucretius dicebat *glaebeis*) et *solis* IN igni.

152. QUOD SI TANGI NON LICET IPSUM. Marullus QUOD *tangi*. Avantius et Wakefieldus *si tangi*, sine sensu, nisi scribatur *ipsam*.

154. TENUES DE CORPORE EORUM. Haec sensu carent. Lambinus *pro corpore eorum*. sed oratio ita quoque scabra est: certe suavius foret *tenui pro corpore*. itaque suspicor hic gravius vitium subesse, poëtam autem scripsisse *Quare etiam sedes quoque nostris sedibus esse Dissimiles debent, tenuest si corpu' deorum*.

158. ADLAUDABILE OPUS DIVOM. Huc Donatus respicit, cum dicit ad Phormionem I, 4, 26, ubi est *advigilare*, *Ad vim auctivam nunc habet, ut adlaudabile, admirabile*. quae sunt ante haec verba, ea habet Lactantius inst. VII, 3, 13.

165. DESIPEREST. *Decipere est* apud Lactantium ibidem libri olim impressi, et paulo post *agere pro gerere* iidem cum manu scriptis quos vidi. huius modi multa notare possem, si ullam utilitatem haberent.

175. AN, CREDO, IN TENEBRIS VITA AC MERORE IACEBAT? Quadratus *Anc credo et hac merore*. hic Lambinum, hominem linguae Latinae peritissimum, non offendisse miror: nam *An credo* dici non potest, debet esse *At, credo*. neque idem Lambinus in Servii Sulpicii ad Ciceronem epistula libri IV, 5, 3 tulit *An illius vicem, credo, doles?* sed fecit *At*. hoc ipsum Ovidio reddendum est in arte libro I, 370 ita, *At, puto, non poteras ipsa referre vicem* (haec scilicet ancilla dicet dominae, *cum pellice laesa dolebit*), ubi legitur *Ut puto* et vulgo *poteris*. sed idem Lambinus haec ad homines nondum natos minus recte quam ad deos referri sensit, usus etiam Velleianis apud Ciceronem de natura deorum I, 21 *antea videlicet tempore infinito in tenebris tamquam in gurgustio habitaverat*, ideoque hunc versum cum proximo ante eum qui hos sequebatur collocavit, hoc est ante *Quidve*

mali fuerat nobis. at hoc modo manet id, neque refutatur, quod his duobus versibus continetur. itaque hi ante illos ponendi sunt, in quibus est *cui nūl accidit aegri, cum pulchre degeret aevom*.

182. DIVIS UNDE EST. *Est* deleverunt Itali, non recte. verum est *dis unde est*, quod Havercampus falso adscribit Vossianis.

185. INTER SE. Brixianensis editio et Marullus *inter sese*.

186. DEDIT SPECIEM NATURA CREANDI. Recte Baptistia Pius 'Emenda SPECIMEN.'

187. MULTIMODIS MULTIS. Infra versu 424 *MULTA modis*.

191. POSSINT. Rectius infra 428 POSSENT.

193. IN TALIS VENERE MAESTUS. Marullus MEATUS.

195. QUOD IAM RERUM IGNORĒM. Marullus *Quod si iam*. in II, 177 *Nam quamvis*.

201. INDE AVIDAM PARTEM. *Benignum* et *largum* dixerunt veteres copiosum, quod benigne et large praebetur, item *malignum* et *parcum* exiguum, quod praebetur parce ac maligne. ex quo genere *largiter auferre* quoque et *distare* est apud Lucretium in VI, 622 1113: item *largiter auferre* Horatius sermonum I, 4, 132, *largiter discrepare* Vitruvius VI, 1, 8, *largius a prisca consuetudine movere* Varro de lingua Latina x p. 583. *avidum* vero et *avarum* et *invidum* qui similiter dixerit neminem reperio: neque ea parvane an magna sint intellegi potest, quia hominem *avidum avarum invidum* cum appellamus, eum non dantem auferentemve aliis cogitamus, hoc est non agentem, sed id sentientem ut sibi quod aveat aliis invideat. quam ob rem haec vocabula semper ad mentem pertinent, non ad rem quae agitur et efficitur. Statius silvarum II, 2, 151 *avidique animum dispendia torquent Fenoris*, avarae fenerationis. Lucanus in II, 71 de Mario *Stagna avidi texere soli laxaeque paludes Depositum, Fortuna, tuum*. ubi recte Bentleius 'mihi vero placet *avidus*, vel translationis virtute, quasi solum sit hauriendi et absorbendi cupidum.' Lucretius in VI, 1236 *avidus contagia morbi*, in I, 1031 *largis avidum mare fluminis undis Integrent amnes*. Claudianus in Rufinum I, 164 *Illecebris capitur nimiumque elatus avaro Pascitur intuitu*. idem de raptu Proserpinae II, 336 *Non aqua Tantalus subducitur invida labris*. secundum haec exempla *avida pars*

terrae foret avide nescio quid expetens, nullo autem modo, quod interpretes castissimo scriptori tribuere non verentur, avide occupata eaque ingens et vasta. iam igitur quaero utrum probabilius sit, Lucretiumne proprio et aptissimo vocabulo, quod ab hoc improprio atque coacto vix duabus litterulis differat, uti noluisse, an librariorum his litterulis permittendis orationi labem attulisse. mihi ne dubitandum quidem videtur quin poeta hic ut ubique simplici veritate contentus scripserit *Inde* ALIQUAM partem, sive *alicam*, ut habet *alico* quadratus in III, 223, idemque *cam* in eodem 100, ut dixi ad IV, 116.

205. ADSIDUUSQUE GELI. Habet Nonius p. 487, 2.

208. CONSUETA DIBENTI. Itali et impressi BIDENTI.

209. PROSCINDERE ATRIS. Corrector oblongi ARATRIS. quadratus hunc versum non habet.

211. TERRAEQUE SOLUM. In libro I, 212 oblongus pro more *Terraque*, quadratus *Terrique*, corrector oblongi TERRAIQUE. Priscianus p. 865 *Lucretius aurarum cimus ad ortus*. sic ille librarii errore deceptus, *aurarum*, cum is grammaticus quem exscribit dedisset *Lucretius de natura rerum*. sic Probus p. 1394 *Lucretius in sexto libro de rerum natura*, Charisius p. 185 *Lucretius de rebus naturalibus tertio*. liber quadratus, quem subscriptionibus carere dixi, in prima pagina haec habet, T. (nomen erasum) DE PHISICA RERUM ORIGINE VEL EFFECTU LIBER PRIMUS INCIPIT F.

213. ET TAMEN. Apud Macrobius in Saturn. VI, 2 *Sed tamen*, deinde *Aut nimis torrens*, postremo *violento turbine versant*.

223. INDIGNUS OMNI. Corrector oblongi INDIGUS.

227. IN VITA RE ET TRANSIREST MALORUM. Quadratus *Transire est*. apud Lactantium de opificio dei III, 2 RESTET TRANSIRE.

230. ARME NUTRICIS. Corrector quadrati et ceteri ALMAE.

235. PRINCIPIO. Hic poeta ea tractare incipit quae se acturum promisit supra usque ad versum 109. huic recte subiungi potuit *Principio*: nunc, quia diversa interiecta sunt, nova transitione opus erat, ut quorsum haec referenda essent intellegi posset. ergo hic rursus perspicuum est poetam et his et illis olim scriptis alia inseruisse, neque

ea ceteris ita ut ordo recte constaret accommodasse . sunt autem haec emblemata 110—234 ex eo genere , quae supra ad librum II, 166 inter sese aliquo sententiarum vinculo cohaerere dixi ; quibus poëtam alia similia addere voluisse ex versu huius libri 155 apparet , quo promittit ea quae numquam praestitit . ceterum versu proximo 236 Nonius utitur p. 234, 2 .

239. DEBET EADEM OMNIS MUNDI NATURA PUTARI . Quadratus *Debet omnis edem mundi* , sed lineolis interpositis , quibus librarius verum vocabulorum ordinem restituendum esse significavit , idemque mox 242 *Haec edem* . hoc ideo dixi , ne quem Lambinus et Havercampus in errorem inducerent . sed *eadem consistere* omnem mundi naturum rei non convenit : nam quod mundi partes nativae et mortales sunt , non *eadem* , hoc est aut *una* aut *eadem via* , *consistit* totius mundi natura , sed propterea ipsa mortalis et nativa esse censenda est . recte Gifanius *Debet eodem* nativo ac mortali corpore consistere *putari* . addit Gifanius 'ita veteres nostri' : idem Lambinus in libris Parisiensibus reperiri dicit , hoc est in editione Ascensii , e qua Forbiger , qui ea usus est , non regessit , cum tamen ibi plane ita scriptum sit .

241. CORPORE NATIVOM MORTALIBUS ESSE FIGURIS . Quadratus et a correctore oblongus *nativum* . tum quadratus *mortalibus esse figuris* . olim impressi *nativo mortalibus* , Marullus *nativo immortalibus* , Wakefieldus *nativo in mortalibus* : unus Naugerius recte *nativo ac mortalibus* . Lambinus et , quamvis paulo ante esset *nativo ac mortali* : et M ab AC minimum distat .

245. CAELI QUOQUE IDEM . BENTLEIUS ITEM . EICHSTADIUS et Forbiger *idem* , quod absurdum est , restituerunt .

247. ILLUD IN HIS REBUS NE CORRIPUISSE REARIS ME MIHI . Ita plane quadratus , *Memihi* : oblongus et Veronensis editio *Memini* , Brixienensis cum Italis Marullo ceteris *Memmi* . id quod unice verum est ex quadrato Havercampus non rettulit : Lambinus si a Turnebo ex eodem codice allatum vidisset , non temptasset *ne me arripuisse rearis* . Varro de lingua Latina libro VII p. 371 *clepere* , *id est corripere* . illustravit hunc verbi usum Gronovius in observationum IV , 19 p. 300 301 . similiter autem sceptici *συναρπάζειν τὸ ζητούμενον* dicunt *τοὺς ἑαυτοῖς τὴν κρίσιν ἐπιτρέποντας* .

251. PARS TERRA NON ULLA. Veronensis editio *terrai non NULLA*.

255. AD DILUVIEM. Nonii codices p. 203, 27 contra ipsius mentem *diluvium*.

257. PRO PARTE SUO QUOD CUMQUE ALIT AUGET REDDITUR. Lambinus recte, quamvis ipse postea reiecerit, *ALID*. ita uterque Vossianus *alit* in I, 263 III, 970, oblongus *alii* in V, 1305 ubi quadratus *calit*, item quadratus *alit* I, 407 V, 1456. pro *Redditur* Marullus *Roditur*, quod diminuendi significationem non explet. recte servarunt *Redditur* Naugerius et Wakefieldus, id est restituitur, retribuitur, re-creatur.

264. PRIMUM QUIDQUID. Sic iterum versu 304: utrobique corrector oblongi *primum* *QUICQUID*. quadratus male *uti quidquid* in I, 215, item male oblongus a correctore *quidque* II, 166, et prima manu *Quidquam* I, 535 scalpello factum *Quicquam*. his exceptis membranae non peccant. in lege Thoria 32 ita *utei quicquid quoieique ante hanc legem rogatam licuit*. in Terentii Adelphis IV, 2, 51 recte scribitur *atque unum quicquid, quod quidem erit bellissimum, Carpum*. non recte in Ciceronis de natura deorum I, 77 optimus codex, nisi Moserus fallit, *primum quidquid*. neque recte apud Varronem in rerum rusticarum I, 5, 3 *quo quidquid tempore in eo fundo fieri conveniat*. item male in Trinummo Plauti IV, 2, 39 *unum quidquid*, quod Ritscheliuss correxit. contra in Quintiliani X, 1, 3 et 5, 23, ubi in libris est *ut quicquid praecipue necessarium est et ut nec suo loco quicquid ponatur*, Frotscherus non recte fecit *quidquid*. similiter erravit in Ciceronis de finibus V, 24 Madvicus. apud Catonem 7, 1 libri, ut testatur H. Keilius in observationibus p. 48, *In eodem fundo suum quicquid conseri oportet*. semper *quicquam* scribendum esse, sed *quidquid*, cum relationem notet, dixit Wagnerus in orthographia Vergiliana p. 459 et 467, idemque ego dixi ad Gaïum p. xxxix. his poteramus addere *quidque*, hoc est et quid, differre a *quicque*, pro quo pauci eodem sensu dixerint *quicquid*. huic ipsi quod dico *quicquid* simile est in lege Iulia municipali 13 *quemquem* pro *quemque*, *Quod quemquem hac lege profiteri oportebit*: sed in eadem *quemque* 22, *quamque viam hac lege quemque tueri oportebit*. sic iure consulti quoquo et *quaqua*, *si quid a quoquo eorum factum esse dicetur, quantum quoquo mo-*

mento temporis adiciatur , quis quoquo anno praeesset , quod a quoquo exactum est , unum procuratorem in quaqua domo ; quae enumerat Dirksenius in Manuali Latinitatis p. 807^a . sed unus quisquis nemo dixit , neque aut Cicero in epistularum VI, 1, 1 scribere potuit quocumque in loco quisquis est , aut Catullus p. 62, 12 quisquis pro quivis . quidpe quadratus in II, 983 .

267. DIMINUUNT . Ita hic uterque liber , versu 389 uterque *Deminuunt* , 323 oblongus *Deminui* , quadratus *Diminui* . in I, 613 uterque *deminui* .

272. QUA VIA SEMEL SECTA SEMEL . Delevit SEMEL librarius qui scripsit codicem quadratum . confer librum VI, 638 . versu proximo oblongus , Itali , olim impressi , *quid corpore toto* : quadratus et Marullus recte *qui corpore* .

274. IN ORAS . In hoc consensum membranarum sequi non potui . ostem habet oblongus in IV, 1051 et in VI, 399 .

282. CANDORE REGENTI . Corrector quadrati et Antonius Marii RECENTI .

288. DISPERIS OMNIS . Iidem et impressi DISPERIT .

291. UT PRIMUM . Marullus ET .

293. NI SUPPEDIT . Corrector oblongi SUPPEDITET .

295. PENDENTES LYCLINI . Corrector oblongi et Macrobius Sat. VI, 4 LYCHNI .

297. PROFERANT . Marullus PROPERANT . paulo ante Bentleius , sed iuvenis , et Wakefieldus *multa fuligine* , praeter rem .

301. EXITIUM CELERI CELERATUR ORIGINE FLAMMAE . Sic membranae , Itali , Marullus : *toleratur* olim impressi , Avantius , Naugerius . neutrum horum rei convenit : nam per celerem succedentis flammae originem exitium luci neque *celeratur* neque *toleratur* , sed CELATUR , ut nusquam *inter quasi rupta* videatur . vidit hoc Madvicus quoque , ut testatur Henrichsenius de codice Gottorpiensi p. 36 .

302. PUTANDUM . Immo PUTANDUMST , ut dixi ad librum I, 111 .

310. FOEDERANT NITI . Corrector oblongi FOEDERA .

311. DENIQUE NON MONIMENTA VIRUM DILAPSA VIDEMUS ? QUADERE PROPORRO SIBI CUMQUE SENESCERE CREDAS . Horum versuum alter Wakefieldo , qui eum cum Gifanio absurde interpretatur , prioris *ἐπιφώνησιν* continere videtur , *credas ea quaerere sibi aliquando senectutem* ;

cuius modi ἐπιφώνησις quia orationem interruptit (nam in proximis ad *Non ruere* ex priore horum versuum *videmus* repetendum est), a Lucretiana dicendi arte abhorret. praeterea *cumque* nisi cum relativis coniunctum lingua Latina non agnoscit: neque Horatius in carminum I, 32 potuit dicere *mihi cumque salve* (volunt enim hoc esse 'salve quotiens te advoco': at cur *lyra* alias ei non salveat?), sed scripsit *o laborum Dulce lenimen medicumque salve Rite vocanti*. in Lucretii II, 721 non tolerarunt docti *ita cumque necessest*. itaque si viam a Gifanio monstratam, ut cautos decet, declinamus, duae restant rationes quibus hi versus, ante quam eorum alter tam turpiter corrumperetur, inter se coniuncti fuisse potuerint: nam aut ad *dilapsa videmus* adiectus fuit infinitivus, qualis est *cadere*, aut ad *monimenta virum*, aliquid additum, quod a *Quae* pronomine in capite versus posito suspensum fuisse probabile est. at harum neutra ratione probata ex iis vocabulis quae incorrupta restant sententiae summam elicere possumus, quoniam *proporro*, quod est ultra (Handius enim in Tursellini tomo IV p. 608 mire fallitur), et retro spectare potest et ad succedentia, *senescere* autem pariter progressum aetatis indicare potest et decrementum. quae cum ita sint, hic ars et demonstratio locum non habet, sed divinatio. ergo Marullus, cum infinitivum quaereret, id invenit quod serio laudare nemo potest, *dilapsa videmus Cedere proporro subitoque senescere casu*. Abrahamus autem Preigerus, Havercampi amicus, cui de pronomine relativo suboluisset, haec ineptissima effudit, *dilapsa videmus, Quae ruere proporro ibi conque senescere credas*. mihi, ut nihil affirmari posse concedo, ita aptissimum rei videtur *Quae fore proporro vetitumque senescere credas*. versum proximum Nonius exhibet p. 225, 20.

318. QUOD OMNE CONTINET AMPLEXU TERRAM. SI PROCREAT EX SE OMNIA. Marullus *quod omnem. si*, quod e libris Italicis excidit, de coniectura addideram, cum id ipsum in utroque Vossiano scriptum vidi; quod Havercampus, gentis Batavae dedecus, tanti non duxit ut dicendum existimaret. Marullus non bene *quod procreat*, Antonius Marri sine sensu *qua terram*: pessime Wakefieldus, Eichstadio et Forbigero plaudentibus, *omne terrarum*, cum tamen scirent Pacuvii haec esse, *Hoc vide, circum supraque quod*

complexu continet Terram. utriusque autem poëtae oratio vulgo inepte distincta circumfertur.

326. ET FUNARA TROIAE NON ALIAS ALI. Corrector oblongi FUNERA. Itali ALII.

331. NATURA MUNDIST. Hoc Wakefieldum cum suis tueri quis credat? Marullus *Natura est mundi*.

337. QUI POSSIM. Apud Lactantium, qui his versibus utitur inst. III, 16, 14, *qui possum*: sed Heusingerus in observationibus p. 49 in Gothano codice *possim* extare testatur.

339. SED PERISSE. Marullus PERISSE.

342. AMNES AT OPPIDA. Antonius Marii et Marullus ATQUE. olim impressi ac, quod placuit Wakefieldo et simiis Germanis.

349. INTER NOS NISI QUOD MORBIS AEGRESCIMUS IDEM ATQUE ILLI. Haec iam olim ita distincta esse video, ut coniungerentur haec, *Nec ratione alia mortales esse videmur Inter nos*. quae cum absurda esse Marullus solus intellexisset (sunt enim huius modi, Mortales et nos esse et eos qui mortem obierunt, ex eo apparet quod temptamur morbis), scripsit non minus absurde *videmus*, quasi non omnes mortales essemus. deinde *idem* Pius interpretatur 'nos ipsi': sed *idem* non est *ipsi*. ergo *idem* Pius maluit *morbis isdem Atque illi*, idemque Lambinus edidit; quos cur sequi non audeam dixi ad IV, 933. neque hic quicquam est quod iure reprehendatur. mortales, inquit, ea ratione esse cognoscimur, quod aegrotamus, cum, comparatione inter nos facta, iidem atque eadem natura simus atque illi qui mortui sunt. mira brevitatis est in his, *inter nos idem atque illi*; hoc est, inter nos simillimi ac prorsus iidem nos et illi qui iam sunt mortui.

359. QUIA NULLA LOCI SIT COPIA. Non aliter in libro III, cui hi versus perperam inserti sunt, 814. sed scribendum est *quia nulla loci fit copia*, ut paulo ante *Plagarum quia sunt expertia*. ut hic *loci fit copia*, ita infra 371 *natura loci Deficit*, hoc est *deficit*. in VI, 829 *Propterea quod magna mali fit copia circum*. Ennius *Nec respirandi fit copia*.

367. FORTE COPERTA. Marullus COORTA.

375. IMMANI EVASTO. Ita oblongus prima manu: *quadratus immani aevasto*. corrector oblongi ET, corrector quadrati ac.

377. MORTALIS CORPORE QUE SUNT. Corrector quadrati et ceteri MORTALI.

382. LONGI CERTAMINI SOLIS. Antonius Marii CERTAMINIS OLLIS.

386. ULTRAQUE. Marullus *ultroque*, quem cur Avancio excepto omnes sequantur non intellego.

393. MAGNIS DE REBUS CERNERE CERTANT. Ita veteres membranae. Antonius Marii, veteres impressi, Marullus, ceteri, *Magnis de rebus inter se cernere certant*, pessime et contra normam artis Lucretianae. potest addi INTER SE, sed alio loco.

396. IGNIS ENIM SUPERAVIT ET AMBENS MULTA PERUSSIT. Olim impressi *ambiens*. neque hoc versus admittit, neque *ambens* pro *ambedens* grammatica sana. verissime corrector quadrati LAMBENS. sed hoc ut locum habere possit, scribendum est SUPERAT et. huius modi enim perfectis contractis Lucretius usus est, sed ante vocales tantum. in I, 71 *Inritat animi virtutem*. in VI, 587 *Disturbat urbes*. ita nescio quam recte interpretantur Ennii versum ex annalium libro XVI, qui extat apud Macrobius Saturn. VI, 1, *Tum tumido manat ex toto corpore sudor*. idem hoc genus apud Plautum observavi, scriptura tamen contractionem non semper referente. in Mercatore III, 4, 63 *Cūr istuc coeptās consilium?* quia enim me afflictat amor. in Epidico I, 1, 82 *Fidicinam emit, quam ipse amat eamque* (quam libri) *abiens mandavit mihi*. in Cistellaria II, 3, 40 *dōnec se adiurāt anus Eam mihi monstrare*. in Asinaria II, 4, 94 *Adnūmeravit et mihi credidit, neque est deceptus in eo*. (sic scribendum est, et paulo ante etiam hodie *Periphanes*.) in Casina III, 2, 13 *Nām tuus vir me orāvit ut eam istuc ad te adiutum mitterem*. in Trinummio I, 2, 132 *Adēsurivit magis et inhiauit acrius*. in eadem II, 2, 1 *Quo illic homo foras se penetrāvit ex dēdibus?* II, 4, 200 *Postquam exturbāvit hic nōs ex nostris aedibus*. sed imperite et Probus ita interpretatus est et omnis humo fumat Neptunia Troia Aen. III, 3 et Wakefieldus in hoc Lucretii libro 442 scripsit *conturbāt* ex inepta nescio cuius Itali coniectura. nec Ovidius ita scribere potuit in Tristium IV, 1, 19 *Me quoque musa levāt Ponti loca iussa petentem*, sed potius *levat tenentem*. item in scazonte Catulli 44, 21 debet esse *Qui tunc vocat me, cum malum librum legi*; non *vocāt, cum legit*: et recte in eodem carmine libri *Nam Sestia*

nus dum volo esse conviva , Orationem in Antium petito rem Plenam veneni et pestilentiae legi , non legit , ut paulo post si nefaria scripta Sesti recepo . at in prima multitudinis persona poëtae ambiguitatem non veriti syllabas contraxerunt . Plautus in Poenulo I, 2, 9 Nam nos usque ab aurora ad hoc quod dieist Ex industria ambae numquam concessamus Lavari aut fricari . Terentius in Adelphis III, 3, 11 omnem rem modo seni, Quo pacto haberet, enarramus ordine . Vergilius Aen. v, 57 Adsumus et portus delati intramus amicos . Propertius III, 15, 3 9 Quam multa adposita narramus verba lucerna ! Quam vario amplexu mutamus braccia ! Calpurnius 7, 18 nec mihi — Grata magis fuerint quam quae spectamus in urbe . Propertius in II, 7, 2 flemus uterque diu , Ni nos divideret ; cui simillimum est nomus Ennii .

397. CUM PETONTANARAPAX VIS. Quadratus petontanapax . Itali Phetonta rapax , itaque Brixienſis editio . mox oblongus phaetonta , quadratus haetonta .

399. IRA CUM PERCITUS. Quadratus ira compercitus , Marullus tum percitus .

400. REPENTI FLUMINIS ICTU . Corrector oblongi FULMINIS .

405. GRATUM . Itali GRAIUM .

410. AUT PEREUNT RES . Librarius quadrati primo scripserat *Ut* , tum fecit *AUt* . horum neutrum verum est , sed scribi debet *Et* ordine versuum mutato . aut ita capiendum foret , ut , nisi vis ignium aliquando cederet , res periturae esse dicerentur : ita autem ignem superare posse , ut numquam revincatur , Epicurus negat .

412. HOMINUM MULTAS QUANDO OBRUIT UNDIS . Inepte Antonius Marii , Gifanius , Wakefieldus , *hominum multos* . Marullus optime *multas* URBIS .

425. OMNIMODISQUE COTRE . Correctores antiquissimi COIRE , ut versu 190 .

428. OMNIGENUS COETUS . Corrector oblongi *Omnigenos* . sed in libro I, 1026 recte scriptum est *Omne genus* .

429. EA QUE CONVENTA REPENTE . Ad librum II, 1061 dixi legendum esse CONVECTA .

430. FLUUNT EXORDIA SAEPE . In secundo *fierent* : hic Itali recte FIUNT . sed praeterea ex libro secundo adsumendum est SEMPER , hoc est quotiens ita elementa ad mundum

efficiendum conveniunt; non *saepe*, quia id quam saepe factum sit non quaeritur, sed in uno quoque illorum Epicuri mundorum fieri debet.

431. TERRE MARIS. Quadratus *Terrae*. in libro secundo *Terra*, quod est TERRAI.

433. ALTE VOLANS POTERRAT, NEC. Apud Macrobiurn Saturn. VI, 2 His *neque tum solis tota cerni lumine claro ALTIVOLANS poterat, neque magni sydera mundi*. ibidem in versu proximo *nec aër*.

440—445. OMNIGENUS E PRINCIPIIS — DARE CONVENIENTIS. Certum est Macrobiurn, testem codicum nostrorum archetypo fortasse non antiquiorem, omnia hic eodem ordine quo nunc in nostris extant legisse perscripta. nihilo minus dubitari non potest quin hi sex versus ad superiora revocandi sint; quod nisi faciemus, et ordinatio partium mundi ante discordiam ineptissime describetur, et oratio turpissime discidet: nam quod interpretes illa verba, *a terris altum secernere caelum*, ita intellegunt ut ex prioribus addant *quod primordia non poterant*, id si dicerem ferri posse, interpretes adularer, poëtae autem facerem iniuriam. sed valde laudandus est Iosephus Reisackerus, qui in Lucretianarum quaestionum pagina ultima et ipse verum versuum ordinem indicaverit, quem in p. 29 nondum perspexisset. in primo autem horum versuum solus quadratus habet *Omnigenus*, ceteri cum oblongo *Omnigenis*. sed hoc nomine adiectivo, quod est *omnigenum*, nullus veterum poëtarum usus est. nam *Omnigenumque deum monstra* in Vergilii Aeneidos VIII, 698 Priscianus p. 732 rectius ad primam declinationem refert, pro *omnigenarum*: et Mediceus codex habet prima manu *nigenumq.*, e quo suspicio nascitur fuisse qui scriberent *Niligenumque deum monstra*. certe Lucretius vix aliter scribere potuit quam *molesque coorta OMNE GENUS DE principiis*. ita membranae in II, 821 *Omnigenus perfusa coloribus*, non *Omnigenis*.

441. VIA CONEXUS. Corrector quadrati et ceteri VIAS. ita scriptum est in libro II, 726 et 1020.

437. INDUE LOCI. Apud Macrobiurn Sat. VI, 2 et 4 INDE *loci*.

439. MAGNA DISPONERE PARTES. Apud Macrobiurn Sat. VI, 2 MAGNAS.

447. SECRETO UMOR PATERET. Corrector quadrati UMORE, et ita Macrobius Saturn. vi, 2. apud eundem *magnum caelum* ubi in nostris est *altum*, et *Seorsum item*.

449. TERRE CORPORA. Quadratus terrae: huius corrector et ceteri TERRAI.

455. E LEVIBUS. Apud Macrobius Saturn. vi, 2 *ex*, de quo dixi ad librum II, 451.

458. PRIMUS ET SUSTULIT AETHER. Itali *se sustulit*.

460. AC SAEPE VIDEMUS — 463. EXALANTQUE LACUS NEBULAM. Quae his interiecta sunt, ea rem non attingunt, sed descriptionem temporis continent, *Aurea cum primum gemmantis rore per herbas Matutina rubent radiati lumina solis*. ergo ne labet oratio, scribendum est *Non alia longe ratione ac saepe videntur EXALARE lacus nebulam fluviiue perennes*.

467. TUM SE LEVIS AC DIFFUSILIS AETHER CORPORE CONCRETO CIRCUM DATUS UNDIQUE SAEPSIT. Quae secuntur intellego, *avido complexu cetera saepsit*: aether autem quomodo *se saepsisse* dicatur non capio. Plutarchus de placitis philosophorum I, 4 p. 878 D de corporibus rotundis et levibus in altum evectis *ὥς δ' οὖν ἐξέλιπε μὲν ἡ πληκτικὴ δύναμις μεταωρίζουσα, οὐκέτι δὲ ἦγεν ἡ πληγὴ πρὸς τὸ μετέωρον, ἐκωλύετο δὲ ταῦτα κάτω φέρεσθαι, ἐπιέζετο πρὸς τοὺς τόπους τοὺς δυναμένους δεῖξασθαι*. hoc ἐπιέζετο Lucretius ita expressit ut diceret aethera se corpore concreto ceteris applicuisse, cum neque sursum ultra neque deorsum ferretur. huic rei aptissimum est *se circum datus undique FLEXIT*, idque poëtam dedisse existimo.

472. INTER UTRASQUE GLOBI. 476. INTER UTRASQUE ITA SUNT. In priore versu Marullus, in altero Lambinus scripsit *inter utrosque*, quod debebat certe esse *inter utrumque*. sed INTERUTRAQUE legendum esse dixi ad librum II, 518. ceterum hic Havercampus mirabili mendacio Wakefieldum decepit: neque enim verum est in codice oblongo post *secuta* in fine versus 471 additum esse *et*. sed in versu 474 *fuerunt* habent Vossiani, Antonius Marii, olim impressi, Marullus: *fuerint* Avantiis edidit primus.

481. PLAGA CAERULA. Quadratus *plagae cerula*. corrector oblongi PLAGA.

482. ET SALSOS OFFUDIT. Oblongus *prima manu*

offodit, a correctore SALSO SUFFUDIT *gurgite fossas*, itaque recte Lambinus et Muretus. vide quae notavi ad librum III, 39 303.

484. ET RADII SOLIS COGEBANT UNDIQUE TERRAM VERBERIBUS CREBRIS EXTREMA AD LIMINA PARTEM, IN MEDIO UT PROPULSA SUO CONDENSEA COIRET. Oblongus et olim impressi *Et radiis*, deinde iidem *ad lumina*. infelicitèr Turnebus *extrema ad limina apertam*: nam neque *aperta terra* cur dicatur apparet, neque quomodo *ad extrema limina* coacta sit ut coiret. hic quoque librarios s. littera elisa in errorem induxit: scribendum est enim *Et radii solis cogebant undique terram, Verberibus crebris extrema a LIMINI PARTE In medio ut propulsa suo condensa coiret*.

491. DENSABANT. Ita hic semel membranae, alibi *denseri denserier densendo condenseat condensa*. constat quidem Latine dici *densatum* et *densavere*: sed in imperfecto Tacitus annalium II, 14 *denserent ictus*. recte igitur Lambinus DENSABANT.

500. ET LEVIOR ALIIS ALIA. Itali LEVIOIRA.

502. NEC LIQUIDUM CORPUS TURBANTIBUS AERIS AURIS COMMISCI SINIT, HAEC VIOLENTIS OMNIA VERTI TURBINIBUS, SINIT INCERTIS TURBARE PROCELLIS. Corrector oblongi *aeris auras*, itaque Antonius Marii et olim impressi. et hoc Wakefieldus tuetur, quatenus essent illa *aëris auras turbantia* dicere oblitus, et *commisci* ut omnia barbara exosculatur. rectissime Naugerius COMMISCET; quem miror non vidisse legendum esse *sinit* hic, id est aether: nam *haec* absurdum est, quod Creechius interpretatur *ista*. vidit Bentleius p. 443.

507. SIGNIFICAT PONTO MARE CERTO QUOD FLUIT AESTU. Hoc de Ponto Euxino intellegendum esse constat: sed nec *Ponto fluit* mare, nec, quod Lambinus voluit, *Ponti mare*, quod utrumque idem est, recte dicitur. scribendum est *Significat PONTOS, mare certo quod fluit aestu*. ita satis leniter poëta, *Pontos, quod mare*. minus facile ferrentur haec eadem coniuncta, *Pontos mare*; quae ab illo Lambiniano non differunt, quamquam *mare Hellespontum* apud minimae auctoritatis scriptorem inventum Munckerus demonstravit ad fabulam Hygini 3: certe *ponton* Graeca forma pro omni mari dixisse videtur Silius in XI, 473, *Quin etiam Pagasaea ratis cum*

caerula, nondum Cognita terrenae, pontonque intrare negaret, Ad puppim sacrae cithara eliciente carinae Adductum cantu venit mare. ubi in libris est pontoque intrare negarent.

509. MOTIBUS ASTRORUM. Quae hunc versum praecedunt, iis continuo subiciendum est *Terraque ut in media* et cetera 534, neque haec de motibus astrorum poeta infra versu 774 et proximis commemorat. itaque apparet hic quoque in schedis carminis disponendis a primo editore, quem Q. Ciceronem fuisse supra dixi, peccatum esse. poterant autem haec paulo aptius post versum 563 collocari.

513. INDE ALIUM SUPRA FLUERE ATQUE INTENDERE EODEM. Hic aër *quo intendat* neque superioribus continetur neque iis quae secuntur. nam versu proximo cavendum est ne illud *Quo* referamus ad *eodem*, *Quo volvenda micant aeterni sidera mundi*: neque enim sidera *quo* et in quem locum volvuntur dicere poterimus, et eo versu absoluta aërum expositione opus est ad efficiendum id quod quaeritur, scilicet *eo* fieri ut sidera volvuntur. hoc autem versu 514 in loco suo reposito, hoc est post 516, apparet illum superiorem aërem *intendere* DEORSUM et sphaeram illam caeli deprimere: alter enim, qui subter est, eundem caeli orbem *subvehere* et in altum tollere dicitur.

515. AUT ALIUM SUPTER, CONTRA QUIS SUBVEHAT ORBEM. Andreas Naugerius *Ast alium et qui subvehat*, quem ceteri secuntur. debuerunt ingrati homines auctorem optimum laudare primum, deinde ab eo accipere QUI: sed *ast* coniunctione Lucretium usum non esse his annis trecentis intellegi potuit. neque ea coniunctio huic loco accommodata est, sed cum praecesserit *Ex utraque parti* et *Inde alium supra fluere*, necessario sequi debet HINC aut certe *Inde alium supter*. in hoc genere nulla litterarum similitudinis et ceterorum artificiorum, in quibus sibi plerique placent, habenda ratio est, neque dicam AUT EX INC, quod quadratus habet supra versu 285, facilius quam ex HINC oriri potuisse.

516. UT FLUVIUS VERSARE ROTAS. Apud Nonium p. 13, 8 recte *Ut FLUVIOS*, apud Isidorum originum xx, 15 *In fluvio*. sed in eodem versu iidem cum membranarum nostris *austra*, non *hausta*. *austus* infra in hoc libro 1069 *quadratus*, *aurire* in iv, 3 oblongus, idem *exausit* in vi, 1140, *aurit quadratus* in vi, 141.

518. CUM LUCIA SIGNA FERANTUR. Itali et impressi
LUCIDA. *feruntur quadratus.*

521. PER CAELI VOLVUNT SUMMANIA TEMPLA. Quadratus *sumania*, se *inania* Brixienſis editio et Naugerius, se *immania* apud Pium 'prisci codices.' recte Creechius et ignes *Passim per caeli volvunt immania templa.*

524. VOCAT ATQUE INVITAT EUNTIS. *Euntis* Wakefieldus recto casu accipit: et verum est *eundi* verbum hic aliter locum habere non posse, sive *ipsi serpere possunt*, Quo cuiusque *cibus vocat atque invitat euntes*. sed *serpunt euntes* nimis ineptum dicendi genus est, et valde incondite alius casus rectus participii subicitur, *Flammea per caelum pascentes corpora passim*. ergo in versu medio debet esse genetivus, Quo cuiusque *cibus vocat atque invitat* AVENTIS.

528. MUNDIS VARIA RATIONE CREATI. Infra versu 1345
CREATIS.

530. QUAE POSSINT ESSE PER OMNEM. Corrector quadrati et Marullus *per omne*.

531. SIT ET HAEC QUOQUE CAUSA. Oblongus *hae quoque*. SIET scribendum esse dixi ad III, 234. in hoc versu quadratus *Ex quibus*, x littera a prima manu super q addita. *Exque* x eraso oblongus in I, 37. *Ex quo* uterque in v, 20, *E quibus* I, 235 II, 759, e qua I, 204, ante c litteram semper e. ubique scriptum est *quibus e*, non *quibus ex*: itaque in IV, 27 *Et quibus e rebus*, cum tamen sit *ex rebus* I, 714 II, 179 VI, 499 et *ex re* IV, 695, semel e IV, 91. mirabile hoc quoque, non *ex ridentibus* II, 986, *ex non sensibus* II, 930 932, *ex nulla* I, 667, in ceteris autem, quorum prima littera n est, semper e scriptum esse, e nilo, e nervis, e nubi, e nubibus, *quibus e nunc*.

532. QUAE VIGEAT MOTUM SIGNIS. Gifanius VEGEAT, rectissime.

533. PRAECIPERE HAUT QUAQUAMST PEDETEM TI PROGREDIENTES. Oblongus prima manu *pedetem*, quadratus *pedetēti*. m addendum esse omnes viderunt, sed scripserunt pravae consuetudini indulgentes *pedetentim*. ceterum m an mp scribatur nihil inter est: infra 1453 oblongus *pedetentim progredientes*, quadratus *pedetētīm progredientis*. apud Charisium p. 190 Lucilii verba ita scribenda sunt, *pedetemptim huc ire salutem*, ubi codex habet *hunc resalutem*. in fine Lambinus tacite PROGREDIENTIS; quod verissimum est,

non modo quod quartum casum constructio respuit, ut Wakefieldus dicit (certe alii iunxerunt tertio), sed quia *est* cum infinitivo pro *licet* non est antiquae et germanae Latinitatis. primus eo, quantum scio, usus est Varro apud Gellium xviii, 12 *Inter duas filias regum quid mutet, inter Antigonom et Tulliam, est animadvertere*. nam Terentius quidem non dubito quin scripserit in Heauton timorumenon i, 2, 18 *Quid narrat? quid ille? miserum se esse. miserum? quem minus crederes? non crederest*; et in Adelphis v, 3, 42 *video eos sapere, intellegere, in loco Vereri, inter se amare: scires liberum Ingenium atque animum, scilicet etsi eos non cognovisses; non scire est*. in Vitruvii ii, 9, 11 recte libri *Est autem maximum id considerare Ravennae*: vulgo fertur *maxime*. ceterum illud ipsum *est* omitti non potest, neque omittit Valerius Flaccus, cum dicit in vi, 487 *tales quando tibi cernere reges?* hoc enim simile est illis Marci Tullii ad Atticum libro xv, 13, 1, *Sed quando illum diem, cum tu edendam putes?* quibus utitur I. F. Gronovius in diatribe p. 106 inter alia eiusdem generis, qualia sunt *Quo mihi fortunam? Unde mihi lapidem?* sed veteres illi aliquando *est* cum infinitivo ponebant, ubi saepius utebantur *ut* coniunctione, ut Cato *Est inter dum praestare mercaturis rem quaerere*, ut Plautus in Captivis i, 2, 68 *Hoc illum me mutare confido fore*, id est confido fore ut hoc illum mutem. rarissimus loquendi modus est quem I. F. Gronovius non praeteriit in libro iv observationum, capitulo 8, p. 115 116 117, permixtum diversis ex eo quoque genere quod attingi ad librum iv, 244: sed illa quae dico rarissima, in quibus *est* ita intellegi debet, *est aliquid sive prodest*, Gronovius Senecae ac Petronio vindicat; cuius modi est in epistula 87 Senecae *M. Cato censorius, quem tam rei publicae hercle fuit nasci quam Scipionem*, et de clementia i, 18 *Quanto autem non nasci fuit quam numerari inter publico malo natos!* hoc ab antiquorum usu remotissimum est, neque Horatium eo modo scripsisse credo in sermonum ii, 5, 103 *et si paulum potes, inlacrimare. est Gaudia prodentem voltum celare*; ubi litteram addendam censeo, hoc modo, *inlacrima. e re est Gaudia prodentem-voltum celare*.

536. SUPER HABERE. Marullus SUBTER.

537. EX INEUNT AEO. Quadratus evo. huius corrector fecit INEUNTE evo, itaque Antonius Marii et Veronensis editio.

538. QUIBUS INSITA VIVIT. Dixit poëtarum more Lucretius ignes aetheris *vivere* I, 1034, item *viva* solis lunaeque corpora v, 476, eodemque modo paulo ante 514 *aeterni sidera mundi*: sed terram quomodo vivere dicat, *vitali motu sensuque remotam* v, 125, non possum intellegere. inepte Lambinus *sidiit* ex nescio quibus antiquae scripturae in Bertiniano vestigiis, cuius modi certe nulla sunt in quadrato codice. rei convenientissimum esse existimo *quibus insita* CREVIT.

545. USQUE ADEO MAGI REFERT QUIT QUEQUE QUAEAT RES. Itali et impressi MAGNI *refert*. tum post vanum Lambini conatum I. F. Gronovius in observationum III, 5 p. 465 *quid quaeque vehat res*, id est quid portet. verum id nunc non agitur, sed quid cuique conveniat et coniunctum sit neque alienum: haec enim causa est cur, ut dicebat Epicurus, ἡ γῆ τῷ ἀέρι ἐποχεῖται. prorsus Lucretianum est *quid quaeque* AVEAT res.

551. SUPRU QUE SE SUNT. Corrector oblongi SUPRA.

553. PARTIBUS AERI MUNDI. Itali AERIIS, ut versu 538.

555. ATQUE UNITER AUCTA. 558. ATQUE UNITER RAPTA EST. In priore versu APTA Marullus, in altero iam corrector quadrati, item Antonius Marii et Brixiensis editio.

559. SALTU PERNICE TOLLERE CORPUS QUIS POTIS EST, NISI VIS ANIMAE? Antonius Marii *attollere*, *pernici* Brixiensis editor et Marullus; quorum quia neutrum alteri praestat, maneat in possessione PERNICI. tum recte Tanaquil Faber *QUID potis est*. sed praeterea scribendum est ANIMI, quomodo recte scriptum extat versu 563. libro II, 261 *Nam dubio procul his rebus sua cuique voluntas Principium dat, et hinc motus per membra rigantur*. in Sangallensi codice scholiorum in Iuvenalem, qui saeculo nono scriptus est, primis paginis continentur versus e poëtis compluribus, quorum non sunt adscripta nomina, excerpti propter quantitates syllabarum. inter hos e Lucretii carmine petiti sunt duo de triginta cum ceteris commixti, I, 156 82 119 186 210 305 306 396 II, 201 I, 448 449 580 779 II, 245 551 525 429 351 128 III, 207 IV, 641 II, 447 III, 1015 IV, 9 v, 559 952 VI, 896 725. in quibus vix quicquam memoria dignum est quod a membranarum nostris differat, nisi in hoc de quo agimus versu *pernitio tollere*, in I, 156 *nil*, 306 *Umesunt edem dispansae*, 449 *convincit*. pro *coniuncto duobus*, 779 *clandestinam*, in II, 429 *Titillare*

— *possint*, in IV, 641 *coturnicibus*. cum quadrato concinit in II 245 *videamus* et in VI, 725 *opilare*: sed versus libri V 952 in quadrato est inter extra clusa, neque mihi improbabile videtur ipso codicum nostrorum archetypo usum esse qui haec excerpta confecit, qui non fuit codicis Sangallensis scriptor. horum excerptorum mihi copiam fecit Otto Iahnus. Mico Centalanus levita, qui vixit eodem saeculo nono ineunte, in libellum quo exempla quantitatis vocabulorum ordine alphabetico collegit, tres Lucretii versus e libro II, 447 128 365 coniecit: in eius libelli codice Halberstadiensi saeculo tertio decimo scripto, quem mihi Mauricius Hauptius ostendit, scriptum est ut debet *Derivare queunt, animum curaue levare*, cum quadratus habeat *Dirivare*, oblongus a correctore *curāque*.

563. CONIUNCTA TERRIS. Itali et Marullus CONIUNCTUS.

566. IGNES LUMINA POSSUNT ADLICERE. *Adlicere* cum sit *iactui* vel *adiectui* contrarium, unice verum est quod Lambinus posuit (urbane Forbiger ex eius ingenio *fluxisse* dicit) *Adlicere*, nisi quod aut consueto veterum more ADICERE scribendum est, aut minus vulgari, de quo dixi ad librum II, 951, *Adicere*.

568. NIHIL NISI INTERVALLIS DE CORPORE LIBRANT FLAMMARUM. Antonius Marii *Nilque nisi ex intervallis*, quo male probato (nihil enim ad sententiam facit) Marullus rectissime scripsit LIBANT. Naugerius *Nil ipsis intervallis*, Lambinus *Illa ipsa intervalla nihil*, Gifanius *Nil visus intervalla*, Wakefieldus *Nihil ipsa intervalla in sis*, Eichstadius *Nil missus intervalleis*. horum nihil verum esse apparet: Eichstadianum in primis mirabile est, quo ipsae radiorum emissiones tanto intervallo factae nihil de flammarum corpore decoorticare dicuntur: probavit enim *librant*, non *libant*. mihi quid Lucretius dederit certo dici posse non videtur: sed quoniam *spatiis* hoc commodissime adscribitur ut de ignium corpore aut aliquid aut nihil libent demantve, potest satis apte hiatus ita expleri, *Nil ea in his intervallis de corpore libant Flammarum*.

570. 574. PERVENIUNT NOSTROS AD SENSUS, ET LOCA FULGENT. Haec quia non ad lumen solis, sed ad *calorem lumenque profusum* spectant, non sufficiunt; neque

magis loca tingunt, quod posuit Lambinus. melius foret tangunt, sed verissimum eodem sensu et loca MULCENT. in II, 141 haec loca circum Laetitia mulcent. de nubibus in IV, 136 Aëra mulcentes motu. Vergilius in VII, 34 de avibus Aethera mulcebant cantu. ceterum ordinem versuum primus hic ostendit Marullus a recentioribus nulla laude dignatus. Wakefieldus, quasi elementa caeco casu in hanc disposituram de-
venerint, 'nulla est caussa', inquit, 'de quâ receptam loci constitutionem vel immutare, vel deserere, velimus'.

571. FORMA QUOQUE HINC SOLIS DEBET ILLUMQUE VIDERI. Quadratus *illumque*. Turnebus in adversariorum XIV, 23 egregie *Forma solis* FILUMQUE, quod tamen neque ipse nec ceteri qui de hoc vocabulo dixerunt recte interpretati sunt praeter Bentleium: is ad versum 581 *filum* dicit esse magnitudinem: est autem proprie crassitudo, quod vel ex libri IV versu 88 apparet, ubi sunt *formarum vestigia suptili praedita filo*. Cicero de oratore libro II, 93 omnes etiam tum retinebant illum Pericli sucum, sed erant paulo uberiore filo. idem in III, 96 Ornatur igitur oratio genere primum et quasi colore quodam et suco suo: mox ibidem in toto spectantur haec corpore: deinde 103 haec formanda filo ipso et genere orationis. idem in Laelio 25 et audiui non invitus equidem (philosophos disputantes): sed aliud quoddam filum orationis tuae, hoc est, illorum oratio tenuior est, uberius tua. Varronis verba de lingua Latina x p. 546, quibus in hoc vocabulo explicando grammatici uti non solent, Müllerus quoque male interpolavit: codex recte *Eo porro similiores sunt qui facie quoque pene eadem, habitu corporis, filo*. Nonius, qui ceteris pravam interpretationem praecinuit, p. 313, 12 *Filum, oris liniamentum. Lucilius lib. XXVIII Surge mulier, ducito filum non malum*. Lucilii verba male distincta esse apertum est. novissimi editores *ducite*; quonam auctore usi, nescio: nam ante se non modo Mercerus sed omnes *ducito* dedisse ne referunt quidem. quid Lucilius scripserit dici non potest: possunt temptari quae eo digna sint; velut hoc, *Virgon an mulier dubito. filum non malum, Nasum hoc corpusque scitum*.

576. SIVE SUA PROPRIO IACTAT DE CORPORE LUCEM. Antonius Marii et Marullus SUAM. Apuleius de deo Socratis p. 113 edit. Hildebr. *radios solis obstiti vel adversi usurpat et, ut verbis utar Lucretii, notham iactat de corpore lu-*

cem. ubi Hildebrandus dedit *iactam*, 'ex optimis codicibus' inquit, 'quia Apuleium videndum est memoriter hunc versum recitasse.' at Apuleius memoriter scripsit *iactat*, cum modo posuisset *usurpat*: videndum est autem ne Hildebrandus hic ut solet ineptiat.

580. AERE PER MULTUM. Corrector oblongi AERA. in eodem *speciem* quadratus, et oblongus prima manu *videtur*.

581. QUAM MI FILUM. Itali *minimum*. Bentleius prorsus egregie MINUI, quod Epicuri verbis confirmat, quae Diogenes protulit in x, 91, εἰ γὰρ φησι τὸ μέγεθος διὰ τὸ διάστημα ἀποβεβλήκει, πολλῷ ἂν μᾶλλον τὴν χροάν. in quibus *χροάν* recte interpretatur colorem, hoc est superficiem et extremas oras.

584. QUANTO QUOQUE QUANTAST HINC NOBIS VI-
DEATUR IN ALTO. 596. QUANTA QUOQUEST TANTA HINC
NOBIS VIDETUR IN ALTO. Quadratus in versu 596 *nobis videtur*. huius corrector versum 594 595 596 in margine notavit: horum postremum primus Naugerius delevit, verum ordinem Marullus iam viderat. sed versum 584 cum Wakefieldus imperitissime ita corrupisset *Quanta quoque est quanta, hinc nobis videatur in alto*, Eichstadius, quod omnes fefellerat, verum solus invenit, QUANTAQUE *quanta est*; qua emendatione effecit ut hic semel valde laudandus sit.

586. QUOS CUMQUE IN TERRIS CERNIMUS, DUM TRE-
MOR CLARUS. Antonius Marii *Dum tremor est clarus*, sed idem pessime *cernimus horum*: neque melius Marullus, quem tamen omnes secuntur, *cernimus ignes* in priore versu, ut in proximo ante eum *aetheris ignes*, repetitione inepta. non dubito quin scribendum sit FLAMMAE *Dum tremor est clarus*.

589. QUO LONGIUS ABSIT. Lambinus *absint*, quo ipse fieri non animadvertit ut haec verba ad ignes caelestes referenda sint, cum tamen constet ea ad terrestres pertinere. sic enim de magnitudine solis Epicurus apud Laërtium in x, 91. τὸ δὲ μέγεθος ἥλιου τε καὶ τῶν λοιπῶν ἄστρον κατὰ μὲν τὸ πρὸς ἡμᾶς τηλικούτον ἐστὶν ἡλίον φαίνεται (ἄλλο γὰρ τοῦτω συμμετρούμενον διάστημα οὐθέν ἐστιν), κατὰ δὲ τὸ κατ' αὐτὸ ἥτοι μείζον τοῦ ὀρωμένου ἢ ἑλαττον μικρῷ ἢ τηλικούτον τυχόν· οὕτω γὰρ καὶ τὰ παρ' ἡμῖν πνρὰ ἐξ ἀποστήματος θεωρούμενα κατὰ τὴν ἀΐσθησιν θεωρεῖται. ergo scribendum est *quo longius ABSUNT*. ceterum in superioribus oblongus *videtur*, quadra-

tus *videntur* : ut oblongus , ita Antonius Marii , olim impressi (sed Veronensis et Venetus *violetur*) , Avantius , Naugerius; *nutare videntur* Marullus .

595. EXIGUA MAIORIS PERTE BREVIQUE . Itali PARTE.

598. ERUMPERE LUMEN . Non aliter apud Eutygium p. 2185 Putsch. , itaque Antonius Marii , olim impressi , Marullus . Lambinum miror , qui *flumen* , quod Avantius dedit , fere omnes suos veteres codices habere scribat .

599. QUIA SIC ELEMENTA VAPORE . Sic membranae , sic Antonius Marii : *qua* olim impressi et Marullus . idem Marullus *vapora* , Lambinus VAPORIS .

605. AERA PERCIPITAT . Naugerius PERCIPAT .

606. OPPORTUNUS SITA EST . Corrector quadrati et ceteri *ITA est* .

608. SEGETES STIPULAMQUE VIDEMUS ACCIDERE EX UNA SCINTILLA INCENDIA PASSIM . *Accidere* quadratus , *Accedere* oblongus : huius corrector *Accendere* , itaque Veronensis editio , sed Brixiensis atque Antonius *Accendi* , Marullus *Accipere* , Naugerius rursum ab Avantio Piove *Accendi* . *Accipere* , quod Lambinus probavit , ita dici potuit ut de navibus Vergilius Aen. I, 123 *laxis laterum conpagibus omnes Accipiunt inimicum imbrem* . Wakefieldus scripsit *Accidere* , de accusativo securus . eum quo tuear nihil habeo nisi notissimum illud Plauti , quod est in Stichio I, 2, 31 , *Certo enim mihi paternae vocis sonitus auris accidit* , qua eadem constructione Lucretius videtur usus esse in IV, 568 . certe apud Valerium Flaccum II, 452 et IV, 580 *vox accidit aures* ab Heinsio est : altero loco , ubi vetus Carrionis habet *excit* , recte agunt qui faciunt *vox haec simul excidit auris* , altero aut hoc ipsum scribendum est aut *vox attigit aures* . non valde tamen dissimile est *mensam accumbere* , quo Accius usus est , cum dixit *Ne cum tyranno quisquam epulandi gratia Accumbat mensam* , quae habet Nonius p. 415, 27 ; item apud eundem p. 511, 17 *Lucilius nam sumptibus magnis Extractam ampliter ac decumanam (libri ampliter atque cum) accumbimus mensam* .

610. FORSITAN ET ROSEA SOL ALTE LAMPADE LUCENS . Non solet Lucretius ad *Forsitan* adiungere etiam , nedum et , quo illius loco numquam usus est . in VI, 346 *Forsitan ex ipso* , ubi male Marullus *Forsan et* . in eodem 735 *Forsitan Aethiopum* , ubi Lambinus *Forsit et* . itaque hic potius

scribendum est *Forsitan* E (an *ex?* e regione IV, 374 VI, 344 742 823 833: cetera posui supra versu 531) *rosea sol alte lampade lucens*. nam *alte* est ex alto, penitus, ut in II, 446 *alte compacta*. Vitruvius de *frigidis fontibus qui ab inferioribus locis penitus orti sunt*, in VIII, 3, 2, *cum in ardentem locum alte penitus inciderunt*.

613. AESTIFERI UTANTUM. Oblongus *utantur*. recte Antonius Marii et Marullus AESTIFER, hoc est luci aestum addens, UT TANTUM, quantum scilicet fieri intellegimus, *radiorum exaugeat ictum*.

614. NEC RATIO SOLIS SIMPLEX RECTA PATESCIT. Antonius Marii filius *aut recta: ac recta olim impressi et Avantius*, a quibus maluit hoc accipere Naugerius quam Marullianum *et recta*. quae omnia falsissima sunt: nam illarum rationum aliquam quasi non rectam reicere, *ἐὰν μὴ τι τῶν φαινομένων ἀντιμαρτυρῇ*, non decet Epicureum; quos hortatur magister *μὴ τις τὸν μοναχῇ τρόπον κατηγορητικῶς τοὺς ἄλλους κενῶς ἀποδοκιμάζῃ, οὐ θεωρητικῶς τί δυνατόν ἀνθρώπῳ θεωρῆσαι καὶ τί ἀδύνατον*, in epistula ad Pythoclen §. 94. paulo melius Lambinus nullo auctore dicto *nec certa*. sed respiciendum erat ad ea quae secuntur, *Non, inquam, simplex his rebus reddita causast*. ad haec quam proxime accedet *ratio simplex* RELATA. hoc in libro II, 1001 in membranis scribitur *relatum* littera non duplicata, sed in lege Thoria 80 *in formam publicam rellatum*. *reccidere* uterque Vossianus in I, 857 1063 v, 280, *reductum* uterque in I, 228, *redducunt* IV, 992 1001 quadratus et a correctore oblongus, *redducit et redducere* I, 228 v, 1337 quadratus.

617. CANCERIS UT VERTAT. *Cancerem* sive *cancer* morbum in caelo pasci plane portentum est. Avantius horride *Cancris iter ut vertat*. potuit quam lenissime CANCRI SE *ut vertat metas ad solstitialis*.

632. FLACCIDIORE ETIAM. Immo ETENIM, ne sit asyndeton. oblongus *Flaccidior*.

648. ILLE QUEANT. Itali ILLA.

651. SOLVET IMA CAELI. Turnebus in adversariis XIV, 23 *sol ULTIMA*.

654. CONVORTORE COGIT. Corrector oblongi CONVERTERE.

656. ROSEA MATURA PER ORAS AETHERIS AURO-

RAM DIFFERTE LUMINA PANDIT. Corrector oblongi *defert* et : rectius Itali DIFFERT ET. iidem ROSEAM. MATUTA Marullus egregie.

667. POSSIT. Pessime Itali, quos omnes secuntur, *possint*. scribendum est POSSUNT, ut supra 589 *absunt* pro *absit*. ita semper Lucretius. *minime mirabile quod vides* II, 464, *non est mirandum quod quaerit* IV, 859; *nec mirabile quod possunt* IV, 899, *mirari mitte quod non valet* VI, 1057. contra *non est mirabile quare videatur* II, 310, *cur perspiciantur* IV, 258, *qua ratione veniant* IV, 597, *qua ratione queat* V, 591.

675. FLUMINA POSTROMO. Marullus FULMINA. POSTREMO corrector oblongi.

679. CONSEQUIAE QUOQUE IAM RERUM EX ORDINE CERTO. Veronensis editio *Consequae*, nescio unde, sed paulo melius; Brixiensis *Consequitur*. Itali et Marullus *Consequa natura est*, Avantiis *Consequitur quodquest*, Wakefieldus *Consequiae quodque est*; omnes pessime, sed singuli suos admiratores nacti. olim dixi in Rhenano museo VI p. 120 scribendum esse CONSEQUË *quoque iam REDEUNT ex ordine certo*. similimum huic adverbium *adsecue* ostendi ibidem in his elegantissimis Plauti versibus, quos ex Astraba servavit Varro de lingua Latina VI p. 249, *Ne sequere adsequë, Polybadisce. meam spem cupio consequi: Sequor hercle eam (herclem Florentinus) quidem, nam libenter mea sperata consequor. neque aliter idem Plautus in Asinaria I, 1, 62 Volo amori obsecuum illius, volo amet me patrem*; ubi libri habent *obsecutum*, et peius Nonius p. 501, 9 *amari obsecutam*. minus certum est, sed veri simile, in Captivis II, 3, 58 *obsequë* addendum esse ita, *Mi obsequë obsequiosus semper fuisti. di, vostram fidem*. similiter in Trinummo 1118 Ritschellius *Quod ago subit, adsecue sequitur*. porro *consequa* paginae parte et *subsequa* probatione ex Apollinari Sidonio atque Orosio in lexica relata sunt. praeterea apud Apuleium *consecuus* adiectivum bis scriptum esse (ut hic *consequie*) *consequius*, olim indicavi; quod sibi neglegendum ratus Hildebrandus altero loco p. 366 imperitissime disputavit, altero p. 921 nihil dixit, quamvis necesse esset. nam in *metamorph.* V p. 364 *evectionis appendix miseranda et per nubilas plagas penduli comitatus extrema consequia* cur adiective dici non potuerit nequaquam apparet. item in X p. 712, ubi scriptum est *spretis luculentis suis vehiculis ac posthabitis decoris reda-*

rum carpentis, quae partim conlecta partim revelata frustra novissimis trahebantur consequiis, qui tot eiusdem vocis exempla consideraverit, novissima carpenta illorum decoratorum consecua, hoc est illa decorata ante novissima fuisse intellet. haec autem adiectiva et adverbia a bonis scriptoribus syllabis divisim prolata esse tum ipsa regula exposita ac fortasse nondum satis recte circumscripta demonstravi. omnis autem huius observationis prima stamina sunt in quadam Bentleii disputatione, quam Phaedri libro primo in fine appositam Wakefieldus et Forbiger numquam legisse cognoscuntur, cum in libro tertio Lucretii 648 sine ulla dubitatione commentum Itolorum in omnia exemplaria typis expressa illatum probant, quamvis Bentleius cum praepositione abiecta legendum docuisset *Corpore reliquo*, quod ita scriptum in membranis Vossianis extare testor. hic igitur comicos veteres, item Lucretium et Phaedrum, *relicuom* quattuor syllabis extulisse ostendit, negavit autem eo Vergilium Horatium Tibullum Propertium umquam usos esse. potuit addere Ovidium, Gratium, Germanicum, Priapeorum poetas, opuscula Maroniana, Columellam, Senecam, Calpurnium, Lucanum, Valerium Flaccum. sed quod Martialem ac Iuvenalem primos *relicum* dixisse existimavit, non satis attendit Persium eo quater usum esse, Silium multo saepius, Statium ter: habet etiam Sulpicia Caleni. at epitomator Iliados non potuit scribere 895 *Atropos hunc circum stabat reliquaeque sorores*, potuit *rigidaeque sorores*; quamquam exemplaria tam mirifice variant, ut de hoc versu adhuc nihil constitui possit. nec Manilio convenire puto quod est in II, 734, *Dimidia, reliquis tribuatur ut ordine signis*: et tamen video Friderico Iacobo hunc versum probari, quem Bentleius reiecerat. *relicui*ae autem numquam dictae sunt, quamvis ita scripsisse veteres dicat Papirianus in sylloge Putschii p. 2290. *relicuum* Vaticanus codex Sallustii in oratione Marci §. 1. *relicui* est in lege Iulia municipali 151; scilicet ut *pequdes pequs pegunia pegulatus*, item in lege Thoria 25 *ocupatum* et 101 *persequitio*. *reliquos* per duo u dubitari non potest quin extet in Ciceronis de re publica libro I, 35, ubi Maius dedit *exiguos*, g litterae non nisi vestigium breve manere testatus: apparet enim scribendum esse *reliquos sustentari unius optimi et summi viri diligentia*. scripturae mutabi-

litas apud Charisium p. 177 apparet in verbis Aspri. is enim de Sallustiano, quod est *Ceterum consilium est Tigranis*, ita quaesivisse dicitur, *Ceterum quomodo positum est? pro aliquin? aliquin?* (hoc enim bis scribendum est) *consilium est. an pro relicuum, ut sit nomen? relicum consilium est.* quae Lindemannus ita distinxit ut intellegi non possint. est autem Os-
corum u consonantem facere pro vocali, qui dixerunt *Cap-
vam* et *Pacvium*; quod Theodorus Mommsenius nuper docuit. itaque Varro *Pacvium* in suis de lingua Latina libris (sic fere semper Florentinus) et in epigrammate quod est apud Nonium p. 88, 4, *Pacvi* (libri *Pacuvius*) *discipulus dicor, porro is fuit Enni, Enniū' musarum: Pompilius clueor.* eodem pertinet *Vesvius* mons, qui a nullo poetarum dictus est *Vesuvius*, quod nomen fuit ex omnibus brevibus. ac posterior aetas etiam *supervaua* et *supervacum* dixit. iam *relicuo* similimum est *delicuum*, quod legebat in Casina Plauti II, 2, 33 Varro de lingua Latina VII p. 384 et habet vetus codex, alii minus boni *deliquium*, Paulus diaconus p. 56 *deliquium* sive *deliquium*. his igitur ea quae eidem regulae subiacent paria sunt, *ingenuus perpetuus, adsiduus residuus exiguus ambiguus praecipuus succiduus perspicuus continuus contiguus.* discrepant primum quibus *prod* et *indu* praeponuntur, *prodigus indigus*, ad quorum exemplum recentiores fecerunt *disgregus, segregus*, cum antiquissimi *prodiguas hostias* dixissent, quod est apud Festum p. 250, 9; deinde in quibus incorrupta est media simplicis syllaba cum vocali sua praeter *e*, *congradus, invidus providus dividus* (sic recte a *dividendo* Accius apud Nonium p. 95, 25) *perfidus obvius, dissonus interpolus subdolus commodus reprobus praecoqus reloquus* (hoc enim lexicis inferendum est ex Varrone de lingua Latina VI p. 233, *Hinc dicuntur eloquium ac reloqui in fanis Sabinis e cella dei quae loquuntur*, ubi Florentinus *ac reliqui* et *qui eloquuntur*), *profugus congruus superfluus* (quamquam *profluviū* quoque est, ut *adluviū* et *oblivius*, de quo dixi in museo Rhenano novo, a. 1845 p. 611): sed *confragus* a *frangendo* neque anticum est nec, puto, recte factum. non pertinent autem huc quae sine praepositione non minus integra manent, *subcavus pervagus conscius, supervacuum inriguus*; quo *dividuus* referendum puto, quod plerique ita dixerunt, scilicet a *viduo* similiter deduc-

tum ut *dimidium a medio*. supersunt *prospica ac despica* Naevii, quae Nonius p. 155, 24 interpretatur intenta et contempta: haec, nisi forte substantiva feminina sunt ex eo genere de quo dixi ad librum II, 1116, non magis capio quam *accubuo* Plauti in *Truculento* II, 4, 67, quod mihi videtur esse *accubio*.

684. PARTITE IN PARTIS. Corrector oblongi *Partit* ET *in partis*.

689. NAM MEDIO CURSU FLATUS AQUILONIS ET AUSTRI DISTINET AEQUATO CAELUM DISCRIMINE METAS. *Quadratus Destinet*. Creechius haec ita interpretatur, 'Nam septentrionem et meridiem versus caelum metas (solstitium et brumam, seu circulum cancri et circulum capricorni) aequali spatio distinet.' ego neque intellego cur eae caeli partes, a quibus aquilo et auster oriuntur, eorum ventorum *flatus metae* dicantur (nam una meta non determinat rigorem sive limitem, hoc est uno puncto non definitur linea), neque septentrionem et meridiem aequo discrimine caelum *cursu medio*, sed a medio sui, *distinet*, nec denique aquinocium per solstitium et brumam efficitur. itaque haec rectius ad solem referemus, qui *medio cursu*, hoc est in illo anni nodo, *flatus aquilonis et austri Distinet*, dierum ac noctium *aequato caelum discrimine* METANS, hoc est caeli spatia emetiens.

692. 693. ANNUA SOL IN QUO CONTUDIT TEMPORA SERPENS, OBLIQUO TERRAS ET CAELUM LUMINE LUSTRANS. Hic Brixienensis editio et Marullus *contundit tempora*, duro loquendi genere et quantum scio inaudito: certe Lucretius supra aliter dixit 619, *Annua sol in quo consumit tempora cursu*. hic commodissimum erit *Annua sol in quo signifero orbe concludit tempora serpens*. sed hoc ipsum *serpens*, cui statim succedit *lustrans*, non magis placere debet quam supra 524 quod Wakefieldus probabat, *euntes, pascentes*. sed multo minus ferri potest *obliquum solis lumen*, quo ille, dum per signiferum procedit, terras et caelum lustrare dicitur: nam via solis obliqua est, totus obliquus zodiacus, lumen solis nequaquam semper obliquum est. hoc igitur versu traiciendo facillime procurabimus, ita. *Propter signiferi posituram totius orbis OBLIQUI, terras et caelum lumine lustrans Annua sol in quo concludit tempora serpens*.

700. RADIATUM INSIGNE DICI. Itali et impressi DIEI.

705. SOLIS RADIIS PERCULSA. Lambinus primus PERCUSSA: 'et ita,' inquit, 'habent libri aliquot manu scripti.'

706. INQUE DIES MAGIS LUMEN CONVERTERE NOBIS AD SPECIEM. Antonius Marii *magis hoc lumen*. praestat *magis* id *lumen*, quo solis radiis percussa nitet. non tam proprie ac prope ambigue Marullus *maius lumen*: non enim *maius ad speciem* fit *lumen*, sed *magis ad speciem convertitur*, hoc est ad *aciem*, ut paulo post 724 *Ad speciem vertit nobis oculosque patentis*.

708. PLENO BENENO LUMINE FULSIT. Corrector oblongi *pleno bene lumine*. idem in eodem versu *Donec*, cum a prima manu esset *Doneque*: quadratus hic ut alibi *Denique*. sic paulo post 723 uterque, ubi utriusque corrector fecit *Denique*. tum versu 731 oblongus prima manu *Deneque*.

711. PROPIUS TAM. Itali et Marullus IAM.

713. ESSE PILAE. Corrector oblongi PILAI.

720. VERSARIQUE POTEST GLOBUS UT, SI FORTE, PILAI. *Si forte* ceterae orationi interpositum Lucretiano dicendi generi parum accommodatum est. Antonius Marii primum scripsit *ut sit*, deinde delevit *t* et fecit in versu proximo *ex parte it*, ubi oblongus prima manu *parti*, a correctore *parte* ut quadratus. Antonio prudentior Ianus Dousa filius ad Catullum capite IV p. 29 'lego *sit*' inquit, *globus ut sit forte pilai*; quod cum Wakefieldus minus necessarium esse dixisset, Forbiger, qui per se numquam sapit, nulla mentione dignatus est.

727. UT BABYLONIS A CHALDEUM DOCTRINA. Itali et Marullus BABYLONICA. *Chaldeam* corrector oblongi, Antonius Marii, olim impressi, Marullus: *Chaldaeum* Avantius, quod recte probavit Dousa, Babyloniam Chaldaeorum doctrinam ad Berosum referens, qui lunam fecit *ἡμίνυγον*. *Pelasgum* genetivo casu positum fefellit, quod miror, Merkelium in his Ovidii, tristium II, 403, *Quid generum Peliae, quid Thesea, quidve Pelasgum Iliacam tetigit qui pede primus humum?*

730. HOC ILIO. Librarius quadrati veterem errorem primum correxit, ex *i*, quod iam scripserat, *l* facto, ILLO.

733. ABORISCI QUEQUE CREATA. Corrector quadrati *abolisci*, Marullus *abolesci*, quasi haec illo usitiora essent. Brixiensis editor *aboriri*, quomodo scriptum extat in libro

III, 155. ego, quoniam Latina verba sunt *ulcisci pacisci proficisci comminisci nancisci expergisci apisci implicisci fatisci defetisci frunisci*, de *aborisci* expectabo iudicium doctiorum.

736. ORDINE CUM TAM CERTO MULTA CREARI. Itali *cum videas*; quod ipsum Brixienſis editor exprimere voluisse videtur, cum dedit *cum vitam certo*. sed potius est ut poëtam ipsum sequamur, qui dixit paulo post 750 *Cum fieri possint tam certo tempore multa*.

737. IT VER ET VENUS, ET VENERIS PRENUNTIUS ANTE PENNATUS GRADITUR ZEPHYRI VESTIGIA PROPTER. Quadratus *zephyri*. sibilis digni sunt qui haec tamquam pulcherrima admirantur. his nescio quis *pennatus praenuntius Veneris* (ex Amorum grege, ut aiunt) *propter zephyri vestigia* praeire ver et Venerem videtur, hoc est, nisi fallor, aequare passibus gradientem zephyrum; quae si aut a pantomimis aut a pictoribus repraesententur, non veris sed Veneris adventum referent. itaque Bentleius verissime *It ver et Venus et veris praenuntius*, itemque diu ante eum Marullus verissime *praenuntius ante Pennatus graditur zephyrus*. hos autem pone subsequens Flora mater floribus propter euntium pedes praesparsis totam viam opplere fingitur.

742. PULVERUNTA CERES ETESIA FLABRA AQUILONUM. Corrector oblongi, item Antonius Marii et olim impressi, mire *Polluerunt aceres*. Marullus *PULVERULENTA Ceres et etesia*.

743. EUHIUS EUĀ. *Euhius* oblongus, quadratus *aeuius*. tum idem *euā*, oblongus *aeuom* o in a mutato, *aeuam*. interadspirationem, quam in *εὐᾶν* grammatici Graeci agnoscunt, membranae nostrae in hoc non habent. ad Horatii carminum librum II, 11, ubi Vanderburgius et Orellius tacent, Cruquius ita. '*Euius*. sic inveni in Bland. vetustiss. sed a sciolo supraposita nota aspirationis. alii omnes habent *Euhius*'. in Iuvenalis satira VII, 62 Pithoeanus *satur est cum dicit Oratius euhoe*. *Euhius Euchius Euchios* exemplaria Columellae x, 424, *euhoe* et *euhan euhium* Charisii p. 214, *Euhan* in versu Maecenatis apud Putschium p. 2694, Aeneis Medicea libro VI, 517 *euhanthis*, Porphyrius in Syringe, definito litterarum numero, *heuvantes*; quibus simillima sunt quae in Pauli ad Philippenses epistula IV, 2 habent libri Latini antiquissimi, *Euhodiam* et *Euvo-diam*. alia Wagnerus demonstravit in orthographia Vergiliana

p. 435. *Euhenus*, nescio quam recte, in Hygini fab. 13 34 162 242.

745. FULMINE POLLENS. *Quadratus polle*. apud Isidorum orig. XIII, 11 Lindemannus dedit *terrens* ex Guelferbytano codice.

747. REDIT HIEMPS SEQUITUR CREDITANS HANC DENTIBUS ALGI. *Quadratus hiems*. deinde idem *hanc*: ceteri cum oblongo *ac*, quod legitimum verborum ordinem pervertit. CREPITANS Itali. tum, quoniam *algi* non potest ferri, tutissimum est scribere ALGOR, quo poëta in III, 623 usus est. *algus* Lambinus; cuius formae auctor nullus extat nisi Priscianus p. 699, qui exemplum accusativi Plautinum adfert: ablativi multo plura sunt. Wakefieldus *algu*, verba Charisio p. 23 adficta secutus, quae sunt apud Putschium haec, *hoc algu τὸ κρύος*, quorum nihil in codice esse Lindemannus docuit p. 19. in versus initio omnes Italos imitati sunt, qui fecerunt *Tandem bruma nives adfert pigrumque rigorem Reddit*; quod neque intellego, neque, si intellegerem, verbum ignaviter additum probarem. poëta ut ante dixit *It ver, autumnus adit*, ita hic videtur scripsisse PRODIT *hiemps*.

750. CUM FLERI POSSINT. Marullus FIERI.

753. TERRAM SECLUDERE POSSIS LUMINE. Lambinus, quod scio, primus, et quidem tacite, SOLIS *Lumine*.

756. TEMPORE EADEM. MOX 765 EODEM.

761. ATQUE PERIRI. Itali et Marullus PERIRE. Wakefieldus absurde *pariri*, id est creari.

764. 771. CONI PERIABITUR UMBRAS. *Quadratus cō*. PERLABITUR Itali, Brixienſis editor, Marullus. hunc verſum, quo loco iteratur, Lambinus delevit primus.

768. SI FULGET LUNA. Immo *si* FULGIT, ut recte Lambinus et Gifanius, quia hic poëta nusquam videtur dixisse *fulgeo fulges*. nam neque supra 570 *loca fulgent* ferri posse vidimus, neque in II, 27 *argento fulget*: de libri autem VI versu 213 in loco agemus. itaque ne *refulget* quidem probandum quisquam duet, quod per se non suspiciosum extat in libro II, 800. ceterum imperite Seneca naturalium quaestionum II, 56 veteres *ad significandam hanc e nubibus subitae lucis eruptionem media syllaba correpta fulgere* dixisse refert: dixerunt enim ita de fulgore quocumque cum veteres, tum doctior Seneca Valerius Flaccus in VIII, 284 *tot fulgere taedas*.

776. QUOVE MODO OFFECTO LUMINE OBIRE. Itali et Marullus addiderunt *valeant* parum observata structurae ratione. multo rectius POSSENT Brixienſis editio.

782. TOLLERET INCERTIS CREDUNT COMMITTERE VENTIS. Marullus *Tollere et incertis tendat*; recte ET, sed pessime *tendat*. Lambinus cum vidisset 'sententiam postulare verbum numeri singul. praeteriti temporis, optativi modi', nihil moratus scripsit *tentarit credere ventis*; qui nisi nimis festinasset, poterat ei in mentem venire verbi notissimi, quod ceteros post eum fefellisse minus miror. est enim scribendum *et incertis* CREDINT (nam pluralis numerus magis est ex usu Lucretii) *committere ventis*; de quo post Varro-nem et ceteros nihil habeo dicere. quis vero credere vel iuranti potest Wakefieldum probasse quod membranae ha-bent, *credunt*? 'quinam?' inquit: 'philosophi scilicet.' For-biger autem foedum nescio cuius commentum ab Orellio pe-tiit, *creduint committere*; quod ei pulcherrimum videtur et propter synizesin monstruosam et propter significationem a vocabulo alienissimam: dicitur enim esse id quod est *ausa fuerint*. mihi ad haec illa veteris comici exclamare licet, quae sunt in Varronis de lingua Latina v p. 68, *Hui, victrix Venu', videsne haec?* Orellius tamen postea, cum eclogas poetarum Latinorum iterum ederet anno 1833, *credunt* scribendum vi-dit; quod et ego ignorabam et Madvicius apud Henrichse-nium de Gottorpiensi codice p. 36.

784. CAMPUSQUE PER OMNIS. Corrector oblongi CAM-POSQUE.

790. VIRGULTAQUE. Correctores antiquissimi VIRGUL-TAQUE.

799. SI TUS SUNT. Corrector oblongi TUM.

800. ET MAIORE. Marullus MAIORA.

802. OVA RELIQUEBANT. Corrector oblongi RELIN-QUEBANT.

805. TUM TIBI TERRA DEDIT PRIMUM MORTALIA SAE-CLA. Non *primum* tum, sed *Principio genus alituum varias-que volucres* ediderat, nunc vero multo plura PASSIM.

808. UTERI TERRAM RADICIBUS APTI. Ita membra-nae et Veronensis editio, neque aliter in Lactantii institu-tionum II, 11, 9 exemplaria olim impressa et inter nostros Erfurtensis codex, cum in Everzelusanis sit *terra*. quartus

casus rectissime positus est : nam *uteri terram radicibus apti* sunt terram adepti vel nacti, in qua radices suas ponerent. *aptum* eo modo cum accusativis iunctum Attii Pacuvii Lucillii versibus allatis Nonius tuetur p. 234, 22, itaque *mortem aptus* Plautus, Terrentius *Deorum vitam apti sumus. uteros terrae cohaerentes* dicit Censorinus p. 11, 9, cuius verba subieci. *Nec longe secus Epicurus : is enim credidit limo calefacto uteros nescio quos radicibus terrae cohaerentes primum increvisse et infantibus ex se editis ingentium lactis umorem natura ministrante praebuisse.* hinc Creechius et alii, probato quod Brixienis editor et Avantius dederant *terrae, terrae radicibus aptos* ita intellexerunt quasi uteri illi radicibus suis *e terra apti* fuissent; quod ipsum Antonius Marii et Marullus voluisse videntur, cum scripserunt *terrae in radicibus apti*. sed eo modo hoc nomen quod est *aptus* dandi casum adiectum pati exemplis docendum erat, non optandum et fingendum. Wakefieldus *Crescebant uterei terrâ, radicibus aptei*, quod ille castissimum dicit, ego ne intellego quidem.

809. QUOS UBI TEMPORE MATURO PATE FECERAT AESTAS INFANTUM. Inepte Marullus *aetas*, quod et otiosum est neque ad proxima facit. scribendum est AESTUS *Infantum, fugiens umorem aurasque petessens.* hunc aestum poeta paulo ante *calorem* dixerat versu 806.

812. UT SUCUM. Antonius Marii et Marullus ET.

823. ATQUE ANIMA — FUDIT OMNE, QUOD IN MAGNI BACCHATUR MONTIBUS PASSIM, AERIAEQUE SIMUL VOLUCRES. Corrector oblongi, Antonius Marii, Brixienis editio, *animas*: Marullus recte ANIMAL. deinde Antonius et Brixienis *in magnis. AERIASQUE* primus Marullus.

833. PORRO ALIUT CRESCIT ET CONTEMPTIBUS EXIT. *Contentibus* quadratus et hic et infra 1278; ubi legitur *Porro aliut succedit*, et ibidem 1275 *aurum in summum successit honorem.* hic aliquis scribendum suspicetur *succrescit*: certe *concrescit* Marulli absurdum est neque probari debuit. sed quoniam hic ea quae altero loco secuntur subiuncta non sunt, ad sententiam complendam aptius est CLARESCIT. sic infra 1456 *Namque aliud ex alio clarescere conveniebat*, ubi quadratus *crescere.* E Marullus addendum vidit.

836. QUOD POTUIT, NEQUEAT. Coniunctivo locus

non est in re quam certissimam esse poëta demonstrat. Bentleius *Quod tulit, ut nequeat*; ubi Forbiger superbo iudicio 'sine causa'. hoc contempto formabimus leniter, *Quod POTE UTI nequeat, possit quod non tulit ante*. uti nequeat ferre quod *pote*; sine verbo substantivo, ut in III, 1079 *Nec devitari letum pote, quin obeamus*. ita *suave* in primis libri secundi versibus, *mirum* in II, 87 338 v, 1238 VI, 130, scilicet adiectiva neutri generis.

838. MIRA FACIT MEMBRISQUE COORTA. Oblongus prima manu *membris quoque*. Itali et Brixiensis *mira facie*.

839. ANDROGYNEM INTER UTRAS NEC UTRAMQUE UTRUMQUE REMOTUM. Oblongus et Antonius Marii (non olim impressi) *nec utramque ut utrumque*. quadratus *remoti*. ab hoc versu arcendi sunt critici, qui poëtae artem vituperare quam suam discere maluerunt. Wakefieldo 'res monstrosas versu monstroso vividius effingere' voluisse videtur: Orellius 'versum e Graeco fonte haud nimis feliciter detortum' censet. itaque hi, cum Marullus recte ANDROGYNUM scripsisset, probant *androgynem*, quod barbarum est, quia prima declinatio accusativum tertiae respuit. certe hoc de appellativis constat. propriorum accusativos ante vocales positos ex veteribus poëtis collegi hos inter se diversos. *Saurean* Asinar. I, 1, 72. *Apociden* Epidico III, 2, 22. *Carneaden* Lucilius apud Lactantium instit. v, 14, 3. *Sosiam* Amphitr. I, 1, 217. *Pterelam* Amphitr. I, 1, 259. *Chaeream* Eunuchio III, 4, 2. *Cresphontem* Ennius, ad Herennium II, 38. *Theuroidem* (*Θεωρωπίδην*, nisi fallor) Mostellar. IV, 2, 46. *Callidemidem* Hecyra III, 4, 18. *Calchan* e Pacuvio et Plauto Charisius p. 50: *Chremem* Phormione v, 2, 70. in extremo versu optime Brixiensis et Naugerius UTRIMQUE *remotum*; cui simile est in Horatii epistularum I, 18, 9 *medium et utrimque reductum*. supersunt his interiecta *inter utras nec utramque*. ex his *inter utras* nullam sententiam includere potest nisi in suspensa oratione. in Sticho Plauti v, 4, 51 *neuter utri invidet* nec sensum implet nec verbum, ut scribendum videatur *neuter alteri*. suspenditur autem hoc pronomen in conditionalibus, ut *si uter volet, sive quem* (hoc est *aliquem*) *ad utrum eorum ius erit*, aut in relativis, *non uter peccat tollit analogias, sed uter recte dicit confirmat*. et mire addito ipso relativo *quod utrum* posuit quasi *ἐκ παραλλήλου* Gellius in Atticarum noctium XVII, 6 *quod utrum*

ergo videbitur cuique verius, eo utatur. item Paulus mire, participio usus in condicione, in l. 1 D. de divort. xxiv, 2 Dirimitur matrimonium divortio morte captivitate vel alia contingente servitute utrius eorum: vult enim dicere si utrius eorum contigerit servitus. quod siquis inter utras ita interpretabitur ut dicat esse utrasque, errabit. hoc enim modo non veteres, ut Drakenborchio ad Livii xxvi, 39, 23 visum est, locuti sunt, sed aut recentiores aut nemo. itaque Paulus in l. 34 pr. D. de o. et a. xlv, 7 scripsisse fertur et ideo possunt utrae competere: nemo credit Varronis esse de lingua Latina libro ix p. 477 sic utra esse apud nos, aut Vellei Paterculi aliorum utrius ordinis virorum in ii, 34, 3. sed in Lucretio nullis opus est. ambagibus: ipsum enim illud femininum vocabulorum genus hic vitium esse ostendit: naturas enim utras et naturam utramque extrinsecus inferre Wakefieldo et Orellio licet, non sano interpreti. nobis, post ea quae disputata sunt ad librum ii, 518, obscurum esse non potest poetam dicere Androgynum INTERUTRAQUE esse, hoc est in medio spatio eorum quae in eius nomine continentur positum. restat nec utram (nam quae, quod his adhaeret, traiecimus): sed masculino genere opus est, nec UTRUM, hoc est et neutrum. est enim eis quae supra de hoc pronomine quod est uter diximus addendum, posse ei neque praemitti ita ut his coniunctis et conectendi vis insit et negandi de utroque. sic ipse Lucretius in iv, 1217 Et neque utrum superavit eorum nec superatumst. Gellius libro ii, 4 cum accusator et reus duae res quasi cognatae coniunctaeque sint, neque utra sine altera constare possit. Paulus in l. 132 D. de v. s. l, 16 et consuetudo loquendi id ita esse declarat, ante diem decimum kalendarum, post diem decimum kalendarum: neque utro enim sermone undecim dies significantur. apud Martialem in v, 20 Schneidewinus Nunc vivit nec uter sibi; quod si verum est, intellegendum est ita, ne alteruter quidem. Asconius ad Milonianam p. 42, 13 Bait. sed ita constitit ut diximus, nec utrius (nec utriusque libri) consilio pugnatum esse eo die, verum et (libri ei) forte occurrisse et ex (libri ex ea) rixa servorum tandem ad caedem perventum. Hyginus de limitibus p. 109, 1 videtur scripsisse ut neque ab utro possessore tangatur: libri ut ne ab utroque.

841. MULTA SINE ORE. Egrege Nangerius MUTA sine

ore etiā, sine voltu caeca reperta : hoc enim ingenio Lucretii unice convenit.

844. NEC SUMERE QUOD VOLET USUS. Recte Lambinus *quod foret usus*, ut in IV, 831 *facere, ad vitam quae foret usus*.

846. ABSERRUIT AUCTUM. Quadratus *abseruit*. Itali et Veronensis editio ABSTERRUIT. in IV, 1234 *Nec divina satum genitalem numina cuiquam Absterrent*, et 1064 *pabula amoris Abstertere sibi*.

850. PROCLUDERE SAECLA. Itali et Brixiensis editor PROCUDERE. sic paulo post membranae 856 *procudere prolem*, et in II, 1115 *ignem ignes procudunt aëraque aër*, in III, 1081 *Nec nova vivendo procuditur ulla voluptas*. est enim *procudere* cudendo et ictibus crebris extendere atque producere in longius spatium.

851—854. PABULA PRIMUNT UT SINT, GENITALIA DEINDE PER ARTUS SEMINA QUA POSSIS MEMBRIS MANARE REMISSIS, FEMINAQUE UT MARIUS CONIUNGI POSSIS HABERE MUTUA QUI METUENT INTER SE GAUDIA UTERQUE. Quadratus *Pabula primum sint*, tum *per atus*, oblongus *prima manu manere remissis*. corrector oblongi *PRIMUM ut sint*: idem *Semina qua possint*, et *coniungi possit*. ad haec Itali et Brixiensis editor *Feminaque ut maribus*. cetera qui hos insecuti sunt tam perverse administrarunt, ut Lucretium numquam legisse videantur: adeo et orationis structuram neglegunt et ea quae in libro quarto exposita sunt ignorant. at nihil facilius erat quam veram poëtae manum certissima ratione restituere; quod faciemus ita scribendo. *Pabula primum ut sint, genitalia deinde per artus Semina qua possint membris manere REMISSA*. sic, inquam, *remissa membris semina*, ut in IV, 1041 *semen suis eiectum sedibus*, ac similiter *membris saepe*, ut in III, 346 v, 789 IV, 1031 1261. porro *Feminaque ut maribus coniungi possit AVERE*, *Mutuaq. INSINUENT inter se gaudia uterque*. de qua communi voluptate poëta multis agit in IV, 1195.

859. GENUS ID TUTA RESERVANS. Brixiensis editor et Marullus TUTATA.

863. ET FUGA CERVOS. Sic quadratus et Avantius: *ut fuga oblongus, Antonius Marii, olim impressi, Marullus*.

865. VETERI NON SEMINE PARTUM . Apud Nonium p. 13, 11 *VETERINO semine parturiendi* .

• 866. ET BUGERA SAECLA . In VI, 1245 BUCERA .

868. PACEMQUE SECUTAE . Hoc suo more tumentur Wakefieldus et Forbiger . vere Lambinus SECUTA .

871. NI HORUM . Quadratus in horum : NIL horum Marullus .

873. QUARI PATEREMUR . Itali et Brixienſis editio QUARE .

880. POTESTAS HINC ILLINC PAR VIS UT NON SIT PARS ESSE POTISSIT . Quadratus *non sat pars* . haec verba , quae posui , inter sese coniungenda esse manifestum est , quamvis interpretes vel Centauros , vel qui cum Marullo *Esse queat* scripserunt omne hoc monstrorum genus , nescio quomodo fecerint *potestatem* , hoc est *δύναμιν* , ex membris *alienigenis compactam* . nunc ea de quibus agimus ut obscura non sunt , ita ex hac verborum abundantia quid tolli debeat vix certo dici potest . itaque quoniam res ad divinationem redit et aliquid hoc poëta dignum temptandum est , suspicor eum haec scripsisse , *potestas Hinc illinc PARTIS ut si PAR esse potissit* ; ut membra hinc inde parta negaret pari potestate esse posse . *potissit* autem , nisi fallor , coniunctim rectius scribebimus , quia in senatus consulto de Bacchanalibus facto scriptum est *ubei facillime dgnosciē potissit* , non *potis siet* : et huic similia sunt *potisset* in praeterito , quod numquam scribitur *potesset* , et *potisse* infinite positum a Lucilio , si Nonii codicibus constat fides p. 445, 31 . ab his diversa sunt *potis sum* , *potis es* , *potis est* , *potin est* , *potis sunt* , *pôtis sis* in Poenulo Plauti IV, 2, 53 , *poti' sint* apud Varronem rerum rusticarum libro II, 2, 1 , *potis siem* in Mercatore II, 2, 59 : sed *potis esse* et *potis esset* aut numquam legi aut non memini .

884. PUER HAUT QUAMQUAM : NAM SAEPE . Nam quadratus : oblongo et olim impressis abest . itaque Antonius Marii *haud ita quanquam* , Marullus *haud quaquam* , quin . sed *QUAQUAM* ante Marullum impressi .

885. LAETANTIA QUAERET . Marullus LACTANTIA , fortasse non primus . idem primus *quaerit* ; quod non aequè certum duco , quia futuro tempore satis apte dicitur id quod forte aliquando contingat , non semper .

888. PUERILI AEO FLORENTA IUVENTAS OFFICIT .

Itali FLORENTE, Marullus OCCIPIT, Avantius PUERIS; quibus nihil aut verius excogitari potest aut pulchrius.

890. SEMINE EQUORUM. Apud Nonium p. 13, 13 *quorum*, et *torte homine veterino*.

892. RAPIDIS CANIBUS. Nicolaus Heinsius ad Sabini epistolam I, 35 RABIDIS, quod nulla causa erat cur Forbiger hic magis probaret quam in IV, 712. idem Heinsius paulo post *Inter se quorum dissortia membra videmus*. sed hoc vocabulo pauci scriptores usi sunt, et ipse Heinsius ad Ovidii metam. VIII, 133 ex Columellae libro VI, 36, 2 ea attulit quae ad *membra discordia* tuenda sufficiant. ibi haec sunt de mularum genere educando. *Equam convenit — membris fortibus patientissimam laboris eligere, ut discordantem utero suo generis alieni stirpem insitam facile recipiat ac perferat*.

896. NEQUE PROFICIUNT AETATE SENECTA. *Perficiunt* Wakefieldus, Eichstadius, Forbiger, absurde de senibus. bene Turnebus adversariorum XIV, 23 *neque PROJICIUNT*.

901. FLAMMA QUIDEM CUM CORPORA FULVA LEONUM TAM SOLEAT TORRERE. *Iam soleat oblongus* et olim impressi, vitiose. versum pede truncatum variis modis curarunt. Antonius Marii *Ardua flamma quidem*, Brixienensis editor *Ignia* (*Igne*a Avantius) *flamma*, Marullus *Flamma quidem vero* e libro II, 652 et e I, 1001. mihi ceteris optime subici videtur DENIQUE *flamma quidem*.

904. UT UNAM. Brixienensis editor et Marullus UNA. versum proximum sine poetae nomine habent Hyginus fabula 57, Hieronymus volum. I p. 945 edit. Vallarsii, Isidorus orig. I, 39: Hyginus iterum fab. 151 *media ipsa Chimaera*. oblongus et Antonius Marii *medio*, *media* quadratus et olim impressi. *Cimaera* hic uterque codex, *Aceruntis* oblongus in VI, 763, uterque *stomaco* in VI, 1169. in libro II, 705 oblongus *chimeras*, quadratus *chimmeras*. Graeca haec nos hodie scribimus curiosius quam veteres ullo tempore dixerunt.

906. ORE FERAS ACREM FLARE. Itali FLARET: FORAS primus Naugerius.

910. MULTA LICET. Apud Nonium p. 103, 28 *Mata licet similis*.

913. AUT HOMINE TANTO. Recte HOMINEM in scholiis ad Statii Thebaidos VII, 585. ibidem *ex pro esse*.

914. PEDUM NISUS UT PONDERE POSSET. Corrector quadrati et Marullus PONERE. in IV, 924 *indugredi pedemque ponere*. apud scholiasten Statii *ponere iussit*.

923. SED SI QUEQUE SUO RITU PROCEDIT. Si orationem turbat, cui deest nomen femininum. ergo scribendum est *Sed vis quaeque suo ritu procedit*. Lambinus male *Res sic quaeque*, in quo *procedit* improprie positum est. Marulli commenta non commemorare praestat.

925. ET GENUS HUMANUM. Et coniunctio omnia pervertit. scribendum est *At*. homines membris immanibus instructi nulli fuerunt: hoc enim nihil apparentium confirmat: at multo durius illud hominum genus fuit, ut pote ex tellure dura creatum.

928—979. FUNDATUM — MIRARIER UMQUAM. Hos versus LII quadratus hic non habet, sed in fine post librum sextum, ut dixi ad I, 734. scilicet ante haec, si carminis versibus DCCCXXVII annumerabimus capitulorum versus, qui sunt XXXV, inveniemus in hoc libro esse versus DCCCCLXII, qui efficiunt paginas vigenum senum versuum XXXVII. iam vero in libro superiore a versu numero 348 schedam codicis archetypi initium cepisse ex eis quae ibi ad versum 323 dixi apparet. ab illo autem versu usque ad finem libri sunt versus DCCCXL et capitula XIX, qui sunt versus DCCCCLIX, hoc est paginae item XXXVI, in quarum ultima fuerunt versus poetae XXIII. haec si recte disputata sunt, finis libri quarti fuit in dextra pagina, initium quinti in sinistra. sed eae non potuerunt unius schedae facies esse, quoniam eis index capitulorum interiectus erat, cui recipiendo trium modo versuum spatium vacaret. itaque statuo postremam libri quarti paginam in aversa parte aut nihil scripti habuisse aut certe nihil praeter subscriptionem eam ipsam quam oblongus exhibet, TITI LUCRETII CARI DE RERUM NATURA LIB. III EXPLICIT INCIPIT LIB. V. in proxima pagina dextra fuit index capitulorum, et quidem ita scriptus ut librarius XXVII titulis absolutis non ad alteram schedae faciem transierit, sed in margine et inter versus reliqua adiecerit. ea ratione factum est ut in codicibus nostris hic index capitum, qui in oblongo continetur versibus XXXIV, perturbatissime scriberetur ad hunc modum.

10 Animam et animum non posse esse sine corpore

De solis et lunae offectione

De nativitate mundi et dis

Mundum non esse ab disconpositione rerum que
stitutum in eo sunt

15 Cui pars nativa si totum nativum esse

De centauris de sculla de terra de aqua de aere sive
anima de chimeera

32 De lune cursu

De die longo et brevi nocte

ex ida visco solis

itaque hunc in codice archetypo vel hoc vel simillimo modo
dispositum fuisse existimo.

Plus hominibus profuisse qui sapientiam invenerit
quam Cererem Liberum Herculem.

Animam nativam esse.

De mundo.

5 De lunae lumine,

De solis et lunae cursu.

De anni temporibus.

Mare caelum terram interitura.

De eclipsi.

10 Animam et animum non posse esse sine cor-

pore.

De solis et lunae offectione.

De nativitate mundi et dis-

Mundum non esse ab dis con-positione rerum que

stitutum. In eo sunt.

15 Cui pars nativa sit, totum nati-

vum esse. De centauris. De Sculla. De terra. De aqua. De aëre sive

anima. De Chimeera. De igni et sole. Non potuisse Chimeram et

De lampade et lucerna. Scyllam et similia eorum gigni.

20 De aedificiis, quem admodum Quomodo hominibus in-

intereant. nata sit deorum opinio.

Quare nata omnia dicta. Quem admodum aurum

Quare aeternitas esse possit. Et nativa esse. argentum
plumbum

25 De Phetonte solis filio. repertum sit.

Origo mundi et omnium. Quem admodum ferrum

De solis et lunae magnitudine. inventum sit.

De solis magnitudine.

De luna.

30 De calore solis.

Democriti de sole.

De lune cursu.

Ex Ida visco solis.

De die longo et brevi nocte.

930. NEC LABI CORPORIS ULLA. Oblongus prima

manu *labo*, *labi* corrector. hoc ipsum *labi* librarius quadrati exhibuit: corrector fecit *labe*.

933. CURVI MODERATOR ARARI. Antiquissimi correctores ARATRI.

934. FERRO MOLLERIER ARVA. Corrector oblongi *mollirier*. Brixienſis editor et Marullus MOLIRIER.

935. VIRGUITA. Antiquissimi correctores VIRGULTA.

937. IMBRES DEDERANT, QUOD TERRA CREARANT. *Dederat* apud Macrobiū Saturn. vi, 1, itaque oblongus prima manu. deinde CREARAT Macrobius et corrector quadrati, item Antonius Florentinus. mox *placarat* apud Macrobiū.

941. ARVITA. Sic iterum veteres versu 965: utroque loco corrector oblongi fecit *arbuta*. hoc nomen per *i* scriptum non videor mihi legisse: sed fortasse non satis attendi, et improbum duco talia, cum nemini noceant, tacite mutare, quod fecerunt hic editores huius poëtae universi.

944. PABULA DIRA TULIT. Hoc absurdum est, cum neque graviter olentia neque necantia neque ex humana carne petita intellegenda sint. ad rem faciunt unice *Pabula DURA*, ut scripsit Naugerius.

945. AT SEDARE SITIM. *Ad* apud Macrobiū Saturn. vi, 1, quod qui aut librorum peccatum esse dixerunt, ut Wakefieldus, aut cum Gerh. Ioh. Vossio infinitivum cum *ad* praepositione coniunctum ferendum iudicarunt, orthographiae antiquae turpiter imperiti fuerunt.

946. DECURSUS AQUAE CLARICITATI A TE SITIENTIA SAECLA FERARUM. Hic Lambino duce docti homines fere ita iudicarunt, Simeonem Bosium rectissime e vetere scriptura eruisse *Claricitat* LATE, donec nostro tempore Albertus Forbiger, Orellium tamen, nequid ipse audere videretur, hoc ante se dixisse testatus, *claricitandi* verbum 'non omni solum auctoritate destitui, sed etiam analogiae adversari', confidenter pronuntiaret: qua fortitudine scilicet ad laudem ingenii grassaretur et ad emendationem parientiam, quae ipsi 'facillima et, fere dixerit, certissima' esse visa est. ea autem est huius modi, *Ut nunc montibus e magnis decursus aquarū Clarū citat late sitientia saecula ferarum*. quo commento nullum infelicius cogitari potest. nam decursus aquae neque *citat* feras, hoc est aut ad cursum instigat aut nomine appellat, neque *clarus* quomodo dicatur intellego: ipse enim

cum *clarum* esse vult 'undique e longinquo *audiendum*', feras decursum aquae, qui vix audiri potest, frustra clare audire iubet. nihilo minus hic factum est id quod dicitur, mutuum muli: nam Orellius editione altera 'bonam Forb coni.' quam dicit 'recepit'. nos autem videamus potius de analogia. verbum est antiqui iuris publici *clarigare*: id qui saepius facit, CLARIGITAT: nam quod libri nostri *c* litteram pro *g* exhibent, attentos horum commentariorum lectores morari non debet. itaque *clarigare* et *clarigare* tam recte dicuntur quam *gnarigare purigare* (sic Varro rerum rusticarum II, 4, 14) *purgitare fumigare remigare mitigare levigare litigare iurgare obiurgitare navigare*. *clarigationem* autem rerum repetitionem esse satis constat. itaque legatus cum *clarigatum* capite velato filo mittebatur, illos homines illasque res dedier exposcebat. item, quod est apud Livium in VIII, 14, Veliterni quo tempore iussi erant trans Tiberim habitare, eius qui cis Tiberim deprehensus et captus esset usque ad mille pondo assum erat *clarigatio*, id est repetitio; quod aes scilicet ab ipso vel a re publica Veliternorum solveretur. ad hoc exemplum (nam *clarigari aliquis* potest, quoniam *alicuius clarigatio* est) poeta dicit flumen feras e montibus, in quibus ad pabula quaerenda evagantur, quasi *clarigare*, hoc est semper repetere et recolligere, quoniam propter sitim se ad aquam recipere coguntur.

948. DENIQUE, NOTA VAGIS, SILVESTRIA TEMPLA TENEbant NYMPHARUM. Sententiam pervertit Marullus scribendo *noctivagi*: hoc tamen ille Wakefieldo rectius sensit, nympharum domos inepte et praeter rem dici notas esse solere hominibus circum vagantibus. sed satis est scribere VAGI, ut ipsi illi primi mortales indicentur.

949. QUIBUS E SCIBANT UMORE FLUENTA LUBRICA PROLUVIAE LARGA LAVERE UMIDA SAXA. Ita membranae, quibus *escibant*; quod cum Havercampus recte rettulisset, tamen nemo vidit litteris diiunctis scribendum esse quibus *e scibant*. olim impressi *aestibant*, Itali *exibant*, Wakefieldus *excibant*. sed *fluenta* putide ac perverse dicuntur *umore lubrica*: itaque Wakefieldus a Bentleio debuit accipere UMORI' *fluenta*, quo se homo mirus nihil umquam infelicius vidisse narrat. deinceps apud Nonium p. 504, 8 paulo rectius scriptum extat *proluvie*.

953. SCRIBANT. 959. SCIEBANT. Itali utrobique SCIBANT. at Wakefieldus, poëtam non patiens tam pure quam solet loqui, altero loco scripsit *scierant*.

962. LUGEBAT CORPORA. Quadratus *lucebat*. Itali et Brixienſis editor IUNGEBAT.

969. 970. SAETIGERISQUE PARES SUBUS SILVESTRIA MEMBRA NUDABANT TERRAE, NOCTURNO TEMPORE CAPTI. Hic omnia mira sunt. primum Itali, ne versus labaret, scripserunt *suibus*. at poëta in VI, 974 977 ita non dixit, sed *subus* utraque brevi. cur igitur hic non scripsit *Saetigerisque subus similes*? quia tota haec hominum cum suibus collatio inepta est. considera enim hanc perversam sententiarum compagem. 'feras multas' inquit 'vincebant, paucas latebris abditi vitabant, et saetigeris suibus pares humi abiecti nudabant membra.' *nudabant* vero? qui ne pellibus quidem uterentur. sed hoc incommodum Lambinus levavit recte scribendo *silvestria membra Nuda* DABANT terrae. manet tamen vel sic illud obtusum et plumbeum acumen, quod est in hominibus cum suibus comparandis. ergo in latebris illi, feris quas vitaverant ipsi similes, nudi prosternebantur. ut laterent, puto. immo *nocturno tempore capti*: hoc enim adicitur. atque eadem nocte illi *suibus pares* domo saxeae eiciuntur *Spumigeri suis adventu validive leonis*. non potuit bonus et in arte perfectus poëta haec tam stulte coniungere. 'raro latebris vitabant feras, et suibus similes nudi et frondibus involuti iacebant nocte capti, saepe tamen suis aut leonis adventu saxeis tectis excedere cogeantur.' iam vero illud *subus pares* alio referre temptemus, scilicet ad vires et fortitudinem primorum mortalium: statim omnia rectissime procedent hoc modo. 'multas feras vincebant, paucas vitabant, cum ne saetigeris suibus quidem *et leonibus* impares essent. cum autem nox ingruerat, in cavis nudi procumbebant, donec suis aut leonis metu exterrerentur cavernis et cubilibus.' haec, inquam, bene procedunt, sed apparet orationem mancā esse: desunt enim ea quae alio scripturae genere notavi, *et leonibus, deinde autem in cavernis*. porro quonam in loco haec carmina damnum fecerint ostendit ille unius syllabae defectus post *pares subus*. neque vero deest aliud perturbationis indicium: nam post sex versus loco alieno leguntur haec,

975. MISSILIBUS SAXIS ET MAGNO PONDERE CLAVAE, quae Marullus posuit post illum versum, *Sponte sua sibi quisque valere et vivere doctus* 961, Avantius paulo commodius post illa, *Consectabantur silvestria saecla ferarum*. nunc vera defectus sede intellecta ita potius dicemus, et hunc versum *Missilibus*, eoque fortasse plures, et certe duos praeterea dimidiatos, cum casu excidissent, in inferiore paginae margine adscriptos eum a quo codicum nostrorum archetypum factum est ex parte fefellisse, ut illa versuum frustra omitteret, hunc autem, qui integer esset, non suo loco scriberet. itaque haec res ut apertior fiat, non ut cum Lucretio, summo versuum artifice, de victoria contendam, defectum supplere conabor. haec igitur, si non aptissima, saltem brevissima et ad rem maxime necessaria esse puto. *Multaque vincebant, vitabant pauca latebris, Saetigerisque pares subus ardorque leonum Missilibus saxis et magno pondere clavae. Inde cavis temere abiecti silvestria membra Nuda dabant terrae, nocturno tempore capti, Circum se foliis ac frondibus involventes.*

973. QUAREBANT PARVIDI. Antiquissimi correctores PAVIDI.

976. DUM ROTEAE FACE. Itali et Brixienensis editor ROSEA.

977. APERVIS QUOD ENIM. Corrector quadrati, item Itali et impressi, A PARVIS.

984. ELECTIQUE DOMO. Oblongus cum Veronensi editione *Et lectique*, Itali et Brixienensis EIECTIQUE.

985. SPUMIGERI SUIS ADVENTU VALIDIQUE LEONIS. Immo *validive leonis*. in IV, 1016 *pantherae morsu saevive leonis*.

989. DULCIA LINQUEBANT LAMENTIS LUMINA VITAE. Alienissimum est *lamentis*, cum de mortium multitudine agendum sit. Muretus egregie *labentis lumina vitae*. Vergilii illa nota sunt, *tot iam labentibus annis, veniet lustris labentibus aetas*. Manilius II, 885 *Labentemque diem vitae tremulamque senectam*.

992. GEMITUS. Corrector oblongi GEMITU.

993. VIVA VIDENS VINO SEPELIRI VISCERA BUSTO. Itali et impressi *vivo busto. viscera* autem hic non carnem dicit, sed intimas corporis non modo in uno alterove membro adesi partes. simillimo modo *viscera* in Tuscul. II, 34 dici

Davisius intellegere poterat, si Ciceronem versu tragico usum esse animadvertisset. *Spartae vero pueri ad aram sic verberibus accipiuntur, Ut miltus e visceribus sanguis exeat.*

995. SUPER VICERAT TETRA. Corrector oblongi *viscera*: ULCERA Itali et impressi.

996. ACCIBUNT VOCIBUS. Corrector oblongi ACCIBANT.

997. DENIQUE EOS VITA PRIVARANT VERMINA SAEVA. Marullus *Donec privarant*, Lambinus *Donicum privarant*. debebant scribere DONIQUE. *Donicum privarunt* nullo auctore Creechius.

1001. AEQUORA LIDEBANT NAVIS AD SAXA VIROSQUE. Corrector oblongi *ledebant*. hoc secuti sunt postea Itali et auctores editionum omnes: unus N. Heinsius in adversariis p. 118 'scripti codices *lidebant*'; cui fidem habere Wakefieldus noluit, scilicet quia Havercampi stupor id praetermiserat. iam *laedi* naves virique *ad saxa* ridicule dicuntur; nisi quod plerique Horatio idem ioculare dicendi genus adscribunt, *pendulum zona collum laedere*, carminum III, 27, 60. *lidere* autem sine praepositione Latinum vocabulum esse non facile doceri poterit: nam onomastici Latinograeci, e quo Labbaeus habet p. 107 *lido* *ἡρώω*, tanta auctoritas esse non debet ut ex eo scriptoribus optimis et antiquissimis vocabula inaudita adfingamus. quam ob rem neque Otfrido Mül-lero assentior in Atilii versu, qui extat apud Varronem de lingua Latina VII p. 367, tuenti *Cape, caede, lide, come, conde*; ubi rectius alii *Lyde*; neque Scaligerum audiendum puto, qui in Diris 169, ubi erat *ludere*, voluit scribi *lidere*; in quibus versibus nihil probabile effecit Näkius; mihi aptissima videntur haec, *Et mare cum (libri mecum) tenero gavisa est laedere in herba Purpureos flores, quos insuper accumbebat, Bracchia formoso subponens Cypria collo*. itaque in versu nostro mihi vix dubitandum videtur quin Lucretius scripserit FLIGEBANT. *figi* Attium dixisse constat: *flictū* est apud Vergilium et alios, *flictus navium* fuit in Teucro Pacuvii.

1002. NEC TEMERE IN CASSUM FRUSTRA MARE — SAEVIDAT LEVITERQUE MINAS POTEBAS INANIS. *Quadratus in annis*. SAEVIBAT Itali et Brixiensis editor, PONEBAT Marullus. *Nec* sententiam pervertit: Lambinus, *quamvis aliis adscribat*, primus fecit *Sed*. aptissimum et le-

nissimum est Hic, ut in v, 432 III, 1023. versum proximum *Nec poterat* exhibet commentator Veronensis Vergilii ad Aen. II, 90, si recte iudicat H. Keilius, ut dixi II, 559.

1006. IMPROBA NAVIGII RATIO TUM CAECA IACEBAT. De hoc versu optime disputavit Alexander Theodorus Sverdsiö in Vindiciis praecepti Bentleiani p. 39, quem libellum Rigae edidit anno 1832. hic quas rationes attulit, quibus hunc versum Lucretii esse non posse ostenderet, eas et repetere et augere mei officii esse duco. primum igitur haec ordinem et cohaerentiam sententiarum perturbant, nisi certè aliquo vinculo cum cetera oratione conectantur. itaque si e libris olim impressis scribemus *cum caeca iacebat*, haec supervacanea reddemus tolerabiliora. deinde scire velim quo sensu navigatio hic *improba* dicatur: potest enim *improbum* esse aut immane, ut apud Silium in XIII, 761 in his, *vectatque capaci Agmina mole Charon, et sufficit improba puppis*, aut vile et contemptum, ut Lucilius *Omnes formosi fortes tibi, ego improbus*, aut denique scelerosum et audax; quorum siquid aut in nautas aut in naves cadit, certe a *ratione* atque inventione navigandi alienum est. nam Horatius cum *impias* dixit *rates*, non tamen *improbas* dixit, et impietatis modum taceri posse non putavit, sed addidit eas *vada non tangenda transilire*. non ita infantem novi Lucretium, ut credam eum haec tam concise et imperfecte elaturum fuisse. tum *navigii* nec forma grammatica nec significatio tam antiquo poëtae convenit; quorum utrumque is quem dixi vir doctissimus accurate exposuit. qui quod I. F. Gronovii in ecclesiasticis observatione utitur, qua is p. 272 Cervidium Scaevolam primum Marci imperatoris aetate *navigii* vocabulo in l. 122 §. 1 D. de v. o. XLV, 1 pro navigatione usum esse dicit (nam de Edicto Ulpianus fallitur et se recte corrigit in l. 1 §. 14 D. de flumin. XLIII, 12), nos eundem illum Lucretianae artis aemulum lectorem, cui hic versus adscribendus est, iam aliquotiens poësis antiquae, quam adfectabat, non satis gnarumprehendimus, velut cum dixit *qua propter pro igitur* I, 334, *intactus* recto casu et *aquai* dandi I, 454, *alioqui* III, 415, *simulacra geruntur* III, 433, *sentire sonare* IV, 229. haec igitur, ut dixi, Sverdsiövus illis prudentius tractavit, qui una vel altera littera immutata se hoc poëta dignum versiculum pro-cudere posse existimarunt, si modo illud infaustum *ii* devi-

tassent. quanto rectius erat aut cetera argumenta considerare aut illud ipsum *ii* quibus finibus contineretur denuo quaerere ! mihi paucula delibare libet, ne nimis excurram. primum Propertius non modo distractis syllabis in genetivo substantivorum casu primus, sed etiam disyllabo a recto tribrevi solus usus est, cum dixit *arma Mari* et *bene facta Mari*, *Tunc animi venere Deci*, *contudit arma Tati*, item *hasta Tati* et *ora Tati*. hoc enim nullus ceterorum imitatus est, nec facile adducor ut credam Ovidium semel *Tati* scripsisse in fastorum I, 260. in versibus scaenicis veteres his disyllabis usi sunt, sed paucissimis, *preti viti* (non *geni lani foli soli spoli gladi studi*), et post Vergilium nemo, cuius est in Sabino *volantis impetum cisi*: Phaedrus et Seneca *pretii senii*. at in versibus hexametris diversa est observatio. in Moreto, quod carmen Vergilianis aetate par esse existimo, 89 *Inde comas apii graciles*, ipse Vergilius in Aeneidos III, 702 *Inmanisque Gela fluvii cognomine dicta*: de hoc enim versu, quem Silius XIV, 218 et Claudianus de raptu Pros. II, 58 imitati sunt, Wagnesium rectius in commentariis ad librum III iudicare censeo quam ad IX, 151, neque praetereundum est poetam, cum dicit *campique Geloi*, *Gela*, Homeri illa exprimere, quae sunt in β Iliados 711, *παρὰ Βοιβηίδα λίμνην, Βοίβην καὶ Γλαφύρας*. ante huius tempora Attius maluit *fluviae* in Oenomao, apud Nonium p. 73, 25. sed ut Vergilius, ita Gratius 18 38 *Latii*, *spatii* Germanicus 531, in plurium syllabarum vocabulis diducta genetivi forma non usi. quamquam haec fere adiectiva sunt, certe *Latium*, itemque, nisi fallor, ea quae incerto sexu sunt, *apium apius*, *fluvius fluvia*: in adiectivis autem genetivus brevior locum non habet, et observavit Hauptius ita Catullum dixisse gignendi casu *o mihi nuntii beati* 9, 5, neque quemquam *nunti*, quamvis Ciceronis sint *aquari* et *sagittari*. manet tamen *spatii*; quod si antiqui usus est, Horatius quoque et *Caprii* prima correpta et eadem producta *Capri* dixisse aut arbitrium lectorum fecisse potuit. sed ad Propertium redibo, quem minime novatorem fuisse solus, puto, Forbiger sibi persuasit: certe nemo ante hunc longius ab antiqua castitate sermonis recessit. itaque Germanicus quidem in hac re veterem consuetudinem sequitur, item Manilius, laudator Pisonis Calpurnius, Persius: contra primi, ut a Bentleio recte observatum est, Propertius et Ovidius

locuti sunt novo more, postque eos Phaedrus *iurgii*, *luscini*, Columella in x, 182 356 *Caecilii* et *marrubii*. minus certum, puto, in Priapeo 50 *supercilii*, ubi ablativo pariter locus est: Dirae, Moretum, Gratius, epitome Iliados, Ciris, Culex, neutri parti favent. tenent novum morem Seneca, Lucanus, Petronius, Valerius Flaccus, Statius, Silius, Martialis, Iuvenalis. Propertius vero adiectivum quoque nomen breviori illa genetivi inflexione extulit, sed unum, *Nunc Iovis incipiam causas aperire Feretri*, et *Hinc Feretri dicta est ara superba Iovis*. idem qui praeter hunc ausi sint, Iuvenalem invenio, cuius est in satira vi, 385 *nominis Appi*, et Senecam, qui scripsit in Hippolyto 1022 *numen Epidauri dei*, nam fuisse qui *Satyri Tarenti* in georgicis Vergilii ii, 197 et *scopulis sardior Icar*, quod est apud Horatium carm. iii, 7, 21, ita acciperent quasi essent *Satyr* et *Icar*, neque credibile est neque dignum memoria. nuper tamen homo quidam doctus *comici versum* quem dicit Plinius in naturalis historiae xiv, 14, 16, pro Luciliano hexametro venditavit nimis secure ita scriptum, *Quinque Thasi vini depromam, bina Falerni*. mihi certum videtur Plinium hunc versum referre ad tempora Sullana: ceterum copias Siligii expectandas censeo, nec possum dicere quam vere scribendum coniecerim *Quin Thasii vini dena promam, bina Falerni dolia*. porro substantivorum Graecorum genetivos in vocalem *i* simplicem exeuntes non nulli probarunt, ita tamen si ante eam plures morae essent, non una tantum: nam Priscianus imperitissime in Aeneidos i, 222 *Fata Lyci* interpretatur *Lycii*, p. 946, et dixit *Bromii* tribus syllabis Varro apud Nonium p. 71, 18, *Defrondem, Bromii autumnitatis uvidam*, nisi tamen id nomen potius adiectivum est. sic igitur Plautus *Talthybi* in Stichos ii, 2, 33, *gymnasi* in Bacchisin iii, 3, 21, Lucretius *Aegi, absinthi, centauri, conchyli*, Catullus *Pelei* montis, *conchyli*, *gymnasi*, Ovidius semel *Rhegi* metam. xiv, 5, *Aconti* in Priapeo xvi, *balausti* Columella in x, 297, Statius Theb. xi, 636 *Lai*, quod vitiose scribitur *Laii*. Horatius ad hunc modum dixit *Libros Panaeti et Dionysi filius*: de hoc enim Bentley sententiam probabit qui ea consideraverit quae Carolus Keilius in specimine onomatologi Graeci, Lipsiae anno 1840 edito, disputavit p. 24, nec facile quemquam *Dionysus* Trimalchionis servus aliorum trahet. sed longe maxima pars poetarum hac forma

Latina in Graecis abstinuit, credo quod iis illud *i*, quod est ante notam casus, Graecum videbatur, ut more Latino praeteriri non posset. quare facile credo Ennium dixisse *Brundisii* sive *Brentesii sargus* apud Apuleium de magia p. 487 Oud., et Manilium in II, 740 *Dodecatemorii*, neque aut Vergilio eripiendum esse *Palladii*, quod est in IX Aen. 151, aut Terentio *Rus Sunii ecquod habeam* Eun. III, 3, 13. ceterum paulo curiosius quam Sverdsiövs fecit p. 66 docendum erat observationem Bentleii scriptura legum antiquarum usque ad Augusti principatus finem constanter et sine ulla exceptione confirmari. in Thoria legitur *iudici* 35, *aedifici* 99, in Servilia *consili* p. 68, in lege pagi Herculanei *Cn. Laetori*, in lege de Termesibus maioribus Pisides *portori* II, 34, in Rubria *municipi* I, 6, in Iulia municipali *municipi* 149 152 154 159, in lege fontanorum apud Marinum in Arvalibus p. 70 *huiusce conlegi*, in decreto Pisano *imperi* I, 9, *Gai et Luci* I, 38, *flli* II, 7. at Verrius Flaccus in fastis Praenestinis VIII k. Ian. *Tarvilii*: in Augusti rerum indice semel *congiari* III, 10, sed saepius alio modo, *divi Iulii* IV, 224 VI, 32, *collegi* IV, 37, *proell* IV, 43, quibus *i* binas significari haec docent, *auri coronari* IV, 26, *Iovis Feretri* IV, 5 VI, 31. nequis autem pinguiore *i* litterae sono *collegi proelj conubj* trisyllaba dicenda putet, quem admodum sane *conubio conubium conubia* dixerunt veteres per *i* consonantem, ad eam rationem *consilj* media longa foret: ea vero semper corripitur, et accentu solo *Valeri* vocandi et gignendi casus distabant Nigidio (sed Gellius in utroque mediam syllabam acuebat, XIII, 25), item Vergilius *Caeli spatium* in ecl. III, 105 non alio sono protulit quam si *caelum* dicere voluisset, Varro *Plautii* nomen non aliter dicebat quam *Plauti*. hunc enim de lingua Latina VIII p. 419 ita scripsisse puto (nam Ritschelii et Spengelii sententiae, quae expositae sunt in Parergis Plautinis p. 25, mihi non satis faciunt), *Dissimilia* (Florentinus *dissimile*) *Plautus et Plautius, et commune M.* (Flor. ut) *huius Plauti et Macchi* (Flor. *marci*); nisi quod hunc *Plautium* (sic enim iterum dicitur rerum rusticarum II, 5, 5) exempli causa *M. feci*, cuius verum praenomen ignoro: sed paulo post, p. 424, ubi perspicuum est scribendum esse *nunc ponam potissimum eam* (Flor. iam) *qua dividitur oratio secundum naturam in quattuor partis*, ibi in Florentino est *secunda ut naturam, ut pro m.* non aliter autem quam Vergilius

et Varro Lucilius; cuius haec sunt praecepta, *porro hoc, filii' Luci, Feceris i solum, ut Corneli Cornificique, item i si faci' solum, Pupilli, pueri, Lucili, hoc uniu' fiet*. quare non debemus credere Lucilium hos genetivos *i* duplici finiendos praecepisse, quamvis Caesellius Vindex quendam eius versiculum ita interpretari videatur apud Putschium p. 2318, quem in contrariam partem recte accipiunt Beda p. 2373 et Charisius p. 60. sed in Charisii codice quid sit, non a Lindemanno discendum est, sed ex H. Keilii in Catonem et Varronem observationibus p. 96. itaque grammaticum haec de Lucilio scripsisse certum est, *Numquam enim hoc intulisset, nisi et Numerium per i huius Numeri faciendum crederet*: Lucilii autem versum ad hunc fere modum cum cetera oratione coniunctum fuisse suspicor, [memento] *Servandi Numeri,* 'num-
erum ut servemu' modumque, [Dicimu': quod si alio pacto nomen paterentur Versus, dixissem 'servandum tute memento.']
 ceterum extremae ignorantiae est *pugnam Pompilii* Lucilio adfingere, quae debetur librariis Nonii p. 255, 15, cum apertum sit poetam scripsisse *Percrepa pugnam Popilli, facta Corneli cane*: nam M. Popillius Laenas proelio victus est a Numantinis anno ab urbe condita 616, bellum Africanus confecit 621, et pertinent ad eundem locum hi versus, *Ut Romanus populus victus vi et superatus proeliis Saepe est multis, bello vero numquam, in quo sunt omnia, itemque hi, Contra flagitium nostrae re* (apud Nonium p. 186, 30 nescire) *bello vinci a barbaro, Viriatho, Hannibale*. denique Italorum sermonis in re cum his genetivis coniunctissima similis quaedam vicissitudo praetermittenda non fuit. horum enim plerique hodie, cum *studium* plurali numero efferunt, ita locuntur ut se verum sonum non expressuros putent, nisi aut *studj* aut *studii* scripserint: contra veteres scripserunt *studi*, neque videntur illum pinguiorem sonum audisse. certe Petrarcha in sonetto 166 hoc medium collocat inter alia quae vocalem extenuatam habent, *chiudi* (hoc est *claudis*) *studi crudi ignudi*. idem in triumpho mortis I, 62 paria ponit *tu guidi, ti fidi, molti fastidi*, ut hodierno more *fastidj* dici non debeat. similiter Dantes in Paradiso VI, 47 *Deci e Fabi, Arabi, tu labi, non Fabj*. idem *tripudi*, non *tripudj*, in eadem carminis parte XXVIII, 124, scilicet coniunctum cum tenuioribus *virtudi* et *ludi*.

1007. LETO MEMBRA DAEANT. Oblongus *laeto Membra deant*. Itali DABAT.

1009. ILLI PRUDENTES IPSI SIBI SAEPE VENENUM VERGEBANT, NUDANT SOLLERTIUS IPSI. *Quadratus solertius*. ita oblongus *solemni* I, 90 et *solemnia* V, 1163. *Illi IMPRUDENTES Marullus*. idem *nunc dant aliis*, Antonius Marii *nunc dant letum*, Brixienſis editor et *nudabant*. Marulianum plerique omnes probarunt, in quo *ipsi* nocet sententiae. non potest hoc non coniunctum esse cum illis quae praecesserunt, *nunc rerum copia mersat*: itaque de luxuria aptissimum est NUNC SE perdunt, spoliant, NUDANT, *sollertius ipsi*. Horatii est *quos praeceps alea nudat*.

1011. INDE CASSAS POST QUAM AC PELLUS. Olim impressi CASAS ac PELLAS. Antonius Marii *pelvis*.

1012. ET MULIER CONIUNCTA VIRO CONCESSIT IN UNUM COGNITA SUNT. Immo CONUBIUM. paene irascor Marullo, qui hoc non viderit ac maluerit totum versum inserere hoc modo, *Castaque privatae Veneris connubia laeta*. hunc primus Avantiſ, deinde omnes secuti sunt.

1016. FERRI. Itali et Marullus FERRE.

1019. TUNC ET AMICITIEM COEPERUNT IUNGERE AVENTES FINITIMI INTER SE NEC LAEDERE NEC VIOLARE. *Amicitiam* oblongus, 'veteri dignitate', ut dicit Plinius apud Charisium p. 94: *quadratus amicitiam*. corrector oblongi et olim impressi *habentes*: deinde *quadratus Finitimi*, oblongus et Veronensis editio *Finitim*. hinc Antonius Marii *habentes Finitum*, Brixienſis *habentes Finitima*. recte probarunt *aves Finitimi* Marullus et Turnebus adversariorum xxx, 22: sed iidem, quod valde miror, non viderunt scribendum esse *aves inter se nec laedere nec violari*. hoc res postulat, et perpetuo ita locutus est Epicurus in expositione iusti; velut in his, quae habet Laërtius Diogenes in libro x, 150. *Ὁὐκ ἦν τι καὶ ἑαυτὸ δικαιοσίνῃ, ἀλλ' ἐν ταῖς μετ' ἀλλήλων συστροφαῖς καὶ ὀπηλικουσδήποτε ἀεὶ τόπους συνθήκη τις ὑπὲρ τοῦ μὴ βλάπτειν μηδὲ βλάπτεσθαι*. at Wakefield cum suis ineptissime *habentes*, 'i. e. habitantes' inquit, *Finitumei*: nemo enim hoc modo *habere* dicitur nisi addita significatione loci, ubi possideat.

1023. ESSE AECUM MISERERIER OMNI. Sic libri, 'ele-

ganter' Wakefieldo iudice 'et expeditâ de constructione.' recte Marullus OMNEIS.

1025. SED BONA MAGNAQUE PARS SERVABAT FOEDERA CASTI. Hoc quoque quis credat Wakefieldo pulchrum videri? Marullus de coniectura *servabant*, male: nam Lucretius in hoc genere plurali numero non utitur. II, 1017 *multo maxima pars est Consimilis*. IV, 464 *pars horum maxima fallit*. recte Antonius Marii filius *servabat foedera CASTE*.

1032. MONSTRET. Marullus MONSTRENT.

1033. SENTIT ENIM VIS QUISQUE SUAM QUOD POSSIT ABUTI. Olim impressi et Avantiſ vim *quisque suam*. tum idem Avantiſ *quam possit abuti*. verius, nisi fallor, Lambinus hic ut in II, 850 *quo ad possit abuti*, id est qua tenus. in II, 248 *quod cernere possis ferri potest*, sed bonus interpres dicet *quo ad*, non ut Creechius *et hoc ipsi oculi demonstrant*. *quod* pro *quo ad* scriptum est in Varronis rerum rusticarum I, 37, 1, *quod ad* in II, 2, 17. de qua *ad* Victorius dixit ad librum I, 1, 2 et maiore cum cura H. Keilius in observationibus p. 39. hoc homines doctissimi in VII de lingua Latina p. 288 non animadverterunt, ubi est *quaqua intuiti erant* (sic recte Schoppius) *oculi*, a *tuendo primo templum dictum*; *quocirca caelum*, *qua at tuimur*, *dictum templum*.

1035. ATQUE INFESSUS INURGET. In quadrato librarius primum scripserat *infestus*, sed fecit ipse *infessus*. Itali olim et Marullus *infestus*, Brixienſis editio *infensus*, Avantiſ *infensus*. INFESTUS propterea praefero, quod Lucretius hoc vocabulo saepe usus est, *infensum* autem numquam dixit. verſum proximum Nonius p. 457, 16 totum apponit, Isidorus orig. XII, 2, 6 dimidiatum.

1038. VIX TIAM CUM SUNT. Ita quadratus: oblongus et olim impressi *Vix iam*. Marullus *Vix ETIAM*.

1039. ALITUM PROPORRO GENUS ALIS OMNE VIDEMUS. Apud Nonium p. 74, 18 *Tum porro genus omne videmus*. recte Marullus *Alitum* PORRO *genus*. hoc malo quam *Alitum* *proporro* *alis* *genus*, quia *proporro*, ut dixi ad verſum 311, ceteris locis alia ſignificatione positum est.

1040. A PINNIS. Oblongus et Nonius *a pennis*. in VI, 834 *pinnarum* oblongus, quadratus *pennarum*. ceteris locis codices nostri in formam alterutram consentiunt.

1048. UTILITAS, ET UNDE. 1049. FACERE UT SCIRET

ANIMOQUE VIDERET. Marullus *unde insita notities est UTILITATIS?* tum Avantius optime, sed ipse non intellegens et ab alio furatus, qui *Utilitas etiam male scripsisset* (dedit enim *utilitatis: etiam unde*), *unde data est huic prima potestas Quid vellet facere ut SCIRENT animoque VIDERENT?* scilicet potestas faciendi ut scirent quid vellet. ceterum poëta hoc versu iterum usus est in hoc libro 183, sed oratione aliter structa, *Notities hominum dis unde est insita primum, Quid vellet facere ut scirent animoque viderent.* ita in VI, 200 est *Quaerentesque viam circum versantur et ignis Semina convolvunt:* at in V, 520 *ignes sive ignis accusandi casu, Quaerentesque viam circum versantur et ignes Passim per caeli volvunt immania templa.* idem observare licet in versu 211 et 212 libri primi, si conferantur cum 210 et 211 quinti.

1052. NEC RATIONE DOCERE ULLA SUADEREQUE SURDES QUID SIT OPUS FACTO. FACILE SI NEQUE ENIM PATERENTUR. Brixiensis editor SURDIS. tum Marullus *faciles neque enim paterentur.* sed Lambinus recte sensit, si haec ad *Non poterat*, quod praecessit, referrentur, scribendum esse *Quid facto esset opus.* at idem si animadvertisset poëtas vetustos ante Catullum *neque* aliis vocabulis non subiunxisse, facile intellegere potuit quod ceteros fugisse non miror, legendum esse *Nec ratione docere ulla suadereque surdis Quid sit opus facto FACILEST.*

1055. VOCIS INAUDITOS SONITU SUBTUNDERE. Corrector oblongi SONITUS OBTUNDERE.

1058. VARIAS RES VOCE NOTARET. Bentleius VARIA; cui Wakefieldus obloquitur, me iudice absurde, Forbigerō recte.

1062. QUIPPE ETENIM LICET IN REBUS COGNOSCERE APERTIS. Verum est quod Gifanius 'in quibusdam codicibus' esse dicit, *licet* ID. Lambinus sine auctore *id licet e rebus.*

1063. CUM PRIMUM MAGNA MOLOSSUM MOLLIA RICTA PREMUNT. Apud Nonium p. 221, 18 *tremunt:* Marullus FREMUNT. sed *magna mollia ricta* sine ulla vi dicuntur nimis incondite: aptius est INMANE *Mollia ricta fremunt.*

1065. LONGE ALIA SONITU RABIE STRICTA MINATUR. Itali et Marullus *Longe alio sonitu.* deinde iidem *rabies districta minatur*, quod rei contrarium est. multo melius

Naugerius *rabie distracta minantur*. et MINANTUR quidem sine dubitatione scribendum est, ut ad *ricta*, hoc est ora sive labia canum, referatur: sed ea ut nudatis dentibus distrahi ac distorqueri possunt dici, ita non minus retrahi et restringi; ut litterulas elapsas revocare liceat ita, *rabie RESTRICTA minantur*. quod vero Plautus *dentes restringi* dixit, per insitam praepositioni ambiguitatem efficitur: *restringitur* enim tam quod nudatur quam quod retrahitur.

1067. AT CATULOS. Immo ET: pergit enim iisdem canibus alios atque alios vocum sonos adscribere. paulo post versu 1083 recte scriptum est *Et*.

1068. AUT UBI EOS LACTANT PEDIBUS MORSUQUE POTENTES SUSPENSIS TENEROS IMITANTUR DENTIBUS HAUSTUS. Oblongus *imittantur*, quadratus *austus*. in ceteris *lactant* et *morsuque potentes* inepte tuetur Wakefieldus: recte IACTANT Naugerius, *morsuque* PETENTES Itali et olim impressi. in versu altero recte Tanaquil Faber animadvertit canes, cum se catulos rictu hausturos fingant, non *teneros haustus* imitari, sed veros: non tamen, quod ille voluit *veros haustus* scribendum est, sed *Suspensis teneros* MINITANTUR *dentibus haustus*.

1070. GANNITU VOCIS. Sic quadratus et Nonius p. 450, 9: *cannitu* oblongus et olim impressi, *cannit* Nonius p. 17, 10.

1071. DESERTIBUS AUBANTUR. Nonius p. 80, 31 DESERTI BAUBANTUR. idem omnes pro *aut cum*.

1072. FLORANTIS FUGIUNT. Corrector oblongi PLO-RANTIS.

1076. ET FREMITUM PATULIS SUB NARIBUS EDIT AD ARMA. Hoc turpe et obscenum dicendi genus (nam *ad arma* intellegi debet *ad Venerem*) Forbigero nihil habere videtur in quo possimus offendere. Marullus et Wakefieldus, hoc versu post *Et cum sic alias concussis artubus hinnit* collocato, equum in bellum proruere gestientem elatis naribus nullum alium nisi vulgarem hinnitum edere faciunt. tamne difficile fuit videre hic tria membra orationis esse debere, ut tria hinnitus genera significarentur? Creechius in paraphrasi recte *vel cum*. scilicet scribendum est *Et fremitum patulis UBI naribus edit ad arma*. in III, 798 quadratus *corpus sub interiit*, pro *ubi*.

1077. CONCUSSIS ARTIBUS. Itali et impressi *artubus*,

quod membranae exhibent in 1, 260 III, 7 620 644 IV, 632. Scaurus de orthographia p. 2259 *Artibus autem et artubus quidam variaverunt, et per i quidem dativo et ablativo plurali scribi putaverunt quotiens ab arte descenderet, ut sit ars artis artibus, artubus autem per u quotiens ab eo quod esset artus. unde apud Lucretium (1, 260) legunt 'hinc nova proles Artubus infirmis teneras lasciva per herbas.'* ipse Scaurus mavult scribi *artibus*, neque aliter Velius Longus p. 2229, ubi est *arcus* pro *artus*.

1082. ET QUOM DE VICTU CERTANT PREDATAQUE REPUGNANT. Oblongus *quom*, eiusdem corrector *cum*, quadratus *quo in*. deinde quadratus *cernant*. tum quod. Avantius dedit egregium est, PRAEDAEQUE repugnant, velut angui capto: corrector oblongi, Itali, Marullus, Lambinus, ceteri, *praedaeque*, absurde.

1084. CORNICUM ET SAECLA VETUSTA CORBORUMQUE GREGIS. Et deleverunt Itali et Marullus: Nangerius UT. tum oblongus *grecis*: eius corrector GREGES.

1087. VARIIS SENSUS. Corrector oblongi VARIII.

1088. MULTA TAMEN CUM SINT. Itali et Marullus MUTA.

1090. ALIA RE VOCE. Itali et impressi RES.

1091—1160. ILLUD IN HIS REBUS. In huius libri prohoemio poeta, ubi singulas partes promittit, 73 a loquella ad metum decorum transit, quae quodam naturali vinculo inter se coniuncta sunt. hic vero admodum mire his interiecta est primum origo ignis, quem iam supra 1011 paratum fuisse dixerat, ut quaerendum sit cur unde is ortus fuerit non ante linguae sonos et rerum vocabula exposuerit: tum porro agit de regibus, de populari imperio, de magistratibus et iure; post quae longo intervallo 1361 sationem et culturam terrae commemorat, et postremo 1440 tures et agros divisos, cum 1108 iandudum reges sibi arces condidisse et terram divisisse dixisset. haec qui recte consideraverit, de hac tota carminis parte concedet, eam non posse a poeta eodem tempore compositam esse quo cetera scripserit.

1093. DIDITUR ARDOR. Sic oblongus: quadratus *diditus*.

1094. MULTA VIDEMUS ENIM CAELESTIBUS INSITA FLAMMIS FULGERE, CUM CAELI DONAVIT PLAGA VAPO-
RIS. Apud Nonium p. 506, 15 *Multa vidimus et plaga vare*.

quorum hoc postremum paulo rectius est quam *vaporis*: debet enim esse *cum caeli donavit plaga* VAPORE, scilicet illas multas res. ita in II, 73 *augmine donat*, et in hoc libro 1215 *divinitus aeterna donata salute*. nam caeli plagam, id est fulmen (pueriliter enim errant Creechius et Eichstadius, qui *regionem caeli* intellegunt), hominibus vapores donare absurdum est. hoc unus omnium Wakefieldus sensit (si tamen sensit), qui voluit *roravit*, 'sine causa' Forbigero iudice. sed idem Wakefieldus, quippe Latinae linguae ignarus, *multa flammis insita* (sic libri et Nonius) recte dici defendit: esse enim 'conspersa seminibus flammarum.' hunc quoque inscitia vincere non frustra adniscus Orellius, ea quae *flammis caelestibus insita* fulgeant, dixit esse 'quibus *insita* sint, in quibus abscondantur semina flammarum caelestium, aetheris scil. particulae.' caeteri cum Marullo *incita*, id est pulsa et commota; quod neque ipsum rei convenit, neque Creechius recte interpretatur *accensa*. scribendum est *caelestibus* INLITA *flammis*, id est adpersa et contacta.

1096. UT RAMOSA TAMEN. Marullus ET. supra 768 *Et tamen ipsa suo si fulgit luna nitore*.

1097. AESTUA IN RAMOS INCUMBENS ARDORIS ARBOR. Itali et olim impressi AESTUAT et ARBORIS, sed iidem *ardor*.

1099. EMICAT INTER DUM. Marullus ET *micat*.

1101. IGNE. Corrector oblongi IGNEM.

1102. INDE CIBUM QUOQ; UERE. Quadratus *coquere*. eodem errore supra 1071 in archetypo fuit aut esse visum est DESERTIB. AUBANTUR, unde natum est in nostris *desertibus aubantur*, item in VI, 1240 POENIB. AT, in I, 690, IQ. NEM pro IGNEM. in VI, 538 quadratus *multosq. uelacus*. idem in V, 654 *Autque via pro Aut quia*. e contrario *quamquidemus* in II, 68 et *quamque demus* I, 562, quadratus I, 718 *acfractibaequor*, VI, 592 *frigus-quaposque*, uterque IV, 351 *Obsidit quia*.

1105. INQUE DIES MAGIS INVICTUM. Optime Nagearius *magis* HI *victum*. *invictum* igitur, quem ex *incultu* fingunt, relinquamus Forbigero eiusque auctori quem non novi. dixi de hoc vocabulorum genere ad librum I, 455.

1106. NOVIS MONSTRABANT REBUS ET IGNI. Wakefieldus 'per ignem ad alias atque alias res novis experimentis indies admotum'. egregie vero: per ignem *Condere coeperunt*

urbes arcemque locare . scribendum est victum vitamque priorem Commutare novis monstrabant rebus BENIGNI.

1110. ET PECUDES ATQUE AGROS DIVISERATQUE DEDERE. Infra 1291 *Et PECUS atque agros adimebant*, ubi quadratus *pecudes*. hoc Itali si animadvertissent, non scripissent *Et pecudes et agros*. tum Marullus bene DIVISERE atque DEDERE.

1112. NAM FACIES MULTUM VALUIT, VIRESCQUE VIGEBANT. Hoc postremum e versu superiore 1107 irrepsit: evagatur enim extra sententiam. Faber *viresque vigentes*. mihi magis placet *viresque vigorque*. Ovidius metam. III, 492 *Nec vigor et vires et quae modo visa placebant*.

1116. ET PULCHRO CORPORE CERTI. Itali et impressi CRETII.

1121. FUNDAMENTO STABULI. Corrector oblongi STABILI.

1122. ET PLACIDA POSSUNT. Itali PLACIDAM POSSUNT.

1124. CERTANTESQUE INTER INFESTUM FECERE VIA. Itali ITER *viai*. QUE Marullus sustulit.

1126. IN TARTARA THETRA. Corrector oblongi TAE-TRA. in proximis uterque *Quam regere imperio res*: in quadrato corrector saeculo xv adscripsit *f supra p*. hoc non commemorarem, nisi Havercampus narrasset in utroque Leidensi esse *inferiores*.

1129. PROINDE SIDE IN CASSUM DEFESSI. Quadratus *Proinde fidei in cassum*, oblongus ante quam emendaretur *defessis*. SINE Itali et Marullus.

1130. AMBITIONES. Idem AMBITIONIS.

1133—1135. QUANDOQUIDEM SAPIUNT ALIENO EX ORE. Quinam? illi *Angustum per iter luctantes ambitionis*. hoc intellegi nequit, cum de effectu inepte interiecti sint duo versus, *Invidia quoniam ceu fulmine summa vaporant Plerumque et quae sunt aliis magis edita cumque*. rursum in his *quoniam* quo referatur non habet, nisi ei praemittatur illud *neque erit mox quam fuit ante*. sensit hanc rem Bentleius, qui volebat illos duo versus abesse, *Invidia quoniam, Plerumque*. sed ii traiciendi sunt.

1132. ALTIS MAGIS EDITA. Optime Lambinus ALIIS. Wakefieldus cum grege suo ad glandes rediit.

1141. RES TAQUE AD SUMMAM FAECEM TURBASQUE
CIDAT. Oblongus *fecem* et prima manu *recidit*. Itali re-
sime *Res* ITAQUE REDIBAT.

1142. IMPERIUM SIBI CUM AC SUMMATUM QUISQUE
TEBAT. Quadratus *Imperium si cum*, oblongus *cum hac*,
rector oblongi PETEBAT.

1143. DOCUERE RECREARE. Corrector oblongi CREARE.

1145. DEFESSUM VICERE AEVOM. Quadratus *vigere*,
rector oblongi *vincere*. Itali VI COLERE.

1147. ARTAQUE LURA. Quadratus *lusa*, corrector ob-
longi IURA.

1150. VI COLORE AEVOM. Idem corrector COLERE.

1152. CIRCUMRETIT ENIM IUS ATQUE INIURIAM QUEM-
RE. Quadratus *Circumrecit*: INIURIA corrector oblongi.
li VIS.

1159. DILIRANTES. Sic uterque. Antonius Marii *dele-*
ntes. in III, 777 oblongus *diridiculum*.

1160. ET CELATA IN MEDIUM ET PECCATA DEDISSE.
Marullus *et deleto Et celata diu in medium peccata dedisse*,
mod adversatur regulae ad librum III, 954 expositae. scribi
bet *Et celata MALA in medium et peccata dedisse*.

1172. PROPTERE QUOD. Primi correctores PROP-
REA.

1178. ILLA VI. Brixienensis editio et Marullus ULLA.

1184. ET VARIAS ANNORUM. Itali et Marullus VARIA.
eodem versu quadratus *tempore*.

1185. ID FIERENT. Itali et Marullus FIERET.

1189. PER CAELUM VOLVI QUIA NOX ET LUNA VIDE-
RE, LUNA, DIES, ET NOX ENOCTIS SIGNA SEVERA. In
s primum scribendum est *LUX et luna, Luna, dies et nox*:
um si poeta in utroque *ἐπανάληψιν* voluisset, debebat
ribere *nox et luna, Nox et luna, dies*; quibus non poterat
ibici id quod Itali et Brixienensis littera addita integrarunt,
r *noctis signa*. haec autem Lambinus recte fecit SERENA
r *severis*: cur enim stellae severae dicantur? *serena sidera*
unt in IV, 212.

1192. NUBILA, SOL, IMBRES, NIX, VENTI, FLUMINA,
RANDO. Quadratus *ventis*. FULMINA Itali et Brixienensis.
pra 675 *Fulmina postremo, nix, imbres, nubila, venti*.
ad Isidorus orig. I, 35, 13 mirum versum exhibet neque ullo

bono poeta dignum. *Schesis onomaton*, inquit, *multitudo nominum coniunctorum quodam ambitu copulata, ut Nubila, nix, grando, procellae, fulmina, venti*.

1198. NEC PIETAS ULLA VELATUMST. Apud Lactantium instit. II, 3, 11 *ulla est velatum*. idem mox *Vertere se ad lapidem atque omnes sive homines accedere ad aras, tum Et procumbere*.

1203. SED MAGE PLACATA. — MENTE. Marullus PACATA. hoc Lambinus, homo linguae Latinae peritus, probavit, sprexit cum Wakefieldo suo ille *venerabundae antiquitatis* (ita dicit p. CVII) auctor et vindex Eichstadius. neque iidem in Horatii epistularum primo 2, 45 ferunt *incultae pacantur vomere silvae*; quod qui defenderunt male explicarunt: *pacantur enim silvae*, cum ferae, ut aratro locus sit, vel fugantur vel trucidantur; quem admodum Manilius scripsit in IV, 182 *Et pacare metu silvas*, quod Huetius et Bentleius recte interpretati sunt, itemque Statius in Thebaidos IV, 250 de Atalanta *tum saltus forte remotos Pacabat cornu*. sed in eodem Manilii libro non capio illa 141, *Pacatique labor veniet*; ubi haud scio an cum Scaligero scribendum sit *simplicibus colonis Pacatisque*.

1208. ERIGER INFIT. Itali et impressi ERIGERE. in proximis libri veteres *Neque forte* 1209, *Ecquenam* 1212, *ecque sit* 1213.

1213. QUO AD MOENIA MUNDI ET TACITI MOTUS HUNC POSSINT FERRE LABOREM. Quadratus *quoa moenia*: idem *hinc*, sed (nequis Havercampo confidat) errore ab ipso librario agnito et *v* super scripta correcto. Avantius *Et tanti motus*: sed *moenia mundi et motus* absurde coniunguntur. item absurde Wakefieldus *laborem motus et taciti*, 'qui nempe, licet non cadat in observationem sensuum, necesse conterat atque labefactet tamen.' Bentleius eximie et vere SOLLICITI *motus*, ut in I, 343 et in VI, 1038.

1220. FULMINI HORRIBILI CUM PLAGA. *Fulmine* Antonius Marii et Veronensis editio, *Fulmine eum* Brixiensis: Marullus FULMINIS.

1221. MURMURE CAELUM. Corrector oblongi MURMURA.

1224. NEQUOD, OB ADMISSUM FOEDE DICTUMVE SUPERVE, POENARUM GRAVE SIT SOLVENDI TEMPUS AD-

AUCTUM. Ita haec interpungenda sunt contra mentem interpretum, qui ita acceperunt, quasi esset *Nequid*, *Nequod ob admissum foede*. itaque scribemus potius *Nequid*, si res postulabit; praesertim cum eo modo vel in publicis instrumentis peccatum esse videamus. certe in lege Iulia municipali 120 scriptum est *quemve kalumniae praevaricationis caussa accusasse fecisseve quod iudicatum est erit*, quod debet esse *fecisseve quid*: et ibidem 71 *neve eodem quod*, hoc est *quid*, *saep-tum clausumve habeto*. iam *aliquod solvendi tempus* si diceretur *adductum* esse, intellexerem: *adactum*, quod fecit Marullus, non capio, quia *adigere* aliud est quam adducere. *adauctum* nemo fuit qui tueretur: qui vero solvendi tempus *ad auctum* esse dixerunt (id est ad plenam maturitatem suam perductum, ut Wakefieldus) aut cum Brixienſi editione *ad actum* (id est proxime ante actum rerum et dies fastos, ut priore eclogarum editione Orellius), non videntur meminisse griphos et implicationes verborum ab huius poëtae ingenio alienas esse. ergo si vocabulum simplex et rei opportunum quaerendum est, mihi, ut *aetas adulta* dicitur, itemque *ver* et *aestas*, ita non minus proprie videtur dici posse *Poenarum grave solvendi tempus ADULTUM*, quando maturum et perfectum est. hoc autem si probamus, *Nequod* locum non habet, sed *NEQUID*.

1226. SUMMETIAM CUM VIS. Quadratus *Summet etiam*. Marullus *SUMMA*. versu proximo oblongus *clausis* pro *classis*.

1229. VOTIS ADITA PRECE QUESIT. Antonius Marii et Marullus *adit* ac *prece*. quadratus *praece*, quod frequentissimum scribendi genus est in libris nono saeculo antiquioribus, ut *praetium*, *praemere*, *graeges*, *haebes*, *adcaelerare*, *Paedianus*, *aepulari*, *caecidi*, *quaerella*, *vaepracula*, *interprietari*, *pietas*, *sociaetas*, item *plaenus*, *aliaenus*, *raeda*, *laenocinium*, *plaerumque*, quae indicio sunt haec vocabula e aperto, quod Itali dicunt, proferenda esse. hoc aperto sono ruri dicebant pretor quo tempore in urbe ae diphthongus audiri nondum desierat.

1230. VENTORUM PAVIDUS PACES. De hoc versu idem dicendum est quod supra dixi de 1031 librii terti. nam *ventorum paces* ineptissime subiciuntur *divom paci*, qua significatur pacata deorum sedes. ad *quaesit* autem mente addendum est eos.

1232. NIHILO FERTUR MINUS AQUADA LETI. Corrector quadrati, item Antonius Marii et Marullus, *ad vada leti*.

1236. DENIQUE SUI PEDIBUS. Corrector quadrati et ceteri *sub pedibus*.

1241. QUOD SUPER EST, AEQUE AURUM. Marullus *AES ATQUE aurum*.

1243. UBI GENTIS SILVAS. Itali et impressi *ubi in GENTIS*.

1244. SEU CAELO FULMINE MISSE. Sic oblongus: eius corrector *caeli*, ut quadratus et Itali et impressi. *missum fulmen minus proprie dicitur: neque dixit alibi Lucretius fulmen caeli*, sed *plagam caeli* supra 1095. Sallustius in Iugurtha 75, 7 *tanta repente caelo missa vis aquae dicitur*.

1248. PANDERE AGROS PANGUIS. Corrector oblongi *PINGUIS*.

1252. QUICQUID. QUIDQUID scribendum esse dixi ad librum III, 135 et hoc libro supra 264. in lege Rubria I, 26 Petrus de Lama scriptum edidit *tum quicquid eum Q. Licinium ex ea stipulatione L. Seio d. f. oportiret*; Marinus in Arvalibus p. 108 *quicquid*. Quintilianus in I, 7, 6 *Frigidiora his alia*; ut *quidquid c quartam haberet, ne interrogare bis videremur, et quotidie non cotidie, ut sit quot diebus. verum haec iam etiam inter ipsas ineptias evanuerunt. hoc dicit, neminem superesse qui scribat quicquid et quotidie. at nostro tempore quotus quisque ita non scribit?*

1253. HORRIBILI SONITUS SILVAS EXEDERAT ALTIS A RADICIBUS. Corrector quadrati SONITU, neque aliter Itali. *altis* oblongus, olim impressi, Marullus: *altas* corrector oblongi, quadratus, Avantius. Ab *radicibus* ante Marullum non invenio: sed ante *r* litteram hic poeta semper scripsit *ab*, contra ante *m* semper *a*, itemque ante *l*, ut dixi libro III, 676. in *n* littera certam regulam non observavi.

1255. MANABAT VENIT FERVENTIBUS. Oblongus prima manu *feventibus*. corrector quadrati et ceteri *VENIS*.

1258. IN TERRAS SPLENDERE. Lambinus *in terris. praestat in TERRA*.

1259. NITIDO CAPITI. In oblongo *capite*, radendo factum *capiti*, quod ipsum habent quadratus et Brixiensis editio. Veronensis cum Italis et Marullo *CAPTI*.

1260. VIDEBAT ESSE. Itali et impressi *VIDEBANT*.

1266. UT SIBI TELA PARENT SILVASQUE ET CEDERE POSSINT. Ante Wakefieldum, qui suos haec admirari docuit, scribebant cum Brixiensi et Marullo *excidere*. Lambinus, qui volebat *silvas quibu' caedere possint*, nisi leviter festinasset, videre poterat legendum esse *Ut sibi tela DARENT*, scilicet hae massae, *silvasque ut caedere POSSENT*.

1267. MATERIEMQUE DOLARET LEVARE AC RADERE TIGNA. Marullus *dolare et levare*, paulo melius quam Lambinus *Materiem levare dolare*. mihi probabatur *Materiemque dolare*, *secare ac radere tigna*, ne omitteretur quod summe necessarium est, quodque Cicero posuit solum, cum dixit *materia quid iuaret, nisi consectionis eius fabricam haberemus?* de divinatione I, 116. poterat idem effici scribendo *aequare ac radere tigna*. sed illud exquisitum *levandi* verbum obliterari non debet, *dolabra* autem hic facile caremus. quare mihi Lucretius ita scripsisse videtur, *silvasque ut caedere possent Materiemque DOMO, levare ac radere tigna. domo dandi casu*, ut Horatius *Ponendaeque domo quaerenda est area primum*. nec multo saepius in versibus invenietur *domui*, quo usi sunt Ovidius ac Manilius.

1272. NEC POTERANT. Recte Lambinus *Nec POTERAT*: alterum enim durum est.

1273. NAM FUI IN PRETIO MAGIS, AURUMQUE IACEBAT. Corrector oblongi FUIT. *praetio* quadratus, ut mox 1277 uterque et in versu proximo oblongus *haebeti*. AES addiderunt Itali et Brixiensis. ita Isidorus orig. XVI, 20 inter multa alia ex hoc loco ducta *eratque in pretio magis aes*. sed *Nam* ferri non potest, quod causam indicat pro effectu. scribamus igitur, quod Creechius in paraphrasi posuit, *Tum fuit in pretio magis aes*. ceterum si Lucretii poësis non extaret, ex iis quae Servius adfert ad Aen. XII, 87 facile aliquis poëtam de *orichalco* post aes invento dixisse suspicaretur: nunc videmus eum hic quoque ut alibi de Lucretio parum accurate rettulisse, cum non tam Lucretiana proponeret quam quae in commentariis, quos Hieronymum quoque tractasse diximus, legisset. ex his certe petatum est quod scripsit in eodem Aeneïdos libro 419: nam cum Lucretius *panacas*, quantum scimus, semel IV, 124 commemorasset, ille *Sciendum tamen inquit Lucretium panaceam ubique salem dicere*. ex eodem genere esse puto quae habet ad georgicon

III, 478 *Describit pestilentiam Venetiae Galliae Illyrici*. nam quodam tempore cum Nilus plus aequo excrevisset et diu permansisset in campis, ex aqua fluminis et calore provinciae diversa et plurima in limo animalia sunt creata, quae recedente in alveos suos Nilo et integra et quae semiplena fuerant putrefacta sunt: exinde corrupto aëre nata pestilentia est, quam auster flans primo ex Aegypto ad Atticam provinciam pepulit, mox inde in tractu Venetiae et Illyrici usque quaque universa vastavit. hanc autem pestilentiam ordine quo diximus plenissime Lucretius est executus. quae e commentariis aliorum ducta credo a Servio, qui ea quae e Sallustio consignata essent a Lucretianis non satis recte distinxisset: Sallustii enim mentionem facit ad versum 475 481 482.

1278. ET CONTEMPTIBUS EXIT. De hoc dixi ad versum 833.

1280. CLAUDIBUS. Corrector quadrati cum Italis LAUDIBUS. in eodem versu *mortalis oblongus, quadratus mortalis*; quorum hoc alterum, si in utroque esset, praeferrem: nunc malo credere in archetypo fuisse *mortalis* e supra adscripto. certe huius accusativi formae nullum in libris nostris exemplum superest, nisi forte huc referimus quod oblongus in III, 311 habet prima manu, *iras decurrit ad acras*, et uterque *faucas* in VI, 639, item *auras* in VI, 777, *omnus* in I, 966, *pellus* in V, 1011. uterque *partiis* in III, 809, *quodvis* in II, 371, *cyniis* in III, 7.

1285. ET FLAMMATQUE IGNES. Quadratus FLAMMA atque a correctore antiquissimo ac fortasse ab ipso librario. *flammae* cur Naugerius maluerit nescio.

1288. ET COPIA MAIORE. Correctores antiquissimi MAIOR.

1294. VERSAQUE IN OBPROBRIUM SPECIES EST FALCIS ATHENAE. Quadratus *athene*, apud Macrobius Saturn. VI, 1 *aeneae*: ATHENAE Itali. *species est facilis* apud Macrobius, corrector quadrati antiquissimus SPECIES EST *falcis*. denique apud Macrobius *Versaque in obscurum*, ex quo editores Macrobbii non inspecto Lucretio fecerunt *in obscenum*, idque Wakefieldo visum est 'minus respere glossatorem'. versu ab hoc altero Nonius utitur p. 13, 19.

1300. ET BIUGO PRIUS EST QUAM BIS CONIUNGERE BINOS. Wakefieldus *biugom*, scilicet currum biugum (ita

interpretatur) coniungere et bis binos currus (id est quadriugos, inquit) coniungere: currus autem quomodo coniungatur non docet. *currum iunctum* non ignoro, scilicet *equis iunctum*, et scio *tigres currui subiungere* Daphnin Vergilianum instituisse, neque Handius ad diatriben Gronovii 1 p. 98 dubitare debuit quin Manilius in iv, 231 eodem dicendi genere usus sit: sed '*coniunguntur* duo currus', ut recte dicit Scaliger ad versum Manilii p. 291. Forbigero tamen illa quamvis absurda videntur recta. Eichstadius in indice *biuugum prius est*, puto neutro genere. rectissime Faber *Et BIUGOS*.

1301. ARMATUM ESCENDERE CURRUS. Sic uterque Vossianus, sed correctores fecerunt *ascendere*: neque fallit Gronovius ad Livium II, 28, ut videtur Wakefieldo, sed Havercampus. errat tamen Gronovius, cum ex Vossiano (quadratum dicit) *inventum* adfert, quod est a Marullo.

1302. INDE BOVES CAS TURRITO CORPORE TETROS. *Boves* LUCAS corrector quadrati et Itali. sed scribendum est TAETRAS. sic infra *boves lucae ferro male mactae*: itaque Varro bis de lingua Latina VII p. 325 326, *cur ita sit dicta, si ab Libya dictae essent lucae*; apud quem non videtur ferendum esse p. 327 *quod longe relucebant propter inauratos regios clupeos, quibus eorum tum ornatae erant turres*: immo aut earum aut elefantorum. neque bos Lucas dicitur nisi a Salmasio in exercitationibus p. 218, sed *luca bos*, et fortasse *lucus bos* vel *taurus*: sic certe Varro neque *ursi* potius *Lucani* quam *luci*, scilicet dicerentur, si lucae boves essent Lucanae.

1307. BELLIS TERRORIBUS. Itali et Marullus BELLI.

1315. TERRIFICAS CAPITUM QUATIENTIS UNDIQUE CRISTAS. quadratus *quatientes*. versus est uno vocabulo minus Lucretianus, sed ex libro II, 632 huc inepte translatus. vidit hoc Faber: 'neque enim facile crediderim' inquit '*cristas capitibus leonum annexas*'. at Wakefieldus *cristas* interpretatur '*villosas iubas hirsutasque*', *caput* autem *cervices* esse; quibus succlamat '*eleganter et magnifice*'. Forbiger haec omnia nihil curans tacet.

1319. ORA PATEBANT. Marullus PETEBANT. versus ante hunc proximus est apud Nonium p. 134, 8. in eo qui hunc sequitur *deripiebant* oblongus, quadratus male *deripiebant*.

1325. ET TERRAM MINITANTI MENTE RUEBANT. Immo *minitanti* FRONTE.

1327. 1328. TELA INFRACTA SUO TINGENTES SANGUINE SAEVI, IN SE FRACTA SUO TINGENTES SANGUINE TELA. Horum versuum utrumque cum altero coniunctum probare sana mente nemo potest. uter alteri praeferendus sit vix certo dicetur: malo tamen eum in quo est *infracta tela tingentes*, quia hoc cum Vergilianis maxime concinit, quae ex Aeneidos x, 731 Bentleius rettulit, *et calcibus atram Tundit humum expirans infractaque tela cruentat*.

1330. EXIBANT DENTIS ADAUCTUS. Oblongus et olim impressi *dentibus adauctus*. Antonius Marii *dentibus auctus*, Marullus vere *dentis* ADACTUS.

1331. ERECTA PETEBAT. Corrector oblongi PETEBANT.

1340. FERA FACTA SUIS CUM MULTA DEDERE. Quadratus, c littera erasa, *fera FATA*. recte: *dantur enim fata, fortuna, mors*, sed *facta* alteri *dare* nemo potest.

1341. SI FUIT UT FACERENT. Haec intellegere nullo modo possum. recte, nisi fallor, Marullus *Sic fuit ut facerent*, hoc est Sic illi, ut pote imperiti ingenii bestiarum, *Temptarunt etiam tauros in moenere belli* et cetera quae dicta sunt versu 1308 1309.

1341—1343. SED VIX ADDUCOR UT ANTE NON QUIERINT ANIMO PRESENTIRE ATQUE VIDERE QUAM COMUNE MALUM FIERET FOEDUMQUE FUTURUM. Hic Veronensis editio et Avantius *fuere*t futurum: Lambinus *fuera*t futurum, indicativo non ferendo in tam severo et oratorio dicendi genere. praeterea gradus significatio, quae inest in *quam* particula, inepta est. at immutato versuum ordine omnia optime procedunt, hoc modo. *sed vix adducor ut, ante Quam commune malum fieret foedumque, futurum Non quierint animo praesentire atque videre*.

1344—1346. ET MAGIS ID POSSIS FACTUM CONTEN-
DERE IN OMNI, IN VARIIS MUNDIS VARIA RATIONE CREATIS, QUAM CERTO ATQUE UNO TERRARUM QUOLIBET ORBI. Haec quomodo intellegenda sint ex iis apparet unde repetita sunt, supra 526 *Nam quid in hoc mundo sit eorum ponere certum Difficile est: sed quid possit fiatque per omne In variis mundis varia ratione creatis, Id doceo*. sed ibi poeta dicebat

astrorum rationes in variis mundis Epicuri posse varias esse, quae *in hoc nostro* sint certo dici non posse: hic autem hoc agitur, bestiis ad bellum inhabilibus fortasse homines in uno vel altero ex illis variis mundis ad bellum usos esse, quid *in uno quoque eorum* fecerint non constare. atqui satis erat si de hoc nostro mundo constabat: neque de hoc dubitabat poëta, *Temptarunt etiam, Sic fuit ut facerent*: cur igitur quaereret quid in uno quolibet certo terrarum orbe factum esset? iam, nisi fallor, apparet haec Lucretium non scripsisse, sed istum lectorem, a quo poëtam, ubi incredibilia tradere videretur, versibus interpositis derisum intelleximus in libro III, 412 743. huius rei Forbigero nihil suboluisse, cum eius verba subiecero, apparebit. 'Mihi', inquit, 'ut verum fatear, hic locus semper suspicionem aliquam movit, inprimis quum v. 1344. prorsus eodem modo voci *omne* explicandae adhibitus, sed loco longe aptiori, supra v. 529. iam adfuerit; de quo tamen aliquid certi pronuntiare non audeo'.

1354. VIROS IANAM. Corrector quadrati, Itali, impressi, LANAM. paulo ante quadratus *Ininsilia ac fusi*.

1361. ASPECIMEN SATIONIS. Ita membranae et Antonius Marii. corrector quadrati At *specimen*, Veronensis editio *Ad specimen*, Brixienis *Ad spetiē*.

1366. DEFODIRE. Corrector oblongi DEFODERE. *fodire* nullo tempore Latinum esse desiit.

1368. FRUCTUSQUE FEROS MANSUESCERE TERRA CERNEBANT. Structuram orationis fulciamus opus est. scribemus igitur *fructus mansuescere* TERRAM. nam qui *consuescere* (vi, 397) et *insuescere* (iv, 1282) activa significatione dixit, potuit eodem modo *mansuescere*.

1379—1435. AT LIQUIDAS AVIUM VOCES. Haec quoque poëtam alio tempore addidisse suspicor, in quibus, pariter atque in iis quae supra ad versum 1091 notavi, sui temporis mores cum antiquis collatos reprehendit. his enim quae subiecta sunt de temporibus 1436, ea ad sationem et culturam spectant, de quibus modo egit.

1388. 1389. SIC UNUM QUICQUID PAULATIM PROTRAHIT AETAS IN MEDIUM RATIOQUE IN LUMINIS ERUIT ORAS. Quadratus ab antiquissimo correctore, et fortasse ab ipso librario, *erigit oras*, quod uterque codex habet infra 1455. hoc Gronovium in diatribes Statianae capite 41 (p. 417 ed.

Handii) recte tueri existimo : quomodo enim aliquid *in lucem erui* possit non intellego . neque Attii versibus , quos habet de natura deorum II, 89 Cicero et ex eo Priscianus de metris p. 243 Lind. , ullo modo aptum est *ad caelum erui* , sed potius *Aut forte Triton , fuscina evertens specus Supter radices penitus undanti in freto , Molem ex profundo sazeam ad caelum erigit* . sed hos duo versus hic tollendos esse quis per se videre potest , et miror hoc Marullum Naugerium Lambinum Bentleium Creechium non animadvertisse : nam ceteri rarius attendunt .

1390. MULCEBANT ATQUE IUVABAT . Itali IUVABANT .

1391. NAM TUM SUNT OMNIA CORDI . Optime Faber *otia* ; nisi quod hoc modo ad illa *otia dia* reditur paulo argutius atque urbanius quam pro simplicitate huius poëtae . qui scripserit potius *nam tum sunt carmina cordi* , cum alitteratione .

1392. IN GRAMINA MOLLI . Corrector oblongi GRAMINE . in II, 29 *quadratus gramina* .

1393. PROPTEREAQUE RIVOM . In secundo PROPTER *aquae rivum* . hic quoque quadratus et a correctore oblongus *rivum* .

1397. TUM LOCA . Itali et Marullus IOCA .

1399. REDIMERE CORONIS . Iidem REDIMIRE .

1400. LASCIVIA LETA MOVEBAT . Marullus MONEBAT .

1404. ET MIRA VIGEBAT . Itali et Veronensis editio , non Brixienensis , VIGEBANT .

1405. ET VIGILANTIBUS HINC ADERANT SOLACIA SOMNO . Recte Lambinus , secutus , ut ait , codicem Vaticanum , *solacia* SOMNI , quod dicit *ὑπνου ἀντίμολπον ἄκος* apud Aeschylum vigil . dandi casus ferri non debet : nam quamvis solacium *malis* , quae adsunt , reperiri possit , tamen quae patri in *liberorum amissorum solacium* praestantur , ea *liberis amissis* non sunt solacio .

1409. ET NUMERUM SERVARE GENUS DIDICERE . Sic membranae et Antonius Marii , item Marullus : olim impressi *numeris* . ego neutrum intellego , cum vigilum canticis quod conveniat certum numerorum genus cognoverim nullum . Lucretius scripsit *numerum servare* SONIS , id est cantu ad artem composito .

1410. MAIORE INTEREA CAPIUNT DULCEDINE FRUCTUM. Antonius Marii MAIOREM. sed *fructum capere* vigiles inepte dicuntur, nisi cum Lambino addimus DULCEDINIS. ceterum *interea* hic est nihilo minus, ut in III, 1020 et in hoc libro supra versu 83, item 394, ubi olim impressi habent *in terra*, quos male secuti sunt Avantius Naugerius Lambinus Forbiger.

1416. SIGILLA RELICTA. Corrector oblongi sic *illa*.

1418. PELLIS ITEM CECIDIT VESTIS CONTEMPTA FERINA. Recte Marullus *Pellis* FERINAE.

1419. NUNC ESSE REPERTAM. Brixiensis editor et Marullus TUNC.

1425. QUO MAGIS INANOBIS. Correctores antiquissimi *IN nobis*.

1429. DUM PLEBELA TAMEN SIT. *Sid* quadratus et a correctore oblongus. *reliquid* quadratus in IV, 1137, idem *id* II, 683 v, 737. PLEBEIA Itali et Marullus.

1431. SEMPER ET CURIS. Itali et Marullus *et in curis*.

1436. MUNDI MAGNUM VERSATILE TEMPLUM. Marullus *magnum et versatile*. sed *versatile* non magis *templum* esse potest quam *locus*. ergo scribendum est *mundi VERSATILIS*: nam caelum etiam non versatile esse posse poëta non dixit nisi supra in emblemate, versu 517. duxit tamen e vitiosa scriptura poëta ineptissimus suum illud, quod est in anthologiae Burmannianae tomo II p. 298, *Sol facies mundi caeli-que volubile templum*.

1440. DEGEBAT. Itali et impressi DEGEBANT.

1441. DISCERETAQUE. In oblongo *ta* syllaba est in litura. in utroque factum DISCRETAQUE.

1442. TUM MARE VELIVOLIS FLOREBAT PROPT̄ ODORES, AUXILIA AC SOCIOS IAM PACTO FOEDERE HABEBANT. Haec cum nemo priorum probasset, elegantissima visa sunt Wakefieldo Eichstadio Forbiger Orellio, et si qui hunc poëtam, scilicet *arte rudem*, quaecumque nec Latina nec sanae mentis sunt decere existimarunt. plerique Marullum secuti scripserunt *Tum mare velivolum florebat navibus pandis*. Servius Petri Danielis (nam Burmannus verba interpolata dedit) ad Aeneïdos VII, 804 *Lucretius Florebat navibus pontus*. sic ille grammaticus carmina Lucretii neglegenter referre solet. mihi in vitiiis apertis certam emendationem

apponere licet sine argumentorum ambagibus . scripsit poet̃a IAM mare velivolis florebat PUFFIB. , ET res Auxilia ac socios iam pacto foedere habebant .

1444. CAEPERE . Sic uterque codex . supra 1416 coepit oblongus , quadratus cepit . in VI, 432 Wakefieldus cum suis cepit , imperite .

1449. VESTES , CETERA . Itali et Marullus vestes ET cetera .

1451. ET DEDALA SIGNA POLITO . *Dedala* per *e* semper membranae . *politos* olim impressi , Wakefieldus absurde *politus* : Antonis Marii et Marullus *signa* POLIRE .

1456. NAMQUE ALID EX ALIO CLARESCERE CORDE VIDEBANT . Quadratus *crescere . corde videmus* Faber ; 'quod pro animo positum est' , inquit . debebat certe esse *claruisse* , donec ad summum venere vel potius *venissent* . videbant autem Wakefieldus , qui revocavit , non magis quam ullus priorum explicavit . scribendum est *Namque alid ex alio clarescere* CONVENIEBAT , *Artibus ad summum donec venere cacumen* .

VI, 1. FRUGIPAROS FETUS MORTALIBUS AEGROS . Corrector oblongi *frugiferos* et AEGRIS .

2. DIDIDERUNT . Sic prima manu oblongus , a correctore antiquo *Didederunt* , quadratus *Dediderunt* .

4. SOLACI DULCIA . Durum hoc et ineptum . recte Itali et libri impressi SOLACIA , sed barbare qui per *t* scriptum exhibent , cum tamen *mendatium* nemo probet . libro V, 21 *Dulcia permulcent animos solacia vitae* .

6. PROFUDIT . *Profundit* quadratus . alterum confirmat Probus p. 1429 .

7. ET EXINCTA . Marullus EXINCTI . et capiendum ita , et eius *extincti* ; ut apud Vergilium *timeo Danaos , et dona ferentis* , id est et eos *dona ferentis* ; quam superlativam dicit coniunctionem Diomedes p. 411 . infra versu 19 *conlata foris* , et *commoda* . hoc ideo dico , nequis forte pro *etiam* positum existimet .

10. FERME ACORTALIBUS . Itali et impressi MORTALIBUS .

11. ET PRO QUAM POSSENT VITAM CONSISTERE TUTAM . Marullus non satis proprie per *quae* et *consciscere* . Avantius per *quae possent vitam consistere* ; quo Turnebum decepit , qui illud quasi bono auctore traditum defendere ag-

gressus est, in adversariis II, 12 diversissima conferens, *insistere viam* et *feras subsistere*. *consistere* ita ut *constituere* valeat non dici Gronovius et Drakenborchius demonstrarunt ad Livii librum XXVII, 17, 11. neque credo Gellium libro V, 10 scripsisse *et cum ad iudices coniciendae consistendaeque causae gratia venissent*, sed *consciendaeque*: iudex enim *conscit*, hoc est cognoscit, *causam*, cum eam partes *coniciunt*; quapropter ex XII tabulis *et causam conscito* et usitatore vocabulo *conicito* relatum legimus, quia utrumque coniunctum est. in Lucretii versu apparet scribendum esse *pro quam posset*. Handius in Tursellino, tomo IV p. 616, *pro quam* libro II, 1137 et III, 199 quod non sine magna librorum scriptorum discrepantia legi dicit, fallitur: nam vetera exemplaria non discrepant. aequae Latinae sunt *pro ut*, *prae ut*, *pro quam*, *prae quam*, neque ab his differunt *praeter quam*, *post quam*, *ante quam*, *super quam*.

13. BONA GNATORUM EXCOLERE FAMA. Quadratus *gnotorum excollere*. EXCELLERE Itali.

14. NEC MINUS ESSE DOMI CUIQUAM TAMEN ANXIA CORDI. Haec, perversa cum sint, Wakefieldo placent. quadratus *domui*. recte Marullus CORDA. neque Lambinus haerere debebat in plurali: nam ita de Sibylla Vergilius *Et rabie fera corda tument*, neque aliter ceteri poëtae.

15. ATQUE ANIMI INGRATIS VITAM VEXARE QUERELLIS PAUSA ATQUE INFESTIS COGET SAEVIRE QUERELLIS. In priore versu Pium et Wakefieldum *ingratis* fefellit, quod est *invitos*. in V, 44 *At nisi purgatumst pectus, quae proelia nobis Atque pericula tumst ingratis insinuandum*. e quibus apparet in versu alterutro *periclis* scribendum esse, cum *querellae* bis locum tueri non possint. tum qui decursum sententiae perceperit (praecesserunt enim haec, 'cum vidit homines tamen anxios esse et invites vexari'), non dubitabit scribere PASSIMQUE *infestis cogei saevire*, id est irasci ac trepidare. et *cogi* Lambinus scribendum vidit, cetera non est assecutus. superest ut quaeratur utri versui *pericla* magis convenient. *animi querellas* recte dici quae ex animo fiant, nemo negabit: *infestas querellas* non intellego. ergo dicemus *infestis saevire PERICLIS*, ut in III, 1076 *tanto opere in dubiis trepidare periclis*.

17. INTELLEGIT IBI VITIUM FAS EFFICERE IPSUM.

Egregie Itali *vas*, ex re et ex libro III, 440, ubi est *corpus quod vas quasi constitit eius*, item 555 *illius quasi quod vas esse videtur*. et simillima sunt haec in III, 936 *Et non omnia pertusum congesta quasi in vas Commoda perfluxere atque ingrata interiere*. recte autem Wakefieldus restituit *Intellegit*; qua forma Lucretium usum esse eo credibile fit quod eodem prope tempore C. Licinius Macer in XVI annalium dixit *omnium nostrum neglegerit auctoritatem*. hoc qui referunt, Diomedes p. 366 et Priscianus p. 895 Aemilium Macrum appellant; quod falsum esse Weichertus docuit de Licinio Calvo p. 92. *neglegisse* et *neglegistis* Sallustio Tullioque vindicat Cortius ad Iugurtham 40, 1. Orellius ex Sallustio adfert *intellexerint*, oratione Lepidi §. 9 (23), neque aliter capiendum *intellegit* in Iug. 6, 2; quamquam *intellexi* et similia scribi video in Cat. 20, 3, in Iug. 93, 3, in oratione Macri 5 (9), *neglexeris* in Cat. 51, 24. *neglegi* pro *neglexi* Maius fortasse nimis confidenter adscribit Frontoni p. 328, cuius aetate Afri dixerunt *collextis* et *colleximus*, quae inveniuntur in euangelio Matthaei vulgatae editionis XXV, 35 et 38. hoc scholiasten Iuvenalis in sat. III, 175, ubi libri habent *quae exissent*, usum esse puto, ut *quicquid lacrimarum adque tristitiae conlexissent ex tragicis affectibus, huiusce spectaculi risus detergeret*.

22. CONSPURGARE. Corrector oblongi CONSPURCARE.

25. CUPPEDINIS. *Cupedinis quadratus. torpedinis* apud Lactantium institutionum VII, 27, 6. unice verum est *finem cuppedinis atque timoris, τοὺς ὄρους τῶν ἀληθόνων καὶ τῶν ἐπιθυμιῶν, λῖεν τοὺς φόβους τῆς διανοίας καὶ τὸ πέρας τῶν ἐπιθυμιῶν διδάσκειν*. sic Epicurus apud Laërtium X, 142. sic in V, 45 Lucretius *Quantae cuppedinis acres curae quantique perinde timores*. ad Epicurum Horatius quoque respicit, cum dicit *Qui cupit aut metuit*, et *qui cupiet metuet quoque*.

27. TRAMITE PARVO. Exemplaria Lactantii *limite parvo* vel *prono*. haec de via et tramite non dubito quin poeta ab Epicuro sumpserit: sed adhuc nihil eius modi relatum inveni. Horatius epistularum I, 18, 103 *An secretum iter et fallentis semita vitae*, quae dicta est *ἐκχώρησις τῶν πολλῶν* apud Laërtium X, 143. Epicureus apud Ciceronem de finibus I, 57 *o praeclaram beate vivendi et apertam et simplicem et directam viam!* Metrodorum Epicureum scripsisse *περὶ τῆς εἰς σοφίαν πορείας* testatur Laërtius X, 24. Varro *περὶ αἰρέσεων* apud

Nonium p. 94, 30 *a primo compito dextimam viam munit Epicurus*. idem Sciamachia *περὶ τῶρον* apud eundem p. 202, 5 *hoc dico, compendiaria, sine ulla sollicitudine ac molestia ducundi, ad eandem voluptatem posse perveniri*.

28. RECTA CONTENDERE CURSU. RECTO apud Lactantium, neque aliter corrector oblongi.

30. QUOD FUERIT NATURALI VARIEQUE VOLARET SEU CASU SEU VI, QUOD SIGNATURA PARASSET. Iacobus Suisius apud editorem Londinensem *Quod FIERET*. corrector oblongi *quod sic natura parasset*. par vitium similiter curari debet in M. Tullii de natura deorum I, 24 *Quae vero tribuitur vita isti rotundo deo? nempe ut ea celeritate contorqueatur, cui par nulla ne cogitari quidem possit. in qua non video ubinam mens constans et vita beata possit insistere: quodque in nostro corpore, si minima ex parte sic incitetur (libri significetur), molestum sit, cur hoc idem non habeatur molestum in deo. porro recte docti naturalem casum nullum esse dicunt: neque casus secundum Epicurum a natura differt; quo fit ut in libro V, 107 fortuna gubernans dicatur eadem quae paulo ante 77 natura gubernans. nihil tamen probabile adferunt. legendum est naturali Seu CAUSA seu vi. omnia mala natura parante evenire dicit, sive ea causa appellanda sit, sive vis caeca: fieri enim casu. ceterum ad hos versus, Quidve mali foret, in quadrato manu saeculi decimi adscriptum est O iuvenis, audi bonum consilium.*

32. E QUIBUS E PORTIS. Quadratus *et portis*. sed recte Itali *ET quibus*.

33. FRUSTRA. Corrector oblongi FRUSTRA.

34. VOLNERE. Impressi VOLVERE.

35. OMNIA CAELIS. Corrector oblongi CAECIS, ut in II, 55 et III, 87.

44. ESSE, NATIVO. Non satis est, si addimus *e*: recte editor Brixiensis et ante eum Itali *ET*. nam in his quae secuntur,

45. *ET QUE CUMQUE IN EO FIUNT FIERIQUE NECESSEST PLERAQUE DISSOLUI*, nimis absurda sunt illa, *fieri-que necessest*, aptissime posita infra versu 414. Lambinus nullo auctore dicto *Et quaecumque in eo fiunt fientque, necesse Esse ea dissolui*. lenius sic formabimus, *Et quoniam — quae cumque in eo fiunt FATEARE necessest Pleraque dissolui*.

47. QUANDOQUIDEM SEMEL INSIGNEM CONSCENDERE CURRUM VENTORUM EXIRTANT PLACENTUR OMNIA RURSUM, QUE FUERINT SINT PLACATO CONVERSA FAVORE. Quadratus et a correctore oblongus, item olim impressi, *placentur omnia*: oblongus prima manu *lacentur*. hic unus aliquid vidit Iohannes Auratus, homo ingeniosus. is et *currum Ventosum* scribendum intellexit, id est *ναῦαν ἀνήνῃν*, navem celerem et agitatam ventis, et in fine *placato conversa furore*: nam placari favor qui possit, non apparet, etsi aliquis de *ῥοτοδογύβοις* amicorum Epicuri accipiat, de quibus Plutarchus *περὶ τοῦ ἀκούειν* p. 45 F. Auratum igitur secuti postrema facile integrabimus scribendo *Quae fuerint*, SINE, *placato conversa FURORE*. neque prima iam difficilia sunt, *Quandoquidem semel* INSTITUI *conscendere currum* VENTOSUM. quae a Manilio expressa esse monuit me Iacobus Bernaysius. sic igitur ille in v, 10, *Cum semel aethereos iussus conscendere currus Summum contigerim suaper fastigia culmen*. supersunt monstra medii versus, cuius sententia ut obscura non est (debet enim huius modi esse, 'et quoniam rursus novae tempestates instant') ita de verbis nihil certi possum dicere: digna tamen Lucretio videntur haec, ET CERTANT PLANGENTIA FLAMINA *rursum*.

51. PAVIDIS CUM PENDENT MONTIBUS SAEPE. Corrector quadrati et Itali MENTIBUS.

52. ET FACIUNT ANIMOS HUMILIS. Non aliter Lactantius in II institutionum 3, 10 et in epitoma 25, 4. sed hae coniunctiones, quae sunt *et que*, hoc modo inter se coniunctae *Et faciunt humilis, depressosque premunt*, ut altera alteri ordinata sit, non sunt antiquae consuetudinis. Marullus *Efficiunt*. lenius est *Cetera* —, HAEC *faciunt animos humilis*.

53. AT TERRAM. Ita hic in oblongo scripta est *ad* praepositio, in quadrato *a*. oblongus in capitulo VI, 749 *at aedem*. *at moderate* in II, 169 et *Atportant* in v, 221 uterque, *quadratus Atmixtumque* in I, 569, *atmixta* in II, 467, *atlisa* in IV, 570, *at fine* in III, 733. apud Frontonem p. 240 (124 Nieb.) *atpositas* homines doctissimos fefellit. in Varronis rerum rusticarum libro II, 8, 2, ubi est *Pullum asininum a partu recentem subiiciunt equae, cuius lacte ampliores fiunt, quod id lacte at* (impressi *ac*) *alia omnia dicunt esse melius*, perspicuum est scribendum esse *at alimonia*.

56. 57. QUORUM OPERUM CAUSAS NULLA RATIONE VIDERI POSSUNT AC FIERI DIVINO NUMINE RENTUR. Haec orationis cursum interrumpere Lambinus vidit, qui male temptavit *et Quorum operum — Possunt, haec fieri: recte Bentleius delenda censuit. qui huic assentitur Forbiger, idem, ne usquam perite iudicet, et eosdem versus infra (90) reicit et hic decem proximos (58—67) delet, quorum ultimus ne est quidem aliunde sumptus.*

63. ADCISCUNT. In v, 87 ADCISCUNT.

64. QUOS MISERIS CREDUNT. Ibidem MISERI.

68. LONGIQUE REMITTI DIS INDIGNA PUTARE. Impressi et olim Itali LONGIQUE REMITTIS, recte: sed coniungenda inter se haec sunt, *putare dis indigna*. Cicero in Catone 5 *quis coëgit eos falsum putare?* quod opponitur iis qui *obrepere aiunt senectutem citius quam putavissent*. idem ad Atticum epistularum xiv, 10, 2 *stantibus nobis, in quibus plus virtutis putarunt quam experti sunt*. Vergilius in viii, 522 *Multaque dura suo tristi cum corde putabant*.

71. SAEPE ODERUNT; NON QUO VIOLARIS SUMMA DEUM VIS POSSIT, UT EXIRE POENAS PETERE INBIBAT ACRI. Antiqui correctores VIOLARI. Marullus *ex ira*. idem male *Saepe aderunt*: primus, quod mirere, Wakefieldus *Saepe ODERUNT*, quod ipse perverse interpretatur.

73. QUIETUS. Hoc absurdum. QUIETOS Marullus, ut in v, 168 *Quidve novi potuit tanto post ante quietos Inlicere?* sic Vergilius *Scilicet is superis labor est, ea cura quietos Sollicitat*.

74. IRARUM VOLVERE FLETUS. Itali FLUCTUS. in iii, 298 *Nec capere irarum fluctus in pectore possunt*. et hic paulo ante 34 *Volvere curarum tristis in pectore fluctus*. Vergilius *Irarum tantos volvis sub pectore fluctus*.

76. SIMULACRA FUERUNT. Sic membranae et Antonius Marii: recte Brixiensis editor et Marullus FERUNTUR. in iv, 735 *Omne genus quoniam passim simulacra feruntur*.

82—84. MULTA TAMEN RESTANT ET SUNT ORNANDA POLITIS VERSIBUS, ET RATIO CAELISQUE TENENDA, SUNT TEMPESTATES ET FLUMINA CLARA CANENDA. Haec specie quam re difficiliora sunt, nec de versu mutilo desperandum. primum ubi enumerare incipit quae canere velit, non potest dicere *et*, sed *est ratio*. tum illa ratio non est *tenenda*, sed aut *habenda*, ut in i, 126 *superis de rebus*

habenda Nobis est ratio, aut, quod hic aptius, *canenda*: poterit tamen hoc etiam abesse, si ea quae necessaria sunt totum versum expleverint. quatenam sunt autem illa necessaria? Brixiensis editio *ratio caelis* (*caeli* Avantius) *speciesque*, quidam codices Pii *ratio caeli superumque*, Lambinus auctoribus libris manu scriptis (scilicet ita Antonius Florentinus et Marullus) *superum caelique*, unus Wakefieldi *caeli terraeque*. at illa omnia imperitorum commenta sunt ab argumento libri sexti aliena. in eo poeta sibi et *tempestates* canendas dicit, id est nubila, et *fulmina clara* (sic enim recte Antonius et impressi), idque fecit inde a versu 219 usque ad 494. ante haec a versu 96 usque ad 159 de tonitribus agit, deinde usque ad 218 de fulgurationibus: haec igitur illo mutilo versu contineri certum est, neque in tam anguste conclusa sententia de verbis dubitari potest, praesertim cum illud *tenenda* viam emendandi demonstret. ergo poeta scripsit *EST RATIO FULGENDI VISQUE TONANDI, Sunt tempestates et FULMINA clara canenda*.

85—89. QUID FACIANT — DOMINATUS UT EXTULERIT SE. Haec omnia pulcherrima sunt et huic loco valde accommodata. sed ii duo versus qui ea excipiunt orationis ordinem perturbant. nihilo minus iidem versus, *Quorum operum causas*, et ipsi prorsus ad rem faciunt, si illa priora abessent. ex quo apparet Forbigerum parum recto iudicio omnia pariter delevisse, nisi quod duos primos versus, *Quid faciant, Ne trepides*, qui soli per se nullum leporem habent, retinuit. quid enim clarius esse potest quam Lucretium, cum primo impetu hos quinque versus scripsisset, postea quam eos prope omnes maiore etiam cum vi et effectum alio loco poni posse viderit infra post versum 382, hic eis duos alios pariter aptos substituisse ex libro I, 153 repetitos?

86. NE TREPIDAS. Corrector quadrati et ceteri *Ne TREPIDES*.

87. PERVENERET. Sic oblongus: quadratus *pervenere*. recte in utroque scriptum versu 383. Wakefieldus tamen mavult *proveniret*: pro altero dicam ad versum 324.

91. FIER DIVINO. Corrector oblongi FIERI. sic uterque versu 57.

92. TU MIHI SUPREME PRESCRIBITA AC CANDIDA CALLIS CURRENTI SPATIUM PRAEMONSTRA. Corrector

longi PRAESCRIBTA. AD *candida* CALCIS Turnebus in versariis II, 12.

95. CUM LAUDI CORONAM. Corrector oblongi LAUDE.

97. PROPTEREA QUIA. 98. CONTRA. In Apuleii de deo cratis libro p. 137 Hildebr. antiquissima exemplaria *Prop- alia* et *pro*.

102. PRETERE NEQUE TAM CONDENSE CORPORE NURE. iadratus *Pratere*. oblongus *tamen*. corrector oblongi PRAE- REA. Itali et Marullus NUBES.

103. QUAM SUNT PEPIDES AC IIGNA. Quadratus *ac na*, ex quo corrector fecit LAPIDES *aut* TIGNA. *lapides* pressi, sed iidem *ligna*: *tigna* Itali et Marullus.

105. NAM CADERE AVI BRUTO DEBERENT PONDERE PRESSAE. Oblongus *Nam candere*. eius corrector, Itali, im- essi, *aut bruto*; quod probandum esset, nisi Lucretius sem- *per aut* ante diiuncta poneret. itaque quia non potest scribi *am aut cadere bruto*, puto poetam dedisse *Nam cadere ab* *uto deberent pondere pressae*. malo autem *ab* quam *a*, quia embranae habent *aut* et pro *ab* aliquando *au* scribitur. in 99 codex uterque *av ictu*, item *aveant* in I, 1108, in IV, 38 et 1234 oblongus prima manu *av speculo* et *Avsterrent*:

Lucilii versu apud Nonium p. 35, 11 *sustulit* pro *avstulit*: ossaria Labbaei *avsumat*: in gromaticorum corpore p. 176, *av agrorum*. Lucretius ante *b* litteram hac praepositione sepius non utitur. in lege Thoria 56 *ab bonorum emptore*. *b boreae gyro* Manilius in I, 685. Charisius p. 207 *ab biblio-eca*. apud Caesarem de bello Gallico III, 11 *ab Belgis*, VI, 14 *bello*, scilicet in vulgari vocabulo alterum, alterum in pro- pio et signato.

110. MATOS. Itali MALOS. sic in IV, 77 *Per malos vol-uta trabesque*.

111. PETUIANTIBUS AURIS. Corrector quadrati et ce-ri PETULANTIBUS.

112. ET FRAGILIS CHATARUM COMMEDITATUR. Qua-
ratus *flagilis*. CHARTARUM corrector oblongi. SONITUS Itali
ldiderunt; quod satis bonum est, sed incertum.

114. CHARTASQUE VOLANTIS. Marullus CHARTASVE.

115. PLANGUENTQUE PER AURAS. *Plaguentque* quadra-
is. Marullus PLANGUNTQUE.

116. FIT QUOQUE ENIM INTER DUM NON TAM CONCURRERE — POSSINT. Hic Pius 'lego' inquit 'ex prisca lectione *interdum* ut *non tam*'. cui de prisca lectione non confido: sed Marullus et Avantius *ut* ingerendum esse non viderant, nedum Wakefieldus. exhibet tamen illud Antonius Marii filius.

118. RADENTES CORPORE TRACTIM. I. F. Gronovius observationum II, 1 p. 214 et T. Faber CORPORA.

119. AURIS TERGET. Apud Nonium p. 245, 6 *auris* et vel *auritopet*.

120. EXIERUM. Creechius EXIERUNT, cum vulgo inventum Itolorum, quod erat *exierit*, male probassent.

122. GRAVITER EMERE. Corrector oblongi *gravi* TREMERE.

124. CONCOLLECTA. Corrector oblongi COLLECTA.

126. TURBINE VERSANTE. Itali et Marullus VERSANTI. in V, 664 *Dispersos ignis orienti lumine cerni*. in eodem 887 *Membraque deficiunt fugienti languida vita*. in I, 306 Nonius *eadem candenti sole serescunt*, in VI, 1197 *Octavoque fere candenti lumine solis*. sic saepe in versibus hexametris in consequentiae significatione.

128. POST UBI CONMINUIT VISEIUS. Quadratus *comunuit*, oblongus a correctore *commovit*, itaque Antonius et impressi. sed verissimum est *conminuit*, quod in oblongo prima manu agnoscere videor: nam *min* litterae plane conspici non possunt. id Isidorus, qui hunc totum locum exprimit originum XIII, 8, rectissime interpretatur *perscidit*. huius verba subieci. *cum procella vehementissimi venti nubibus se repente immiserit, turbine invalescente exitumque quaerent nubem, quam excavavit, impetu magno perscindit*. editur quidem illic *proscindit*, sed male, et correxit Wakefieldus ad verum proximum.

129. TUM PER TERRICREPO SONITU DAT MISSA FRAGOREM. Lambinus 'procella emissa edit fragorem.' neque aliter Isidorus, qui iis verbis quae modo apposui subicit haec, *ac sic cum horrendo fragore defertur ad aures*. sed id huic rationi, de qua poëta nunc agit, non congruit: hic enim nubes perscissa ac perforata vento sonum edit, non ventus perscindens nubem, de quo mox dicet septem versibus interiectis. adde quod in proximis vesicula displosa so-

nitum dare dicitur, non anima vesica inclusa. ergo manifestum est Lucretium scripsisse de nube *dat fissā fragorem*. pertinent huc illa Epicuri apud Diogenem x, 100, *βροντὰς ἐνδέχεται γίνεσθαι* —, καὶ κατὰ ῥήξεις δὲ νεφῶν καὶ διαστάσεις, non ea quae Lambinus attulit, καὶ κατὰ πνεύματος ἐν τοῖς κοιλώμασι τῶν νεφῶν ἀνείλησιν, καθάπερ ἐν τοῖς ἡμετέροις ἀγγείοις, id est *per ventum in nubium cavitatibus tortum, qualia sunt in visceribus nostris tormina*.

130. NEC MIRUM, CUM PLENA ANIMAE VENSICULA PARVA SAEPE ITA DAT PARVUM SONITUM DISPLOSA REPENTE. *Vessicula* in quadrato factum antiqua manu, non a solitis correctoribus. *vensicam* scribi iubet Caper p. 2246, *Vensica n habeat, quoniam non est sine vento*: ita haec ad numeros suos revocanda sunt, quorum permulta extant in Capri praeceptis vestigia. *de vensica* Puteaneus Martialis in xiv, 62. Isidorus, *quod mirari quis non debeat, cum vesicula quamvis parva magnum tamen sonitum displosa emittat. multo rectius hic magnum emittat, quam aut Marullus Saepe ita dat pariter aut Wakefieldus Saepe ita dat magnum vel per vim*. non potest dubitari quin poëta dederit *Saepe* DET HAUT *parvum sonitum*.

132 et 136. PERFIANT. Corrector oblongi PERFLANT. ceterum Brixiensis editio *Et sonitus faciunt*, Lambinus *Cur faciant*. recte libri antiqui et Veronensis editio *Est ratio ut sonitus faciant*. infra versu 639 *ratio quae sit, per fauces montis ut Aetnae Expirent ignes*.

138. PERFINGENS. *Perfrigens* quadratus. corrector oblongi PERFRINGENS.

141. ARBUSTA VOLVENS. Corrector oblongi EVOLVENS.

144. CUM FRANGITUR AEST. Corrector oblongi et exemplaria impressa *aestu*, absurde. verum est AESTUS, quod scripsit Antonius Marii.

145. FIT QUOQUE, UBI E NUBI IN NUBEM VIS INCIDIT ARDENS FULMINIS, HAEC — IGNEM CONTINUO — TRUCIDAT. *Continuo ut* Lambinus, cum Marullus fecisset *trucidet*. curandum lenius una littera subtracta, *Id quoque*. id est *quin etiam*. libro I, 655 *Id quoque, si faciant* —, *Denseri poterunt ignes*. Ovidius in tristium v, 3, 53 ad poëtas contubernales *Id quoque, si vestrum merui candore favorem* —, *Sic*

igitur dextro faciatis Apolline carmen, Quod licet, inter vos nomen habete meum, id est Quin etiam, quod licet, nomen meum vestrae professioni adscribite. sic ille Flacco modestus, qui cum se *lyricis vatibus insertum iri sperat*, Maecenati docto poëtarum iudici adeo probari cupit ut ab eo in ordinem lyricorum redigatur decimus et idem unus Italorum.

149. PROPTER DEMERSIMUS. Inepte adiectum *propter*, id est iuxta. egregie Marullus PROPERE.

151. INGENTIS SONITU SUCCENSA RECENTE. Corrector oblongi INGENTI. REPENTE Itali et Brixienensis editio.

153. TURNE VENTORUM. In utroque vetere correctum TURBINE.

154. NEC RES UITA MAGIS. Apud Macrobiurn Saturnaliorum VI, 4 *res ULLA*. infra versu 1009 oblongus prima manu *res ula*.

155. SONITUM. Correctores veteres et Macrobius SONITU.

156. GELI. Alieno loco positum apud Nonium p. 487, 4.

158. FRANGUNTUR IN ARTUM CONCRETI MONTES NIMBORUM. Immo *in ARTO franguntur* nubes gelu concretae, cum eas ventus confecit. Epicurus apud Diogenem x, 100 *καὶ κατὰ παρατρέψεις δὲ νεφῶν καὶ κατάξεις, πῆξιν εἰληφότων κρυσταλλοειδῆ*.

160. NUBES. *Nubis* apud Nonium p. 506, 11.

162. PERCUCIAT. Sic uterque vetus; quod miror. corrector oblongi fecit T.

165. FUGERE. Corrector quadrati et impressi FULGERE.

165. AD AURIS TARDIUS ADVENIUNT. Isidorus, qui his utitur originum XIII, 8, bis dicit *tardius ad aures pervenit*, atque ita ipse alibi poëta. fortasse hic quoque s litterae elisio emendatoribus displicuit, *Tardiu' perveniunt*. idem Isidorus de natura rerum cap. 30 *Dehinc sequuntur tonitrua; quae licet sonitu tardiora sint, praecedenti concussa luminis claritate, pariter tamen cum fulgure emittuntur. sed eorum sonitus tardius penetrat aures quam oculos splendor fulguris, ad instar securis arborem procul caedentis, cuius quidem ante cernis ictum quam ad aures perveniat sonitus*.

168. UNGIPITI VIDEAT FERRO. Brixienensis editio AN-

CIPITI *videant*, Antonius Marii *Ancipiti veniat*. VIDEAS Marullus.

170. SIC FULGUREM QUOQUE. Veronensis editio FULGOREM, itaque Antonius. hoc Cicero pro *fulgure* usus est, cum Homericum Ζεὺς δὲ σφί Κρονίδης ἐνδέξια σήματα φαίνων Ἀστράντισι ita expressit, *Prospera Iuppiter his dextris fulgoribus edit*, de divinatione II, 82: et placuit hoc ipsi Maroni in VIII Aeneidos 524, *Namque inproviso vibratus ab aethere fulgor Cum sonitu venit*. sed Lucretius *fulgorem* proprie dicit et hic et in versu 217.

171. PARITER QUI MITTITUR IGNI E SIMILI CAUSA. Sic oblongus et Brixienensis: *Et simili* quadratus, Antonius, Veronensis. verius est *E*. 'tonitrua tardius ad aures veniunt, cum tamen pariter ac fulgura ab igni e simili causa emittantur'. at si duo membra sint, utrumque vim suam habere debet: horum autem prius, quo ignis utraque mittere dicitur, nullum momentum facit.

175. VERSATUS IBIDEM. His utitur Isidorus de natura rerum cap. 29. *Tonitrua autem, inquit, ex fragore nubium generantur: concepti enim intra sinum nubium ventorum spiritus versantur ibidem*.

178. ADESCERE. Corrector quadrati, Antonius, Brixienensis, ARDESCERE.

178. PLUMBEA VERO GLANS ETIAM LONGO CURSU VOLVENDA QUIESCIT. Immo CALESCIT: hoc enim nunc agitur, non quod a Marullo omnes acceperunt *liquescit*. Priscianus p. 726 et 750 nihil testatur nisi Lucretium recto casu *glans* dixisse, quod fecit et hic et versu 307.

180. PERSCINDIT. Itali et Brixienensis editio PERSCIDIT.

183. QUI TARDIUS ADLICIT AURIS. Absurdum de sono tonitrus. necessario scribendum est ADIFICIT cum Bentleio.

184. OCULORUM ADLUMINANOSTRA. *Limina* oblongus et Antonius Marii; quod probat ineptiarum amator Wakefieldus. *oculorum lumina* saepius dixit Lucretius.

185. ALTI. Marullus ALTE.

191. CULATA. Corrector quadrati CUMULATA, itaque olim impressi et Marullus.

192. ATQUE URGERE SUPPRNA IN SATIONE LOCATA. Oblongus URGUERE hoc uno loco: sed servandae sunt vel tenues antiquitatis reliquiae. tum corrector quadrati et ce-

teri *In statione locata*. sed praeterea scribendum est *urgere* SUPERNE; quod Susio adscribit Havercampus, editor Londinensis eidem *superno*: certe *superne* Bentleius. nubila in statione manentia nullis ventis commota alia super aliis cumulata esse et superne urgere dicit. ita poeta *in statione manere* quater, iv, 388 395 v, 478 517, id est κατὰ χώραν μένειν, item alii *in statione poni* vel collocari vel stare vel paratum esse vel adesse vel tenere manus, quibus nihil addi potest nisi forte sua. non satis proprie, ut intellego, in prognosticis Germanicus 59 *Nubila continua magis in statione manebunt*, et Manilius iii, 76 *Non ut in aeterna caeli statione manerent*. sed *urgeti superne* est in libro Lucretii iii, 893. post hos autem versus, *Contemplator enim* et cetera, collocandi sunt illi duo qui eos praecedunt, in utroque Vossiano nulla littera variante (nam Havercampus hic ut ubique fallit) ita scripti,

187. 188. NE TIBI SIT FRUDI QUOD NOS INFERNE VIDEMUS QUAM SIT LATA MAGIS QUAM SURSUM EXTRICTA QUID EXTENT. Olim impressi *quod extent*, non male, si intellegimus de numero, quot sint: nec tamen minus probabile *quid*, id est quantum. cetera aperta sunt et a Marullo correctae, *Quam* sint et *extructa*. sed illo loco et nimis dure positum est *enim*, hoc modo, *Ne tibi sit frudi, contemplator enim*; quae minus reprehenderem, si his nihil interiectum esset: et. cum modo de *densis nubibus* dixisset, inepte subicitur neutro genere *lata* et *extructa*. quae incommoda evitabimus, si hos versus traiciemus: manet alterum, si cum Marullo scribitur *Nec tibi sit fraudi*.

199. FREMITU. Itali et impressi FREMITUS. Isidorus de natura rerum 46, 1 *huc atque illuc ventus fremitum et murmura mittit. dehinc quaerentis (sic) vi viam evadendi, dum sustinere eum terra non potuerit, aut tremat aut dehiscit, ut ventum egerat.*

201. CONVOLVUNT NUBIBUS. In impressis e additum.

205. LIQUIDI CALOR AUREUS IGNIS. *Calor* apud Macrobius quoque in vi Saturnaliorum, capite 5, *color* apud Servium ad eclogam vi, 33. ad rem facit *COLOR*, non *calor*.

207. IGNES HABERE. Itali IGNIS.

208. FLAMEUSQ. PLERUMQUE COLOS ET SPLENDIDUSQ. SOLIS. Quadratus et corrector oblongi *Flammeus plerum-*

que : idem corrector *splendidus solis*. Itali FLAMMEUS EST : iidem Itali et corrector quadrati *splendidus* OLLIS.

209. QUIPPE ENIM SOLIS DE LUMINE. Corrector quadrati et cum Italis exemplaria impressa *Quippe etenim*. sed in proximo membro erat item *etenim*, ut putes nunc causam causae dici. fugientes litteras codicis archetypi rectius ita colligemus, QUIN ETIAM *solis*. 'nubes cum natura sua semina ignis continent, tum alia a lumine solis concipiunt'. versu 271 *permulta vaporis Semina habere cavas nubes, et multa necessest Concipere ex solis radiis*.

210. UT MERITO IUBEANT. Itali et Brixiensis editio RUBEANT.

213. QUE FACIUNT FLAMMAE FULGERE COLORES. *Fulgure* Veronensis editio. recte AVANTIUS FULGORE : nam *fulgere* producte Lucretium non dicere vidimus libro v, 768. versum proximum Nonius habet p. 506, 12.

216. INGRATIUS. I. B. PIUS INGRATIS.

217. TUM SINE TAETRO TERRORE ET SONIS FULGIT. *Et* SONITU Marullus. Wakefieldus cum Antonio Marii filio *sonitis*, quasi in hoc genere quidlibet audere liceat. genetivi innumeri sunt, ut *soniti*, *ornati*, *adventi*, *gemiti* : pluralia nulla novi, nisi *flucti* et *versi*, et in obliquis *versorum*, *versis*, *specis*, *fetis*, *caestis*, quae notarunt Nonius p. 487, 23 488, 11 489, 5 492, 8 et Priscianus p. 712. errat Nonius in *mercatis* p. 138, 9.

219. QUOD SUPER EST, NATURA PREDITA CONSTENT FULMINA, DECLARANT ICTU ET INUSTA VAPORIS SIGNA NOTAEQUE GRAVIS HALANTIS SULPURIS AURIS. *Alantis sulduris* quadratus. Lambinus rectissime QUALI *natura praedita constent*, ut versu 739. tum *vapore* impressi omnes : Itali et Marullus *declarant ictus et inusta* (Marullus vel Candidus *mista*) *vapore Signa*. sed ictus fulminis, id est plaga, quomodo declaret igneam esse fulminis naturam non video. Wakefieldus subbalbe ac subinsulse *ictu subinusta vaporis Signa*. fortasse latet aliquid doctius, sed simplicissimum est *ictu* LOCA *inusta*, *vaporis Signa*, *notaeque gravis halantis sulphuris* AURAS. nam *auras* recte Marullus.

223. PRAETEREA SE ACCENDUNT. Itali et Marullus sine sensu *per se*. Vossius et Wakefieldus SAEPE, quod sufficit.

226. MINUTIS MONTIBUSQUE CORPORIBUS . Sic libri veteres et Veronensis editio . Marullus verissime MOBILIBUSQUE . Antonius Marii et Brixiensis editor inepte *motibus atque* : id Wakefieldus probat cum asseclis suis .

228. 229. TRANSIT ENIM VALIDUM FULMEN PER SEPTA DOMORUM , CLAMOR UT AC VOCES , TRANSIT PER SASCA , PER AERA . Oblongus *hac voces . per SAXA* corrector quadrati et Itali . horum prior pars in primo quoque libro legitur ita 489 , *Transit enim flumen caeli per saepta domorum , Clamor ut ad voces* ; ubi scribendum esse vidimus *Transit enim fulmen caelum , per saepta domorum Clamor it ac voces* . sed illa quae libri exhibent ne hic quidem ferri possunt : nam neque domorum saepta tam dura sunt ut ea fulmini non obsistere mirandum sit , neque hoc ea transit ita ut clamor ac voces , sed plerumque laedit et ut modo dictum est accendit et in aedibus dominatur . itaque in his quoque illum interpolatorem philosophum agnosco , qui cum utrobique *Transit enim fulmen* legisset , aut utrumque locum pariter corruerit , aut quae in libro primo iam corrupta invenisset huc imperite transtulerit . poëta haec tantum scripserat , *Transit enim validum fulmen per saxa , per aera* .

231. CURAT ITEM VASIS INTEGRIS VINA REPENTE DIFFUGIANT . Lambinus *item ut* . sane *curare* cum simplici coniunctivo dixerunt paucissimi . in omnibus Plauti ac Terentii fabulis unum exemplum est , in Curculione iv, 2, 31 : sed versus ruit , nisi *ut* vel *et* infleamus ita , *Elloquere quid vis . qudeso ut hanc curés , [ut] bene sit isti* . item in versu Pomponii , qui est apud Nonium p. 275, 24 et 469, 20 , 'potius est ut scribamus *Magis curabo ut , ubi cognorint , omnes una assentiant* , quam cum Munkio p. 92 *Magis curabo ubi* . Lucilius apud Nonium p. 118 *curare domi sint Gerdius , ancillae , pueri , zonariu' , textor* . in lexicis est ex Ciceronis epistulis ii, 8, 1 *ne illa quidem curo mihi scribas* , et ex Phaedro v, 2 *iam curabo sentiat Quos adtemtarit* . addit Burmannus Petroniana ex cap. 58 , *curabo iam tibi Iovis iratus sit et isti qui tibi non imperat* ; scilicet magistro tuo Agamemnoni (nam interpretes non recte capiunt) ; et ex eodem capite *curabo longe tibi sit comula ista bessalis* . Fronto p. 228 (78 N.) *tibi saepe numero curandum , in theatrum crocum longe adque alte exprimatur* . in Ciceronis pro Caecina oratione libri dissentiunt §. 11 , *curavit [ut] in eo fundo*

dos collocaretur : vide Kellerum in semestrium II p. 443 : Erfurtensis codex habet coniunctionem . ex poetis bis ita Horatius , *nihil adlabores Seditulus , curo , et Imprimat his cura Maecenas signa tabellis* , neque is umquam *ut* addidit . Vergilius quidem Ovidius Iuvenalis neutra ratione usi sunt : sed Lucretius III, 127 *curare in membris ut vita moretur* et V, 1015 *Ignis enim curavit ut alsia corpora frigus Non ita iam possent caeli sub tegmine ferre* . ergo hic aut cum Lambino addendum est *ut* , aut potius faciendum *Curat UTEI vasis integris* . similiter exemplaria peccare vidimus libro I, 753 et tertio vidimus infra versu 1022 .

233. RAREQUE FACIT LATERAMINA VASIS . *Quadratus facit* . oblongus *latera minua* . Marcianus Capella libro III §. 295 *Lucretius tamen genetivo vasi, ut rarique facit lateramina vasi* . utramque genetivi formam Charisius agnoscit p. 119 , cuius tempore *vasum* antiquatum erat , sed vulgo dicebatur *vaso* , quo iam usus est Columella II, 2, 20 . Vitruvius VIII, 1, 4 *vaso* , sed idem in *vasum* IX praef. 11 . declinationem *iugeri* , in qua simillima imparilitas est , ante aliquot annos docui in novo museo Rhenano III p. 609 : sed tum praetermisi *iugerum* genetivum , quem notavit ex Lucilio Charisius p. 40 , ubi scriptum est *iugerum* , quod dixerunt omnes .

234. ADVENIENS CALOR EIUS , UT INSINUATUS IN IPSUM MOBILITER SOLVENS DIFFERT PRIMORDIA VINI . Haec quia sententiam non faciunt , Wakefieldo eiusque asseculis placuerunt . apparet autem scribendum esse *ET insinuatus* . Antonius Marii *ut insinuetur* . Marullum et Lambinum fefellit impressorum exemplarium vitium , in quibus erat *ut insinuatur* . recentiores debebant scire *ut* pro *ubi* in temporis significatione non esse Lucretiani usus .

237. USQUE ADEO TELLENS FERVERE CORUSCO . Sic veteres , nisi quod in oblongo est *usquae* priore *u* in litura posito . FERVORE correctores utriusque Vossiani . *tollens* inepte corrector oblongi , neque prudentius *cellens* Wakefieldus probavit , quod in quadrato esse falso , ut pleraque , Havercampus rettulerat . Lambinus verissime *POLLENS* .

239. NUNCEA . Sic oblongus , sed *cea* in litura : *Non ea quadratus* . itaque in codice archetypo quid fuerit non constat : neque refert scire .

241. AVELLERE IGNA TRABESQUE . Factum in qua-

drato *signa* antiqua manu et fortasse ab ipso librario . in oblongo prima manus totum vocabulum omisit : corrector vetus in margine addit *ligna* . TIGNA Antonius Marii et Lambinus .

242. ET MONIMENTA VIRUM COMMOLIRI ATQUE CIERE . Marullus *demoliri* . hoc probato Pius *ciere* interpretatur commovere , disturbare . hoc illi saeculo condonandum est : Wakefieldus perversior , qui haec effutire audeat , 'ita commoliri , vel aggredi , ut cieant , sive eruant , et e loco moveant' . immo 'monimenta extruere et ad progrediendum excitare' ; quod absurdum est . rei consentaneum est *Et LAMENTA virum commoliri atque ciere* .

245. NEQUE IN PROMISSIS PLURA MORABOR . Sic oblongus : quadratus *nequiquam promissis* . *neque TE in Itali et Marullus* . libro v, 91 *ne te in promissis plura moremur* . sic ibi oblongus , quadratus *nec in promissis plura meremur* .

246. FULMINA GIGNI E CLASSIS . Titulus in oblongo *Fumina* (corrector *Fulmina*) *in crassioribus nubibus et alte gigni* . Marullus GIGNIER E CRASSIS .

250. QUOD TUNC PER TOTUM . Tum scribendum esse dixi ad librum i, 130 .

257. UT PICIS E CAELO DIMISSUM FULMEN . Marullus DEMISSUM FLUMEN .

258. SIC CADIT ET FERTUS TENEBRIS . *Et* constructioni obstare Havercampus vidit . cur ergo nec ipse nec qui eum secuti sunt viderunt scribendum esse EFFERTUS ? praesertim cum *fertus* Latine non dicatur , sed *fartus* . nam Cicero in oratore 163 dubitari non potest quin scripserit *at 'Auratus aries Colchorum' splendidis nominibus inluminatus est versus , sed proximus inquinatus insuavissima littera , 'Finis frugifera et efferta arva Asiae tenet'* . in priore versu alterum nomen Graecum fuisse , quod Cicero reticuerit , verba indicant . fortasse scripserat tragicus *et qua Lydiae Finis frugifera et efferta arva Asiae tenet* .

269. OMNIA PLANA . Impressi PLENA , itaque Antonius Florentinus .

272. SEMINA HAECDERE CAVAS NUBES , ET MULTA NECESSET . *Semina HABERE* Marullus , ut versu 207 . NECESSE EST olim impressi et Antonius .

277. INSINUATUS IBI VORTEX VERSATUR IN ALTO .

Vertex quadratus. sed cur *in alto*? immo ubi ventus nubes in unum forte locum quemvis coëgit. ergo *in arto*.

281. INDE UBI PERCALUIT GRAVIS VENTIVIS IGNI IMPETUS INCESSIT. Modo dictum erat venti verticem et sua mobilitate incallescere et ab ignibus nubium supervenientibus. ergo ita nubes, in qua ventus inclusus est, percalescit aut a vento incluso aut ab ignibus increscentibus. hinc apparet quomodo versus mutilus restituendus sit: scribendum est enim *Inde ubi percaluit GRAVIDA, AUT VIS IGNIS ET ACER Impetus incessit*. paulo ante versu 259 erat *fulminibus grava-vida tempestas*, infra 440 *gravidam nubes*, et hic 296 de certa coniectura *gravidam maturo fulmine nubes*: adde Manilium I, 853 et II, 75. supra 128 *impetus acer*.

285. QUEM GRAVIS INSEQUITUR SONITUS, DISPLOSA REPENATI OPPRIMERE UT CAELI VIDEANTUR TEMPLA SUPERNE. Oblongus *displosa* REPENTE, *te* in litura, cui quid subsit non apparet. sed *Opprimere* non satis proprie dictum est, cum deberet esse *oppressura terras*. rectius *displosa* caeli templa gravem sonitum EXPRIMERE dicuntur.

288. MURMURA PECURRUNT CAELUM. Quadratus *Murmura appecurrunt*. Correctores antiqui PERCURRUNT.

290. QUO DE CONCUSSUS. Oblongus prima manu *concussas*: corrector *concussus*, ut quadratus. huius corrector et post eum primus Marullus CONCUSSU. reliqua huius versus verba habet Priscianus p. 647.

291. OMNIS UT VIDEATUR. Marullus UTI.

292. AD DILUVIEM REVOCARE. Immo REVOCARI cum Bentleio, ut in V, 255 *Pars etiam glebarum ad diluviem revocari*. Wakefieldus absurde, ut solet, 'aether videtur revocare imbrem in diluviem'. sed versu proximo discidio nubis ventique procella non sonitus mitti dicitur, ut visum est interpretibus, sed imber.

295. ES ETIAM. Sic oblongus: *Esset iam quadratus*. corrector oblongi EST etiam.

296. IN VALIDA MATURO CULMINE NUBEM. Marullus FULMINE: sed praeterea scribendum cum Bentleio GRAVIDAM.

297. IGNEUS ILLE VERTEX, QUEM SPATIO VOCITAMUS NOMINE FULMEN. *Quem exspatio quadratus*. corrector quadrati *Latío*, non male, sed haud scio an melius Itali PA-

TRIO . interpretes Vergilii Veronenses ad Aen. II, 649 *Epicuri* (sic) *autem ita tractant ut poëta elocutus est, ventumque igneum fulmen vocant ac nubibus excuti aiunt, sicut et Lucretius tradit. πῦρ πεπνευματωμένον* dicit Epicurus apud Diogenem x, 100 104.

302. DUM VENIT, AMITTENS. Immo CUM *venit amittens*: alioquin oratio non constat.

308. CONCIPIT. Itali et impressi CONCEPT.

309. IPSIS PLAGAE. Marullus IPSIUS.

315. HOC SETIUS ILLE SEMINA CONCURRUNT. *Secius* prima manu oblongus; quod falsum est. tum qui Lucretium noverit ILLI scribendum videbit. male omnes Marullum secuntur, qui fecit *illa*.

318. ET INDONEAT FLAMMIS. Corrector quadrati et Itali IDONEA.

320. EX QUAE TANTAU MISSA SUPERNEST. Quadratus *exque* et *supernist*. TANTA VI recti Itali, sed iidem male *ex quo*. scribendum EA *quae*.

321. IN CURSUS NON. Itali *in cursu* SI *non*.

322. COLORE. Iidem CALORE.

323. NOBILITAS. Corrector oblongi MOBILITAS.

324. AT CELERI FERME PERCUNT FULMINA LAPSU. Naugerius Et *celeri*. Wakefieldus Marullum secutus cum suis *Ac*, turpiter ignorantes quod olim observatum est, hanc particulam ante gutturalem aut vocalem non poni; in qua regula quid excipiendum esset, egregie exposuit Hauptius in observationibus criticis p. 35. tum corrector oblongi *pergunt*, Antonius Marii *iam pergunt*, olim impressi *pergunt ubi*, Marullus *pergunt sic*, Wakefieldus *pergunt tibi*. verum est PERCURRENT, id est usque ad finem propositum currunt. ita in v, 1407 *Et supera calamos unco percurrere labro*, et Propertius III, 16, 49 *Vidistis toto sonitus percurrere caelo*. nostro sermone dicimus *hin laufen*. Vitruvius in IX, 1, 10 *Martis (stella)* — *in quibus signis celerius percurrit*, 14 *reliquae stellae* — *celerius percurrere videntur*. hoc rarissimi usus est; paulo tritius *pervagari in locis*, ut apud Vitruvium II, 6, 3, apud Ovidium *fastorum* VI, 521 *Rumor, ut est velox, agitatiss pervolat alis*; minime mirum id quod me Hertzbergius ad Propertium praetermisisse arguit, cum etiam in lexica relatum sit, *percurrere ad forum*. eadem lexica *percurrere per* e Lucretio exhibent, VI,

668 , *Perque mare ac terras rapidus percurrere turbo* , et è Cicerone in III accusationis 100 , *nam per omnes civitates quae decumas habent percurrit oratio mea* . sic in Aetna 98 *atque animantis Per tota errantes percurrunt corpora venae* . sic Vitruvius in VIII, 3, 2 *per longum spatium terrae percurrentes* , 7 *quod per terrae dulcem sucum percurrit* . item 26 . quibus simile est quod Handius in Tursellini tomo IV p. 432 protulit ex Caesaris bello Gallico IV, 33, *primo per omnes partes perequitant* . item eo modo Caesar in comm. VII, 66 *qui non bis per agmen hostium perequittassent* . non aliter Lucanus VII, 341 *totumque per agmen Sublimi perpectus equo* , Cicero de oratore I, 222 *peragrat per animos hominum* , Vitruvius II, 6 *penitus ignis et flammae vapor per intervenia permanans* , in II, 8, 12 *opinio per orbem terrarum pervagata* . nec mirabile est *perrumpere* addita viae significatione apud Silium Italicum in XII, 698 , *etiamne parabit Nostras ille domos* , *nostras perrumpere in arces?* et in XIV, 522 *Perrumpunt Itali qua caedes prima reclusit Monstravitque viam* . sed *pervenire* absolute , ut esset venire quo aliquis perrexisset , Lucretius satis insolenter dixit in hoc libro 383 *ita* , *Unde volans ignis pervenerit* , id est huc pervenerit , et similiter in IV, 285 554 ; nec tamen solus : nam in Vergilii ecloga IX, 2 *ingrata sunt quae homines docti comminiscuntur* , ut mihi tenendum videatur quod libri veteres praebent , *O Lycida , vivi pervenimus , advena nostri (Quod numquam veriti sumus) ut possessor agelli Diceret 'haec mea sunt'* . *perducere* vero , in quo inest actio , dubito an non possit ita dici . certe Lucretius in V, 1027 id ausus non est , sed scripsit non sine demonstratione finis *Nec potuisset adhuc perducere saecula propago* . neque credibile videtur aut a Catullo esse haec 109, 5 , *Ut liceat nobis tota perducere vita Aeternum hoc sanctae foedus amicitiae* , aut a Propertio I, 3, 39 *O utinam tales perducas , improbe , noctes* .

329. *MISSA* . Alibi iidem libri *MISSA* . sed haec sono non differunt in longa vocali . *dimisa* quadratus in III, 356 . in V, 629 *oblongus demisior* , *dimisior* quadratus . sine ullo ad pronuntiationem emolumento veteres scripserunt *caussa cassu comessum cessit ussit* .

335. *DEINDE QUOD OMNINO — DEORUM* . Itali *DEORUM* . sed illud *quod* unde pendeat nihil est . ergo faciemus *ADDE quod* : hoc enim solet ita repetere Lucretius . vide III, 828 829 1036 1037 IV, 1121 1122 VI, 611 613 .

336. CUM FLAGASI ADDITA VERO. Hoc est *cum* FLAGAST *addita*, ut versu 246 et 262 oblongus prima manu *putandumsi*. impressi omnes soloece *cum* *plaga* sit.

339. PLAGIS. Apud Nonium p. 482, 25 *gladis* vel *gladiis*.

344. E REGIONEM LOCUM. Oblongus, cui deerat *E* prima manu, a correctore *E* REGIONE.

346. TRAHAT HERE. Corrector oblongi AERE.

347. INCENDUNT MOBILITATEM. Oblongus *incedunt*: sed recte *quadratus incendunt*. recte protulit Vergiliana illa Wakefieldus, *Illam incendentem luctus, Tum pudor incendi vires*.

349. FORAMINIBUS LIQUIDIS QUIA TRANSVIAT IGNIS. Infimae aetatis vocabula sunt *obviare* et *deviare*, hoc est obsistere et de via deflectere, eodemque modo Itali dicunt *ovviare*, id est prohibere, *inviare* et *avviare*, mittere, *diviare* *sviare* *trasviare* *traviare* in abducendi vel aberrandi significatione. his multo peiora sunt quae Solino et Ambrosio adscribuntur *inviare* et *praeviare*, quibus nihil subest nisi inire et praeire. atque ex hoc peiore genere est *transviare*, quod Wakefieldo dilucidum videtur ac vetusti moris. Forbiger, quasi magnum, *traviat* edidit, causa *addita* ut sibi constraret: scilicet in i, 355 dederat *Transvolitant*, in iv, 559 et 602 *travolat*. non dubito quin verum viderit Naugerius, qui scripsit TRANSVOLAT.

350. MULTAQUE PERFIGIT. Quadratus *perfrigit*. corrector oblongi *perfregit* et versu proximo *inciderint*. firmiter tenendum est *perfigit*, quod et rei conveniens est (nam modo dictum erat multas res fulmen pervadere incolumes: secuntur aliae quas perfigit), neque huius verbi participium alium auctorem habet quam Lucretium, qui eo et alibi usus est et iterum de fulmine versu 392 *icti flammis ut fulguris halet Pectore perfixo*. ita *perstridere*, quod Forcellinus praetermisit, unus habet Germanicus in prognosticis, i, 6 *At geminis leviter perstridunt caerulea venti*.

356. ET VINCIA RELAXANT. *Vicia* quadratus. VINCLA corrector oblongi.

357. STELLIS FULGENTIBUS ALTA. APTA Turnebus in adversariis XXIX, 6.

359. TEMPORA SERIS. Itali SE VERIS.

360. VENTIQUE CALORES DEFICIUNT. Marullus CALORE.

362. INTER UTRASQUE. INTERUTRAQUE, ut dixi libro II, 517.

364. PERMISCET FRIGUS AESTUM. Apud Nonium p. 205, 26 *frigus ad aestum*. ET *aestum* Marullus.

365. QUORUM UTRUMQUE OPUS EST FABRICANDA AD FULMINA NOBIS. Hic Marullus non satis attendit: itaque ceteri se Lucretium fulminatorem vel Cyclopem facere ne animadverterunt quidem. poeta scripsit *opus est fabricanda ad fulmina* NUBI. nam his tribus opus est, *Hinc flammis, illinc ventis, umoreque mixto*. Manilius in I, 853 *Sunt autem cunctis permixti partibus ignes, Qui gravidas habitant fabricantes fulmina nubis*.

366. UT DISCORDIA RERUM. Marullus SIT rerum. Antonius Marii sic.

368. PRIMA CALORIS ENIM PARS EST POSTREMA LIGORIS: TEMPUS ID EST VERNUM. *Liquoris* corrector oblongi. egregie Marullus RIGORIS. sed idem non bene *Prima — et postrema — Tempus adest vernum*. Lambinus rectius *Prima — et postrema —, Tempus id est vernum*. sed proxima non conveniunt, ubi quaeritur quare calor et frigus inter se pugnent: id enim non fit quia ver est, sed quia *Prima pars caloris est postrema rigoris, Tempus ut est vernum*, id est, quale vernum tempus est. ita in II, 465 *Sudor uti maris est*. in III, 809 *ut materiai Corpora sunt*. infra 1167 *ut est per membra sacer dum diditur ignis*.

370. INTER SE. In impressis recte additum RES. in oblongo esse sese mendacium est Havercampi.

373. VOVITUR. Corrector oblongi VOLVITUR.

374. PROPTEREA SUNT HAEC ANNINOMINITANDA. *Haec* prima manu oblongo afuit. *Itali sunt haec bella anni nominatanda*; quod ceteri ab iis accipiunt, nec vident id, ut credi possit, aliorum scriptorum testimonio firmandum esse. Italis parata venia est, ceteris turpe, quod non intellexerunt scribendum esse *Propterea freta sunt haec anni nominatanda*, ut ante *Nam fretus ipse anni permiscet frigus et aestum*.

375. NEC MIRUMST IN EOS TEMPORE. Corrector quadrati in eo si tempore. hoc ipsum Lambinus edidit primus:

'sic' inquit 'habent quattuor libri manu scripti'. Antonius Marii *in eo sic tempore*.

376. CIE TURBIDA. CIETUR corrector quadrati et Brixiensis editio, item Antonius.

377. BELLIO. Corrector oblongi BELLO.

382. MENTI. Hoc probat cum suis Wakefieldus. Marullus, homo simplex et sanus, MENTIS.

383. AUT IN UTRAME VERTERIT HIC PARTIM. Quadratus *in utram*. supra versu 87 *in utram se*, et quod editores hic neglexerunt HINC. huius disciplinae Hetruscae particula restat in scholiis Veronensibus ad Aeneidos II, 693, ubi haec post alia leguntur. *sed fulmen unde exoritur, id servari oportet, et tonitru ubi desinit. (et cum a sinistr)a tonat, optimum fit auspiciu, si modo non posticis sed anticis evenit.* plura in codice esse, quae Maius non ediderit, indicavit H. Keilius p. 90.

385. UT EATULERIT SE. Oblongus *fatulerit*. supra EXTULERIT. in libro Manilii I, 10 pro FACIS scribendum puto EXCIS, *viresque excis ad tanta canenda*.

386. FULMINES ICTUS. Corrector oblongi FULMINIS.

389. QUO INQUEST CUMQUE VOLUNTAS. Quadratus *quoque est cumque*. optime Marullus et ante eum Antonius *quo cuique est cumque* VOLUPTAS.

393. CONCIUS. Corrector oblongi CONSCIUS.

401. IUPPITERRAS FULMEN. In quadrato *p* simplex. huius corrector et ceteri IN TERRAS.

402. IPSE IN AESTUM DESCENDIT. Vere et acute Lambinus *ipse in eas tum*. versus 405 maxima pars est apud Macrobiu Saturn. VI, 1.

406. PRAETEREA SI VIVIT. Sic quadratus: oblongus *Propterea si iuvit*. Antonius *Propterea sevi ut*, impressi *Praeterea* (sed Brixiensis *Propterea sinuunt*. corrector quadrati et Avantius *si vult*. paulo post oblongus *vult opprimere*, quadratus *vel opprimere*.

417. DEUM DILUBRA. Sic miro consensu membranae.

421. ALTAQUE CUR PLERUMQUE PETIT IOCA, PLURIMAQUE PLUS MONTIBUS IN SUMMIS VESTIGIA CERNIMUS IGNIS? Corrector quadrati et ceteri LOCA. porro Avantius *plurima quo plus*, quem Wakefieldus secutus est.

quo magis ferri pōset, illud non item. Lambinus bene *plurimaque huius*: sed potuit propius ad litteras accedere scribendo *EIUS*, ut 694 *montis ad eius Radices*. in iv, 260 *Particulam venti sentire et frigoris eius*.

424. PRESTERAS GRALI. Corrector quadrati *Grai*. alias membranae semper *Grai*, itaque Antonius et Brixien-
sis: hic duplex *i* relictum est, quia Lucretius et antiquiores
librarii scripserant GRAIEI vel *Graiei*. *Graiii* tamen vix
umquam lectum esse existimo, neque *coiicit* aut *eiicit*, quae
Velius Longus p. 2219 et 2232 admittit, nec multo saepius
coiicit, quamvis Quintilianus agnoscat in i, 4, 11, ut dixi ad
Gai commentarium iii, 119, aut *eiicit*, a Longo in quaestione
positum: et *Pompeii* genetivum veteres per tria *i* scripsisse
cum dicit Priscianus p. 545, fingit, puto, quod numquam
viderat.

426. TAM CUM. Itali et impressi TAMQUAM, ut versu 433.
sed Wakefieldus versu proximo inepte *descendant*, ubi oblon-
gus *discendat*, ut quadratus mox versu 438 *discendit*.

428. LACITA. Itali INCITA.

430. VENIUNT. Immo VENIANT. hoc suavius quam si
in superiore versu scribamus *tum sunt*, quod fecit ante Lam-
binum Antonius Marii.

434. BRACCHIQUE. Lucretius ipse scribebat, nisi fallor,
bracique vel *braccique*. *bracioque* aperto est in lege Servilia
p. 62. nostri codices consensu *brachia* exhibent in iv, 769 et
790, sed iidem *r* omisso *bacchia* in iv, 829 (sic Mediceus Ver-
gilii Aen. xii, 209 prima manu, item Mediceus Varronis de
lingua Latina v p. 20 *clamide clupeat bacchium*, ubi Nonius
p. 87, 26 *etaccium*, item *bacchium* apud Nonium p. 117, 26,
Groninganus Propertii *bacchia* iv, 14, 5), *brachia* oblongus
in iv, 952 et quadratus in vi, 397 altero utrobique repugnante,
ut appareat librarios morem vetustum suae consuetudini pa-
rentes depravasse. itaque hic scribo BRACCHIQUE, et *brac-
chia* constanter. *bracchium* digesta Florentina, *brachium* libro-
rum sacrorum codices.

436. VENT. Sic oblongus, *ventus* quadratus. corrector
oblongi VENTI.

440. DETRUIT. Corrector oblongi *detrudit*. Lambinus
rectius DETRUSIT.

444. EX AERI. Corrector oblongi AERE.

447. ATQUE PROCELLAT. Hoc Wakefieldo cum mancipiis suis placeat: recte Itali PROCELLAE.

449. OFFICERET IN. Itali OFFICERE in.

452. HOC SUPER IN CAELI SPATIO COIRE. Itali et Brixienſis editio COIRE. sed praeterea scribendum SUPERO in spatio. versu 855 *supera de parte et superum lumen*.

453. ASPERIORA, MODIS QUE POSSINT INDUPEDITA EXIGUIS TAMEN INTER SE COMPRESSA TENERI. Recte Lambinus COMPRESSA, ut paulo post versu 456, ubi quadratus *comprendunt*. sed idem quod *modis exiguis* interpretatur *modice*, quantitatem cum qualitate confundi non animadvertit. scribendum est *hamis exiguis*, vel eodem sensu propius ad litteras MORIS *exiguis*. sic versu 531 *mora quae fluvios passim refrenat euntis* pro *glacie*. sic Vergilius in x, 485 *Loricaeque moras et pectus perforat ingens*. sic alia apud I. F. Gronovium ad Senecam de beneficiis v, 12.

456. INDE EA COMPRENDUNT INTER SE. Non *ea* corpuscula quae parvas nubes constituunt, sed *cae* ipsae nubesculae. ceterum neque *cae* neque *hae* alibi dixit Lucretius, sed HAEC feminino genere in libro III, 601; quare non dubito quin id ipsum hic quoque illis praeferendum sit. *eaedem* tamen semel dixit, et quidem duabus syllabis, in i, 306, ubi *e* primum in quadrato est a recentiore manu in litura, cui quid subsit videre non possum. apud alios poetas qui hexametris scripserunt neque *cae* neque *eaedem* invenio. *eos* multi dixerunt, *eosdem* et *easdem* pauci, duabus syllabis Propertius in v, 7, 7 8, ubi Neapolitanus habet *Hosdem* — *Eosdem*, ceteri bis *Hosdem*. Ennius apud Ciceronem de officiis i, 12 *Eorundem libertati me parcere certum est*.

459. VICINA CACUMINA CAELO QUAM SINT QUOQUE MAGIS. Ut hic *quam quoque magis*, ita *Tanto quique magis* in III, 700 et in v, 343; *um je wie viel mehr*, *um je so viel mehr*. haec qui similiter dixerit neminem novi: sed proximum est *multo tanto amplius*, quo Plautus utitur in Menaechmis v, 2, 49 ita, *si ille quid deliquerit*, *Multo tanto illum accusabo quam te accusavi amplius*. sic saepius ille in adiectivis, ut *multo tanto carior*, *multo tanto miserior*, *ter tanto peior*:

461. FULVAE NUBES. Marullus NUBIS. *fulvae* autem servandum esse, non FURVAE scribendum, mihi N. Heinsius

ad Ovidii metam. III, 273 et Näkius ad Diras p. 71 aegre persuadent, ubi de *crassa caligine* agitur.

465. HIC DEMUM FIT UTI TURBAMMOR COORTA ET CONDENSATQUE ARTA PARERE ET SIMUL IPSO VERTICE DE MONTIS VIDEATUR SURGERE IN AETHRAM. Quadratus *turbamur coorta*, Antonius Marii *turba minore cohorta*, Marullus *turba maiore*. porro Marullus *Et condensata arcte apparere et simul* — *videatur surgere in aethram*: 'id est nubes' Wakefieldus inquit. Lambinus *apparere videatur* non tulit, et recte *videantur* legendum vidit (agitur enim de nubilis), cetera temere temptavit. *videantur* ante eum Antonius Marii, qui habet *Et condensa atque arta apparere*. nihil clarius est quam haec ita scribere oportere, *Hic demum fit uti — Et condensa* QUEANT APPARERE et simul ipso Vertice de montis VIDEANTUR surgere in aethram.

468. NAM LO DECLARAT. Itali LOCA.

469. RES IPSA ET SENSUM. Naugerius *et sensus*. at Wakefieldus, quia *sensa* dicuntur quae sensimus, *sensu* etiam sentiri putavit; quod est absurdum.

473. QUOD MAGIS. Marullus QUO.

474. CONSURGEREM HOMINE. Itali *consurgere* MOME.

475. NAM RATIO CONSANGUINEAE UMORIBUS OMNIS. Haec cum in impressis exemplaribus multo magis corrupta essent, Isaacus Vossius primus intellexit CONSANGUINEAST scribendum esse. sed *omnis* sententiam corrumpit. debet esse *umoribus* OLLIS, nubium scilicet ac maris.

476. FLUVIS. Sic libri pro FLUVIIS. mire scholiastes ad Statii Thebaidem libro I, 207 *secundum Lucretium*, qui dicit *ex udore terrae nebulas oriri, ex nebulis nubes, ex nubibus pluvias*. Servius ad Aeneidos I, 743 UNDE IMBER. *Scilicet de nubibus fit. secundum Lucretium de terrae alitu nascuntur, qui nebulas creat: quae cum altius elevatae fuerint, aut solis calore resolutae* (v. 514), *aut vi ventorum compressae* (v. 510), *mittunt leves pluvias, vel exprimunt* (v. 518) *contentiores*.

481. URGIT — SUPE. Corrector oblongi URGIT. quadratus *sub*, Itali SUPER.

483. FIT QUOQUE UT HUNC VENIANT IN CAELUM EXTRINSECUS ILLI CORPORA. Quadratus *extrinsecus ille*. HUC

in caelum Avantius, rectius quam Marullus *hunc in coetum*: nam cum modo de aethere dictum esset, ita magis apparet extra quem locum illa corpora esse dicantur quae *extrinsecus* adveniunt. sed *ILLA Corpora* verissime Marullus et ante eum Itali. mox versu 486 quadratus *quantaque*, oblongus et Italici *cunctaque*.

488. INMEMORABILE SPATIUM. Marullus *PER spatium*.

489. HAUT IGITUR MIRUMST, SI PARVO TEMPORE SAEPE TAM MAGNIS MONTIS TEMPESTA ATQUE TENEBRAE COPERIANT MARIA AC TERRAS INPENSA SUPERNE. Hic ante omnia COPERIUNT scribendum est ex constanti usu Lucretii. vide IV, 814 V, 192 748 799 1238 VI, 375 1012. tum TEMPESTAS Itali et impressi. sed non bene Marullus et ceteri *Tam magnos montis tempestas atque tenebrae Cooperiant, maria ac terras impensa superne*: nam et *tam magni* montes tenebris obduci prorsus inepte dicuntur, et tenebrae *maria ac terras impensae* mira *σύνταξις* est, cui similem non tulit in Terentii Phormione I, 4, 2 Bentleius, ubi erat *tanta me impendent mala*. hic fortasse non recte: certe confirmat illud Messius p. 383 in Frontone Maii, et apud Festum p. 161, 6 leguntur haec, *Me pro mihi dicebant antiqui, ut — Lucilius Nunc ad te redeo, ut quae res me impendet agatur*; item apud Lucretium I, 326 *Nec, mare quae impendent, vesco sale saxa peresa*. et hoc ad Terentii versum a Donato adhibitum fuisse ex eis apparet quae Lindenbrogius p. 647 e libro vetere adfert, *tu es corsali saxa peresa*. veteres dixisse *impendeo te* Diomedes refert p. 305. sed in nostro versu ita orationem structam accipere necesse non est: aptius enim *maria ac terrae* tempestate et tenebris *cooperiri* dicuntur; et satis certum est, quamquam ne Lambinus quidem vidit, *impensa* dici posse quae impendent. dixit ita Seneca in Hercule 1592, *nulla dominetur aula Qui putet solum decus esse regni Semper impensum tenuisse ferrum*, id est *gladium tenere impendentem*. cetera in aperto erunt, si scribemus *Tam magnis NIMBIS*.

492. PER CAVIAS AETHERIS. *Per CAULAS* Marullus. in lege Cornelia de xx quaestoribus 2, 41 *quorum viatorum praeconum nomina in eis decuriis ad aedem Saturni in pariete intra caviis proxime ante hanc legem ita Göttingus, Sigonius intra caveas: legendum caulas*. Charisius p. 211, inter exempla praepositionum, *intra caulas*. apud Macrobius de

Iano, Saturnal. I, 9, *Patulcium et Clusivium, quia bello caulae eius patent, pace clauduntur*. glossaria Περιβολοι, *menia* —, *caulae*.

496. IN TERRAS DIMISSUS. Lambinus DEMISSUS.

498. VINEAM. Itali et impressi VINCAM.

500. ET NUBIBUS, ET AQUAM. Iidem NUBIS.

502. SUDOR IDEM. Iidem ITEM.

503. CONCIDIUNT. Brixienſis editio CONCIPUUNT, Veronensis *Concuderint*.

509. CONFERTE NUBES VI VENTI MITTERE CERTANT DUPLICITER. Hoc absurdum esse post Creechium Wakefieldus intellexit. sed is commenta ineptissima effundere maluit quam in vero, quod tamen invenerat, adquiescere. id erat UMENTIA *mittere*.

511. COPIA NIMBORUM TURBAM MORE COACTA URGETE SUPERO PRIMIT AC FACIT EFFLUERE IMBRIS. *Turba* MAIORE Marullus. tum oblongus *Urgite*, ut versu 481 *Urgit*. eiusdem corrector *Urget et e supero* PREMIT. sed Wakefieldus recte observavit Lucretium semper dixisse *ex supero* II, 227 241 248: idem vero quod se non erubuisse scribit ex ingenio *ex restituere*, et rubori et ingenio parcere potuit, si id quo vetus scriptura ducit reprehendisset, *Urget*, *DE supero* *premit*. magis proprie *de supero*, quo Plautus usus est, dicitur quam *desuper*, quod ante Vergilium a Caesare de bello Gallico I, 52, 5 scriptum esse non credo, sed *de supero vulnerarent*. *de supernis* Vitruvius in x, 7, 3, qui numquam dixit *desuper*: in eodem libro 16, 10 exemplaria vetera vitiose *desuper*, pro *de superno*, nisi fallor. simillima his sunt *de plano*, *de subito*, *de repente*.

514. SOLIS SUPER ICTA CALOREM. Antiquissimi correctores CALORE. *super* non est *desuper*, ut expressit Creechius, sed *insuper*, praeterea. in III, 672 *Cur super ante actam aetatem meminisse nequimus?* et 901 *nec tibi earum Iam desiderium rerum super insidet una*. in I, 648 *sic partes ignis eandem Naturam quam totus habet super ignis haberent*. in v, 763 *Et cur terra queat lunam spoliare vicissim Lumine et oppressum solem super ipsa tenere?* Ovidius metam. xv, 308 *Plurima cum subeant audita aut cognita nobis, Pauca super referam*. Serenus Samonicus 957 (989) *Non solum miseros deterrima febris adurit, Sed super optato pergit viduare sopore*. Silius in VIII, 121

Namque super somno dirus me impleverat horror, ubi libri habent Namque asper.

515. STILLANTE, QUASI IGNI TELA SUPER CALIDO TABESCENS MULTA LIQUESCAT. Corrector quadrati et post eum Lambinus STILLANTQUE, quod mihi unice probandum videtur: nam *stillata* Lucretio adscribere non ausim, quamvis Ovidius et *stillatum* et *instillatum* dixerit. agnoscit tamen passivum Isidorus originum XIII, 10, in ceteris Servium secutus, cuius verba exhibui ad versum 476. *Pluviae eo quod fluant, quasi fluviae. nascuntur enim de terrae et maris anhelitu. quae cum altius elevatae fuerint (scilicet nebulae: sed ita solet omnia confundere Isidorus), aut solis calore resolutae, aut vi ventorum compressae, stillantur in terris.* Marullus male *stillando*, sed idem egregie CERA. corrector quadrati *Teda*.

517. SED VEMENS IMBER FIT, UBI VEHEMENTER UTRAQUE NUBILA VI CUMULATA PREMUNTUR ET IMPETE VENTI. *Vemens*, sic oblongus, ut dixi ad librum II, 1024. sed *utraque vi* caret sensu: nam Wakefieldi interpretatio relatu indigna est. necessario scribendum est *Nubila AQUIS cumulata premuntur*. sed *utraque*, id est utroque casu, in utraque parte, temptari non debet. ita in IV, 86 *ex summo quoniam iaculantur utraque*, et versu 291 *Aëribus binis quoniam res confit utraque*: sic utrobique quadratus, oblongus *utraque*.

519. AT RETINERET DIU PLUVIAE LONGUMQUE MORARI CONSUERUNT, UBI MULTA FIENTUR SEMINA AQUARUM. Correctores antiqui *At retinere*, quod Lambinus et Faber inepte interpretantur 'morari homines et domo retinere'. proprium est *ATQUE TENERE diu*. Livius libro XXIII, 44, 6 *imber continens per noctem totam usque ad horam tertiam diei insequentis tenuit*. plura huius usus exempla Dukerus collegit ad librum Livii IV, 7, 7 et ad VI, 35, 10. tum recte Wakefieldus *ubi multa* FIENTUR; quod tamen nec ipse tenuit nec Forbiger commemorandum duxit, cum magis probarent Itali nescio cuius commentum longe insulsissimum, qui fecerat *fluenter*. ita Antonius Marii.

521. NIMBIQUE RIGNANTE INSUPER AQVE OMNI. Correctorum antiquissimus RIGANTES et ATQUE.

523. HUMOREM TOTA REDRALAT. *Humorem* cum aspi-

ratione hic uterque Vossianus, oblongus solus i, 309 vi, 472; idem in ii, 1114 *Umor ad humorem*, ubi quadratus *Umor ad umore*. tum corrector oblongi et impressi cum lexicis barbare *rehalat*: Wakefieldus monitu Vossii REDHALAT.

524. TEMPESTATE INTE OPACAM. Oblongus prima manu *ime*, *inte* a correctore ut quadratus. Itali TEMPESTATEM INTER.

526. EXISTI NUBIBUS ARQUI. Quadratus *existin*, apud Nonium p. 425, 6 *exitit*, correctores antiquissimi EXISTIT.

527. CETERA QUAE SURSUM CRESCUNT SURSUMQUE CREANTUR, ET QUE CONCRESCUNT IN NUBIBUS. Nihil horum quae poeta dicit sursum crescit, sed omnia deorsum feruntur, nix, venti, grando, pruina. contra, ut est in ii, 189, *sursum nitidae fruges arbustaque crescunt*. at interpretes *crescunt* et *creantur* idem esse dicunt, *sursum* autem *creari* quae in summa aëris regione fiant; quorum alterum putidum est, alterum ne Latinum quidem. in ii, 188 *fruges arbustaque sursum versus gignuntur et auginia sumunt*: scilicet tota res sursum versus procedit, origo et auctus. *nares* cum Cicero *sursum* esse scribit de natura deorum ii, 140, *foramina earum ascendere* significat, eo quod omnis odor ad supera feratur: et Varro rerum rusticarum libro i, 6, 3 quos *susum colere* dicit, eorum culturae ad superiora pertinent. idem ibidem *eadem illa susum quam deosum tardius seruntur ac metuntur*, item *hic, susum, deosum nascuntur*, hoc est in locis ad summa vel infima vergentibus, *nach oben oder nach unten zu*, non in ipsis summis aut infimis. itaque ipso directionis fine addito idem Varro in iii, 5, 4 *deorsum in terram esse aquam quam bibere possint*. in Lucretii versu rei commodum est quae cursu *crescunt* *cursumque creantur*, τῇ πορῇ.

531. ET MORA QUE FLUVIOS PASSIM REFRENAT AVINTIS. Oblongus prima manu *fluvius*, a correctore *aventis*. optime corrector quadrati et *Avantius* EUNTIS.

532. PERFACILESI TAMEN. Itali *Perfacile* EST.

533. QUO PACTO FLUANT. Quadratus *fluvant*. FIANTE Marullus.

536. TERRAS FAC UT ESSE REARIS SUPTER ITEM UT SUPER VENTIS UNDIQUE PLENAM SPELUNCIS. Oblongus prima manu *ut asse*, quadratus *Subter*. TERRAM Anto-

nus Marii et Marullus , ut SUPERA Avantius , VENTOSIS egregie Wakefieldus .

538. MULTOSQUE LACUS MULTASQUE LUCUNAS . Hinc Isidorus de natura rerum 41, 1 *Denique videmus lacus multasque lacunas parvo sub momenti spatio ventorum flatibus solisque ardore consumi* .

539. ET RUPES DERUPES DERUPTAQUE SAXA . *Derupes* corrector quadrati delevit , omiserunt Antonius et Brixiensis .

541. VOLVERE VI FLUCTUS SUMMERSOSCA PUTANDUMST . Itali SUBMERSAQUE SAXA . hoc rei tam aptum est , ut nihil ultra quaerendum sit . *per sasca* scriptum vidimus supra versu 229 ,

542. SIMILI ESSE VI . Marullus SIMILEM *esse* SUI .

548. QUONIAM PLAUSTRIS CONCUSSA TREMESCUNT TECTA VIAM PROPTER NON MAGNO PONDERE TOTA . Immo PLAUSTRI *non magno pondere concussa* , id est levi plaustro . editores quomodo *tecta non magno pondere* patienter ferre potuerint non video . inepte Creechius 'plaustris non magno pondere onustis' .

550. NEC MINUS EXULTANTES DUPUIS CUMQUE VIM FERRATOS UTRIMQUE ROTARUM SUCCUTIT ORBES . In his vim in fine versus collocatum necessario legendum est VIAI , ut versu 465 et 511 MMORE MAIORE , ut libro I, 665 MIA ALIA . porro currum ab utraque parte rotis ferratis instructum quid tam facile succutiet quam viae publicae salebrae aut lapides ? hinc apparet litteras fugientes ad hunc modum reprehendas esse , *Nec minus exultant* , ET UBI LAPIS *cumque* VIAI *Ferratos utrimque rotarum succutit orbis* . quae his structura orationis simillima sunt , *Nec ratione fluunt alia* — *Et cum mollis aquae fertur natura* I, 281 , ea una cum aliis ex eodem genere , III, 1093 II, 420 V, 1075 1082 II, 416 , posuit Mauricius Hauptius in observationibus criticis p. 36 .

552. FIT QUOQUE UBI IN MAGNAS AQUAE VASTASQUE LUCUNAS . In *magnas aequae* Marullus , *magnas in aquas* Avantius , *magnas in aquae* Lambinus . versu 1072 pessime Marullus *Vitigeni latibus in aquai fontibus audent Misceri* , addito *in* , quod debebat certe *cum* esse . sed praestat grammatico antiquo fidem habere , quem Beda secutus de metris p. 2376 versum huius libri 859 ita scriptum exhibet , *Quae*

calidum faciunt aquae tactum atque vaporem, ubi in libris nostris est *laticis tactum*. illud autem Bedae credendum non est, quod vocalem brevem, quae *q* et *u* et vocali qualibet exciperetur, veteres communem esse voluisse scribit: neque credibile est tam antiquum poëtam eo usum esse quod grammaticus Eichenfeldii p. 444 tamquam barbarum reicit, cum dicit *aqua*, non *acqua*. est igitur scribendum *aquae* et *aquai*. similiter Horatius, isque unus inter omnes, *siluae* tribus syllabis dixit, idemque e contrario *larvam* quae Plauto et Priapei 33 poëtae *larua* est, Adamantio Putschii p. 2304 *larba*, item *miluum* antiquiores, *nilvum* Persius Martialis Iuvenalis (in *halieuticis* 95 scribendum *iuli* e Plinio), et Plautus, nisi fallor, *acuam* aliquotiens, ut in *Truculento* II, 7, 13 *Nisi derivetúr tamen, omnis éa aquia abeat in mare*, in *Milite* II, 6, 71 *Nam ex uno puteo similior numquam potis Aquae áquiae sumi, quam haec est atque ista hospita*. denique qui est a Cicerone in *Tusculanarum* I, 10 positus de Tantalo versiculus, eum omnes auctores ita scriptum fuisse consentiunt, *Mento summam aquium attingens, enectus síi*. neque aliter Titinius apud Nonium p. 245, 31 *Térra haec est, non aquia, ubi es* (hoc addidi) *tu solitus argutarier Pedibus, cretam dum compercis* (libri *compescis*), *vestimenta qui laves* (libri *que levas*).

554. UT IACTETUR AQVE FLUCTU QUOQUE TERRA VACILLAS. *Vacillat* corrector oblongi et olim impressi, *vacillet* Antonius: VACILLANS corrector quadrati et Avantius.

555. UT VAS INTER NON QUIT CONSTARE. *In terra Marullus*, sine sensu. Wakefieldus inepte *inter nos*. verum est INTER DUM. nimis breviter Servius ad georgicon II, 479 *Alii aquam dicunt genitalem sub terris moveri et simul eas concutere, sicut vas aquae, ut dicit Lucretius*. quae exscribit Isidorus originum XIV, 1.

558. ET URGES. Correctores antiqui URGET.

563. INCLINATA MINENT IN EADEM PRODITA PARTEM. A. A. Q. Q. Quadratus *prodit partem aqueq.*, ut appareat librarum illa *a. a. q. q.* non intellexisse, quae Veronensis et Venetus ita scripta exhibent, *a a ii q.*, omiserunt Antonius et Brixiensis: neque ego quid per ea significetur exputare possum. hoc scio, finem paginae huius libri vigesimae secundae in codice antiquo non hic fuisse, sed paulo ante ubi est *speluncas viribus altis*. neque vero, si quis hic notae ali-

cuius Probianae vestigium remansisse suspicetur, ad verum ipsum emendandum mihi quicquam proficere videbitur. in quo primum Itali recte scripserunt in EANDEM. tum corrector quadrati *manent*, Antonius Marii et Marullus *minant*; quorum illud sententiam pervertit, hoc aut Latinum non est (nam *mino* et *minor* veteres in una eademque significatione protulisse Prisciano credendum non est, quem *interminatus* participium fefellit), aut in pellendi significatione ruris potius quam urbis. ab hoc factum *eminare* lexica ignorant, agnoscunt Actuum apostolorum exemplaria Latina perantiqua xviii, 21. ridiculi sunt qui aut per tmesin accipiunt, *Inminent. clinata*, aut *minere* a se hic et in versu 1195 restitutum gloriantur, 'verbum simplex' sane, sed sensu cassum, quod homines docti in Sallustii verbis a Nonio p. 555, 2 consignatis ferendum non existimarunt. multo melius est quod Pius dedit, *Inclinata micant*, id est saliant et tremescunt; nisi quod *micare* in igneis tantum vel animatis locum habere existimo. quare, cum hic quod certum sit nihil videam, malo credere Lucretium suo et apto vocabulo scripsisse *Inclinata* MEANT in eandem prodita partem.

565. ET METUUNT. Oblongus *Te metuunt*, Veronensis editio *Te metiunt*.

568. QUOD NISI RESPIRENT VENTIS NULLA REFREMET RES NEQUE AB EXITIO POSSIT REPREHENDERE EUNTIS. Quadratus *refert met Res nec que ab*, oblongus *reprehendereuntis*. VENTI et REFRENET Itali. tum Brixienensis editio *si nulla*, nec multo melius ad orationem absolvendam Itali *non ulla*, factum ad exemplum versus in i 850, ubi est *neque ab exitio res ulla refrenat*. hic Wakefieldus valde laudandus est, qui verissime correxit scribendo *vis nulla refrenet Res*.

574. ET RECIPIT PROLAPSA SUAS IN PONDERA SEDES. In pondera quadratus, in pondere oblongus et Itali impressique libri. *prolapsa in pondera* est ab omni parte in aequalia pondera prolapsa, *εις ισορροπίαν*. ita Turnebus in adversariis iv, 17 Ovidianum illud interpretatur in metam. i, 13, *Nec circum fuso pendebat in aëre tellus Ponderibus librata suis*. ita Lucretius in ii, 218 *Corpora cum deorsum rectum per inane feruntur*, *Ponderibus propriis incerto tempore ferme Incertisque loci spatiis decellere paulum*. Lucanus in i, 57 *Aetheris im-*

mensi partem si presseris unam, Sentiet axis onus: librati pondera caeli Orbe tene medio. neque iam his consideratis quemquam fore spero qui Gesnero repugnet in Horatii epistularum I, 6, 51 illud *trans pondera dextram Porrigere* interpretanti 'ultra libramentum sive aequilibrium corporis'. sed *pondus* singulari numero ita dici non posse Turnebus recte observavit; quo fit ut in Lucretii versu *in pondere* reiciendum sit.

582. VERSABUNDA PORTATUR. Verissime Itali *Versabunda* que.

584. DIFFIDENS. Ibidem DIFFINDENS.

586. QUA EXITUS. *Quadratus* que. Avantius quas, sed idem male *Disturbat* que.

588. CECIDERET. *Quadratus caecideret.* impressi CECIDERUNT.

589. POSSUM SUBSEDERE. Corrector quadrati et ceteri PESSUM.

594. UT IN NOSTROS. Corrector quadrati et Marullus UTI *nostros.*

600. IDQUE SUIS CONFUSA VELIT COMPLE RUINIS. Corrector oblongi COMPLERE. sed *Idque* solus Wakefieldus se intellegere professus est, qui non clarissime interpretatur hoc modo, *id quod hiatu fecerit.* Lambinus hic ut alibi suum *Im* infulcit. unice aptum est ADQUE, quam scribendi rationem librarius oblongi numquam admisit, aliquotiens habet quadratus, in II, 881 918 1119 1128 III, 29 284.

604. SUBDITA ET HUNC STIMULUM QUADAM DE PARTI TIMORIS. PARTE scribendum esse vidit corrector oblongi; in quo erat prima manu *Subdit et hunc*, quod Antonius et Avantius quoque dederunt, cum olim impressi quadratum et correctorem oblongi sequantur. *Subditat hunc* Marullus. hoc Lambinus cum ceteris nihil miratus transmittit, idque in lexica receptum est tamquam frequentativum media syllaba truncatum. Wakefieldus glossario vetere male usus debuit certe ex eo omnia apponere, ut appareret ea huc non pertinere. sunt autem huius modi. *ἐνεχυρίασις*, *subditas* (*subtas*), *pigneracio*, *subditus*. *ἐνεχυριασμός*, *clarigatio*, *subditacio*, *pigneracio*, *clarigatio*. *ἐνεχυρίαζω*, *clarigo*, *subdito*, *pignero*, *pignoro*. quae ut fateor me non intellegere, ita affirmare possum a Lucretio esse *Subdit* ATHUC *stimulum*.

605. SUBSTRUCTA . Impressi SUBTRACTA , itaque Antonius Marii .

608. PRINCIPIO MARE MIRANTUR . Hoc quo referatur nihil est : nam nemo ea de causa , quod mare maius non fieri miratur , timet ne rerum summa pereat : hoc enim praecesserat . illud ipsum autem quod poëta , cum *principio* multos aliquam certam rem *mirari* dicit , necessario in mente habet , nusquam apparet , id est mortales multa quae naturalibus causis efficiantur frustra mirari . nam quamvis eius modi aliquid in huius libri principio dictum sit inde a versu 50 usque ad 55 , tamen illic de formidine agitur , non de admiratione , hic autem secuntur alia quae homines causis non recte perceptis *mirantur* , 654 760 850 910 1056 . huc accedit quod omnia haec , quibus mare fines suos non excedere demonstrat , non satis apte collocata sunt inter res multo magis coniunctas : nam a terrae motibus commodius ad Aetnae montis eruptiones quam ad maris continentiam transitur . quae cum ita sint , facile est ad cognoscendum ne hic quidem Lucretio per fatum licuisse poëma suum absolvere eiusque partes et recte disponere et apta iunctura inter sese conectere . atque id vel ex hoc intellegere possumus , quod , cum versu 50 ad libri totius argumentum respiciens dixisset *Cetera quae fieri in terris caeloque tuentur Mortales* , postea autem versu 83 et 84 nihil nisi *μετέωρα* promississet , tamen his pertractatis versu 535 nihil praefatus ad terrestria transiit . haec omnia interpretes cum non animadvertissent , mirabili mentis inertia probarunt versum a Marullo fictum , *Nunc ratio reddenda , augmen cur nesciat aequor* , qui non modo inutilis est , sed curiosius examinanti absurdus . eum solus Avantius non recepit , quem sequitur , ut solet , Iohannes Baptista Pius .

609. NATURA . Marullus NATURAM .

613. TAMEN AD MARIS OMNIA SUMMAM GÜTTA VIX INSTAR ERUNT UNIUS ADAUGMEN . Itali et Marullus GÜTTAI : sed iidem *ad augmen* vocibus divisus , oratione turpiter abundanti . hoc nullus interpretum animadvertit ; quo factum est ut *adaugmen* lexica adhuc ignorent , qui *adauctus* dictus est in libro II , 1122 . sunt tamen rara huius generis composita . *ablegmina* , *prosegmina* , *praesegmina* , *resegmina* Plinii , *subtegmen* sive *subtemen* , *examen* , *sufflamen* (a *suffrangendo* , puto , ut *suffragines*) , *propagmen* (sic a *pangendo* Ennius Nonii p. 64 , 32 et 221 , 9) ,

substramen, discrimen, abdomen, cognomen, praenomen. in Silii XII, 444 *substamina*, ubi recte docti *substramina*, *Lubrica roboreis sed erant substramina plaustris*, *Inque* (libri *Atque*) *recens caesi tergo prolapsa iuveni Aequoream rota ducebat per gramina puppim*. a verbis primae et quartae declinationis non ante Ovidium facta *revocamen, renovamen, remoramina, relevamina, respiramen, adspiramina, oblectamen, inritamen, suffimen*. exiguae vel nullius auctoritatis *adfamen, effamina, praefamen, perflamen, alligamen, adspectamen, adhortamina, antecantamina, involumen*.

616. PRAETEREA SOL MAGNAM. Oblongus prima manu *magnum*. Marullus MAGNAM SOL.

621. AD EQUORE. Antiquissimi correctores AB.

624. VERRENTES AEQUORA VENTI. Absurda et sine pondere repetitio, cum praecesserit *Tum porro venti quoque magnam tollere partem Umoris possunt*. nec tamen recte Itali *aequora ponti*: nam quae secuntur satis intellegi non possunt, nisi addimus qua re efficiantur, ita, VENTIS *Una nocte vias quoniam persaepe videmus Siccari*.

626. CRUSTRAS. Correctores veteres CRUSTAS.

629. IN ORBIS. In ORBI Marullus. proximis Vergilius utitur Aen. x, 807 ita, *Dum pluvit in terris*. ubi Servius mire archaismon dicit *in terris*, scilicet constructione antiquata; quod mihi antiqua simplicitate additum esse potius videtur, cum abesse posset. *debuì enim*, inquit, *dicere in terras: tamen sciendum hemistichium hoc Lucretii esse, quod ita ut invenit Vergilius ad suum transtulit carmen*.

632. ORAS MAGIS. Corrector quadrati et Antonius Florentinus MARIS.

638. LIQUIDO PEDE TULIT UNDA. Corrector oblongi DETULIT. ita scholion Lucani x, 248 in libro Bernensi quem saeculo decimo scriptum Sinnerus dicit. in eo scholio hic versus cum quinque proximis profertur ex libro sexto, non e v, 272.

639. PER FAUCAS MONTIS UT AETHNAE. Corrector oblongi FAUCES. *th* litteras oblongus habet in litura; versu 669 et 681 idem *Aetneus* et *Etne*, quadratus *Aethneus* et *Aethne*; in i, 722 uterque *Aetnea*; in ii, 593 oblongus *Aetnae*, quadratus *Aethnae*.

641. NEQUE ENIM MEDIA GRECIA DE COORTA FLAM-

MAE TEMPESTAS. Oblongus *Flamme*, apud Nonium p. 495, 17 *Flammea*. hic Antonius Marii et Marullus permire *media de glande*. Pius, vel potius aut Hermolaus Barbarus aut Pomponius Laetus aut Philippus Beroaldus (Pius enim *anti-quam lectionem* testificatur), cum CLADE scribendum vidisset, tamen sententiam et orationis formam non percepit. hic igitur quod fecerat, *media de clade*, cum id Naugerius expressisset, Lambinus libris suis non inspectis frustra explicare conatus est, Gifanius et Daniel Pareus tamquam apertissimum transierunt. Fabro et Bentleio parata venia est, quod alter numquam alter nondum cognita vetere scriptura non satis vere temptarunt *dia de clade* et *Enceladi de clade*: Salmasius autem pariter ac vetus ille Italus peccavit, cum ineptissime fecit *media e re clade coorta*. Isaacus Vossius egregie et in homine iudicii alias perversissimi valde laudanda simplicitate *neque enim* MEDIOCRI *clade*. id probarunt Nicolaus Heinsius ad Ovidii metamorph. iv, 536, Richardus Bentleius, postquam cognovit (vide editionis Glasguensis tomum iv p. 454), Gilbertus Wakefieldus hic quidem veritati concedens: contra reiecerunt Creechius, Havercampus, Eichstadius, splendida scilicet ingenui iudicii exempla: Forbiger illud 'quem sensum idoneum praeberet' sese perspicere negavit, lectores autem suo iudicio uti iussit. mihi dubium non est quin eum omnes Pareo simillimum habituri sint. ceterum *flammae tempestas* quae sit non intellego: recte probaverunt FLAMMEA Heinsius et Wakefieldus.

648. DESPICIENDUM. Impressi DISPICIENDUM. simili modo Vitruvius *dispiciendi* verbo usus est in ix, 4, 5, *earumque capita inter se dispicientia sunt collocata*.

651. MULTAESIMA. Apud Nonium p. 136, 14 *multesima*, omisso *sit*. *ae* litteris librarius archetypi usus est ad indicandum illum apertum *e* litterae sonum de quo dixi ad librum v, 1229, eoque Itali hodie utuntur in *ventesimo* et ceteris eius modi. huic sono exprimendo aptum est signum, quod multis placuit, *æ*, litteris complicatis. Terentianus Maurus p. 2393 2394 non reprehendit eos qui *cæu* vel *Æupolin* per diphthongon dicerent, sed qui priore vocali producta diphthongon diducerent, ut *A-urunci* et *cæ-u* sonarent ut *Archelaus* et *Aristæ-us*; quamquam productiorem sonum concedit *auspici* et *auro* et Graeco *αὔριον*, cuius differentiae causam

non perspicio, rem non miror, qui sciam ipsum Petrarcham scripsisse *Pur Fa-ustina il fa qui stare a segno*. sed Lucretio *ae vera diphthongos erat*, cuius utraque vocalis audiebatur.

653. PROPOSITUS SI PLANI. Corrector quadrati et impressi PROPOSITUM *si PLANE*.

658. OPTURCESCIT. Corrector oblongi OPTURGESCIT.

662. QUI SUNT. Idem QUIA.

663. ET SATIS HAEC TELLUS MORBI CAELUMQUE MALI FERT. Immo ORBI: alterum enim absurdum est, sive tellurem caelumque satis *morbi mali*, sive tellurem satis *morbi* et caelum satis *mali* ferre dicas, *Unde queat vis immensi procrecere morbi*. Lambinus dederat *nobis*, 'ex codicibus Florentinis' inquit, id est ex coniectura Marulli.

667. CONCUSSO MOVERI. Correctores veteres CONCUSSA.

674. ET FLUVIUS, QUI VISUS, MAXIMUS EI QUI NON ANTE ALIQUEM MAIOREM VIDIT, ET INGENS ARBOR HOMIQUE VIDETUR. Admirantur haec Wakefieldus et Forbiger: aliis supervacaneum et molestum videbitur illud *qui visus*, neque *est* abesse potest ex usu Lucretii. optime Bentleius *fluvius QUIVIS EST maximus ei*.

676. ET OMNIA DE GENERE OMNIS. Itali *de genere OMNI*.

683. FERES ILLI CUM. Corrector oblongi *fere SILICUM*.

685. VENTUS ENIM. Hoc versu Isidorus utitur de natura rerum 36, 1.

687. QUA CONTIGIT. Itali et Brixienensis editio *qua CONTINGIT*.

690. FERT ITQUE ARDOREM LONGE. Olim impressi *Fecitque*, Antonius *Fervitque*, Marullus *Funditque*, Vossius *Vertitque*, Wakefieldus cum suis, ne nihil egisse videantur, *Vortitque*. quid clarius quam scribendum esse *Fert ITAQUE*?

695. AESTUMQUE RESOLVET. Itali *eximie RESORBET*.

697. HAC IRE FATENDUMST ET PENETRARE MARI PENITUS RES COGIT APERTO ATQUE EFFLARE FORAS. Haec una sententia est, *fatendum est hac*, id est per speluncas, *ire et penetrare aestum maris resorptum atque efflare foras*. in hanc sententiam illa non intrant, *mari res cogit*, in quibus sententiae subiectum latere apparet. hoc vero non

tale fuisse quale modo simplicius posui, resorpta maris, sed potius calefactas maris partes, ostendit adiectum *penitus*: hoc enim ad *penetrare* pertinere non est veri simile, cum in fine versus super sit *aperto*, debeant autem *in apertum penetrare* quae efflatura sunt. ergo et litteris et sententiae prorsus convenit *Et penetrare MARIS penitus PERCOCTA IN APERTUM*, nec potest profecto Lucretius aliter scripsisse.

701. IN SUMMO SUNT VERTICENI CRATERES. *Vertigeni* quadratus. Marullus *vertice item*: sed Turnebus in *adversariis* xxii, 19 rectius *vertice ENIM*.

705. IACERET. Itali et Brixienſis editio IACERE.

708. NAM QUE EUM. Itali NEQUE.

710. UTRUM GENERE ALIQUID ESSE EX HOC QUOD CONTIGIT. Horum ultima littera quadratus caret, in ceteris cum oblongo consentit. Marullus VERUM. Avantius cum Antonio Marii ALIQUID GENERE. Isaacus Vossius optime *quod* CONTIGIT EI.

716. QUIETES IRE ESSE FERUNTUR. *Qui ETESIAE* Itali et corrector quadrati. Isidorum originum xiii, 11 ex Lucretio *Etesiae autem flabra sunt aquilonis, quibus nomen inditum est quod certo anni tempore flatus agere incipiunt*. ex his Isidori, non ex ipso Lucretio, in Taciti historiarum libro ii, 98 in medium *etesiarum* vocabulum illata esse *flabra aquilonis* ostendit I. F. Grohovius in observationum libro iv, 2 p. 30,

719. FLABRO FERUNTUR. Itali et impressi FLABRA. Isidorus *Haec cursum rectum a borea in Aegyptum ferunt, quibus auster contrarius est*.

723. EXORINS. Correctores veteres EXORIENS.

726. RUI INTUS. Iidem RUIT.

727. LIBER MINUS EXITUS AMNIS. Marullus AMNI.

729. AD CAPUT EI. Itali et Marullus *eius*. correctionis causam non perspicio, et quaerendum puto quis ante Hirtium Horatium Vergilium Vitruvium dixerit *caput amnis, fontis, Rheni*, genetivo addito. supra versu 636 *et ad caput amnis omnis Confluit*. in Trinummo Plauti 940 Ritschelius haud scio an non recte cum Guyeto scripserit *Ad caput amnis, qui de caelo*, cum vetera exemplaria *quod* habeant; quocirca videbatur mihi poeta dedisse *Ad caput, amnis quod e caelo exoritur sub solio Iovis*.

730. QUO ETESIA. Hoc ferri non debet, quia *tum se*

quitur, *Tempore eo quo etesia flabra aquilonum Nubila coniungunt in eas tunc omnia partis*. QUOD *etesia* Marullus.

736. IN CAMPOS ALBOS DECEDERE NINGUES. Servius ad Aeneidos IV, 250 *ALBAS effundere ningues*. recte Lambinus DESCENDERE.

740. PRINCIPIO QUOD AVERNA VOCANTUR NOMINE, ID AB RE INPOSITUMST. Consentit cum libris nostris Nonius p. 14, 8, ubi est *id a re Impositum est*. sed mire Gervasius Tilleberiensis Anglus in Otiis imperialibus, quae ex regno Arelatensi ad Ottonem quartum Augustum scripsit circa annum 1211, in Leibnitii scriptoribus, tomo I p. 966, *Principio quod Averna vocantur, nomen aornis Impositum est, quia* etc. potuit hoc ab homine non nimis erudito effingi ex versu Prisciani in Vergilii Aeneidos librum VI, 242 illato, *Unde locum Grai dixerunt nomine Aornon*. sed multo sane magis proprium loquendi genus in his apparet, *nomen id ab re Inpositumst*, quae Antonius Florentinus et Marullus dederunt, quam quod libri habent, *quod nomine Averna vocantur, id ab re inpositumst*. itaque non dubito quin poeta scripserit *Principio, quo Averna vocantur nomine, id ab re Inpositumst*.

743. REMIGIO OBLITAE. Absurda scribendi ratione Wakefieldus *Remigiom*, quem caeco impetu Forbiger sequitur, ut versu proximo typographum Eichstadii, ubi is fecerat *Et regione*. prudentius his Marullus *Remigii*, nisi quod ne hoc quidem ita scriptum probari posse vidimus ad librum V, 1006. dixit Lucretius *REMIGI oblitae*, ut Ennius *Scipio invicte*, ut Vergilius *Insulae Ionio*, ut Iuvenalis *Arbori incertae*. alterum huius modi apud Lucretium exemplum medio in versu est, *etesiae esse* VI, 716, ut apud Catallum *Uno in lectulo erudituli ambo*; sed eadem condicione, hoc est eo loco qui elisionem non recipiat: nam praeter haec vocabula Creticum pedem efficientia tantum modo in monosyllabis hiatus admisit in media dactyli syllaba; Ennius vero etiam in disyllabo, *senis Enni imagini' formam*, quod minus eleganter dixisset *Ennii imaginis* aut *Enni in imagine* longa vocali cum brevi syllaba coalescente. quam collisionem Plautus quoque interdum hiando declinat. in Bacchisin I, 2, 26 *Ibidem ego meam operam perdidit, ubi tu tuam*. II, 3, 73 *Qui illic sacerdos est Didnae Ephesiae*. IV, 9, 36 *Post ubi tabellas ad senem tetulit, ibi occidi Troilum*. V, 2, 12 *Viden limulis obsecro ut intuentur?* in

Captivis III, 4, 2 *Nūc enimvero ego occidī . eunt ad ted hostes , Tyndare .* in Casina I, 46 *Cum mi illa dicat , mi animulē , mi Olýmpio .* II, 3, 40 *Quóí hominí hodie peculí nummus non est plumbeus .* in Mostellaria I, 3, 102 *'Una operá ebur atramento cande facere postules .* V, 2, 43 *Si hóc pudet , fecisse sumptum , supplicí habeo satis .* in Menaechmis II, 1, 33 *Nam itást haec hominú natió Epidamnia .* in Mercatore I, 1, 4 *Vidí amatores facere , qui aut nocti aut dii .* in Poenulo I, 1, 48 *Se amáre velle atque obsequí animo suo .* I, 2, 31 *Sorór , cogitá , amabo , itém nos perhibéri .* 67 *Milphió , ubi es ? ássum apud te eccum . at ego elixus sis volo .* IV, 2, 2 *Quóí hominí erus est consimilis , velut ego habeo hunc huius modi .* similiter Accius apud Nonium p. 15, 33 *Méleagró , ubi torris esset interfectus flammeus .* Afranius apud eundem p. 73, 33 *Septémbris here kalendae , hódie ater dies .*

746. AUT IN AQUAM , SI FORTE LACUS SUBIRATUS AVERNI . Brixienſis editio ex emendatione (nam Veronensis non consentit) SUBSTRATUS . hoc verissimum . tum Lambinus , nescio unde , *Avernost* , casu nominis parum apto , sed est recte addito secundum consuetudinem poëtae . id vero aptius inseremus ante *si* , hoc modo , EST *si forte lacus substratus Averni* . ita in V, 606 *Opportunus ita est si forte et idoneus aër .*

747. HIS LOCUS EST CUMAS APUD , ECRI SUIPER MONTIS OPPLETI CALIDIS UBI FUMANT FONTIBUS AUCTI . Quadratus *Is locus et montes . oblongus ante quam corrigere-tur egri .* in his *Is et montes* orthographia tantum differunt ab *His et montis* . mittendum est *his* , quod non puto satis antiquum esse : *montis* cur servari possit , dixi ad I, 805 . vocabula corrupta Salmasius Vossius Bentleius optime restituerunt ita , ACRI SULPURE *montes Oppleti* . et *sulpure* Servium hic legisse constat , qui ad librum VI Aeneidos 239 sane sciendum inquit *Lucretium et alios physicos dicere aërem corporeum esse ; unde aves sustinet : sed hunc cedere vaporí sulphureo ; unde aves in illis locis , desertae aëre quo portari solent , concidunt non odore sed pondere . quae apparet sumpta esse ex versu 830 et novem proximis : sed ibi est vis atque aestus Averni* , vaporem autem illum *sulphureum* esse in hoc nostro versu poëta dicit .

749. EST ET ATHENEIS IN MOENIBUS , ARCIS IN PISO VERTICE . Quadratus *athenis* . corrector oblongi in ipso .

Et coniunctionem aliquotiens dixi tam raro in hoc poemate pro etiam poni, ut videatur librariis potius quam scriptori deberi. neque aut frequentior hic usus est apud Plautum aut usquam sine metri sententiaeve damno. ut in Persa iv, 3, 7 Sed ut [et] ego hodie fui benignus! ut ego multis credidi! in Stichos iii, 2, 45 Quae[n] [et] ipsa deciens in die mutat locum? in Poenulo i, 1, 14 [Et] Ego nunc amore pereo: sine te verberem. in Mostellaria i, 3, 138 Mea Philematium, potare tecum conlubitumst mihi. [Libet] Et edepol mihi tecum: nam quod tibi libet, idem mihi libet. in Milite iv, 8, 31 Bene quaeso inter vos dicatis et me absentit tamen, ubi legendum est dicatis hanc et me absentis tamen. nescio cur Handius in hunc censum rettulerit illa e Curculione iv, 2, 7, Memento promisisse te —. meminero: de istoc quietus esto: Et nunc idem dico. set haec commemorasse ego volam te. ita enim haec scribi debent; in quibus meminero et idem nunc dico inter se coniuncta sunt. neque haerendum in his, quae idem Handius male distinguit, in Amphitruone i, 1, 109, Et enimvero, quoniam formam cepi huiusce in me, et statum Decet et facta moresque huius habere me similes item. quod autem ex Rudentis prologo 8 attulit in Tursellini tomo ii p. 505, ad hanc rem non magis pertinet: nam cum ibi is versus qui illum praecedat mutilus sit, addendum est et ego, in hunc modum, Noctu sum in caelo clarus atque inter deos: Inter mortalis ambulo et ego interdus, Et alia signa de caelo ad terram accidunt. superest id genus quod ibidem commemorat, salve. et tu salveto, item brevius salve, Tyndare. et tu: quibus paria sunt iam vale. et tu bene vale, item vale. et tu, frater. multorum huius modi exemplorum numeros subieci, quo credibilis fieret, quod Handius dicere neglexit, in eis etiam omnino locum non habere. Poen. v, 2, 116 Mil. iv, 8, 5 Rud. ii, 4, 3: Capt. v, 4, 12 Cas. iii, 2, 11 Poen. v, 2, 79 Stichos i, 2, 33: Bacch. iv, 2, 23 Mil. iv, 8, 42 51 Poen. iii, 6, 13 v, 6, 21: Aul. ii, 1, 54 Persa iv, 6, 27 Eun. i, 2, 111 Hecyra i, 2, 8. multum enim ab his differt etiam nunc vale, quod est in Milite iv, 8, 63. sed Handius, ut in his et alio quam vulgari modo dici demonstraret, uno exemplo usus est sane mirabili ex Mostellaria iii, 1, 42, ubi est inverso vocabulorum ordine salve et tu. quod si hoc unum in hoc genere esse neque usquam huic simile legi animadvertisset, videre poterat ita scribendum esse, Salvete iubeo te, Misargyrides, bene. Salveto. quid de

argentost? abi sis, belua. quibus gemellum est in Asinaria II, 2, 31 Iubeo te salvere summa voce, quoad vires valent. Gymnasium flagri, salveto. quid agis, custos carceris? itaque nihil ab hac parte praesidii est his quibus haec adscribo, Est et Athenaeis in moenibus: debuit enim etiam esse, ut paulo post 786 Est etiam magnis Heliconis montibus arbor. quare hic quoque librariorum peccare iudico, nec dubito quin Lucretius scripserit Est ut. ceterum ex his existimari potest quam falso Bentleius Terentio hoc et pro etiam positum ter quaterve adfinxerit.

754. GLAIUM. Sic quadratus. in oblongo prima manu videbar mihi legere *claium*: corrector fecit GRAIUM.

755. SED NATURA LOCI OPUS EFFICIT IPSA SUAPTE. Hic prima offensio in hiatu est, cui nullum similem esse paulo ante ad versum 743 dixi. Avantius vitium vitio redemit, cum scripsit *Sed natura loci hoc opus*: nam Lucretius vocabula iambi pedis mensura comprehensa, quae in vocalem desinunt, non copulat cum insequenti vocali. quid ergo? hiatus facilius ferri potest quam elisio, praesertim sequente vocali brevi. at pronomen postulat sententia. ita est: sed repudiat *opus*, nisi forte cornicum opus dicemus esse eorum fugam et discessum. scio quidem *opus* pro effectu dici, sed de re operosa et magni moliminis, ut in 1 Lucretii 153 *formido mortalis continet omnis, Quod multa in terris fieri caeloque tumentur, Quorum operum causas* —, et in Aetna Lucilii 25 *Qui tanto motus operi, quae causa perennis Explicit immensum flammis* et cetera, et ibidem iterum 115 de re magna *non est hic causa docenda, Dum stet opus causae*. quam ob rem huic loco ne hoc quidem convenire iudicabimus, *Sed natura locusque opus efficit ipse*, sed *operis* vocabulum ante omnia delebimus, non tamen ita ut in eius locum nihil sufficiamus; quod cum neglexisset in quadam Varronis sententia O. Müllerus, omnem rem sese pervertere non sensit. de lingua Latina libro VII p. 283 haec habet Florentinus codex. *nec mirum, cum non modo Epamenidis opus post annos L expectatus a multis non cognoscatur, sed etiam Teucer Livii post XII annos ab suis qui sit ignoretur*. Lagomarsino tamen potius apparuit *opes*, nisi quod ei prima et tertia littera incertae visae sunt: huic super scriptum olim fuisse quasi *m.* iam illud *cognoscatur* tempore praesente positum ostendit scriptoris nomen

a Varrone significatum esse : ergo nihil certius est quam scribendum esse *Epimenides meus* ; quamquam Victorio ad Varronem emendandum non profuit satiram eius quae *Sexagessis* inscripta fuit memoriter contulisse , in variis lectionibus xxiv, 1 . sed in Lucretii versu quaerendum est etiam quid sit *suapte* . id pro *sponte* dici somnium est Isaaci Vossii ad Catullum p. 113 , cui quae aliquam speciem conciliare possunt non attulit . scilicet Accius in *Nyctegersia* dixit *Illos suapte induxit virtus : tu laudem illorum levas* , apud Nonium p. 336, 30 ; quod tamen facili opera ad notum loquendi genus reduci potest sic , *Vi illos suapte* . item Varro de lingua Latina v p. 111 *Deinde postea quam desierunt esse contenti his quae suapte natura ferebat sine igne , in quo erant poma ; ubi tacet Müllerus , sed suapte sponte legitur in rerum rusticarum* iii, 7, 1 , et apud Columellam in ix, 1, 6 *cibis quos suapte natura terra gignit* . nam quod apud Charisium extat p. 195 , *Seorsum . Cato senex , Suapte natio sua separata seorsum* , id non puto quemquam intellegere posse . diversum est *sapsa res* apud Festum p. 325, 29 , recto casu ; quod est ea ipsa , et scribitur *eapse* in Plauti *Cistellaria* i, 2, 17 et in *Rudente* ii, 5, 21 , *ease* in *Milite* ii, 1, 63 . *suapte* igitur in hoc Lucretii versu , quamvis parum explorata tam miri usus origine , Accio et Varrone auctoribus fortasse tolerandum esse dicerem , si reliqua expedita essent . hoc tamen tamquam monstrum Lambinus ut procuraret , scripsit *opus efficit ipsa sua vi* ; in quo apparet eum arti non magis quam Avantium satis fecisse . et erat tamen res facillima non modo sedem vitii cognoscere , sed etiam ipsam veritatem adsequi . est autem scribendum *Sed natura loci viibus officit ipsa suapte* . de *ibus* satis dictum est ad librum iv, 934 . *vi* cum et quo colliditur in ii, 549 : neque esse cur id cum brevi syllaba non fiat , dixi ad librum i, 1091 .

757. QUADRIPEDES QUOQUE QUO SIMUL AC VESTIGIA PRIMUM INTULERINT , GRAVITER VIS COGAT CONCIDERE IPSA , MANIBUS UT SI SINT DIVIS MACTATA REPENTE . Hunc immanem soloecismum , *quadripedes mactata sint* , interpretes castissimo Latinitatis auctori impudenter adscribunt , quibus satis est quod *quadripedes* alio nomine *animalia* vel *iumenta* vocari possunt . hoc vitium nullo alio modo elui posse puto , nisi ut scribamus *Manibus ut si*

FIT *divis* MACTATU' *repente*, id est victimarum immolatio, ut in libro primo *Hostia concideret mactatu maesta parentis*.

761. ET QUIBUS E FIAN'T CAUSIS APPARE ORIGO. Correctores veteres APPARET. sed mira est *e* praepositionis traiectio; qua poëtam cur usum esse dicam nescio, cum posset simpliciter scribere *Et quibus e causis fiant*, ut in v, 752 *Pluribus e causis fieri*. aut hoc igitur, quod Marullus voluit, eum dedisse puto, aut potius *quibus EFFIANT causis*. in libro III, 1055 *E quibus id fiat causis*. dixit *effieri* Plautus in *Persa* v, 1, 9, *confieri* vero Lucretius saepe, iidemque *interferi* et *interfiat*, et hic in III, 332 fortasse *effiunt*.

762. IANUA NE POTEIS ORCI REGIONIBUS ESSE CREDATUR. Antiquus corrector oblongi *potis*, itaque olim impressi. sed alio modo adiuvanda est scriptura vocis, ut dicamus PUTEIS; quod Turnebus quoque vidit, qui tamen mire interpretatur in adversariis XXII, 19 de ianua puteorum Orci. immo *Puteis regionibus*; id est Puteolanis (*Poteoli* in grammaticis Vindobonensibus p. 101): nam lacum Averni Cumas inter et Puteolos esse constat. in re certa et perspicua de illa mirabili adiectivi forma dubitandum non est, quae neque Lucilius usus erat, cum scriberet in satirarum tertio *Inde Dicaearchium populos Delumque minorem*, neque eam post Lucretium alius poëta periclitatus est. dicebantur tamen *putei* et *putea* genere ambiguo; quo fieri potuit ut paulo minor esset in *puteis regionibus*, quasi puteosis, offensio. horum vocabulorum rationi simillima sunt *clupeus clupeum* *Clupea* civitas, neque aliena haec nomina substantiva tergemina, *araneus aranea araneum*, *acinus acina acinum*; quae ab adiectivis translata esse fidem faciunt non nulla pariter mutabilia, quae eadem adiectiva sunt, ut *nuntius nuntium*, *mundus mundum*, *cubitus cubitum*, *arvum arva*, *clivus clivum*, *canticum canticula*, *posticum postica*, *lupinus lupinum*, *labrusca labruscum*, item *forus forum* cum adiectivo *foras*. eiusdem generis alia permulta sunt, quae adiective dici olim desierunt, *fluvius fluvia*, *labium labea*, *apium apius*, *corium corius*, *nerviae nervia*, *ostreae ostrea*, *horreum horrea*, *caseus caseum*, *balineum balineae*, *latrina latrinum*.

764. INFERNA. Lambinus INFERNE.

767. A VERE. Itali et impressi *a VERA*.

768. NAM DE RE NUNC IPSA DICERE CONOR. *De re non*

habet oblongus : sed causam video nullam , cur quadrato et schedis non sit habenda fides . Antonius Marii *nam nunc ipsa de re dicere* , olim impressi *nam nunc ipsa tibi dicere* .

770. CULUSQUE MODI . Correctores veteres CUIUSQUE .

771. MULTA CIBO EQUE SUNT VITALIA . Recte Wakefieldus , et quidem primus , edidit *cibo quae sunt* . sic versu 1095 *Et contra quae sint morbo mortique necessest Multa volare* .

777. PER AURAS . Marullus *per* AUREIS .

778. INFESTA ATQUE ASPERA TACTU . *Tactus* hoc loco pro odore inepte dicitur , quia statim sequitur *tactu* simpliciter positum proprio sensu . nulla cum specie Lambinus *odore* , Bentleius *sensu* . legendum est *aspera* ADACTU . libro V, 1330 *feros dentis adactus* . in III, 171 *vis horrida teli intus adacta* . idem est *adiectus* . libro IV, 673 *quo pacto naris adiectus odoris Tangat* . in I, 689 *nostros adiectu tangere tactus* .

780. TRISTITIA . Quadratus *tristitia* . TRISTIA Itali et impressi .

781. SINT . 782. INFESTO SENSU SPURCEQUE GRAVESQUE . Apud Nonium p. 394, 18 , *sint* omisso , *infestu sensu spurcae gravisque* .

787. TAETRO CONSUETA NETARE . Corrector oblongi NECARE .

788. HAEC INDEOTRIS EX . Marullus IDEO TERRIS *ex* .

791. UBI ACRIS NIDORE OFFENDIT NARES , CONSOPIBIDEM . Primus , nisi fallor , Lambinus ACRI *Nidore* . ceterum Vossiani habent *consopit* , non *cum sopit* , quod Havercampi inventum est .

798. LABEFACIANT . Itali et impressi LABEFACANT .

799. DENIQUE SI CALIDIS ETIAM CUNCTERE LAVABRIS PLENIOR EFFLUERIS , SOLIO FERVENTIS AQUA QUAM FACILE IN MEDIO FIT UTI DE SAEPE RUINAS ! Quadratus *etiam cumtere* . corrector oblongi *lavaris* . Itali et impressi *ferventis* AQUAI . Marullus *fit uti* DES . in *lavabris* haerendum non fuit ; quod tam Latinum est quam *et fluere* pro fluxeris barbarum et Eichstadianum . *lavabro* et *labro* similima sunt *lavatrina* et *latrina* , quorum illud pro altero reddendum est Pomponio apud Nonium p. 504, 25 *Ita velim facias* . iam pridem volo *lavatrinam lavi* , et minus nota forma vocabulum *praevides* , id est praevades , in lege Thoria versu 46 47 100 , in qua eadem lege nihilo minus semper scriptum

est *praes* et *praedia*. propter Chr. Iahnium, qui Heinsio ad Ovidii artem 1, 161 recte praecipienti non credidit, observabo haec omnia a verbis primae declinationis deducta natura longa esse, *labrum* et *labellum* pro vase, *flabra*, *flabellum*, *velabrum*, *ventilabrum*, *volutabrum*, *candelabrum*, *dolabra*, *Dolabella*, *curia calabra*, *anclubris mensa*. de ceteris interpretes ne id quidem intellexerunt, quod tamen ante omnia quaerendum fuit, apodosin incipere ibi, *solio in medio quam facile fit*. in protasi et *efflueris* monstro simile est, neque *si cunctere* per se satis apertum: non enim cunctari aut morari in balneo periculosum est pleno ventre, sed lavari. Lucretio nihil convenit nisi simplicissimum et aptissimum: id est autem *Denique si calidis etiam CUNCTARE lavabris Plenior* ET LAVERIS.

793. CONCIDERE ET PUMOS QUI MORBO MITTERE SUEVIT. In hoc versu comparisonem morbi comitialis inesse manifestum est. quae quia neque in eo qui luminis extincti odore consopitus est neque in ceteris qui hic enumerantur locum habet, nisi in eo qui in solio caldae concidit, in qua sede hic versus reponendus sit dubitari non potest. id interpretum nullus ne suspicatus quidem est, neque iidem emendando quicquam promoverunt, praeter hoc unum quod Lambinus Memmiano codici recentiore manu *spumas* adscriptum vidit. excipit quidem Lambinus, *agi spumas*, non *mitti*: sed *spumas*, cum funduntur, cur *mitti* non dixerit qui et *fumum mitti* et *sanguinem* et *sanguinis signum* et *imbrem* et *laticis guttas mitti* dixit? itaque hic versus ita rectissime formabitur, *Concidere et SPUMAM UT qui morbo mittere suevoit*. recte enim *spumam* singulari numero, ut Ovidius metam. viii, 417 *Stridentemque novo spumam cum sanguine fundit*. idem in eodem 288 *Fervida cum rauco latos stridore per armos Spruma fluit*. Columella in vii, 5, 19 *et spumum quandam tenuem taetri odoris expergit*. et observa *qui suevoit* scriptum esse, non *qui suerunt*, ne forte alium huic versui et aptiorem locum quaeras.

803. QUAM FACILE IN CELEBRUM, NISI AQUA PRAECEPIMUS ANTE. *Caelebrum* quadratus, Itali CEREBRUM, et iidem AQUAM. oblongus prima manu *precipimus*.

804. AT CUM MEMBRA DOMNUS PERCEPIT FERVIDASERVIS, TUM FIT ODOR VINI PLAGAE MACTABILIS INSTAR. *Quadratus fervida* *fervis*: Ioh. Bapt. Pius 'Haec duo

carmina' inquit 'mutila sunt et praecepta ea incuria ut sensus nullus elici possit: ceterum in lectione prisca sic emendata reperio, *At cum membra domus percepit fervidus ignis, Tum fit odor viri.*' rectissime hic emendator (nam de prisca lectione cave Pio credas) *membra domus*, quod Brixien- sis quoque editio habere fertur, et egregie tuetur Gronovius in observationibus III, 5 p. 467. Gesnerus in thesauro de his *membris* multa rettulit, item in rei rusticae scriptorum indice, sed neglexit Lucretium et Gronovium. porro optime idem vetus emendator *odor viri*, qui genetivus est in libro II, 476. quamquam miror eum qui hoc vidisset ab omni sententia cum ceteris Gronovioque ipso aberrasse, cum posset tamen *at* coniunctio vel sola indicio esse poëtam hic non de alia re dicere quam de illo ipso *carbonum odore*, in quo versus duo proximi versantur. quare certissimum est legi debere *percepit FERVIDIOR vis*. ceterum *mactabilem* odorem et plagam nihil aliud esse quam *letalem* satis apertum est. ita Attius in *Medea liberorum leto tabificabili*.

806. SULPUR IN IPSO. Corrector quadrati et Itali in IPSA.

808. ARGENTO VENAS AURIQUE. Itali ARGENTI.

810. QUALIS EXPIRET SCAPTENSULA. Ita et membranae et Festus p. 330, 15 atque ex eo Paulus p. 147, nisi quod apud hos *Quales* scriptum est. iidem Scaptensulam in Macedonia esse tradunt et a fodiendo dictam, cum in Thracia Macedoniae parte sit et a solo silvestri fosso nomen duxerit. nam Fabrum errare puto, cum nomen generale esse dicit, quo materia fossilis significetur, id est metallum. hunc tamen Creechius et Wakefieldus cum servitiis secuntur, qui nomen appellativum faciunt, Dacerius eundem suo more expilat ad Festum. Mülleri verba subieci, quae aliis fortasse clariora sint quam mihi. 'Hoc oppidum, Thucydidis exilio nobilitatum, primum Σκαπιή ὕλη, deinde genitivo in nominativum deflexo Σκαπιησύλη dicebatur, Scaptensula autem ex tribus casibus factum consuetudine invaluit.' mihi certum videtur Scaptesylytas in nomine suo sigma litteram in *silvae* vocabulo ex ultima antiquitate deductam retinuisse, in quo aliarum regionum scriptores a sua consuetudine deflectere non potuerint (quamquam in inscriptione Attica est *εκ σκαπτεσυλης*, in corpore inscriptionum Graecarum n. 146,

39 52), Romanos autem milites parvo oppido formam deminutam convenire ratos syllabam paenultimam corripuisse: nam de *n* interiecto non laborabit qui *Termensium maiorum Pisidarum et Chersonensi et thensaurorum* meminerit.

811. AURATA METULLA. Corrector oblongi METALLA.

813. NONNE VIDES AUDIRE. Optime Itali AUDISVE.

815. QUOS OPERE IN TALI COHIBET VIS MAGNA, NECESSEST. Oblongus prima manu *Quo*. quadratus, ut saepe, *necesse est*. hic mirabile est quam crassa vitia interpretes praeterierint. vide enim quae praecedant. primum hoc, *Nonne vides audisve perire in tempore parvo quam soleant?* huic aliquis adiungendum putet quod sequitur, *et quam vitae copia desit?* sed hoc illud *necessest* in extrema sententiae parte non patitur. dicendum ergo haec esse exclamando affirmantis, *et quam, vitae copia desit Quos opere in tali cohibet vis magna, necessest!* ita recte loquetur qui causam, cur id necessario eveniat, appositurus est (hoc autem poeta non facit); non is qui modo dixerit te visu vel auditu iam scire quam brevi tempore illi perire soleant. accedit quod illa *vis magna*, quae eos in auri fodiendi opere contineat, qualis sit non satis diserte dictum est, cum servitus intellegenda sit. itaque apparet priori membro nocere illud *necessest*, alteri deesse significationem *necessitatis* qua in opere metallorum coërceantur. miram rationem Turnebus excogitavit in adversariorum libro xxvi, 13, qua haec inter se coniungerentur, *necessest vis magna*, id est *vis magna necessitas*; qualia certum locum tenent neque extra artes procedunt, ut est in iure *interdictum unde vi*, item *do lego legatum*, et quod item in iure dici Agroecius grammaticus testatur p. 2271 *damnas esto legatum*, non *legamen*, ut est apud Putschium. quare omnino scribendum est, prioribus ad *Nonne vides* reiectis, *Quos opere in tali cohibet vis magna NECESSIS*. hanc enim genetivi formam et Donatus agnoscit et senatus consultum de bacchanalibus factum. Donatus ad Terentii Eunuchum v, 5, 28 *Necesse* (legendum *Necessus*) est nomen: nam *necessus* (addendum et *necesse*) *necessis* et *necessitas* et *necessum* lectum est. in aere Vindobonensi v, 4 *Sei ques esent quei sibi deicerent necesus esse bacanal habere*. quod intellegendum est *necessis* sive *necessitatis esse*, legitima genetivi forma, quam solam habet eadem tabula in nominis *Latini* 7 et u propter alterum u in o

mutato *senatuos* 8 17 21 23 : nam *promagistratuo* ibidem 12 *vitiosum* est et debet esse *pro magistratudo*, *necessus* autem propter *esse* recto casu accipi non potest. eo qui usus sit Aulum Gellium in Atticarum noctium libro xvi, 8 (ibi est *necessus fuit*) solum invenio praeter Terentium, qui habet *necessus fuit* in Eunuchio v, 5, 28, ut sit *necessus* in Heautontimorumenio ii, 3, 119. si in Bembino codice Andriae actus secundus eiusque scaenae secundae versus 35 lectus esset, ibi quoque haberemus *Quasi necessus sit*. sed ante vocalem Terentius *necesse*, *necesse est*, *Non fuit necesse habere* Phorm. ii, 1, 66, item accusativo casu *necesse habeo*. Plautus recto casu *necessumst*, *necessust*, *necesse est*, accusandi *necessum esse* in Milite iv, 3, 25 et *necesse esse* in Asinaria i, 1, 9. accusativo neutri generis Lucretius in ii, 289 mire adiectivum addidit, *necessum intestinum*. sed *necessu*, quod exemplaria vetera habent in eodem libro 468, non potest intellegi. *necessu est* oblongus in iv, 516.

817. IN APERTUM PROMPTAQUE CAELI. Ita quadratus et schedae: oblongus et olim impressi *in aperta*, Antonius Marii *in aperta*que.

818. SIC ET AVERNA LOCA MALITBUS. Corrector quadrati, Itali, Marullus, *loca ALITIBUS*. et particulam hic ferri non posse satis supra, nisi fallor, evici. et ne dixit quidem alibi Lucretius *Sic etiam*, sed simpliciter, ambiguitatem non evitans, *Sic hominum genus est*. in iii, 307, et in hoc libro paulo post 895 *Sic per eum fontem*. ad hoc exemplum scribendum est *Sic EA AVERNA loca*.

820. UT PATIUM CAELI QUODAM DE PARTE VENENET. Correctores veteres *Ut SPATIUM*. Itali et impressi *QUADAM*. *venenet* quadratus et schedae: *veneni* oblongus a correctore, neque apparet quid a prima manu fuerit. Itali et olim impressi *veneni*, Marullus *venenet*.

825. RELIQUIAS VITA. *Reliquias* oblongus. *VITAE* Itali.

831. TERAMQUE. Itali et impressi *TERRAMQUE*.

832. PROPE UTI LOCUS HINC LINQUITUR INANIS. Quadratus *linquit*, Itali et impressi *LINQUATUR*. sed praeterea scribendum *HIC*.

833. CUIUS UBI E E REGIONE LOCI. Alterum *E* delevit corrector oblongi.

836. NIXARI NEQUEUNT. Festus p. 177, 7 *Nictare et*

oculorum et aliorum membrorum nisu saepe aliquid conari dictum est ab antiquis . ut Lucretius l. III Hic ubi nexari nequeunt insistereque alis . ex ipsa scriptura apparet Festi errorem esse , qui Verrium male contraxerit .

CUR AQUA IN PUTEIS AESTATE FRIGIDIO SIT . 840
QUE FRIGIDIOR PORRO IN PUTEIS . Schedae COR et *frigidior sit* . capituli loco spatium vacuum habet quadratus , ut semper : idem , Q littera item de more omissa , *vae* ; schedae *Que* cum oblongo . hoc in olim impressis *Cur* factum Itali iam sustulerant , neque hos qui secuti sunt sibi quicquam ultra quaerendum esse existimarunt . supra libro V versus LII a 928 usque ad 979 duas codicis antiquissimi paginas fuisse vidimus . inde usque ad versum 1444 sunt carmina CCCCLXV , capitula tria : hi versus CCCCLXVIII efficiunt paginas XVIII . in pagina unde vigesima fuerunt Lucretii versus reliqui tredecim et capitula libri sexti propter spatii angustiam hac fere ratione disposita . in oblongo index capitulorum versus XXVI tenet , quorum numeros praescripsi .

TITI LUCRETII CARI DE RERUM NATURA
LIB.V. EXPLICIT. INCIPIT LIB.VI.

- 1 Qui procuracionem dis attribuit mundi, sibi ipsum
de dis immortalibus sollicitudines constituere.
De tonitru.
De fulgure. In Syria quadripedis.
5 In nubibus seminet Cur aqua in puteis frigidior
ignes incase. sit aestate.
De fulmine. De fonte ad Hammonis.
Ignis ex fulmine natura. In aqua taedam ardere.
Fulmina in crassioribus De fonte Aradi in mare.
10 nubibus et alto gigni. De lapide magneti.
De tonitribus et terre motu. Fluere ab omnibus rebus.

- Autumno magis fulmina
et tonitrus fieri.
De nubibus.
15 Spiracula mundi.
De imbribus.
De arquo.
De terre motu.
Quare mare malus non fiat.
20 De Aetna.
De Nilo fluvio.
De lacu Averno.
Cornicis Athenis aedem Minerve non esse.

Raras res omnis esse.

25 Pestilentia unde creatur.

DE PESTILENTIA ATHENARUM

libri sexti versibus ab initio DCCCXXXIX adnumerandi sunt tituli XIX , fiunt DCCCLVIII : eae sunt paginae XXXIII . his si illas XIX paginas , quae erant libri quinti pars , addideris , videbis ab hoc capitulo quod est *Cur aqua in puteis aestate frigidior sit* initium capere paginam quinquagesimam tertiam sive schedam XXVII . hic calculus ineundus fuit , ut apparet nihil obstare quo minus hic scheda aliqua ex codice eo qui nostrorum parens est excidissee existimetur . satis autem causae esse cur hic lector editoribus Lucretii paulo attentior haereat , demonstrari facillime potest : nam neque ipsa res quam poëta hic tangit satis pertractatur , neque ab Averno ad frigora et calores fontium sola hac coniunctione ,

quae est porro, interiecta transiri potuit. quid quod testes non desunt, qui nobis eorum quae hic amisimus partem retulerint. quid enim huic loco aptius esse potuit quam splendida illa argumenti nimis ampli recusatio, qua Lucretium alicubi usum esse Servius auctor est? huius haec verba sunt, adscripta his Vergilianis in VI Aeneidos 625, *NON MIHI SI LINGVAE CENTUM SINT ORAEQUE CENTUM, Ferrea vox. Lucretii versus sublatus de Homero. sed ille AEREA VOX dixit.* idem Servius iterum ad eadem carmina in georgicon II, 43 posita *Lucretii versus: sed ille aenea vox ait, non ferrea. sed ibi et in lemmate peccatur* (praescribitur enim *Non ego cuncta meis*) et aenea trisyllabum vitiosum est. deinde alio loco Servius rem indicat quam exsecutus fuerit poeta, ubi hoc quod nos legimus ab eo *exempli causa* positum dicit, ad georgicon IV, 51 *pulsam hiemem sol aureus egit. Secundum physicos, qui dicunt, quo tempore hic hiems est, aestatem esse sub terris, et versa vice, cum hic aestas, illic hiemem. quod etiam Lucretius exequitur, et trahit in argumentum putealem aquam, quae aestate frigidissima est, hieme vero calidissima. quis igitur dubitet quin huc ea referenda sint quae Claudius Sacerdos habet p. 26? S vero littera, inquit, eliditur sola, si a consonanti incipiat altera pars orationis. ut Lucretius MENSIBUS FRIGUS, et alibi (I, 186) Ex infantibus parvis. scilicet aestivis mensibus frigus. quin et eodem pertinent quae apud Charisium leguntur p. 43 et in excerptis orthographicis apud Putschium p. 2779, Camara dicitur, ut Verrius Flaccus affirmat, non camera per e. sed Lucretius Cameraeque caminis exteritibus dicendo etiam cameram dici posse ostendit. in his Charisii codex aliquotiens peccat: Lucretii verba in excerptis ita scripta sunt, cameris ex teretibus. mihi certum videtur Lucretium scripsisse CAMERAEQUE CAMINIS, sed illud exteritibus non possum certa ratione emendare. postremo Philargyrium commemorabo, qui ad georgicon III, 136 haec habet, Lucretius NE OBLIMET pro obturet et obcludat. haec quoque in eadem re locum habere potuerunt: certe cur Lucilio potius tribuenda sint nullam causam video. nam quae Nonius habet p. 229, 1 Lucretius, Tantus conduxerat omnia torpor, ea huc pertinere non pugno; quamquam, si conduxerit scribendum est, possunt de hiemis tempore dicta esse.*

841. ARESKIT QUIA TERRA CALORE, ET SEMI SI-

QUA. Lambinus RARESCIT optime. SEMINA Itali. superest ut scribatur *si* QUAE: ita enim semper Lucretius, *si quae* genere neutro in IV, 199 804, feminino *aliquae*, *ne quae*, *ecquae*, *ecquae nam*.

842. PROPRIE. Oblongus *propriae*. PROPERE Marullus, item impressi omnes.

843. EFFETA. Sic oblongus: quadratus *effecta*.

846. FIT SCILICET IN COEUNDO. Primus, quantum scio, Lambinus UT *coëundo*. licet Wakefieldus cum suis eum vituperet.

848. ESSE APUD HAMMONIS. Oblongus et schedae *Essapud*. *Est* (sic Itali et impressi), quia neque auctorem habet neque sensum, Eichstadius et Forbiger probant.

849. FRIGIDAS ET. Correctores antiquissimi FRIGIDUS.

851. FERVESCERE PARTIM. Lambinus rectissime RAPTIM.

857. SUPER. Marullus SUBTER.

858. PERQUOCERE UMOREM ET CALIDO SOCLARE VAPORE. Impressi veteres *sol dare. sociare* Antonius et Marullus sine sensu. recte Pius 'lego' inquit '*calido* SATIARE *vapore*'.

860. SUM RADIIS. Antiqui correctores SUUM.

861. TERRA MAGIS QUOD PARA TENET CIRCUM FONTEM QUAM CETERA TELLUS. Quadratus *Partene circum*. egregie Lambinus et Turnebus adversariorum XXVI, 13 RARA, sed mire iidem non viderunt scribendum esse TEPET. nam sine hoc argumentum non procedit, neque aut *tenet* terra *fontem*, aut terra *rara* magis *tenet* sive cohaeret quam cetera.

864. TERRAM NOX OBRUIT UNDIS, EXTEMPLO SONITUS FRIGESCIT TERRA. Prorsus egregie Marullus UMBRIS. sed idem non recte *subtus*, quo vocabulo Lucretius non utitur; quare scribendum est PENITUS.

868. LATICIS TACTUM ATQUE VAPOREM. AQUAE legendum esse dixi ad versum 552. SAPOREM videtur a Lambino esse: sed alterum ferri non potest, cum vapor quoque tactu percipiatur.

870. CALIDO MISCENTE VAPORE. Eleganter et vere

Wakefieldus GLISCENTE . hunc Eichstadius et Forbiger libentius secuntur , cum peccat .

874. SOLIS RADIS IACTATUR AQUA UMOR . *Radi* quadratus , *RADIIS* corrector oblongi . hoc est apud Macro-
bium in Saturn. vi, 4 , sed ibidem *aqua* ut in Lucretii exem-
plaribus .

877. DEMITTAT , QUASI . Primus , puto , Lambinus DR-
MITTAT . hæc apud Priscianum p. 685 vitiosissime scripta
sunt , et quidem hoc modo , si Krehlio fides . *Propterea fit*
uti quæ cumque habet in se Mittat , quia saepe gelum , quod
continet in se , Emittit .

878. NOBOSQUE . Corrector oblongi *novosque* . optime
Antonius Marii NODOSQUE .

879. FRIGUS EST . Itali et Brixiensis editio FRIGIDUS .

880. STUPPA LACIT FLAMMAM . Correctores veteres
IACIT .

887. NON ITA MUITA TAMEN . Isaacus Vossius MULTA .

888. PRETEREA DISPERSA . Oblongus *d* in litura ha-
bet , quadratus *Praetere dispersa* . scribendum PROPTEREA ,
quod iungatur prioribus . nulla in his nova causa .

889. CONCILIARE . Lambinus CONCILIARI .

890. QUOD GENUS ENDO MARIS PARAT FONS . *Endo*
hic semel codices , alibi *indu* : sed corrector oblongi *inde* . in
oblongo titulus est ante versum 888 DE FONTE ARIDI (sche-
dae *aridia*) IN MARE : in capitulorum indice ante librum sex-
tum Leidensis uterque *De fonte aradi in mare* . Strabo in
libro xvi p. 754 multa habet de fonte in freto maris prope
Aradum scaturiente . hæc omnia cum sciret Isaacus Vos-
sius , noluit tamen scribere *endo MARIS ARADI fons* , quod
erät simplicis et recti iudicii (itaque nuper Iacobus Bernay-
sius) , sed maluit ter peccare scribendo *endo mari Aradio*
fons : nam Lucretii arti conveniret *endo mare Aradio est fons* ,
nisi *Arados* prima brevi esset . Dionysius *Ἀρχὴ δὲ Ποινίτης*
Ἀραδὸς μεγάλῃ ἐνὶ πόντῳ . Avienus *Lata dehinc Aradus*
Phoenicum praeiacet oram . Priscianus *Nec procul est Arados*
Phoenices aequore cincta . neque aliter Silius in i, 380 *Hic*
magno socios Aradum clamore vocantem .

892. PRAETER . Itali acute et vere PRAEBET .

894. QUOD DULCIT . Iidem DULCIS .

896. QUE CUM CONVENIUNT AUT INDEDA CORPORA

ADHAERENT. *Aut* prima manu non habet oblongus. quo cum Lambinus, Wakefieldo frustra obnitente. *aut in* TAE-DAI CORPORE *adhaerent* Is. Vossius, melius quam Marullus, qui fecit *aut in taeda cum corpora adhaerent*. recte *in corpore taedae*, ut paulo ante 863 *corpus aquai*.

898. QUI MULTA QUOQUE IN SE SEMINA HABENT IGNIS STUPPAE TAEDEQUE TENENTES. *Qui* veteres, non *quod*: recte Marullus QUIA. sed *habent in se tenentes* molestum est et sine exemplo. Lucretium scripsisse puto *Semina ignis* TEPENTIS, id est calidi, qui nondum exarsit.

900. NOCTURNA AD LUMINE. Oblongus *limine*: huius corrector *limina*, quadrati LUMINA, et sic Antonius impressique.

907. LAPSI HIC. 908. QUAM. Quadratus *Quae*. huius corrector, item Antonius, LAPIS et QUEM.

909. MAGNETUM QUIA FIT PATRIIS IN FINIBUS ORTUS. Impressi *quia sit*, parum Latine. melius scribemus ORTU.

912. QUI NEQUE ETENIM. Corrector quadrati et Itali QUINQUE.

913. ORDINE DEMISSO LEVIBUS IACTARER AURAS. Corrector oblongi IACTARIER AURIS. Lambinus prudenter *Ordine* DEMISSOS.

915. VINCIAQUE. *Vintiaque* oblongus. huius corrector VINCLAQUE.

916. PERMANATER VIS PERVALET EIUS. Itali et Marullus PERMANENTER. sed *pervaleat* mirum vocabulum est neque alibi lectum: recte Turnebus adversariorum xxvi, 13 et Bentleius PERVOLAT.

919. AMBAGINIBUS. Corrector oblongi AMBAGIBUS.

921. AB REBUS. Ita quadratus, neque aliter usquam Lucretius. oblongus *a rebus*.

922. MITI SPARCIQUE. MITTI SPARGIQUE corrector quadrati et Itali. ita in iv, 676 *mitti volgo spargique*. supra in iv, ubi iidem versus sunt, 216 *mira fateare*.

923. CORPORA AQVE. In libro quarto QUE.

925. FRIGUS UT FLUVIS, CALOR A SOLE. In quarto et apud Nonium *Frigus ut a FLUVIIS*, calor AB SOLE. ante s litteram semper scriptum est *ab*, *ab se*, *ab sensu*, *ab sensibus*, *ab sensiferis*, *ab sole*, *ab summo*, *ab stellis*. quare certo rei-

cienda sunt *a se* II, 1135, *a saxo* VI, 1047, *a stirpe* IV, 1222, et in IV, 288 verius est *av speculo* quam *a speculo*.

927. NEC VARIIS CESSANT SONITUS MANARE PER AURAS. In libro quarto *variae voces volitare*. horum utrumque a Lucretio esse credo: sed alterutrum utrobique legeretur, si poema ipse edidisset. mihi quidem allitteratio blanditur. paulo ante *litora circum*, in quarto *litora propter*.

928. VENT UMOR. Correctores veteres VENIT, ut in quarto.

929. DILUTAQUE CONTRA. 934. CUM TUIMUR. Haec in sexto quoque libro coniuncta legebat Priscianus, qui ea inde excitat p. 838. eius libri partim *Contuimur*, omnes *amara*.

931. REQUIS. Corrector oblongi REQUIES, ut in quarto.

933. CERNERE ODORARI LICET ET SENTIRE SONARE. Dixi de hoc versu ad librum IV, 229.

937. CLARE. Itali optime CLARET.

938. PERTINET ARDES. *Artes* quadratus: eius corrector et ceteri AD RES.

940. FIRMARA. Corrector oblongi FIRMARE.

941. NIHIL ESSE IN PROMPTUM SI CORPUS MIXTUM INANI. Corrector oblongi *in promptu* NISI. tum Antonius Marii et Brixienensis editio MIXTUM CORPUS *inani*. Wakefieldus *corpus mixtum in inani*, alio sensu, sed absurdo.

942. SAXA SUPERNA SUDENT UMORE. Legendum puto SUPERNE. alterum nescio quid adfectati habet.

944. MANAT ITEM NOBIS E TOTO CORPORE SUDOR. Interpres Veronensis Aeneidos II, 173 sine poetae nomine ... *que* (*Namque* Maius: non minus rectum *Atque* vel *Usque*) *laborando manat de corpore sudor*. fefellit illum memoria, ut opinor: certe melius est nostrum. Henricus Keilius p. 86, 20 versum mirabilem effecit hunc, *Salsus namque laborando manat de corpore sudor*.

955. MORVIDA VISQUE SIMUL, CUM EXTRINSECUS INSINUATUR. Wakefieldus ridiculus est, qui *simul* ita capit quasi *item* scriptum sit, et ad haec ex superioribus verbum quodcumque intellegendum scribit, sive *permanat*, sive *penetrare suëvit*, quae praecedunt sane haec 952 953, sive denique *permanenter valet* ex versu 916. melius egerunt ii correctores quos Lambinus secutus dedit *Morbida vis quaecumque extrinsecus insinuatur*. sed nihil clarius esse potest quam

hunc versum non suo loco legi, qui in suo repositus satis facit, ita. *Diditur in venas cibus omnis, auget, alitque Corporis extremas quoque partis unguiculosque, Morbida visque simul, cum extrinsecus insinuatur.* ita haec ego correxeram, cum vidi Arnobium quoque in hoc loco *unguiculos* cum morbo proxime coniunctos legisse. sic enim ille in II p. 77, *Quid enim si hominem dicas captum membris omnibus et eiulantem ex cruciatibus asperis idcirco esse sanum, quod unius unguiculi nullum perpetiatur dolorem; aut esse auream terram, quod in verrucula collis unius insint exiguae miculae, quibus nascitur colliquefactis aurum?* quorum alterum quoque membrum ex Lucretio detortum est, et quidem ex libro I, 839 *Ex aurique putat micis consistere posse Aurum, et de terris terram con crescere parvis.*

952. PERVOLITANT, PERMANAT ODOR FRIGUSQUE VAPORQUE. *Quadratus frigus quaposque.* olim impressi vaporque. Nonius p. 487, 6 *Vapor et vapos, et timor et timos, et labor et labos, ita sunt ut color et colos.* Lucretius lib. VI *Pervolitas, permanat ados frigusque vaposque.* hinc Lambinus edidit *odos* et *vaposque*, alterum recte, alterum a librariis Nonio temere illatum.

954. QUA CIRCUM CAELI LORICA COERCET. *Avantius colli:* Wakefieldus interpretatur circulum colli, Vergilium testem citans, qui lorica collum cingi dixerit. at ille dixit, ut hominem sanae mentis decet, *Loricam galeamque inter, qua colla sedentis Lucent.* Marullus fecerat *corpus.* Antonius Florentinus *corii.* sed Lucretius scripsit *GALLI lorica.* Varro de lingua latina libro V p. 121 *Lorica, quod e loris de corio crudo pectoralia faciebant.* postea subcidit *Galli e ferro sub id vocabulum, ex anulis, fere iam tunica.* ita enim haec scribenda sunt ex Florentino codice, qui tamen habet *ferream tunicam.* subcidit autem rectius hic scriptum existimo quam alibi succedere, ut in VIII p. 454 *ante quam sub magistratus* (immo magistratuom) *nomina, qui eos liberarunt, succedere coeperunt,* in IX p. 503 *quae sub mensuram ac pondera potius quam sub numerum succedunt,* in X p. 552 *cum nox succedere debeat sub casuum ratione, immo succidere sub rationem.*

956. ET TEMPESTATEM TERRA CAELOQUE COORTA IN CAELUM TERRASQUE REMOTAE IURAE FACESSUNT. *Iure* quadratus et a correctore oblongus. non dubito quin in codice antiquo fuerit *iure*, supra adscripto *a*: verum est

IURA . praeterea scribendum est *tempestate* IN *terra* , quod in oblongo esse Havercampus non vere refert . versus facillimi interpretibus nescio quomodo obscuri visi sunt . omnia rara esse dicit , et tempestatem quidem non minus quam caelum et terram : hanc enim , cum in terra et caelo cooriatur , tamen non constare , sed mox tempestatis in caelum terrasque resolutae iura facessere .

958. QUANDOQUIDEM NIHIL EST NISI RARO CORPORE NEXUM . Haec absurda sunt : nullum est enim rarum corpus quo res inter se coniungantur . immo res ipsae raro corpore sunt , sive , quod idem est , *raro* CORPORA' NEXU .

962. TERRAM QUO EXQUOQUIT . Corrector quadrati , Antonius Marii , Marullus , SOL . *excoquit* corrector oblongi . idem in versu 858 fecit *Perquocere* , ubi quid a prima manu fuerit perspicere non possum : quadratus ibi habet *Percoquere* .

963. ET ALTIS MONTIBUS ALTAS EXTRACTAS NIVES RADIIS . Non inepte Naugerius *alte Extractas ninges* : sed verius , nisi fallor , Marullus *altas Extractasque nives* . at Wakefieldus parum Latine *altas Exstructas ninges* , et Eichstadius , perditus antiquarius , *ningeis radieis* .

969. DURATA CALORI . Oblongus prima manu *colori* : eius corrector *calore* .

971. EFFLUAT AMBROSIAS QUASI VERO ET NECTARE TINCTUS . Quadratus *Effluat* , oblongus *et nectar et intus* . versus est suavissimus , si recte legatur . primum *quasi vero* in orationis membro aliunde suspensio locum non habet : *iuvat eo usque quasi* recte dicitur , *iuvat eo usque quasi vero* non item . quare ne Fronto quidem p. 111 scribere potuit *Sed heus tu , videbis ne delator existas neve indicio pareas* (immo *meve — prodas*) *apud filiam* , *quasi vero ego te quam illam magis diligam* , sed scripsit *quasi vere* . neque magis coniungere possumus *vero et nectare* , quia Lucretius *et coniunctionem* alteri voci non postponit . ergo ante omnia scribendum est *Effluat quasi vere* . tum Marullus fecit *ambrosia* ; quod vehementer probo , aliter atque ipse voluit acceptum casu recto , *Effluat ambrosia quasi vere* . eadem quantitate vocalis Cicero *Andromeda* dixit et *Electra* , Vergilius *Ephyra Gela* , Tibullus *Amalthea* , Ovidius *Electra Phaedra Rhea* dea (differt enim *Rhēa sacerdos*) *Amalthea Leucothea elegia* , *cinara Columella* , *Martialis*

Glycera. neque *ambrosia* quasi Latinum brevi *a* elisa quisquam posuit, non magis quam *historia* vel *sophia*. nam Conradus Schneiderus ipse sibi auctor est, cum dicit in grammatica Latina p. 28 *a* correpta *historia* et *stoa*. *historia* bis in pentametri exitu Propertius (Ausonium enim non curo), *stoa* nullus scriptor Latinus usus est: *pyra*, quod tertium Schneiderus posuit, corripuit epitomator Iliados 1053. *Gela*, item *Himera*, corripere Silius ausus est in xiv, 218 233, *Phaedra* et *Electra* Seneca, idem *Oechalia* in Hercule altero 422, cum tamen *Megara* in furente 203 1009 Graeco more efferat; Latina mensura *elegia* Statius et Martialis. quod contra Ovidius, cum corripit *Dia* in arte i, 528, male vulgo *Alia* scribi ostendit: idemque cum *Ascra* dicit *a* brevi, testatur Graecum Ἀσκρα, de quo dixit Meinekius ad Stephanum Byzantium p. 133, 12. neque Ovidius scribere potuit quod est in epistula xvii, 150 *rettulit Aethra mihi*, et ibidem 55 *Dat mihi Leda Iovem*, et in viii, 78 *Leda suumque Iovem*. sed haec quam parvo post Ovidium temporis intervallo peccari coeptum sit ostendunt: ipse non scripsit amorum ii, 4, 42 *Leda fuit*, sed *Lyda fuit nigra conspicienda coma*; neque in artis i, 744 *Quantum ad Pirithoum, Phaedra pudica fuit*, sed *Cressa*. apud veteres in hoc genere magna fuit *a* litterae a Graecis productae observatio, quamquam eam elidere interdum ausi sunt, ut Plautus in Amphitruone v, 1, 25 *Tua Bromia ancilla*, idemque *Palaestra* saepius in Rudente. sed in eadem i, 4, 17 addito *ne* scribendum puto Ἀmpelisca. *hém quis est? égo. Palaestrâne? sum*; ut in Epidico iv, 1, 40 *Fác videam, si mé vis vivere. ého istinc, Canthard, iube*. quid quod idem *Aetna mons* ad regulam non revocavit, sed ita ut vulgus a Siculis didicerat sibi dicendum putavit, in Milite iv, 2, 73 versu anapaestico, PY. *Tum argénti mons. PA. nam mássas habet, Aetnd mons non aequé díltust*. pauca iam tum mutabant; primum ea in quibus diphthongos est, ut *Troia*, ut apud Ovidium, Valerium Flaccum, Iuvenalem, *Astraea*; deinde appellativa quaedam usu Latino olim trita, ut *purpura*, ut *comoedia luget* in versu hexametro Plauti, item *hora lyra hydra petra aura, symphonia* Horatii, apud Ovidium *pharetra, pera* apud Martialem xiv, 81, quamquam hic *Leda* quoque et *Hygia* (xi, 60) corripuit. itaque *Cassandra* Latine dicebatur ut *Alexander* et *Euandrus*, eademque similitudine *Cleopatra*;

denique gentilia, ut *Syra*, in Mercatore iv, 5, 6 *Adstare ante aedis. Syra. quis est qui me vocat?* et propria quasi ex adiectivis gentilibus, ut *Iliu* Ennii, *Pythia* Lucretii, *Lesbia* Catulli. regionum quoque nomina ab usu Graeco desciverant, ut *Bithynia Achaia*; item adiectiva omnia, ut *Rhamnusia*, ut *Lernaea*, ut *fides Cyllenia*. postremo *Philomela*, quod Vergilius et Ovidius corripunt, antiquioris poetæ, fortasse Accii, errore invecum suspicor. Ionicae autem vocali, quam Hertzbergius ad Propertium ii, 14, 5 iii, 19, 19 poetis Latinis in casu recto producendo solam concedit, in multis ne locus quidem est, neque credibile est ea unice usos esse quibus *Andromedan Glyceran Phthian Glaphyran Malean Electran* dicere placuit; praesertim cum ea quae Latine corripienda erant rarissime ad Ionum morem inflexa produxerint, ut adiectiva gentilia, Vergilius *Aonie Aganippe*, Statius *Paphie*, *Paphien* Columella et Martialis, Silius *Ortygie Arethusa*, idemque, ut puto, *urbs Syracosie* xiv, 277, ubi membrana cui soli fides *Syracosae*. cuius generis non multo plura his invenientur; nisi quod Statius, qui cum antiquioribus produxit *Nemea Pasithea Tegea Malea Midea*, cum Polynicis uxor *Argia* recto casu dicenda esset, *a* quinquens produxit in libro xii Thebaidos, item *Argian* in iv, 91, nimis Graecanice, sed sine littera Ionica, idemque *a* brevi septiens *Argia* in ii iii xi xii. haec paulo curiosius tractanda putavi, ut et grammaticorum levitatem notarem et in Lucretii versu huic nominativo, qui est *ambrosia*, fidem facerem. nam genetivo *ambrosias* forma Graeca hunc poetam dixisse non credo, qui in paris condicionis vocabulo *harmoniam* et *harmoniai* dixerit. ceterum sententiae uterque casus aequè convenit, ablativus autem non convenit: nam *oleaster* neque ambrosia et nectare *effluit* neque ut Lambino visum est *diffluit*, sed forte *affluat*; neque idem nectare aut ambrosia quasi colore *tinctus* est. nihilo minus haec interpretes patienter tulerunt, cum manum poetæ minima opera restituere possent scribendo *Effluat ambrosia* (vel *ambrosiae*) quasi vere et *NECTARI* LINCTUS. capellis enim quid magis proprium est *linctu*? et hoc vocabulo non modo Plinius usus est, sed potuit omni tempore quivis uti. haec fere disputavi in proëdosi, quae facta est anno MDCCCLVII die xxiv Iulii, neque nunc muto. sed quamvis recte *ambrosia* dicatur ultima longa,

tamen, cum veteres talia non tam quaesivisse quam vitasse animadverterem, mox iudicabam veri similis esse Lucretium ita scripsisse, *Effluat ambrosius quasi vere et nectari linctus*. nam Nākius ad Diras p. 238 cur Catullum *ambrosio* primum dicere ausum esse suspicaretur non videbam, cum praesertim ne dixisse quidem id Catullum concederem carmine 99, 13. tandem vero intellexi huic poëtae non tam id quod elegantissimum esset, quam quod simplicissimum, convenire: id est autem *Effluat AMBROSIAE et nectari linctus*, eique simillima est Cyclopi Homerici vox, quam a Lucretio expressam esse nemo dubitare potest, Ἀλλὰ τὸδ' ἀμβροσίης καὶ νέκταρός ἐστιν ἀπορροῶς: ἀπορροῶγα enim veteres interpretantur ἀπορροήν, *effluvium*. de a producto autem in nominibus Graecis commemoratione dignum est ex eo genere nihil habere, quantum quidem sciamus, Ennium, tragicos, Terentium, Lucilium, Varronem, Lucretium, Catullum, Horatium. quo fit ut prope putem in his, ut in aliis Graecis, de quibus Varro in x de lingua Latina p. 583 584, non eandem omnes consuetudinem secutos esse. nec debebam omittere, quem admodum heroidum epistularum scriptor *Aethra Leda* vocali correpta dixit, Catullum quoque in galliambo scripsisse *Trepidante eum recepit dea Pasithea sinu*. sed *Pyrrhia*, quod Horatius habet hoc versu, *Ut vinosa glomus furtivae Pyrrhia lanae*, neque Graecae neque Romanae feminae nomen est, nec potest dubitari quin illud a librariis ita corruptum sit.

972. QUA NIHIL EST HOMINI QUOD MARIUS FRONDE AC EXSCET. Ita prima manu oblongus *exscet*, a correctore *extet*: quadratus *extet*. quod AMARIUS FRONDEAT olim Itali: sed, quod indignor, *Qua esca* nemo scribendum vidit, sine quo lepidissimis versiculis sua elegantia non constat.

973. DENIQUE MARACINUM. Brixienensis editio *amaricum*, Marullus AMARACINUM.

977. SPURCITIES, EADEM SUBUS HAEC CIVUNDA VIDETUR. Quadratus *haec inunda*. apud Nonium p. 394, 21 *Spurcitiis idem sub rutunda videtur*. recte Marullus IUCUNDA, itaque Antonius Marii *iocunda*. cum caenum nobis taeterima sit spurcities, subus eadem haec caeni spurcities videtur iucunda esse. nulla causa erat cur haec Lambinus rependeret, nisi quod Gifanius hic aliquando verum vidisset.

986. ALOQUE SAPOREM. Oblongus *aloquae*, corrector eius recte ALIOQUE. nam nihil opus est cum Lambino *alia* scribere: primum enumerantur quae alia *alio* penetrent ad *varios sensus*, secuntur quae alia *aliunde* veniant. haec autem quia a se invicem separari non debent, is ordo versuum verus est quem Wakefieldus fecit: nec nisi speciebus absolutis ad causam ita rediri potest ut poeta se eam *paulo ante ostendisse* dicat, quod fecerat versu 981 et duobus proximis. versum 990 solum adfert Nonius p. 227, 26.

991. PRAETERE MANERE. Correctores veteres PRAETEREA. Itali et impressi MANARE.

992. ATQUE ALIUD IGNIS. Antonius Marii et Marullus *tignis*, Lambinus *per ligna*. verum est quod Havercampus temere Vossianis adscribit, LIGNIS, de resina lignis manante accipiendum.

997. VARIANS, 989. VARIANT. Ita codices.

1000. ET OMNES. Correctum in oblongo OMNIS.

1001. PELICIAT UM. Oblongus *perliceatum*. Marii filius et Marullus PELLICIAT VIM, recte: non potuit aliter hic scribere Lucretius quam scripsit in v, 1005 *Subdola pellicere in fraudem*. Lucilii versus a Velio Longo p. 2227 relatus videtur in hunc modum emendari posse, *in praeposito per Pelliciendo*, hoc est *inducendo*, *geminato l.* id est, *in pelliciendo*, quod fit *per praeposito*, *l* litteram geminare debes. Putschius haec dedit, *Nec aliter apud Lucilium legitur. in praepositione per l liciendo*, quod est *inducendo*, *geminat l.* sed quae secuntur, *pellicere malunt quam perlicere*, ea Velii Longi esse, non Lucilii, apparebit, si quae praecesserunt legeris.

1005. 1017. VACE FIT. Quadratus *vacesit* utrobique. ceterum mihi adhuc quaerendum videtur quibus auctoribus vulgo in oratione soluta scribatur *vacuefactus*. nam mihi certo constat hoc genus vocabula, de quibus alia dixi ad librum III, 906, neque trisyllaba esse nisi composita sint, ut *obsole fieri*, neque monosyllaba nisi *e* littera abiecta, *calfacere olfacere*. praeter haec tamen concedendum est Terentium duabus syllabis in unam conflatis dixisse in Adelphis I, 1, 29 49 III, 3, 60 *consve feci*, *consve facere*, *consve facio*: nam vocabulum dactylicum versuum ratio non admittit. contra syllabis diductis Prudentius cathemerinon hymno VII, 84 *Fulmen benigni mansuëfactum patris*. plura horum et similium

exempla in versibus non inveni : contrahuntur autem tam recte quam suo , *Ordine se suo quaeque : suescit* enim qui aliquid suum facit aut suus fit . in apocalypsi Iohannis 8, 11 bonus et antiquus codex Laurentianus habet *de aquis* , quia *amare factae sunt* ; quod non debet ita intellegi quasi sit *amarefactae* , sed , quomodo accuratius Fuldensis , *amarae factae* . Nonius tamen *obscurefacere* dixit p. 246, 28 suo periculo ; quem supra vidimus horum verborum rationem parum tenere , isque etiam *purefacere* dixit p. 114, 19 370, 4 , quod unde deductum sit non intellego .

1006. PRIMORDIA FERRE . Oblongus prima manu *primodia ferreae* . Itali FERRI .

1007. FIT UT QUI . Marullus *fit ut quae* : Naugerius *fit utque* , recte . *fit ut* est pro uno vocabulo , sic in iv, 944 *fit uti pars inde animai Eiciatur* ; id est *inde fit uti* . in vi, 204 *Hac etiam fit uti de causa mobilis ille Devolet in terram* . et 727 *Quo fit uti pacto liber minus exitus amni Et proclivis item fiat minus impetus undis* .

1009. PRIMORIBUS ELEMENTIS . Ex addidit corrector quadrati , Antonius Marii , Marullus .

1011. QUAM VALIDI FERRI NATURAE FRIGIDUS HORROR . Corrector oblongi fecit *horro* , quod non intellego . sed inconditam orationem scite correxit Wakefieldus scribendo NATURA ET .

1012. QUOD DICITUR EX ELEMENTIS . Lambinus ne monito quidem lectore dedit *quod paulo diximus ante* . Wakefieldus id quod libri habent restituit , irae studio interpretari oblitus . mihi dubium non videtur quin poëta scripserit QUO DUCITUR *ex elementis* , conciso quodam dicendi genere , cuius simile exemplum non possum promere , qualia forent *ducere ex manu , ex fune , ex catena* . Graeci haec frequentant ad significandam instrumenti , quo aliquid ducitur , continuitatem . scilicet anulus ex elementis ferri cohaerens iisdem elementis in vacuum ducitur .

1013. E FERRO . Oblongus *te ferro* : hinc olim impressi *referre* , Itali *de ferro* .

1014. ANULLUS . Corrector oblongi ANULUS .

1016. CAECISQUE IN EO COMPAGIBUS AESIT . Oblongus *caecis qui* , et prima manu *compaginibus* , ut versu 919

ambaginibus. quadratus *saesit*: corrector oblongi HAESIT. quadratus supra 914 *supter aderens*.

1018. SIVE ET TRANSVERSO. Marullus *ex*. rectius E Antonius Florentinus. sic semper ante *t*, *e terra*, *e terris*, *e tenebris*, *e taedis*, *e toto*, *e tantis*, *e thuris glebis*.

1020. PLAGIT. Itali et Brixienſis editio PLAGIS.

1021. SPORTE SUA. Corrector oblongi SPONTE.

1022. HUC ACCEDIT ITEM, QUARE QUEAT ID MAGIS ESSE. HAEC QUOQUE RES ADIUMENTO MOTUQUE IUVA-
TUR. Vitium in his manifestum est, simillimum ei quod erat in libro I, 753. hoc igitur eodem modo curabimus scribendo *Huc accedit* UTEI — *Haec quoque res* — IUVETUR. ceterum quod Havercampus hunc versum *Haec quoque res* in Vossianis post 1032 *Trudit et inpellit* scriptum perhibet, mendacium est: verum est eo loco legi *Continuo fit uti*, quem versum Marullus in vera sede reposuit. eidem Havercampo ne credas illa carmina oblongo codici deesse, *Omnibus est rebus et Hic igitur*, praeter morem meum adnotabo oblongum ibi prima manu habere *qui in ferost abidus*.

1025. LOCUS MAGNIS. Impressi MAGIS.

1033. LOCACATUS. 1026. ERAT ERGO. Corrector oblongi LOCATUS. Marullus AER *a tergo*.

1032. QUASI NAVEM VELAQUE VENTIS. Pius recte dedit VENTUS.

1035. SUNT CORPORE. Ita quadratus, *a eadem manu super e* apposita: oblongus et olim impressi *corpora*. Antonius *corpore*.

1040. SCILICET. ILLO EODEM FERTUR. Ita quadratus: oblongo abest *illo*. Itali et Marullus non recte *atque*, ex quo Wakefieldus fecit *isque*. apertum est scribendum esse ILLE *eodem fertur*.

1045. ET RAMENTA. Ita oblongus: quadratus prima littera omissa *Tramenta*.

1046. IN SCAPIIS. Quadratus *schapiis*, ut in Mediceo Vergilii codice Aen. VIII, 278 *schypus*. corrector oblongi SCA-
PHIIS, recte, nisi quod *scapiis* potest a Lucretii manu esse. *scapium* exemplaria Martialis XI, 11, 6, item Vitruvii VIII, 1, 4.

1047. A SAXO. Immo AB, ut dixi ad versum 925.

1056. ILLUD IN HIS HIS REBUS MIRARI. Quadratus

mirare : in oblongo litura est post *mirari*. huius corrector alterum *HIS* delevit.

1059. AT PARTIM. Oblongus prima manu *Ad*, impressi *Ac*. verum est *Et partim*, quod legitur in iv, 57 918, in v, 952. *pars etiam* in II, 99.

1062. INTER UTRASQUE — LOATA. INTERUTRAQUE, ut saepe dixi. LOCATA corrector oblongi.

1064. INPELLANT UT EUM MAGNESIA FLUMINA SAXA. Quadratus *Impellant ut eo*. Marullus *EAM*. Itali et Brixienensis editio FLUMINE.

1067. QUE MEMORARE QUEAM INTER SE SINGULARITER APTAM. Itali *APTA*. tum Forbiger dedit *sing'lariter* barbaro scribendi more ab Anglis ante annos paulo plus ducentos invento, quo apostrophus et in vocabulorum initio et in mediis vocabulis et inter duas consonantes ponitur. nos Germani, quibus in vocabulis scribendis nihil nimis monstruosum videtur, talia imitatur: veterum scripta huius modi sordibus inquinari non debent. praeterea vereor ne illa contractio auribus Latinis intolerabilis fuerit; quamquam quid iis durum fuisse putabimus, quos hodie plerique credunt fortiter dixisse *s'ne d'lo m'lo* et *qu'dem* et *quod'st* et *morbis'st* et *Metrophanes'st*? sed nec *singlos* Plautus usquam dixit (nam in Amphitruonis prologo, versu 65, scribendum est *conquaestoribus* ex Varro de lingua Latina libro VI p. 255, itemque in eodem prologo, versu 82, et in Mercatore III, 4, 80) neque Catullus 113, 4 *Singlum*, neque ullum scriptorem novi qui *anglum cinglum stranglare exunglare perglam virglam digtum* contraxerit, cum dicerent tamen *vinclum avonclum hercle circlos asserclos* (glossaria Labbaei p. 17^d) *surclos* (Varro rerum rusticarum I, 40, 4) *Asclum musclum* (Charisius p. 74) *crustla* (in Orellii inscriptionibus n. 686) *perviglanda figlinam striglibus frigidaria infriydatura*. scio quidem plerosque sic sentire, Ennium eum versum qui est apud Festum p. 325, 19 ita scripsisse, *Virgnes nam sibi quisque domi Romanus habet sas*: sed scio eos imperite agere, qui ignorent primum in hoc versu Verrium *sas* interpretatum esse *eas*, non *suas*, deinde in scriptionibus Catullo antiquioribus ante *nam* orationem necessario incidi; ex quo apparet aut *Virgini* scribendum esse aut *Virgine*. item versui Terentiano qui est in Eunuchio IV, 3, 12 convenit *Virginem*, *erae quam dono dederat*

miles, non quod libri habent *Virginem quam erae*. accedit quod Lucretius bis dixit *singillatim*: quis igitur eum aliter dixisse putet quam *singillariter*? cui simile est *singillarium* e Tertulliano in lexica relatum. illud autem in versum recte intrabit *se deleto*, hoc modo, *Quae memorare queam inter SINGILLARITER apta*; scilicet *interapta*, ut apud Livium in xxii, 30 *tum dextrae interiuinctae*. nec versui sua deest caesura, quae est inter syllabas conliquescentes, *queam | inter singilladr iter apta*. sic in iii, 258 *Nunc ea quo pacto | inter sese mixta quibusque*. in eodem 612 *Dissolui. quod si | immortalis nostra foret mens*. 715 *Haut erit ut merito | immortalis possit haberi*. in v, 165 *Desiperest: quid enim | immortalibus atque beatis*. in vi, 197 *Conplerunt, magno | indignantur murmure clausi*. Lucilius apud Gellium iv, 17 *Scipiadæ magno | improbus objiciebat Asellus*, ubi tamen verius puto *Improbu' Scipiadæ magno*: nam in eodem Gellio xii, 4 correctores importuni non tulerunt *Serviliu' sic compellat*, sed fecerunt *compellat Servilius sic*. Lucilius apud Nonium p. 84, 15 *Hiberna intuba, momento | omnicolore colustra*: sic enim haec scribenda puto, scilicet 'verni temporis vicibus ex ove colostra', quem admodum idem Lucilius in libro xxviii sive xxix dixit *Serena caeli momina et salis fretus*: libri habent *Hiberam insulam fomento* et (Non. p. 205, 29) *Serana caecili nomine*. porro non alia caesura Lucilius apud Nonium p. 321, 28 *In vino esse, ubi qui | invitavit dapsilius se*. Vergilius Aeneidos xi, 758 *Portat ovans. ducis exemplum | eventumque secuti*. idem in xii, 144 *Magnanimi Iovis ingratum | ascendere cubile*. Horatius in sermonum ii, 3, 134 *An tu reris eum occisa | insanisse parente?* idem in arte 87 *Cur ego, si nequeo | ignoroque, poeta salutor*. ibidem 377 *Sic animis natum | inventumque poema iuvandis*. Propertius iii, 17, 11 *Quem modo felicem invidia | admirante ferebant*. Silius in v, 497 *Pars trepidi celso | inter tela cacumine pendet*. in viii, 327 *Cautus ama. siqua interea | invitaverit aura*. in xii, 146 *Rumpere compagem impositam, | expallescere caelum*. in xiv, 631 *In morem pecudum | effudere cubilibus atris*. in xv, 13 *Si gentem putat infaustam | inter busta suorum*. Statius in Thebaidos iii, 71 *Aspicias, bellum infandum | ominibusque negatam*. 283 *Progeniem caram | infaustosque dabas Hymenaeos*. Iuvenalis x, 358 *Qui spatium vitae extremum | inter munera ponat*. xiv, 108 *Inviti quoque avaritiam | exercere iubentur*. ex his ami-

cus quidam meus doctissimus intellet me non tam inconsiderate quam ipsi visus sim Ottonis Iahnii emendationem probasse, qua is Persii versum v, 19 in eosdem numeros ita restituit, *Non equidem hoc studeo, | ampullâtis ut mihi nugis Pagina turgescat.* versus hexametros non legitime incisos in poësi Latina (sed qui post Iuvenalem scripserunt, eos non curo) paucis Ennianis exceptis hos solos cognovi, Horatii duos, *Vestrum praetor, is intestabilis et sacer esto, Non quivis videt inmodulata poemata iudex*, unum Sillii Italici in VIII, 530, *Vulturnum quasque evertere silentia Amyclae*; etsi ne hi quidem prorsus similes sunt ei quem a Terentiano Mauro fictum docui ad huius libellum p. XIII, *Quae pax longa remisera arma novare parabant.* sed Manilius in I, 194 videtur scripsisse *Nec vero natura tibi admiranda videri, non tibi natura.* neque ferri potest apud Silium in III, 393 *Ac Nebrissa Dionyseis conscia thyrsis*; ubi recte Scaliger *dei Nysaeis*.

1068. SAXA VIDE PRIMUM — COOLESCERE. Marullus VIDES. ita alibi *Multa elementa vides, Denique multa vides.* e contrario *Contemplator enim, Principio maria ac terras caelumque tuere.* COLESCERE scribendum esse ostendi libro II, 1061.

1069. GLUTINE MATERIES TAURINO IUNGITUR UNA. Oblongus *aurino*, quadratus *tauri non.* aptius est *Glutine taurino* UNO, ut paulo post *Purpureusque colos conchyli iungitur uno Corpore cum lanae*, et inversa ratione in verbo activo *Denique non auro res aurum copulat una?*

1071. TAUREA VINCIA. Corrector oblongi VINCLA.

1072. AQUA. Corrector quadrati, Antonius, Brixienensis, AQUAI. dixi ad versum 552.

1076. RENOVARA OPERAM DES. Iidem RENOVARE.

1077. VELIT EIUERE. Oblongus *eiuvere.* corrector quadrati et Marullus ELUERE.

1078. DENIQUE NON RES AURO AURUM COPULAT UNA? Oblongus *non* omittit. quadratus *auro arum.* recte Faber *Denique non AURO RES aurum.*

1079. AERAQUE PLUMBO. Optime Lambinus AERIQUE AES *plumbo.*

1083. PRAESTAT COMPREHENDERE. Ita quadratus et Avantius: oblongus *restat comprehendere*, neque aliter Italici et Marullus.

1088. COPLATA. In utroque codice a correctoribus factum *copulata*.

1089. QUOD MAGIS IN LAPIDE HOC FERRI. *Quo magis quadratus*. FIERI Itali, Brixiensis editio, Marullus.

1091. CRADEM CONFLARE. Oblongus prima manu *gradem*, a correctore *cratem*. corrector quadrati et Marullus CLADEM.

1098. ATQUE EA VIS OMNIS. Apud Nonium p. 158, 2 *Atque vis omnium*. mox oblongus *Aut intrinsecus*.

1100. AUT IPSA SAEPE COORTA DE TERRA SURGUNT. Immo COORTAE, scilicet *ea vis omnis morborum pestilientiaque*.

1106. BRITTANNIS. Sic oblongus: quadratus *Brittania*.

1109. PERCOCTO SAECLA CALORE. Magis proprie supra versu 722 *percocto* COLORE. calor coquit, color coquitur.

1114. EST ELEPHAS MORBUS. His verbis Serenus Samonicus usus est versu 133, scilicet ut lectores Lucretii suaviter recordarentur.

1115. AEGYPTA IN MEDIA. Quadratus *egypta*. Itali et Marullus AEGYPTO.

1119. NOBIS FORTE AELENUM. Corrector oblongi ALIENUM, optime. corrector quadrati *vel venenum*; quod ne commemorarem quidem, nisi Havercampus emendationem non aptam (foret enim certe addendum *est*, quo fieret ut *forte* loco alieno esset) quasi ab antiquissimo teste oblatam probasset.

1121. VE NEBULA. Recte Marullus *Ut nebula*. sed recentiores sententiam perturbant post *nubes* interpungendo.

1122. QUA GRADITUS CONTURBAS. Quadratus *cum turbas*. Itali et Brixiensis editio *Qua* GRADITUR CONTURBAT.

1124. REDDETQUE. Itali REDDATQUE.

1125. ESTILITASQUE. In oblongo corrector addidit P. Servius ad georgicon III, 481 *Ordinem secutus est quem et Lucretius tenuit et Sallustius, primo aërem, inde aquam, post pabula esse corrupta*. idem quae paulo ante versui 478 adscripsit, ea ad librum V, 1273 excussimus.

1129. SPIRANTES — DUCIMUS. Isidorus, qui haec omnia expressit de natura rerum cap. 39, verbo perperam omisso, *aut suspensa manent in aëre, et, cum spirantes auras, illa quoque in corpus pariter absorbemus*.

1132. FIGRIS CALANTIBUS AEGROR. Corrector ob-

longi et Brixiensis editio *aegros*. Antonius Marii *pigris* BALANTIBUS *aegros*. Marullus *pecudum balatibus aegris* ex Ovidio metam. vii, 540. sed servandum est *aegror*, et reddendum Pacuvio in Periboea sic, *corpusque meum tali Merore aegrore macore senet*: in Nonii exemplaribus p. 137, 1 legitur *errore*. item Accium in Eurysace scripsisse puto *Persuasit maeror*, *anxietudo*, *aegror*, *dolor*; non *error*, ut est apud Nonium p. 72, 27.

1135. AN CAELUM NOBIS VITRO NATURA CORUMPTUM DEFERAT AUT ALIQUID. *Defer aut aliquid* prima manu oblongus. ULTRO Avantius. *rumptum* et *rumperit* in digestis Florentinis legi notum est, ut appareat in hoc veterem librarium sui saeculi more peccasse. *corruptum* prima brevi Lucilium dixisse Consentius narrat in arte de barbarismis et metaplasms p. 30, cuius verba subieci. *Poëtae faciunt metaplasmos, cum ipsi iam scripturam relinquunt corruptam, ut est Reliquias Danaum, et tanton me crimine dignum Duxisti: addidit enim unam litteram per metaplasum l, item contra (addendum dempsit litteram per metaplasum e), sicut Lucilius ore corrupto: dempsit enim unam litteram per metaplasum r; et Ennius Huic statuam statui maiorum [et] ab otu Athenis. et hic quoque per metaplasum dempsit litteram r. versus Ennii in hanc fere sententiam conceptus fuerit, Huic statuam statui maiorem horto (id est hortor, ut Quadrigarius dixit cohortarent) auream athenis: Lucilius autem ore corrupto non potuit dicere nisi irridendi causa aut forte in recte loquendi legibus demonstrandis; cuius modi est illud, pretor ne rusticu fiat. apud Lucretium infeliciter Lambinus cruentum. aptius est Bentleii alienum: sed verum, ni fallor, ultro COORTUM. in libro v, 367 coperta scriptum est ubi debet esse coorta. cohorta oblongus in vi, 458 1096 1100, cohortus idem ibidem 1186. coartam quadratus in iii, 15, hortus idem in iv, 432. ceterum poëta cum dicit caelum aut aliquid, intellegit aërem, aquam, cibos. Isidorum autem hic caelum corruptum agnoscere non miror. sic ille de natura rerum cap. 39. Sicut enim (confer versum 1103) caeli novitate, vel aquarum, corpora advenientium tentari consueverunt adeo ut morbum concipiant, ita etiam aër corruptus ex aliis caeli partibus veniens subita clade corpus corrumpit atque repente vitam extinguit.*

1138. HAEC RATIO QUONDAM MORBORUM ET MOR-

TIFERAE FINIBUS IN CECROPIT FUNESTOS REDDIDIT AGROS. Oblongus prima manu *funestus*: eiusdem corrector *Finibus in Cecropiis*, quod Wakefieldus grammaticae imperitus recepit. vide quae dixi ad librum v, 85. rectius apud Macrobium in vi, 2 *Finibus in CECROPIS*. nam frustra Lambinus, quasi ex libris veteribus, *Finibu' Cecropiis*. quod enim non nulli dixerunt, *Cecropis* nomen a poëtis Latinis prima correpta positum non inveniri, neque momentum facit neque verum est. in Ovidii metamorphoseon xv, 427 codices fide digni omnes *Nec non et Cecropis, nec non Amphionis arces*: neque is versus delendus est, sed tres qui eum secuntur. sed in Lucretianis vulgo probant quod est apud Macrobium, *et mortifer aestus*. id vero cum prorsus ineptum sit, nisi porro corrigas *et mortiferi aestus* (quis enim has res diversissimas coniungat, *haec ratio et mortifer aestus morborum?*), tamen ab homine venit a lectione huius poëmatidis non alieno: ac paene suspicor Macrobium ipsum, cum hunc locum exscriberet, ita ex tempore versum imperfectum sanare conatum esse. neque Lambino melius successit temptanti *et mortifer aër*. felicius hic Wakefieldus fuit, cum scriberet *ratio morborum et mortiferae vis*. sed nullus hic ingenio exercendo locus est, cum id ipsum quod libri exhibent verissimum sit, si recte explicetur, *Haec ratio quondam morborum et MORTI' FERAI*. quamquam fatendum est ita perire generis masculini vocem, a qua ea quae secuntur pendent,

1141. NAM PENITUS VENIES AEGYPTI FINIBUS ORTUS, AERA PERMENSUS; ubi recte corrector quadrati et impressi codices VENIENS. sed haec ipsa *penitus veniens Aegypti finibus* cum sufficiant, cur, quaeso, molesta verborum *ortus* adicitur? quis igitur hoc vocabulo supervacaneo eiecto dubitabit id quod necessarium est scribere? id autem esse MORBUS demonstratione non eget, quamquam Avanti-
us dedit *Orcus*.

1143. INCUBUIT TANDEM POPULO PANDIONIS OMNE. Oblongus *omnem*, quadratus *omne*; ut appareat id quod in fine versus certo cognosci non potuit errore habitum esse pro signo M litterae, cum esset potius I. recte igitur Avanti-
us OMNI. codex Neapolitanus Propertii iv, 1, 22 *duplicei fenore*, de quo genere dixi ad librum iv, 602. sic in dativis

apud Frontonem *centumviralei* p. 126, *petentei* 142, *mihei* 122. apud eundem in genetivis *Pergamei* p. 72, *corpusculei* 135, *ingeniei tui* 155, *agrei* 163. Bernensis codex Horatii apud Orellium *cicerrei* in sermonum I, 5, 52. Vaticanus antiquissimus in Ciceronis pro Fonteio oratione 2, 3 et 3, 5 Nieb. *huius furtei. mense Quintilei* in epistulis ad Atticum II, 1, 11, *satiētatē nostrē* 5, 1. Bambergensis Plinii *sulpurei* in libro xxxv §. 180.

1147. ATRAE SANGUINE ET VICERIBUS VOCIS VIA SEPTA COIBET. *Atræ* Macrobius quoque, non *atro*. *visceribus* quadratus: *ulceribus* corrector oblongi et Macrobius. *tum vocī saēpta coībet* quadratus. Macrobius COHIBAT. *cohire* quadratus in III, 395.

1150. MALIS — ASPERA TACTA. Quadratus *magis*, apud Macrobiū *molis*. TACTU corrector oblongi et Macrobius.

1153. OMNIA TUM TUM VERO VITA CLAUSTRA LABABANT. Antonius *tum* semel. *tum* quadratus *vero ita claustra*. oblongus prima manu *lababat*. VITAE Brixienſis editio et Antonius Marii.

1156. ATQUE ANIMI PRORSUM VIRES TOTIUS, OMNE. Itali et impressi *et omne*. gravius est quod Wakefieldo placuit, *prorsum* *tum*. sed idem male *Utque animi*. mox codex uterque *laeti*, ut infra 1208 *limina laeti*.

1165. SED TOTIUS. Ita quadratus et corrector oblongi, in quo fuit *iotius* vel *lotius*. Marullus *POTIUS*.

1166. VICERIBUS. Corrector antiquissimus *ULCERIBUS*.

1167. VI EST PER MEMBRA SACER DUM DIDITUR IGNIS. Corrector oblongi *ut est*. idem *cum diditur* ubi prima manus *dumditur*. *dum* servandum erat: ut est *sacer ignis, dum* per membra diditur.

1170. NIHIL ADEO POSSES CUIQUAM LEVE TENVEQUE MEMBRIS VERTERET UTILITATEM, AD VENTUM ET FRIGORE SEMPER. Optime Lambinus *Nil leve tenveque membrīs* *vertere in utilitatem*: sed idem frustra, nisi fallor, *quicquam*, et omnino male *posset*, cum non intellegeret ad coniunctionem esse, haec autem verba *at ventum et frigora* (sic Marullus) *semper* necessaria esse ad exprimendum Thucydidium *γυμνοί, μηδ' ἄλλο τι ἢ γυμνοὶ ἀνέχεσθαι*.

alioquin *semper* et *partim* inter se non coeunt. sed omnes pariter frigora semper quaerebant, partim membra in undas dabant. *ad* coniunctio in utroque Leidensi scribitur III, 640 IV, 473 997 V, 1427, in oblongo V, 1120 VI, 322 414 619 673 804 967, in quadrato II, 74 388 1017 III, 25 191 198 356 536 906 1068 IV, 414 1007. Charisius p. 203 *ἐνφωνότερον* esse dicit ut per *d* scribatur *ad ita*.

1178. MULTI PRAECIPITES NYMPHIS PUTEALIBUS ALTE 1174. INCIDERUNT. Oblongus *precipites nymphis*. Itali LYMPHIS, recte: nam *lymphas* deas novi, *nymphae* pro aquis non dicuntur. verum ordinem versuum Nangerius praeclare restituit.

1175. INSEDABILITER SITIS ARIDA CORPORA MERSANS. Quadratus solus (schedae non item) *inerrans*; haud male, si scribatur *corpore inerrans*. sed *inerrare* non videtur satis antiqui coloris vocabulum esse, quamquam eo usus est auctor panegyrici in Messallam anno Varroniano DCCXXIII scripti, 202: quare hoc *inerrans* saeculo decimo per errorem natum existimo, cum librarius *m* et *s* litteras pro *in* et *r* habuisset, quomodo in scriptura corrente facilius quam in antiquiore peccatur. in IV, 1062 quadratus *oberratur* pro *obversatur*, ibidem 1076 *miseris* pro *miseris*.

1177. ULLA MARI. Apud Macrobius MALI, sed versu proximo male *missabat*.

1180. QUIPPE PATENTIA CUM TOTIENS ARDENTIA MORBIS LUMINA VERSARENT OCULORUM EXPERTIA SOMNO. Oblongus et olim impressi *Quippe patientia*. Lambinus, ne commemorata quidem membranarum scriptura, *totas ardentia nocteis*. Wakefieldo placuit compositio parum concinna, *patientia ardentia morbis Lumina*, placuit inepte iniecta *morborum* mentio, cum paulo ante recte esset *ardentia morbo* 1172. vix dubito quin poeta scripserit *patientia* AC NUNTIA MORTIS *Lumina oculorum*.

1182. TUM SIGNA. Quadratus *cum*, apud Macrobius *tunc*. apud eundem mox *Perturbati animi*.

1186. CREBER SPIRITUM. Apud Macrobius SPIRITUS.

1187. SUDORISQUE MADENS PER COLLUM SPLENDIDUS UMUM. Apud Macrobius *Sudoribusque* — *splendidus humor*. idem mox *contracta colore*.

1189. PER FAUCES RAUCA VIX AEDITA TUSSE. Qua-

dratus vix sedita . apud Macrobiū RAUCAS *vix EDITA tussis* .
Marullus TUSSI .

1190. NERVI TRAHERE ET TREMERE ARTUS . Oblongus *artu* . Lambinus *trahier* . idem supra 595 *artus invitos cogens tremere atque moveri* , ubi habemus in libris *movere . terra movet , hastae Martiae movent* , quibus nulla movendi facultas est , neque qui moveat apparet : vivi hominis *artus moventur* vel sponte eius vel ab externa causa ; quae si sub oculis non cadit , *movere* possunt . item *nervi aegrotantis trahunt* , si non quaesieris qua causa motum efficiente vel *trahantur* vel homo ipse eos *trahat* sive , quod est in versu 1161 , item in v , 1223 , *corripiat* . ceterum haec ita accipienda sunt , ut passivo semper locus sit , activum in scriptoris iudicio positum . itaque Statius Thebaidos viii , 754 *trahi* dixit *oculos* , et *sensum lumina trahere* Lucretius in iii , 362 . quid quod Cicero in versu scripsit *Aut cum se gravido treme fecit corpore tellus* , de divinatione i , 18 .

1192. AD SUREMUM DENIQUE TEMPS . Corrector quadrati , Itali , Brixienſis , SUPREMUM . Itali et impressi TEMPUS .

1195. INHORETIACET RECTUM , FRONS TENTA MEBAT . Quadratus *inoretiaacet rectum* , apud Nonium p. 181 , 27 *in ore iacens rictu* . sed *h* littera , quam oblongus habet , veram lectionem monstrat . ita quadratus *aborret* i , 945 , *orror* iii , 29 , *orrorem* ii , 411 iii , 291 , *orrifico* iii , 906 , *Orrida* vi , 1269 . corrector quadrati , qui metri incuriosus esse solet , *inhorret iacet* . recte Ianus Rutgersius INHORRESCENS RICTUM . sed in extremo versu Nonius *tenta manebat* , corrector quadrati et Marullus *meabat* , Lambinus *minebat* , Rutgersius *minubat* , Creechius *micabat* ; quae omnia absurda sunt . unice verum est quod est omnium simplicissimum , *frons tenta TUMEBAT* .

1196. NEC NIMIO RIGIDA POST ARTUS MORTE IACEBANT . Marullus *prostrati* , Lambinus *post strati* , Brixienſis editor *strati artus* . hi omnes recte senserunt haec verba *artus iacebant rigida morte* sententiam non explere ; quae omnibus numeris absoluta erit , si scribemus *Nec nimio RIGIDI post artus morte iacebant* .

1198. AUI ETIAM . Correctores veteres AUT .

1199. QUORUM SIQUIS , UT EST , VITARAT FUNERA LAETI . *Vitaret* quadratus . ultimam *funera* vocis litteram ob-

longus habet in litura . sed *ut est* caret sensu : debebat certe esse *ut erat* . itaque mihi librarii hic videntur non recte legisse , cum *utē* scriptum esse opinati sunt ubi erat *uix* : hoc enim sententiae convenit , *Quorum siquis vix vitarat funera leti* . in v, 1394 pro *iucunde* quadratus *uixunde* .

1200. VICERIBUS . Corrector oblongi *Visceribus* . Lambinus *ULCERIBUS* ex Thucydide , cuius ope interpunctionem absurdam corrigere neglexit . Isidorus de natura rerum 39, 2 *atque inde languescens morbo corpus aut ulceribus tetrīs aut percussione subita exanimatur* .

1204. HUC HOMINIS TOTAE VIRES CORPUSQUE FLUEBAT . In alvum aut nares totae vires et quasi ipsum corpus confluebat . malebam *morbusque* , ut mox *in nervos huic morbus et artus Ibat* , itaque Thucydides *ἐπικατιόντος τοῦ νοσήματος ἐς τὴν κοιλίαν* et *διεξήκει γὰρ διὰ παντὸς τοῦ σώματος τὸ κακόν* . Columella libro vi, 5, 4 *in eam deinde auriculam omnis vis morbi pestilensque virus elicitur* . sed recte *totae vires corpusque* : ita in iv, 535 *quid corporis auferat et quid Detrahat ex hominum nervis et viribus ipsis Perpetuus sermo* .

1205. PROFLUVIUM PORRO CUL TAETRIS SANGUINIS ACRE EXIERAT . Itali et Marullus *cui TETRI* . recte Lambinus *QUI* .

1212. METUS IIS INCUSSERAT ACER . Marullus *HIS* , de quo dixi ad librum iv, 933 . Lambinus Latine *INCESSERAT* . Gronovius in usu neutrorum saepe errans *incusserat* probavit in observationibus ii, 7 p. 260 .

1213. ATQUE EIAM . Itali et impressi *ETIAM* .

1217. EXCIRET ODOREM . Brixiensis editio *exiret* . scribendum *EXEIRET* . *Eitur in antiquam silvam* legebat in Aeneide Terentianus Maurus p. 2393 .

1219. ILLIS SOLIBUS ULLA COMPAREBAT AVIS , NECTIA SAECLA FERARUM EXICBANT SILVIS : LANGEUBANT PLERAQUE MORBO . Quadratus *noctia* et *Exibant* . apud Macrobius *illis sedibus* et *nec tristia seda ferarum Exuperant sylvis languibat* . hinc Brixiensis editor suscepit *sedibus* et *NEC TRISTIA* , alterum male , alterum rectiore iudicio quam qui aut *noctibus* scripserunt aut *noxia* vel *fortia* . ceterum *Exicbant* , quod oblongus habet , non *Exiebant* , est *EXEIBANT* . mox *fida canum vis* e Lucretio commentator Horatii Cruquianus p. 2^b .

1225. INCOMITATA RAPI CERTABANT FUNERA VASTA. Hoc vero plane portentum est, *funera rapi certantia*, dignum sane quod Lucretius Thucydidis narrationi intexeret. at huic quidem loco nihil eius modi convenire potest. reponemus igitur hunc versum, ut eo ubi opus fuerit utamur. et in hac pagina, quae est libri sexti duode quinquagesima, a versu 1223 usque ad 1248, alium quoque versum traiectum esse Marullus iam vidit, qui 1245 posuit post 1241, satis bene, quamquam malui eum cum Bentleio post 1236 collocare, quoniam poëta hic ordinem verborum Thucydidis curiose observavit.

1227. ALI. Ita codices nostri: apud Macrobius *alis*. dixi de hoc ad librum IV, 637.

1228. TEMPLA TURI. Corrector oblongi TUERI, itaque Macrobius.

1232. MORTI DAMNATUS UT ESSET. Aptius, nisi fallor, *morti damnatu' quasi esset*: falsum est enim nullum morbo correptum sanatum esse. *ut pro ut si* quam recte dicatur ignoro: legi tamen apud Valerium Flaccum V, 93, ubi est *fulsere undae, sol magnus ut orbem Tolleret aut nubem quateret polus*.

1234. ANIMAM AMITTEBAT. Oblongus *imittebat*, olim impressi *mittebat*. Marullus mirabili errore, sed digno quem Eichstadius et Forbiger sequerentur, *animam et mittebat*. optimi scriptores ita dixerunt, *amittere animam*. de et conjunctionis recto positu alibi satis.

1235. APISCIT. Itali et Brixienensis editio APISCI.

1238. FUGITABANT UT SERE AD EGROS. Oblongus prima manu *utsaere*: quadratus *utseredeat aegros*. Lambinus et ante eum Antonius Marii optime *VISERE ad aegros*.

1240. POENIBUS AT PAULO POST. Oblongus *et*. egregie Turnebus POENIBAT.

1241. INCURA. Itali et impressi INCURIA.

1247. 1248. INQUE ALIIS ALIUM POPULUM SEPELIRE SUORUM CERTANTES LACRIMIS LASSI LUCTUQUE REDIBANT. Oblongus *redabant* prima manu. sed haec carmina scatent monstris. primum *in aliis* mortuis suos sepelire quis potest, tamquam in busto mortuo? porro cum in aliis *alium populum* suorum sepelire certant, quot quisque populos habet suorum? putaveram singulis singulos esse, ut Niobae Ovidianae, quae ita dicit metamorph. VI, 198, *fugite demi*

Huic aliquid populo natorum posse meorum. ad extremum quomodo illi optimi homines *certantes redeunt*? qui debebant primum exire, deinde certare, denique certamine finito redire. haec omnia quam absurda essent nullus interpretum vidit: unus minimam partem perspexit Tanaquil Faber, qui correxit *Inque aliis alius*. nobis autem, si verum paulo ante sepositum huc revocaverimus, licebit Lucretio carmina sua et dulcissima reddere hoc modo. *Incomitata rapi CERNEBANT funera vasta, Inque aliis alium populum sepelire suorum Certantes: lacrimis lassi luctuque redibant.* scilicet omni labore obito, cuius extrema pars erat cura funeris, foedissima quaeque fieri videbant, funera obscena sine comitatu proripi, inque aliis funeribus alium suos certatim sepelire: his visis luctu et lacrimis fatigati redibant.

1249. INIECTUM. Antonius Marii *in letum dabantur*, quod debebat esse aut *ad letum* aut *in Orcum*. Marullus Latine INLECTUM.

1250. QUEM NEQUE MORBO. Itali MORBUS.

1251. TEMPORE TALI. Sic oblongus, *i* littera in litura scripta a correctore. quadratus *telec*, *a* super priore *e* scripta et *c* deleta prima manu. perspicuum est in archetypo fuisse TALEI, ut supra 1143 *omnei*.

1256. EXANIMIS PUERIS SUPER. Sic oblongus: quadratus *Exanimi*, cuius corrector fecit *pueri*.

1260. LANGUENS QUEM CONTULIT AGRICOLARUM COPIA CONVENIENS EX OMNI MORBIDE PARTE. Corrector quadrati, Itali, codices impressi, MORBIDA. hoc ut certum est, ita orationem inepte onerat, *languens copia conveniens morbida*. ergo quod his superest, *languens*, si fieri poterit, cum superioribus coniungemus, quibus deest subiectum, *Nec minimam partem ex agris maeroris (meroris oblongus) in urbem Confluxit*. adde his LABES: utrique membro consultum erit. at viri docti in priore haerentes varia non optime temptarunt. Hauptius in observationibus p. 45 ita interpretatur quasi scriptum sit *Nec minimi maeroris partim ex agris conflavit*, prope ut Lambinus, qui scribebat *Nec minimum ex agris maeroris partim conflavit*, ut nec minimum esset et valde, de quo usu Handius egit in Tursellini tomo III p. 615 n. 4. sed ego *maerorum partim* intellego, *partim maeroris* Latine dici non credo. alio modo idem Lambinus *maeros is*,

melius certe iis qui pueriliter peccantes fecerunt *maeror is*. sed hoc neque sententiae aptum est (quis enim maiorem partem agricolarum, cum aegrotare coepissent, in urbem confluisse credat?), et qui versum facere didicisset aut *ex agris is maeror* scripsisset aut potius *hic ex agris maeror*. denique septimo urbis conditae saeculo nemo, nisi fallor; dicere potuit *maeros*. dixit quidem Lucretius *colos et vapos*, item alii *honos odos labos lepos*, sed omnia post brevem syllabam praeter *arbos* femininum. contra *aegros* et *umos* in hoc libro Lucretii 1132 1187 nullos auctores habent. *clamos*, quod Quintilianus in 1, 4, 13 veteribus adscribit, Ennium dixisse non negabo illis versibus, *Tollitur in caelum clamos exortus utrimque, Clamos ad caelum volvendu' per aëra vagit*, in quibus *clamor* est apud Macrobius in Saturn. vi, 1 et apud Varronem de lingua Latina vii p. 381: sed in alio, qui est apud Festum p. 375, 8, eodem iure *Qui clamos* scribi potest et *Qui clamore oppugnantis, vagore volanti*.

1262. OMNIA CONDIEBANT LOCA TECTAQUE; QUO MAGIS AESTUS CONFERTOS ITA ACERVATIM MORS ACCUMULABAT. Corrector oblongi *condebant*: sed recte Lambinus *conplebant*. tum *quadratus co magis estus*. hic idem Lambinus *quo mage eos tum*: sed *mage* ultima vocali elisa non dicitur in versu hexametro, cum e contrario in Plauti ac Terentii fabulis non inveniatur nisi ante vocales scriptum. mihi non videtur dubium esse quin scribendum sit *ASTU Confertos*, ablativo casu: nam Priscianus p. 1012 *astu*, inquit, *nomen est indeclinabile quomodo cornu*, et in *asty* eodem casu scribitur apud Vitruvium in praefatione libri vii §. 17, item in viii, 3, 6.

1264. MULTA SITI PROSTRATA VIAM PER PROQUE VOLUTA CORPORA SILANOS AD AQUARUM STRATA TACEBANT. Impressi *iacebant*. in his *corpora siti prostrata strata iacere* dici valde probant exquisiti iudicii viri, Eichstadius, Orellius, Forbiger, cum Wakefieldus hic unus omnium ad rem manifestam oculos applicuisset. sed idem infeliciter temptavit *silanos ad aquarum structa iacebant*: hoc enim omnem modum superat. scribendum est *Multa siti PROTRACTA viam per proque voluta*, videlicet *siti protracta* ex aedibus. supra 605 erat *substructa* pro *subtracta*: in iv, 411 415 *quadratus substructa* et *structa* pro *substrata* et *strata*.

1270. PELLIS SUPER OSSIBUS UNA VICERIBUS TAE-
TRIS PROPE IAM SORDEQUE SEPULTA. *Vicaeribus* quadra-
tus, corrector oblongi *Visceribus*: ULCERIBUS Lambinus.
idem SORDIQUE. sed de pelle sordibus *prope iam* sepulta
nugae sunt, quasi consuetudinis sit mortuorum pelles humari.
quare prudenter Marullus scripsit *sepultis*; nisi quod oratio
aptiore vinculo iungetur, si scribemus PELLI *super ossibus*
una: nam in hac ablativi forma nulla offensio est, neque
dubito quin in Ciri 505 recte plerique scripserint *Crura nova*
macies obduxit squalida pelli. nihilo minus hic versus, *Corpo-*
ris inluvie, pelli super ossibus una, valde molestus est, cum
modo praecesserint *semanimo cum corpore membra Horrida*
paedore. itaque hunc versum a Lucretio non eo consilio scrip-
tum esse existimo, ut ceteris ita ut nunc leguntur constitutis
servaretur. similiter iudicavi supra de iis quae sunt in II, 522,
de versu libri III 1031, de 1230 et 1328 quinti, itemque de
huius libri 85 cum proximis. his convenit nota, de qua haec
scripta extant in libello de notis Probianis. *antisigma cum*
puncto ponebatur cum eiusdem sensus versus duplices essent
et dubitaretur qui potius legendi. sic et apud nostros.

1272. DELUBRA RELLEBAT. Corrector oblongi RE-
PLERAT.

1273. ONERATAQUE PASSIM CUNCTA CADAVERIBUS
CAELESTUM TEMPLA MANEBAT. *Quadratus manebit*. in hoc
vocabulo ea scheda codicis archetypi desinebat qua paginae
libri sexti XLVIII et XLIX continebantur, eaque erat paenultima
codicis; quo minus mirum est, siqua litterula hic librariis
nostris non satis clara fuit. iam totum sententiae ambitum
considera. omnia delubra mors corporibus *repleverat* et templa
deorum cuncta cadaveribus *gravata tenebat*; quae loca ae-
ditui hospitibus *complerant* vivis et salutem quaerentibus.
Thucydides *τά τε ἱερὰ ἐν οἷς ἐσκήνηντο νεκρῶν πλέα ἦν,*
αὐτοῦ ἐναποθνησκόντων. posui id verbum quod orationem
arte et eleganter conecteret, hoc est *TENEBAT*, eoque solo
poëta hic uti potuit. at Marullus Italos secutus nec satis
proprie scripsit *onerata templa manebant*, et eo modo ex
duobus membris tria fecit, quorum ultimum in eiusdem vocis
repetitione non satis ex arte ad primum respicit. *aedituentes*
pro aedituis in carmine suo Lucretium appellare Gellius ret-
tulit libro XII, 10.

1279. QUO PIUS HIC POPULUS. *Quo* quadratus, oblongus *Huc*. cum oblongo faciunt olim impressi: inde factum apud Antonium Marii *Ut*, emendatione prava. scilicet cum vetus codex hic sordibus obductus esset, primum legerunt *HUC*, postea, cum singulos apices accuratius tractassent, viderunt esse *quo*. tum quod oblongus habet *pius*, quadratus autem *prius* (olim impressi *pius*, Antonius Marii *prius*), dubitari non potest quin *r* aut supra scriptum fuerit aut subnotatum. Lucretii ingenium parum cognoverunt qui praepoptant *prius*.

1280. TREPIDABAT. Sic quadratus, oblongus et cum Italis olim impressi *repedabat*. de his repetendum est id quod modo de *Quo* et *Huc* dixi.

1280. ET UNUS QUISQUE SUUM PRO RE MAESTUS HUMABAT. Hic membranam in medio versu perforatam fuisse apparet. Marullus addidit *consortem* (Antonius Marii *suum consortem pro re*), *Avantius cognatum*, utrumque inepte. quid Lucretius dederit dici non potest: ad rem facit *CONPOSTUM*.

1282. MULTAQUE SUBITAFET PAUPERTAS HORRIDA SUASIT. Quadratus *subita fit*, oblongus *subita et*. horum librariorum neuter id quod scriptum erat recte videtur legisse: praeterea hiatum membranae indicare neglexerunt. poetam scripsisse puto *Multaque RES SUBITAE ET paupertas horrida suasit*. Marullus cum Italis sine sensu *vis subita et*, nec multo melius Wakefieldus *vi subita* vel *re subita*. nunc ex Orellii eclogis disco Pomponium Laetum scripsisse *res subita et*.

1285. SUBDEBANTQUE FAUCES. Ex oblongo *erasum que*. Antonius Marii et Brixienensis editio *FACES*.

CAP. I, 1. CAE APITRATON. Rectius scriptum infra II, 22 Graecis litteris. est inter *κυβλας δόξας* Epicuri prima, *τὸ μακάριον καὶ ἄφθαρτον οὔτε αὐτὸ πράγματα ἔχει οὔτε ἄλλῃ παρέχει, ὥστε οὔτε ὀργαῖς οὔτε χάρισι συνέχεται· ἐν ἀσθενεῖ γὰρ πᾶν τὸ τοιοῦτον*. nota haec erant Servio, qui quae scripsit ad Aeneidos VI, 134, ea repetita sunt in scholiis ad Statii Achilleidos III, 84.

9. DE VENTO. Haec, quae habent oblongus et Italici, in schedis esse Henrichsenius non annotavit. habet tamen interpositionem quadratus quoque.

Post 14. CORPUS ET INANE etc. Haec et oblongus et Italici habent, item schedae quasi versum poëtae exhibent: sed in quadrato iis recipiendis spatium relictum est nullum. in archetypo videntur ad marginem scripta fuisse: certe in calculo paginarum ineundo e versibus primis DCCLV unum praetermittendum esse dixi ad libri primi versum 734.

18. DE MOLLI NATURA etc. In schedis haec sunt ante versum 523.

23. TO GAR PEPIRASMENON ACROE. Sic oblongus. mirum vocabulum ἀκροῖ non Epicuri licentia peperit, sed spatii angustia. nam schedae habent paulo rectius ΠΕΡΕΡΑΣΜΕΝΟΝ αγρον, hae quoque omisso ECHI, quod addendum est. Diogenes in x, 41 ἀλλὰ μὴν καὶ τὸ πᾶν ἀπειρόν ἐστιν· τὸ γὰρ πεπερασμένον ἄκρον ἔχει, τὸ δὲ ἄκρον παρ' ἑτερόν τι θεωρεῖται.

II, 1. SARCOSEUS STATES CATASTEMA. Hoc est Epicuri illud σαρκὸς εὐσταθὲς κατὰστημα καὶ τὸ περὶ ταύτης πιστὸν ἔλπισμα, quod exagitat Cleomedes de meteoris II p. 107 et 112. vide ibi Bakium p. 428 et Madvicum ad Ciceronem de finibus II, 92.

13. Quadratus interstitionem facit non ante versum 400, sed ante 404, ibique schedae *de absentio*.

19. IN TERRA SEMINA INESSE. Sic oblongus. verus titulus periit, qui fuit huius modi, *Inter se similia infinita esse*.

32. EMULTOS SIMILIS. Titulus non suo loco positus. sed nihil reconditi subest: scribendum *ET multos similis*, idque Italici exhibent.

III, 16. INTERISSE ET QUAE NUNC EST NUNC ESSE CREATAM. Ita in oblongo versus 678 ab hoc loco alienus pro titulo iterum scriptus est rubrica, in olim impressis scripturae genere eodem quo ceteri versus poëtae. omiserunt eum quadratus et Antonius Marii, sed quadratus spatio vacuo relicto.

17. NON ESSE PARATAM. Immo PRIVATAM: sunt enim haec ex ipsis Lucretii verbis sumpta.

IV, 5. Libro quarto quinto sextoque in utroque Vossiano indices capitulorum praefixi sunt. horum ea quae intus inter versus neque in oblongo repetita sunt neque aut in quadrato aut in utroque spatiis relictis subindicata, sine numeris exhibui, qui neque certe dici possunt neque in paginarum ambitu definiendo respiciendi sunt. quae intus scripta sunt,

cum indicibus desint, uncis inclusi. de hoc autem titulo, qui est *Esse item maiora*, dixi ad iv, 126.

9. 10. Verum ordinem tenent indices, intus paginae commutatae sunt.

11. VIDERE NON POSSE. Ita oblongus intus. debet esse VIDERI.

v, 2. MUNDUM ET NATUM ET MORTALEM ESSE. Sic intus: indices *De mundo*.

17. CUM SIT MORTALIA. Immo SINT.

Post 22. DE LUNA. Sic indices. intus eo loco quo hic titulus ponendus erat, ante versum 575, librarii pro eo iterum inferserunt illum versum qui paulo ante recte scriptus erat, *Perveniunt nostros ad sensus et loca fulgent*, sed atramento scriptum, non rubrica ut iii, 16.

vi, 3. SEMINA IGNITA INESSE. Sic oblongus intus. indices *seminet* vel *eminet* *Ignes inesse*.

5. EX FULMINE. Oblongus intus *et fulmine*, a correctore *et fulminis*.

I N D E X.

- A** et ab *sequente* b 355, c 126, l 180
 340, m 340, n 112 340, r 340
 402, s 202 402. av 355.
- a finale productum in Graecis prima
mae decl. 405.
 abhinc 196.
abiete trisyllabum prima brevi 129,
eadem producta 130.
 aborisci 308.
 absorta 254.
ac ante vocalem 22 289.
 Academia 159.
accidere cum accusativo 242 302.
 accubuo 307.
 accumbere mensam 302.
accusativi propriorum Graecorum
primae decl. 313.
Achillē et Achilli sexto casu 49 50.
 Acragantinus, Agragantinus 48.
 actus 263.
 adactus 393.
 adaugmen 382.
 adauctus, adauctare 139.
 adsequē 304.
 adsimili ratione 70.
 adultum tempus 339.
 advorsum ead 104.
 ae *pro* e 339 384.
 aegret 147.
 aegror 415.
 Aeolia 48. Aeolis 280 281.
 aequanimo 118.
 aëriae aurae 167 186.
 aetheriae orae 167 186.
 aethra 127.
 Afranius 116 121 166 227.
 Agroëcius 396.
- aī in genetivis scriptum - a 19, non
in dat. 40.
 alcyon, Alcyone 165.
 albus, alba 310.
 ali, alii 249.
 alideusia 270.
 aliquae *pro* aliqua 249.
 alioqui 168.
 altarium 82.
 alte 303.
 ambustus pruinis 54.
 amma, anima 165.
 ammisu veniens 273.
- amus pro - avimus 291.
 anademata, mitrae 269.
 anas, anitum, anetinus 16.
 anguimanus *plur.* 107.
 anima, amma 165.
 animatus 78.

- animi ratio 95.
 antire 118.
 Antisthenae 50.
 Appuleius 300 304.
 aptus terram 342.
 Apulia, Apulides, *prima producta*
 37. *non* Apulicus 37. Apulus
 pro importuno 206.
 aqua 379.
 Arachne *pro* aranea 165.
 Arados 401.
 arbita 320.
 Arnobius 107 189 204 404.
 artibus, artubus 334.
 Asconius 314.
 astu 424.
asyndeton, proelia pugnas 80.
 at, credo, 282.
 -ât *pro* -avit 290.
 atque *traiectum* 173.
 atquin 168.
 Attius 90 149 162 167 218 244 346
 391 416.
 augura *pro* auguria 129.
 Aviani fabulae 25.
 aurea *disyllabum* 82 122. aurea pur-
 pura 102 122.
 Ausonius 114.
 aut *postpositum* 355.
 b *pro* v 87.
 balatro 195.
 blandiri 84.
 Boëthi *non disyllabum* 136.
 braccium, brachium 371.
 brattea 253.
 c *pro* ch 129 317, *pro* g 148, *pro*
 qu 220.
 Caecilius comicus 223.
 caeli fulmen 42.
 Caesar 128 136 242 355 375.
caesura legitima hexametri 134 255,
 inter vocales collisas 413.
 cancer 303.
 Caper grammaticus 357.
 capulus, *feretrum* 142.
 caput amnis 386. capud 165.
- Cæcillus, Catilus 36.
 Catullus 36 57 66 67 99 117 152
 178 187 192 196 197 241 245
 287 290 367 408 412.
 Q. Catulus 122.
 cavernae *in navibus* 108.
 caulae *templorum* 374.
 Cæcrops 417.
 Censorinus 29.
 centimanus, centimani 107.
 Charisius 15 36 112 117 146 265
 306 399.
 Cia, Coa 269.
 cfam 214. inciti 90. cita regio 241.
 Cicero orator 16 18 19 29 30 35 50
 66 71 74 78 81 86 90 92 94 98
 114 133 144 150 159 165 189
 204 220 227 231 272 280 281
 286 287 305 324 351 362 364
 379. Q. Cicero 63.
 Cilici *ablat.* 49.
 cinefactus 190. cinus cineris 190.
 Ciris 53 162 274 425.
 citare *io* bacchae 76.
 clamor 424.
 clarigare, clarigitare 321.
 Claudius Quadrigarius 242.
 Cleanthas 50.
 Clitori 49.
 cluet 216.
 Coa, Cia 269. Cōo 159.
 coaptare 135 248.
 coemisse *trisyllabum* 135. coemptio,
 comptus, comptionalis 135.
 coëpit 247.
 coiugatus 136.
 colescere 134 135.
 colleximus 350.
 Columella 236.
 com *pro* quom 71.
 comedus 139.
 con- et co- 136.
 conectere 136.
 conflictus 80.
 confragus 306.
 confultus 80.

- cōnicere 188. conieciant 128. coi-
cere 136.
coniti 136.
conlectus, coniectus 128 150 235.
conquaestor 412.
conquinare 135.
conscire causam 349.
conscribillent 36.
consentire 115.
Consentius 416.
consequē, consequius 304.
consistere 349.
consue facere 409. consuetus domi
265.
convalescere 91.
convalles, valles 241.
conubium 136, *trisyllabum* 193. co-
nubia *trisyllabum* 193. conubis
279. conubi 280.
conventus 137.
coperire 134 135 136.
coptare 135.
cor *pro* cur 172 398.
Cornelius Nepos 94.
corripere 285.
corruptus, corruptus 416.
cōturnix 37. cocturnix 251.
erisare 276.
Culex 136.
cumque 288.
cuppedo 278.
cura frigida 267.
curalium 119.
curare [ut] 362.
cycnus, cygnus 143.
-d *pro* -t 347, ad 320 331 418, ad-
que 381, quod 155, capud 165,
quead 281.
*dactylica vocabula in versu non po-
nuntur pro trochaeo* 116.
damnare 273.
damnas esto legatum 396.
dare colloquium 244, discessum 214.
decellere 88.
degere bellum, otia 264.
deiecerentur, dehiciam 128.
densere 294.
dērrare 20.
derectus 247.
deses 20.
desit 208.
despica 307.
dēsse 20.
desuescere 277.
desuper, de supero, de superno, de
supernis 375.
devinctus studio 264.
Dicaearchium *genet. plur.* 183.
Digesta Iustiniani 33 102 128 314
325.
Diomedes *declinatur Latine* 50.
Diomedes grammaticus 28 276 277.
diploidi *ablat.* 49.
Dirae 246 324.
dispessus, dispansus 201.
dispicere, despiciere 236 384.
dissicere 128 188.
dissoluit 151.
dissors 317.
dividus, dividiuus 306.
divum, dius *subst.* 226, dius *adiecti-
vum* 227, dius *adverbium* 227.
dominia *trisyllabum media brevi* 129.
domo, domui, *dat.* 341.
dona, donare 113.
Donatus 74 396.
donique 139 140 308.
Doriis 280 281.
duellicus *trisyllabum* 112.
dum modo 116.
e *et ex sequente c vel q* 296, l 97,
n 47 296, r 296 303, s 202 375,
t 411, *post* quibus 296. ducitur
ex elementis 410.
e *pro* ae 25.
-e *anceps in ablativis Graecorum* 49
50, *Ionicum in adiectivis genti-
libus* 407.
-ea *pro una syllaba* 122.
efferre laborem 26.
effieri 156 392.
-ei *pro i in plur. seo. decl.* 242 243,

- in *genetivis et dat.* 151 164 244
 417 423. *eidem* 24. - *eis in accusativis* 342.
 -*ēi in quinta declin.* 151.
iece 128.
elisio m *litterae* 131, *vocalis in vocalibus iambicis* 92 194 196 390, in *puris vocali paenultima longa* 158, *longae vocalis* 66 219, *longae in Graecis* 272 273, *longae sequente brevi syllaba* 71. *elisio in paenultima pentametri syllaba nulla* 66.
eminare 380.
enim adversativum 183.
Ennius 17 19 24 29 36 73 76 80 99 100 106 116 122 129 150 152 189 206 214 222 235 248 279 328 412 413 416 424.
Epēus 159.
epicuri 78.
ergo post quoniam vel cum 225.
erigere 346.
 -*erunt et -ere in perfectis* 41.
es omissa vocali 29 65 66 67 200.
est abundans 138. *est, licet, prodest* 297. *est omissum* 23 24 70 82 86 313 385 388. *est omissa vocali* 29 65 159 200 272. *vocitatus, situs* 65 122, *non in vocali longa* 122 412.
et pro etiam 58 152 154 302 348 389 397 422, *in comparatione* 378, *in fine hexametri* 102.
evalescere 91.
Euhan, Euhius, euhoe 309.
Euhenus 310.
Euphorionis cantores 165.
excursum spatium 210.
exemplarium 82.
exim 148.
exiri 210.
expletus 240.
extenta longe flumina 31.
externare 266.
extispicium genet. plur. 51.
fabricanda fulmina 369.
facere are, arefactus 191. *vace fit, consue facere* 409. *faciant disyllabum priore brevi, facias eadem longa* 129 130. *factum* 63.
facul 166.
fastigia 223.
fert fors alicui 201.
fertus 364.
fervēre 79.
Festus 152 235 280.
fetet, fetidus 271.
ficedula, ficetula, ficella 204 205.
flum 300.
finis femininum 43 139.
fio eliso o 160. *fit utque* 410.
flābrum, flābellum 394.
flēmus 291.
florescendis rebus 44.
fluvii, fluviae, genet. 326.
foede, non fede, 23.
forcipium genet. plur. 51.
freta anni 369.
frigida cura 267.
Fronto 40 101 264 352 405.
frudem 85.
fuat, non afuat defuat 180.
fucus 114.
fulgēre 310.
fulgor, fulgur 359.
furvus, fulvus 372.
g pro c 148.
Gabi 252.
Gellius 32 44 55 136 152 280 313 314 349 413.
genetivus, genetrix 15.
genialia 15.
quod genus 85 86 231.
Germanicus 25 38 193.
glōmus 36.
Glossaria 15 108.
Graeca Latine inflexa 272.
Graj, Grāi 152.
Grammatici Vindobonenses 15.
gravida nubes 365.
h. his 388. *Euhius* 309. *aud, aut* 156 178, *ora, ostis* 287, *aurire,*

- austra 295, aedit 411, orror 420, peribet, adibe 176.
 habendo 212.
 haedus 143.
 heiā 163.
 Heliconi *sexto casu* 49.
 Hermeracras 50.
hiatus in m littera 99 131, *in puris vocali paenultima producta* 159, *in vocabulis iambicis* 195 196 199 200, *longae vocalis ante brevem syllabam* 387.
 hic. huius *priore correpta* 27 160.
 haec *pro* hae 372.
 Hieronymus 62 63.
 hilarus 139.
 Hippocratae 50.
 Homerus Latinus 143 305.
 Horatius 17 37 66 76 77 82 102 121 123 143 161 168 197 199 204 206 213 219 227 238 266 288 297 324 326 327 338 358 381 408.
 horrende 236.
 Hyginus gromaticus 314.
i vocalis pro consonante 115 130 192 193, *i delitescens* 26 129, *j* 152 188.
 -i et -ii *in genitivis* 33 326 387. -i *pro* -ii *in plur.* 252.
 -i *in ablativis tertiae decl.* 104, *in Graecis* 49.
 -ia *pro una syllaba* 72 115.
 iambus *non disyllabum* 193. iambionicum carmen 276.
 ictus 243.
 idem. eidem *nominat.* 24, *dat. disyll.* 152. eadem, hodem 372.
 Idomeneus *genet.* 192.
 ii *pro i inter duas vocales* 41 371.
 illaec 267.
 illim 189.
 inbutus 117.
 incidere *cum accusativo* 242.
 incitus 90.
 incomitari, inconciliare, *non* incohibere 171.
 incultu, *non* incultum 40.
 incumbere *cum accusativo* 242.
 induta colores 117.
 inerrare 419.
 infande 236.
 infesta flammis 104. infesta pericla 349.
infinitivus indignantis 74, *pro substantivo* 229.
 ingenii lumina, ingeniosus poeta 18.
 inpendere *cum accusativo* 242 374. impensum 374.
 Inscriptiones 65 245.
 insessa flammis 104.
 insuescere 277.
 intactus 40.
 intellegisse 350.
 interapta 413.
 interim quidem 40.
interpolator carminis Lucr. 20 35 40 132 168 169 182 215 257 325 345 362.
 interutraque 104 155 314.
 introsum 144.
 invalescere, *non* invalere 91.
 invocatu 40.
 ire. iit 207, it 209, ivit 23. transiet 207.
 is. eius *priore correpta* 27 161, *monosyllabum* 26. ei *monosyllabum* 152, ej, eiei, iei, ii 152 245. eum *pro* id 232. id quoque 351. eae 372. ibus, is 262.
 -is *in accusativis tertiae decl.* 50, *in nominat.* 56, *pro* -iis *in dativis Latinis* 279.
 Isidorus 34 338 356 415.
 istaec 267.
 istim 189.
 iterare 243.
 iugerum 363.
 -ium *in genitivis, ut municipium*, 51.
 Iuvenalis 25 50 76 192 204 327 387.
 labea, labium *etc.* 273.
 Lactantius 21 176.
 lacus 266.

- laedere 324.
 Laërtius Diogenes 39 301 357.
 Lamia 272.
 lammina 205.
 langidus, langor 46.
 largiter auferre, discrepare 283.
 larua, larva 379.
 lavābrum, lābrum 393.
 lavatrina, latrina 393.
 Lavinia *trisyllabum* 115.
 leges componere 264.
 Leges. Cornelia de xx quaest. 374.
 xii tabularum 349. Iulia municipi-
 palis 135 286 339. Rubria 135
 340. Servilia 56 57 128. Thoria
 123 155 207. de Termesibus 24.
 s. c. de bacchanalibus 104 136
 207 230 245 396. sententia Mi-
 nuciorum 56 65.
 lemūres, lemūria 36.
 lidere 324.
 limare 143.
 linctus 407.
 Livius 40 321.
 ll *post longam vocalem* 204, *quando*
 fiat l simplex 32.
 loca 243.
 longe deerrare, *non longi* 47.
 luca bos 343.
 Lucanus 76 160 209 278 280.
 Lūceres 36.
 Lucilius 20 26 29 37 51 66 67 71
 72 73 79 81 82 86 99 106 113
 116 122 129 136 141 150 160
 165 170 181 188 193 194 201
 205 212 245 248 268 272 276
 296 300 302 329 355 362 392
 409 413 416.
 lucuna 205.
 luella 203.
 lychni 270.
 Lycomedem 50.
 m *finale facit longam syllabam* 130.
 Macrobius 15 75 217 253.
 mactabilis 395.
 Maeotis *non correpta prima* 38.
 mage *ante vocalem* 424.
 magne *adverbium* 236.
 Mamūrius 36.
 Māmurra 36.
 Manilius 27 50 109 114 161 167 236
 252 305 328 338 343 370 414.
 mansuescere 277 345.
 manticulari 107.
 manifesta 125.
 Martialis 56 66 67 99 122 143 244
 279 314.
 materia, materie 30.
 Maximus Victorinus 26 89.
 maxuma 125.
 me dius Fidius 227. me hercule,
 mercule 152. mei *pro mihi* 246.
 medella 204.
 membra domus 395.
 memorari, *meminisse* 80.
 -men *in nominibus cum praepositione*
 compositis 382.
 merdāceus 36.
 Messalla 204, Messalina 33.
 micare 380.
 miluus, milvus 379.
 minere 380.
 minuere 133.
 mitrae *et* anademata 269.
 modō 140.
 monerula 205.
 mora 372.
 movere, moveri 420.
 mulcere 300.
 multimodis, *non multimodus* 187.
 multisignis 96.
 municipium *pro* municipum 51.
 murra 102.
 musae Heracliti 46.
 mūto, mūtoniatus 36.
 nam *postpositum* 246 412.
 Naucratae 50. Naucrātē 49.
 navigium 325.
 nec, neque 187.
 necesse necessis 396, *necessus et*
 necessum 397.
 neglegerit 350.

- nequiquam 141.
 nescio *disyllabum* 115.
 ni *pro* ne 117.
 nihīl 27 28, nil nilo nihilo 27 28.
 nisei 91, nise 91.
 nitedula, nitella 204, nitelinus 33.
 nitella 204.
 noenu, noenum 149.
nominativus in comparatione respon-
dens obliquo 176.
 non videre! 74.
 Nonius 29 50 51 52 57 89 104 125
 139 140 149 152 190 197 232
 236 271 404.
 Novius 49.
 numen 111.
 Numeri servandi 329.
 nymphae, lymphae 419.
 o *pro* u 19.
 obicere 188. obiciemus 128.
 oblivius 306.
 obscurefacere 410.
 obsecuus, obsequē 304.
 offa, ofella 36.
 olla 204.
 omnia *disyllabum* 72.
 omnigēnus 118. omnigenus 292.
 oportet 52 258.
 opus 390.
 orae 223.
 oriundi *trisyllabum prima brevi* 129.
 Orphea *disyllabum, non* Orpheum
 193.
 -os *pro* -or 424.
 ostrea *disyllabum* 122.
 Ovidius 15 23 28 33 38 49 64 66
 82 122 123 163 167 170 183 192
 199 207 236 242 243 253 263
 274 278 282 290 308 326 357
 406 417. haliutica 379. epistu-
 larum pars quae ei falso ascribi-
 tur 28 50 67 199 273 406. Peda
 243.
 pacare silvas 338.
 Pacuvius 81 108 117 230 288 416.
idem Pacvius 306. ,
 Paeōnius 280.
 Pāladium 37.
 pallefactus 190.
parenthesis 169.
 pars. ex parte, a parte 259.
participalia cum in negativo monop-
tota 40.
participia passiva vocali brevi et
longa 54 55.
 partim 423.
 paullus, paulisper 33.
 Paulus diaconus 191.
 pedetemtim 296.
 pelli *ablat.* 425.
 percurrere *absolute* 366. percurrere
 per 367.
 perditur 121.
 perdius 227.
 perfica 139.
 perfigere 368.
 permanere aliquo 24.
 perpes 20.
 Persius 37 414.
 perstridere 368.
 pervadere fines, *non* finem 43.
 pervenire *absolute* 367.
 petere puellam 271. petīt 207, pe-
 tit 208, petivit 23.
 Petronius 362.
 Phaëthon, Phaethon 114.
 Phaedrus 143.
 pingue, *pinguitudo* 31.
 Piraeus, Piraeus 114.
 Plauti, Plautii 328.
 Plautus 16 27 64 74 80 91 98 106
 112 116 120 128 129 130 150
 151 159 161 184 188 189 195
 200 208 210 211 231 246 249
 250 261 262 265 279 286 290
 297 304 307 313 362 379 386
 387 389 406 412.
 Plinius 33 216 254 270 327.
 Plotius grammaticus 212.
 pluria 109.
 plusculum 247.
 Polla, Polio 33.

- Polynicē 50.
 Pompeius grammaticus 28.
 Pomponius comicus 197 262 362 392.
 Pomponius Mela 281.
 pondera 380.
 pontos, *mare* 294.
 Popilli pugna 329.
 Porsēna, Porsenna 37.
 post modo 116. postēa 104. pos 274 276. posquam 118.
 pote 313. potissit, poti' sint 314. poterint 238.
 praefica 139.
 praemium 135.
 praepes, praepitis 20.
 praerogare 135.
 praesse 135.
 praeterea quam 257.
 praevides, praes 393.
 precantia *trissyllabum* 115.
 preci 174.
 Priapea 36 197 199 327.
 principium *pro* principum 51.
 principio 127.
 Priscianus 148 191 210 284.
 pro quam 348.
 probeat, probet, *a prohibendo* 134 188.
 proclive, proclivei 98.
 procudere 229.
 produs 227.
 profluvius 306.
 projcere, proicere 188.
 proin, proinde 148.
 promitti 253.
 Propertius 56 66 102 161 181 225 226 252 253 271 279 326 327 367.
 proporro 82 288 331.
 prospica 307.
 prosum, prorsum 144.
 protrudere 229.
 proxuma 125.
 publicum mare 37.
 pulvis 59.
 punicus, Puniceus 128.
 purefacere 410.
 putare *cum accusativo* 353.
 Puteis regionibus 392.
 putescere, putrescere, putor 188.
 quaad, quoad 331.
 qua propter 35.
 quasei 91, quase 91. item quasi 98. quasi vero 405.
 quattuor *disyllabum* 193.
 -quē 34 75.
 quem ammodum 118.
 qui. cuius *monosyllabum* 26. si quae 400. animus, quam mentem vocamus 145. quod superest 225. quod *cum indicativo* 304. quod sin 168. quo citius? 226. quo magis, tam magis 109.
 quia nam 45.
 quid si enim 184.
 quin 44.
 Quintilianus 29 137 184 213 245 280 286.
 quisque. quam quoque magis, tanto quique magis 372. sua quaeque *etc.* 94.
 quisquis. quidquid 147 340. cuius-cuius 101, cuicui modi 27. quicquid *pro* quicque 286, *sic* quem-quem quoquo quaque 286 287.
 quod *pro* quot 155.
 quom 58 71.
 quó modò 116 118.
 rapidus 253 317.
 reboare 240.
 reccidere 303.
 redhalat 377.
 reducere 303.
 regio viae, regio recta 88.
 relicuus 305.
 rellatus 303.
 relligio, relliquiae 281.
 reloquus 306.
 rememorari 80.
 reperire, repperire 210.
 repetentia 186.

- reses, resedes 20.
 respondere 224.
 restringere 333.
 retinentia 186.
 revalescere 91.
 Rhea 405.
 Rhoecus *Samius* 136.
 rimare 143.
 robor, robur 140.
 rŭdere 37.
 russus, rusus 217.
 rusum, rursum 144.
 rŭta caesa 36.
 rutundus 96.
 s *impuro praemissa* i in hi his e 231.
 eadem ante s impurum omissa
 232. s in *fine vocabuli omisum*
 28 29 316, *non recte* 100. ss 367.
 -os *pro* -or 424.
 Sabellus, in *proverbio*, *simplex* 206.
 Sacerdos grammaticus 28 248.
 sanguis 59.
 scaena 217.
 scapium, scaphium 411.
 Scaptensula 395.
 Scholiasta Iuvenalis 124 350, Lu-
 cani 82, Statii 242, Vergilii Ve-
 ronensis 108 403.
 scilicet, scire licet 120.
 Scipiadas 206.
 secus 155.
 Seneca 115 130 148 160 188 193
 194 196 279.
 senescendorum hominum 44.
 seorsum, sorsum 134 135.
 Serenus Samonicus 17 119 164.
 Servius 16 47 87 202 222 234 341
 347 399.
 setius 366.
 Sextus empiricus 186.
 si credis, si intellegi potest, *irri-*
 dentis 69. mirum est si *cum in-*
 dicativo 374.
 sic ut, sicut 105, sic uti 106.
 Silius Italicus 22 196 207 250 294
 375 383 414.
 singillariter 413.
 smyrna, smurna 102.
 Socratae 50.
 solacium 348. solacia somni, *non*
 somno 346.
 speculo videre 219.
 spuma 394.
 stare *cum participio passivo* 85.
 statio. in statione 360.
 Statius 115 130 142 159 160 280.
 ste sta stic *etc. pro iste etc.* 197
 232.
 stelio 33.
 stilla, stilicidium 33. stillata 376.
 strĭges 36.
 suapte 391.
 suaviloquus 105.
 subare 274.
 subdiale, subdival 227.
 subditat 381.
 subiungere equos currui 343.
 subsicivum 16.
substantiva binorum ternorumve ge-
 nerum 392.
 suescere 410.
 Suetonius 15.
 suffimen 383.
 suffiunt 214.
 sufflamen 382.
 suffundere 144 155 294.
 Sulpicia Caleni 193 208.
 summittere poplites 263.
 super, *insuper* 375.
 suppus, suppare 149.
 suremi, sumpsi 135.
 sursum 377.
 suus. sua quaeque, sui quique, suo
 quoque, sui cuiusque, suo utro-
 que 94 95 214.
syllaba finalis brevis extra caesuram
 producta 17, in *caesura* 75 76 77
 208.
synizetis et crasis 114 115 134 135.
 aurea 122. oriundi liberius puer
 129. alveum 193, *non igneus*
 192. condiat 192. fuit 193.

- t *pro* -d. quit alint 53, alit 286, at 352.
 tabe, tabi 173 174.
 Tacitus 274 386.
 tale' *pro* talis 29.
 tam. quo magis, tam magis 109.
 tamen 173.
 tendere oculos 21.
 tenet imber 376.
 tenvia *disyllabum* 115, tenvior *disyllabum* 192.
 Terentianus Maurus 37 50 152 280 384.
 Terentius 64 74 81 116 129 136 140 151 160 161 162 189 208 210 250 252 265 297 328 389 397 412.
 teres, teris, teritis 20.
 terrae Aegypti et Italiae 48.
 thalassina vestis, thalassicus color 270.
 Thraca, Thrace, Thracia 278.
 Tibullus 75 159 207 246 267. Lygdamus 53 246.
 tintinant, tintinnabulum, tñire 37.
 Titinius 262 277 379.
 Tomitis hiems 38.
 torres, calor 192.
 tortae convalles 241. torte 219.
 totmoda 187.
 trahere, trahi 420.
 traicere *pro* traicere 128.
 transviare 368.
 tremibundus, tremebundus 23.
 trepidus 253.
 tripodi sexto casu 49.
 tuditantia 166.
 tunc ante consonantem 25. cum — tunc 25.
 tutimet, tutin 261. tete 261.
 u *pro* o 19, *pro* b 30 231 355. heu-
 vantes, Euvodia 309. maxuma,
 manifesta 125. u *vocalis pro con-*
sonante 130 193 379. ue *pro una*
syllaba 129, item uiu 26 27, uor
 198, uí 130, uō 130.
 vaccillare, vacillare 37.
 vace fieri 190 191 409.
 vagari, vagare 178.
 vale facere 190.
 Valerius Flaccus 54 297 302.
 vallere, valle facere, vallare 191.
 valles, convalles 241.
 vappones 165.
 Varro 186 218 270, in saturis 14 29
 56 85 96 122 141 178 192 196
 227 276 306 327, de lingua La-
 tina 24 29 44 50 56 91 95 96
 102 111 123 143 156 176 184
 218 223 226 227 280 300 306
 311 314 324 328 331 343 390
 391 404, rerum rusticarum libris
 94 95 118 121 188 253 316 331
 352.
 vas, vaso 363.
 Vaticanus 37.
 ubique 251.
 vehemens, vemens 133.
 Velius Longus 20 146 334.
 velle puellam 271.
 Velleius Paternulus 280.
 venditur 121.
 venenum 99, veneno est 52.
 vensica 357.
 verbum. sub verbo 256.
 Vergilius 50 56 72 75 76 87 94 100
 115 160 165 167 189 196 209
 236 242 252 272 278 279 280
 292 326 328 367.
 Verrius Flaccus 44.
 versus hypermetri et conexi 81 82,
 spondiazontes 59 110 150.
 vervella 204.
 videlicet, videre licet 120.
 viētus 37.
 virgines, non virgnes 412.
 virus, viro 124, viri 395.
 -uis genet. quartae decl. 141.
 viscera 323.
 Vitruvius 49 84 95 139 297 375.
 Ulixē 50.
 umidulus 248.

undans 48.	utīn 250.
unorsum, unose, oinvorsei 230.	utique 250.
voluntas fidei commissorum 265.	utraque 104 376.
ūt 197. ut <i>de tempore</i> 363, <i>pro ut</i>	-uus et -us in <i>adjectivis brachysylla-</i>
si 422.	<i>bis cum praepositione compositis</i>
uter 313 314, nec uter 314.	305.

100

100

1

2



1. The first part of the document is a list of names and titles.

2. The second part of the document is a list of names and titles.

3. The third part of the document is a list of names and titles.

4. The fourth part of the document is a list of names and titles.

MAR 21 1950



